

9(91.57)

U-17

Ն. Ն. ՄԱԿԱՄՈՒՐՈՎ

ՔՈՒՐԴ
ԺՈՂՈՎՈՒՐՈՒՄ

Ն. Խ. ՄԱԽՄՈՒԴՈՎ

9 (91.57)

Մ-17

ԹՈՒՐԳ Ժողովուրդը

65

Համառոտ
պատմական
ակնարկ

ՀԱՅԱՍՏԱՆԻ ՊԵՏԱԿԱՆ ՀՐԱՏԱՐԱԿԶՈՒԹՅՈՒՆ
ԵՐԵՎԱՆ

1959



Քուրդ հեղինակ Նադո Մախմուդովը իր այս գրքում բավառաբար հրապարակված և չհրապարակված նյութերի հիման վրա համառոտ գծերով շարադրել է քուրդ ժողովրդի պատմությունը սկսած նրա ծագման շրջանից մինչև մեր օրերը:

Նա վերջում առանձին գլուխ է հատկացրել Սովետական Միությունում ապրող քրդերին:

НАДОЕ ХДО МАХМУДОВ

КУРДСКИЙ НАРОД

(На армянском языке)

Армянское государственное издательство
(Айпетрат), Ереван, 1959

ՀԵՂԻՆԱԿԻ ԿՈՂՄԻՑ

Ներկա աշխատությունը առաջին փորձն է, որով մենք համառոտ կերպով տալիս ենք քուրդ ժողովրդի պատմությունը սկսած հնագույն ժամանակներից մինչև մեր օրերը:

Քուրդ ժողովուրդը ունի հարուստ, տակավին քիչ ուսումնասիրված պատմություն: Այդ ժողովուրդը իր պատմությունը կերտել է դեռ հնագույն ժամանակներից՝ Առաջավոր Ասիայում, գլխավորապես Ջագրոսի և Միջագետքի շրջաններում:

Քրդերը վճռական դեր են խաղացել Մերձավոր ու Միջին Արևելքի քաղաքական, տնտեսական և կուլտուրական կյանքում: Դարերի ընթացքում Մերձավոր ու Միջին Արևելքում մեկը մյուսին փոխարինել են հասարակական ու տնտեսական մի շարք ֆորմացիաներ, սակայն արտադրողական ուժերի և արտադրական հարաբերությունների պարզացման ցածր աստիճանի և արևելյան դեպարտիզմի ու գաղութարարների ճնշման հետևանքով քուրդ ժողովուրդը մնացել է ֆեոդալական-նահապետական հարաբերությունների պարզացման աստիճանի վրա և միայն 20-րդ դարի սկզբից սկսել է թևակոխել կապիտալիզմի պարզացման շրջանը:

Սույն աշխատանքը գրելիս մենք հանդիպել ենք մեծ դժվարությունների, որովհետև այն նյութերը, որոնցից օգտվել ենք, մեծ մասամբ չեն խոսել տվյալ ժողովրդի լեզվով, մինչդեռ ժողովրդի պատմության լավագույն վկայությունը— լեզուն և գիրն է: Այս տեսակետից մեր ձեռքի տակ եղած նյութերը տարբեր են եղել թե՛ որակի և թե՛ ծագման տեսակետից: Նրանք բաղված են քրդական և օտար աղբյուրներից, ի դեպ ազգայինը շատ քիչ է, եղածներն էլ, չնայած պատմական մեծ արժեք ունեն, վերաբերում են քրդական առանձին ֆեոդալական հարստությունների պատմությանը (Շերեֆ-էդդին, Հյուսեյին Հուլանի Մուքրանի, Ռաֆիկ Խելմի, Ամին-Ջաքի և այլն): Օգտագործված է նաև քուրդ

ժողովրդի հարուստ բանահյուսությունը: Օտար աղբյուրներն էլ իրարամերժ լինելուց զատ, մեծ մասամբ մակերեսային, էթնոգրաֆիկ բնույթ են կրում:

Անհրաժեշտ էր առաջին հերթին ընդհանուր հայտարարի բերել այդ բազմատարր, մեկը մյուսին հակասող, հրապարակված և չհրապարակված աղբյուրների տվյալները, նրանցից վերցնել գիտականը, դրականը, օբյեկտիվը, խուսափելով ծայրահեղություններից, դեռ շարտելով բուրժուական պատմագիտության հակագիտական մեկնաբանությունները: Ահա այդ կարգի դժվարություններից ելնելով մենք որոշեցինք սույն աշխատությունը գրել ականարկի ձևով, համոզված լինելով, որ սովետական ընթերցասեր հասարակությունը մեծ հետաքրքրությամբ կժամոթանա հերոսական քուրդ ժողովրդի պատմական անցյալի և ներկայի հետ:

Անհրաժեշտ ենք համարում շնորհակալություն հայտնել սովետահայ այն պատմաբաններին և քուրդ ընկերներին, որոնք օգնեցին մեզ իրենց խորհուրդներով:

Գ Լ Ո Ի Խ Ս Ս Ռ Ս Ջ Ի Ն

ՔՐԳՆԵՐԻ ԷԹՆԻԿՍՎԱՆ ԾԱԳՈՒՄԸ

Քրդերը պատկանում են Արևելքի այն ժողովուրդների թվին, որոնք հանդես են եկել հնագույն Արևելքում: Քուրդ ժողովուրդը, որպես պատմական հին ժողովուրդ, Արևելքի ժողովուրդների նյութական և հոգևոր կուլտուրայի գանձարանում իր որոշակի ավանդն է մուծել:

Քրդերին ժամանակակից շատ ժողովուրդներ պատմության ասպարեզից անհետացել կամ ձուլվել են այլ ժողովուրդների հետ, մինչդեռ քրդերը շունենալով իրենց ազգային միասնական պետությունը, անցնելով դարերի արհավիրքներով, համառ պայքար մղելով արտաքին բազում նվաճողների ու ներքին կեղեքողների դեմ, պահպանել են իրենց գոյությունը, ինքնատիպ լեզուն, կուլտուրան և ազգային լավագույն սովորությունները, մինչև մեր օրերը:

Պատմական աղբյուրների ուսումնասիրությունը մեզ բերում է այն եզրակացություն, որ քրդերը հանդիսանում են իրենց ներկայիս տերիտորիայի բնիկները: Նրանց նախնիները մեր թվարկությունից մի քանի հազարամյակ առաջ բնակություն են հաստատել Ուրմիտ լճից հարավ՝ Կենտրոնական Զազրոսում:

Ներկայիս Քրդստանի տերիտորիայում ապրելիս են եղել մի շարք ցեղեր, որոնք իրենց ազգագրական հատկանիշներով նման են ներկայիս քրդերին: Այդ ցեղախմբերի մեծ մասը վարել են քոչվորական և կիսաքոչվորական կյանք՝ նրանց

Հիմնական զբաղմունքն է եղել անասնապահությունը և երկ-
րագործությունը:

1950 թ. Բրեյվուդի կողմից բրդական լեռնաշխարհի սա-
րահարթներից մեկում, Կալա-չարմո կոչված վայրում, կատա-
րած պեղումների տվյալներով մոտավորապես հինգերորդ
հազարամյակում (մ. թ. ա.) Քրդստանի այդ վայրում բնակ-
վում էին քոչվոր անասնապահներ, որոնք միաժամանակ
զբաղվում էին երկրագործությամբ:

Հայտնաբերված ցորենի և դարու հատիկները, երկանքները
և մանգաղների կոթերը ապացուցում են, որ տեղի լեռնաբնակ-
ները զբաղվելիս են եղել երկրագործությամբ: Սրանց հետ
միասին հայտնաբերված են նաև ընտանի կենդանիների կը-
մախքներ, որոնք հաստատում են տեղի բնակչության զբաղ-
մունքի անասնապահական բնույթը:

Վերոհիշյալ ցեղերը բնակվում էին կավաշեն տներում՝
եղեգնե առաստաղով և հողե հատակով: Գտնված քարե գործիք-
ները ծառայել են որպես կացիներ և ուրաքներ: Հերձաքարե-
րից պատրաստված դանակաձև թիթեղները ծառայում էին
որպես դանակներ, նետերի ու տեղերի ծայրակալներ: Կավե
ամանները դանակ են հողի վերին շերտերում: Սա ապացու-
ցում է, որ այդ արհեստով զբաղվել են ավելի ուշ ժամանակ-
ներում¹: Կավից պատրաստված կանաչի արձանները և կեն-
դանիների պատկերաձևերը ապացուցում են տվյալ էպոխա-
յում արվեստի առկայությունը:

Արդեն երրորդ հազարամյակում, մեր թվարկությանից
առաջ, ինչպես վկայում են պատմական տվյալները, ներկա-
յիս Քրդստանի տերիտորիայում ապրում էին լուլլուբիտներ,
բուլիներ (դուսի), քյասատներ և ավելի ուշ՝ եկվոր խուրխու-
ներ: Սրանց մասին պատմագիտությունը տեղեկություններ է
բաղում երրորդ հազարամյակի 3-րդ քառորդի շումերական,
ակկադական և խուրխուական հուշարձաններից և այդ լեզու-
ներով գրված արձանագրություններից:

¹ Чайльд Гордон, Древнейший Восток в свете новых рас-
копок, Москва, 1956 г., стр. 166—167.

Ներկայիս Իրաքի Քրդստանի Քիրքուկի (հնագույն Նուզի)
շրջանում 1896—1925 թթ. կատարված հնագիտական պեղում-
ները ապացուցում են, որ ներկայիս Քրդստանի տերիտորիա-
յում երկրորդ հազարամյակում, մեր թվարկությանից առաջ,
բնակվում էին լուլլուբիտների, բուլիների և խուրխուական
ցեղեր¹:

Ինչպես ցույց են տալիս դրավոր աղբյուրները, խուրխու-
ական ցեղերը II հազարամյակում բնակվում էին ո՛չ միայն
Նուզիի և Քրդստանի շրջաններում, այլ նաև Միջագետքում,
Սիրիայում և ողջ հայկական լեռնաշխարհում:

Սակայն Մելիքիշվիլին նշում է, որ խուրխուական տարրի
առկայությունը Քիրքուկի շրջանում, ամենևին չի նշանակում,
որ այդ ժամանակաշրջանում, Ջագրոսի այդ լեռնային մասում
համատարած կերպով բնակվում էին խուրխուական ցեղեր²:
Քիրքուկի մոտերքում հայտնաբերված հնագիտական ար-
խիվը ցույց է տալիս, որ եկվոր խուրխուների հետ ապրում
էին նաև լուլլուբիտական ցեղեր, որոնք հանդիսանում էին
այդ տերիտորիայի հիմնական բնակիչները:

Քուրդ ժողովրդի ծագման և կազմավորման մասին ճիշտ
եզրակացություն հանգելու համար, անհրաժեշտ ենք համա-
րում համառոտակի կանգ առնել Կենտրոնական Ջագրոսում
հնագույն ժամանակներում բնակվող ժողովուրդների սոցիալ-
տնտեսական կառուցվածքի և էթնոսի վրա՝ առանձին-
առանձին:

Լուլլուբիտներ. Հստ ասորա-բաբելական աղբյուրների ար-
գեն III հազարամյակում, մեր թվարկությանից առաջ, լուլ-
լուբիտներն ապրում էին էլամից հյուսիս, տարածվելով Ուր-
միո լճի ուղղությամբ, այսինքն ներկայիս Քրդստանի տերի-
տորիայում:

Գիտնականների կարծիքով լուլլու տերմինը նշանակում է
լեռնականներ. ուրարտական լեզվով այդ նշանակում է օտա-
բակահայտ, թշնամի. ակկադական աղբյուրներում նրանց հան-

¹ Г. А. Меликишвили, Наир — Урарту, 1954 г., стр. 96.

² Там же.

դիպում ենք լույլուբի կամ լուլլումի անվան տակ, ավելի ուշ, ասորա-բաբելական աղբյուրներում տվյալ անվանումը արձանագրված է առանց «բի» կամ նրա հնչյունաբանական «մի» տարբերակի, որը իր հերթին հանդիսանում է էլամական «մի» հոգնակի ածանցը¹:

Սա ապացուցում է, առաջին, որ լուլլուբիտները էթնիկորեն չէին պատկանում խուրիտա-ուրարտական ցեղերին և ավելի շուտ ազգակից են եղել էլամցիներին² և երկրորդ, որ «լուլլուբի» անունը, որով շատ հաճախ հիշատակվում են այս ցեղերը, անկասկած, տեղական է, հենց իրենց՝ լուլլուբիտներին պատկանող:

Լուլլուբիտների մասին առաջին անգամ հիշում է Նարամ-սինի արձանագրությունը, գրված XXIII դարում, մեր թվարկությունից առաջ, նրա թողած հուշարձանի վրա: Այս պատմական հուշարձանը, որը գտնվել է Սուզում կատարված հնագիտական պեղումների ժամանակ, վկայում է ակկադական թագավորի հաղթանակը լուլլուբիտների և Զագրոսի սիստեմի մյուս ցեղերի նկատմամբ: Պարծենալով իր տարած հաղթանակով, Նարամսինը միաժամանակ նշում է ոմն Satuni, որը պետք է ենթադրել, կանգնած է եղել լուլլուբիտների միացյալ ուժերի գլուխը³:

Այդ շրջանում նկատվում էր լուլլուբիտական ցեղերի միացման ձգտում, որը պետք է ենթադրել կատարվել է արտաքին արշավանքներից, մասնավորապես ակկադցիներից պաշտպանվելու համար: Շուտով մենք հանդիպում ենք լուլլուբիտական թագավոր Անուբանինին, որը Զոհարի շրջանում, Բաղդադից դեպի Համարան տանող ճանապարհի վրա, Զագրոսի լեռներում՝ Սարպուլի մոտ, ժայռի վրա փորագրել է խորաբանդակ իր մակագրությունը: Ակկադական մակագրությունը և զեղարվեստական ոճը, այս հուշարձանը վերագրում են

Նարամսինի ժամանակաշրջանին¹: Այդ հուշարձանում հիշատակվում է «լերին ծով», որը պետք է ենթադրել Ուրմիո լիճն է, և «ներքին ծով» — Պարսից ծոցը: Ըստ երևույթին լուլլուբիտների նվաճումները այդ շրջանում տարածվում էին Ուրմիո լիճից մինչև Պարսից ծոցը:

Նշված հուշարձանը արժեքավոր է նրանով, որ տալիս է պատմական տեղեկություններ լուլլուբիտների մասին: Նրանից իմանում ենք նաև այն, որ լուլլուբիտները երկրպագում էին բաբելական աստվածներին, ինքը՝ թագավորը (Անուբանինի) ներկայացված է ակկադական հագուստով, ինը գերիններից ութը ունեն շումեր—ակկադական գլխարկներ, իսկ մեկի գլխարկը հատուկ է արևելյան Միդիային:

Վերջին տեղեկությունները լուլլուբիտների մասին վերաբերում են III հազարամյակին, մեր թվարկությունից առաջ, որից իմանում ենք Ուրի երրորդ դինաստիայի հայտնի թագավոր Շուլգին (2100—2042 թթ. մ. թ. ա.) կատարում է ինը արշավանք լուլլուբիտների դեմ: Իր կարճատև թագավորության ժամանակ նա կարողանում է վերականգնել Ակկադի նախկին հզորությունը:

Երկրորդ հազարամյակում (մ. թ. ա.) տեղեկությունները լուլլուբիտների մասին բավական սակավ են: Քիրքուկից ոչ հեռու կատարված պեղումները ցույց են տալիս, որ այդ շրջանում լուլլուբիտները և խուրիտական ցեղերը սերտ հարաբերությունների մեջ են եղել միմյանց հետ. և դա նպաստել է նրանց կուլտուրայի ու լեզվի փոխազդեցությանը:

Ասորա-բաբելական աղբյուրները ցույց են տալիս, որ երկրորդ հազարամյակի վերջին դարերին (մ. թ. ա.) նկատվում է լուլլուբիտական ցեղերի նոր, ուժեղ միավորում: Այս բանը հաստատվում է վերջին դարերի ասորական թագավորների արձանագրություններով: Այդ շրջանի բարելակյալ թագավորը իր արձանագրություններում պարծենում է, որ նա ուժեղ պարտության է մատնել հզոր լուլլուբիտներին:

Առաջին հազարամյակում (մ. թ. ա.) ասորական թագա-

¹ Г. А. Меликишвили, Наирн — Урарту, 1954 г., стр. 124.

² И. М. Дьяконов, История Мидии, 1956 г., стр. 101.

³ Г. А. Меликишвили, Наирн — Урарту, стр. 128.

¹ В. И. Авдиев, История древнего востока, 1948 г., стр. 444.

վորներ՝ Սալմանասար III (859—824) և Շամշի Ազադ V (823—810) ձգտում են նվաճել լուլլուբիտների երկրի հյուսիսային շրջանները, որոնք տարածված էին ընդհուպ մինչև Ուրմիո լիճը ու արեմուտքում շփվում էին ուրարտական ցեղերի հետ:

Հետագայում IX—VII դարերում (մ. թ. ա.) առաջին անգամ ապագա միդիական (Մարերի) պետության տեղիտորիսի վրա, մասնավորապես Կենտրոնական Զազրոսի նախալեռներում, կազմավորվում են փոքր պետություններ, որոնց էթնիկական բնակիչները հանդիսանում են լուլլուբիտների և քուժիների ցեղերը:

Քուրիներ. Նրանք ապրում էին էլամից հյուսիս, Կենտրոնական Զազրոսում, ժամանակակից Քրդստանում, որտեղ ներկայումս էլ ապրում է քրդական քուժի ցեղը:

Քուժիների, ինչպես նաև նրանց հարևան լուլլուբիտների և քասսիտների էթնիկական պատկանելության ուսումնասիրության ազդյուր հանդիսանում են անսամաստիկ նյութերը, որոնց հիման վրա գիտական գրականության մեջ այն կարծիքն է հայտնվում, որ լեռնային Զազրոսում ապրող հիշյալ ցեղերի լեզուները ազգակից են¹:

Քուժիներն առաջին անգամ պատմության մեջ ասպարեզ են գալիս XXIII դարում (մ. թ. ա.) ակկադական թագավոր Նարամսինի տիրապետության ժամանակ, որի ձեռքում էր գտնվում ողջ Միջագետքը, ընդհուպ մինչև Զազրոսի նախալեռները, հայկական և փոքրասիական Տավրոսը: Նրա ազդեցությանը ենթակա էր նաև էլամը:

Ինչպես ենթադրում է դանիական գիտնական Յակոբսոնը, քուժիների առաջնորդ էրիզավազիրը կարողանում է ժամանակավորապես գրավել հարավային Միջագետքի հիմնական կենտրոնները: Իսկ Նարամսինի որդու՝ Շարկալիշարիի թագավորության ժամանակ քուժիներին հաջողվում է Միջագետ-

քում վերջնականապես հաստատել իրենց գերիշխանությունը¹:

Այդ էպոխայի շումերական և սեմիտական արձանագրություններում պերճախոս կերպով նկարագրվում են այն բոլոր ազետների մասին, որոնք հասցրել են նվաճված երկրին Կենտրոնական Զազրոսի ցեղերը, օրինակ, քուժիների անհաշտ թշնամի, Ուրուկ քաղաքի թագավոր Ուտուխեդալը փր արձանագրությունում քուժիներին անվանում է «լեռների խայթող օձեր, բռնակալներ աստվածների (դեմ), որոնք Շումերի վեհությունը տարել են լեռները, Շումերը լցրել թշնամանքով, խլել են՝ ամուսինը ամուսնուց, երեխան ծնողից, առաջացրել են երկրում թշնամանք և բռնություն»²:

Մյուս արձանագրություններում տրված է քաղաքացիների անվանացուցակը, որոնց գոտորերը ողբում են քուժիների դաժանություններից «Անգամ կրոնական երգերում նկարագրված է քուժիների դաժանությունները:

Երկիրը թշնամիների ձեռքում:

Աստվածները գերի են տարված:

Բնակչությունը ծանրաբեռնված է հարկերով և պարտավորություններով, ջրանցքները և առուները բարձիթող են արված»³:

Պատահական չեն հետևյալ խոսքերը, որ «քուժիները երկրում տարածեցին թշնամանք և բռնություն»: Միջագետքում ստրկատիրական պետության ուժեղանալու հետ միասին, ուժեղանում է նաև լայն մասսաների ճնշումն ու շահագործումը, դրա համար հավանական է, որ ակկադական պետության ճնշված մասսաները, կարող էին օգտվել քուժիների արշավանքից, որպեսզի փորձեն ազատվել նրանց լծից:

Այսպիսով, իրենց արշավանքների առաջին էտապում, քուժիները հանդես էին գալիս որպես ազատարարներ⁴:

¹ И. М. Дьяконов, История Мидии, Баку, 1956 г., стр. 105.

² Там же, стр. 110—111.

³ В. И. Авдиев, История древнего востока, 1948 г., стр. 63.

⁴ И. М. Дьяконов, История Мидии, 1956 г., стр. 101.

Քուժիկները չկարողանալով իրենց վրա վերցնել բավական զարգացած պետություն վարչական ֆունկցիաները, ստիպված էին բավարարվել մեծ տուրք վերցնելով՝ պետության ղեկավարությունը թողնելով տեղի ստրկատիրական ավագանու խոշոր ներկայացուցիչներին:

125-ամյա տիրապետությունը Ակկազում թողնում է իր հետքը քուժիկների պատմության վրա: Կուլտուրապես հետամնաց քուժիկական ցեղերը որոշ շահով ձուլվում են Ակկազի և Շումերի կուլտուրապես զարգացած ցեղերի հետ: Քուժիկների թագավորներն իրենց արձանագրությունները սկսեցին գրել ակկադական լեզվով: Հայտնի է, որ քուժիկների առաջնորդ էներիզավազիբը հաղթելով ակկադական թագավոր Նարամսինին իր թողած հուշարձանում իրեն անվանում է «աշխարհի չորս կողմերի և քուժիկների թագավոր»:

Մեզ հասել են արվեստի մի շարք հուշարձաններ, որոնք վերաբերում են Միջագետքում քուժիկների տիրապետության շրջանին: Սրանց մեջ կարևոր տեղ է գրավում Համադանի մոտ գտնված մարդու բրոնզյա դուխը: Գիտնականներից ոմանք ենթադրում են, որ դա քուժիկական թագավորներից մեկնու-մեկի պլաստիկն է: Այն պատկերում է մորուքավոր մի մարդու, որի արտաքին տեսքը նմանվում է Զագրոսի լեռներում տարածված քրդերի մարդաբանական տիպին: Գլխին ունի տյուրբա, փոքր-ինչ նման էլամցիների տյուրբանին, ծանր կոպերի տակից երևում են նշաձև աչքերը: Նա ունի ուժեղ արտահայտված քթարմատ¹:

Անկասկած, ազգագրական տեսակետից քուժիկներին դժվար է համեմատել ժամանակակից քրդերի հետ, քանի որ IV—V հազարամյակների ընթացքում վերջինս ենթարկվել է բազմաթիվ փոփոխությունների, սակայն մարդաբանական տեսակետից քուժիկները կարող էին աննշան փոփոխության ենթարկվել, այլ ցեղերի հետ խառնվել չէին:

Եվ իրոք, պետք է համաձայնվել Դյակոնովի հետ, երբ նա համեմատում է Զագրոսի լեռներում տարածված քուժիկների

մարդաբանական տիպը, ներկայումս նույն տերիտորիայի վրա ապրող քրդերի մարդաբանական տիպի հետ:

Հետագայում քուժիկները թուլանում են և կորցնում իրենց ազդեցությունը շրջակա ցեղերի վրա:

Մինչև միդիական թագավորության ստեղծումը, այն տերիտորիայում, որտեղ ապրում էին լուլլուբիտները, քուժիկները և այլ ցեղեր (մ. թ. ա. IX դարում) ստեղծվում է Մաննայի թագավորությունը:

Ինչպես լուլլուբիտները, այնպես էլ քուժիկները ապրում էին Մաննայի թագավորության տերիտորիայում:

ՄԻԴԻԱԿԱՆ ՅԵՂԱՅԻՆ ՄԻՈՒԹՅԱՆ ԾԱԳՈՒՄԸ

Դեռ առաջին հազարամյակի սկզբում (մ. թ. ա.) քուժի-լուլլուբիտական ցեղերին հարևան հարավ-արևելյան շրջաններում կազմավորվում է միդիական ցեղային միությունը (XIX դար մ. թ. ա.): Ըստ Հերոդոտի միդիական ցեղային միությունը բաղկացած էր 6 ցեղերից՝ բուսեր, պարետակեններ, ստրուխատներ, արիազանդներ, բուդիներ և բուրմեր (Mar)¹:

Այս ցեղերից պարետակեն և արիազանդը (arya-zenty)² մեծ դեր խաղացին Միդիայի արմատական բնակչության պարսկացման գործում: Պարսկական լեզվական տարրը սկսում է գերակշռել միդիական մի շարք ցեղերի՝ քուժիկների, լուլլուբիտների և էլամական ցեղերի մեջ:

Հերոդոտը միդիական 6-րդ ցեղը անվանում է բուրմեր (Mar), որոնք կրոնական քարոզը կատարում էին իրանական լեզվով: Նրանք հանդիսանում էին զրահադաշտական կրոնի օրենքների և ծիսակատարությունների պաշտպանը: Սակայն միդիական տիրապետության շրջանում, հոգևորական այս խավը կատարում էր նաև այն, ինչ խորթ էր զրահադաշտա-

¹ Հերոդոտ, Պատմություն, I հ., էջ 101:

² И. М. Дьяконов, История Мидии, стр. 147.

կան ուսմանը փն. օրինակ, նրանք երկրպագում էին շար ոգուն, փառաբանում էին շարի և խավարի ուժը¹: Միդիական ժամանակաշրջանի այս հնագույն դավանանքը՝ կրակի պաշտամունքը, մինչև այժմ էլ պահպանվել է քրդական Նզդի, Ալի-Իլահի, Սարալի-Շարակ և Բուշուրան ցեղերի մեջ:

VII դարում (մ. թ. ա.) համարյա բոլոր միդիական անունները և բառերը իրանական ծագում ունեն, օրինակ՝ Artembares, Datis, Deiokes, Harmaithres, Kueksares, Mutradatas, Patieihes, Pphaortes, Spako.

Լեզվաբանական այս տվյալները բավական են ապացուցելու, որ իրանական խմբի միդիական լեզուն հանդիսացել է միդիական ցեղային միություն միջցեղային լեզուն²:

Այսպիսով, իրանական լեզվային էլեմենտը դառնում է գերիշխող և պետք է ենթադրել, որ աստիճանական ասիմիլյացիայի հետևանքով, Միդիայի տերիտորիայի վրա հանդես են գալիս նոր լեզուներ, որոնց կրողները հանդիսանում են արմատական բնակիչները և նրանց հետ ձուլված եկվոր նվաճող ցեղերը: Ըստ երևույթին ներկայիս լուրերի և քրդերի լեզուն կապ ունի այդ խաշաձևված լեզուների հետ:

Ինչպես արդեն նշել ենք, դեռ հին ժամանակներից լուլլուրիտների և քուլթիների անամնապահ ցեղերը հարևաններ էին, որոնք բնակվում էին Ջազրոսի սիստեմում: Այժմ էլ այդ տերիտորիայի վրա ապրում են անասնապահ ցեղեր, որոնք համապատասխանորեն պահպանել են իրենց ցեղային և տերիտորյալ ինքնանվանումը. ցեղային՝ լուլլու-լուր և քուլթի-քուր-տի (ըստ Ստրաբոնի) — քուրդ, տերիտորիալ՝ Լուլլուրում-Լուրիստան, Քուլթիում-Քրդստան:

Սեջրերված հնագույն ու ժամանակակից անամաստիկ և տոպոնոմիկ անունների նույնությունը չի կարելի պատահական երևույթ համարել. հավանորեն նրանց մեջ ինչ-որ էական կապ կա, որը պահանջում է գիտական լուրջ ուսումնասիրություն: Լուլլուրիանների նկատմամբ այդ կապը հաստատված է:

¹ З. А. Рагозина, История Мидии, 1902 г., стр. 303.
² И. М. Дьяконов, История Мидии, стр. 149.

Ըստ երևույթին համանմանության տեսակետից (անալոգիա) այդ պատմական փոխադարձ կապը պետք է նկատվի նաև հին քուլթիների և ժամանակակից քրդերի միջև:

Հնագույն լուլլուրիտների և քուլթիների ցեղերի ուսումնասիրության ժամանակ կարելի է նկատել, որ նրանց պատմության մեջ, բառիս լայն իմաստով, այնպիսի առանձնահատկություններ են երևան գալիս, որոնք բնորոշ են ներկայիս նույն տերիտորիայի վրա ապրող լուրերի և քրդերի համար: Այդ ընդհանուր բնորոշ առանձնահատկություններն են՝ բնակավայրերի աշխարհագրական ընդհանրությունը, ցեղային և տերիտորիալ անունների նմանությունը, դբադմունքի և կենցաղի նմանությունը, պաշտամունքի ընդհանրությունը, մարդաբանական ընդհանրությունը, լեզվի ազդակցությունը, որի վրա այժմ կանգ կառնենք, համառոտակի նշելով այն լեզվաբանական տվյալները, որոնք որոշ շափով անուղղակի ճանապարհով արտացոլված են ժամանակակից քրդական լեզվի մեջ: Բառապաշարի տեսակետից մենք կարող ենք մեջ բերել մարա-քրդական ընդհանուր արմատներ, որոնք ամենայն հավանականությամբ մտնում էին քուլթիների բառարանային կազմի մեջ: Մեր կողմից ուսումնասիրվող էպոխայում (Միդիայի ժամանակաշրջան), մարական լեզուն միջցեղային լեզու էր, որի ազդեցության տակ քուլթիական լեզուն ուժեղ ասիմիլյացիայի էր ենթարկվում, իր մեջ ընդունելով մարական բառարմատներ: Այսպես, օրինակ.

Բառերի իմաստը		
Հայերեն	Մարերեն	Քրդերեն
Ոսկի	zaraniya	zer
Չի	aspa	hasp
Նետ	tigris	tir
Բառ	bar	bar
Կրիսթանկազին քար	kasaka	daş
Ամրոց (պատ)	dira	diwar
Մառ	daruv	dar

Ինչպես տեսնում ենք, հիշված բառերը իրանական ծագում ունեն:

Ինչ վերաբերում է քերականությանը, ժամանակակից քրդական լեզվում նկատվում են այնպիսի երևույթներ, որոնք խորթ են իրանական լեզվին և հավանորեն կապ ունեն ոչ պարսկական նախնիների լեզվի հետ:

Մեր այս դրույթը ապացուցելու համար, դիմենք ժամանակակից լեզվաբան քրդագետներին: Նրանք ապացուցում են, որ շնայած պարսկերենի հետ ոսնեցած զգալի բառապաշարային ընդհանրությունը, ժամանակակից քրդական լեզուն ինքնուրույն լեզու է, որը մտնում է արևմտաիրանական լեզվախմբի մեջ: Հնչյունաբանական, ձևաբանական և շարահյուսական հատկանիշներով, քրդական լեզուն տարբերվում է պարսկական լեզվից և չի կարող «ներա ածանցվածը» համարվել (ինչպես ձգտում են ապացուցել բուրժուական պատմաբան-լեզվաբանները), քանի որ հոլովների հարաբերությունները, քերականական կատեգորիաների արտահայտությունը և բառերի կազմումը քրդական լեզվում կատարվում է կամ ներքին և արտաքին խոնարհումների, նախադրությունների, ետադրությունների, արմատների կրկնությունների միջոցով, կամ նըշված հատկանիշների կոմբինացման միջոցով, որը բնորոշում է քրդական լեզուն որպես խոնարհվող-վերլուծական լեզու:

Հնչել հնչյունների ո՛, ո՛, կ՛, պայթաչիական փափկացած չ՛-ի, որոտալից ո-ի, ձայնավոր հնչույթներ՝ ջ՛, Ե, Ե-ի առկայությունը քանակապես և որակապես տարբերում են քրդական լեզվի հնչյունաբանական սիստեմը մյուս արևմտաիրանական, հատկապես պարսկական լեզվի հնչյունաբանական սիստեմից¹:

Այս համառոտ լեզվաբանական, գիտական մեջբերումը ցույց է տալիս, որ ժամանակակից քրդական լեզուն իր բնույթով յուրօրինակ է: Յուրօրինակությունը կայանում է նաև

¹ Ученые записки № 179, серия востоковедческих наук, вып. 4, статья К. К. Курдоева, 1954 г., стр. 129—130.

նրանում, որ այդ լեզուն ստեղծվել է տեղական էթնիկական էլիմենտի (հավանաբար քուժիների) և եկվոր պարսկական ցեղերի լեզուների խաչաձևման հետևանքով: Պարտված քուժիական լեզուն աստիճանաբար մահանում է, իր որոշակի հետքը թողնելով հաղթող լեզվի վրա, հատկապես քերականության բնագավառում: Ոչ իրանական հետքերը նկատվում են նաև քրդական որոշ ցեղերի տոպոնիմիկ և էթնոնիմիկ անունների մեջ, հատկապես այն ցեղերի, որոնք դեռ հնագույն ժամանակներից սկսած որպես վաշկատուն ժողովուրդ տարածված են եղել ամբողջ Փոքր Ասիայում: Այսպես, օրինակ՝

Հնագույն անունները		Ժամանակակից անունները	
Ցեղի անունը	Աշխարհագրական այլանունը	Ցեղի անունը	Աշխարհագրական անվանումը
Փուժի	Փուժիում	Քուրդ	Քրդստան
Լուլու	Լուլուում	Լուլան	Թուրքակ. Քրդստան
Կասսի	-----	Ղասթան	Լուրի Քրդստան (Սուլեյմանիե)
Խալզ	-----	Խալթան	Իրանի Քրդստան
Քասանի	Քասանի (Կորճեր)	Դասընի	Քուրքիա (արևմտյան Հայաստան)
Քաբարի	Քեբրի	Քաբարի	Արևմտյան Հայաստան
	Ջելունի	Ջիլան	Արևմտյան Հայաստան
Սուրիարաշ	Սարբիզ	Սուրբեշի	Քուրքական Քրդստան
Մանդյն	Մանդակ	Մանդանի	Քուրքական Քրդստան
Գուրան	-----	Գուրանի	Իրանի Քրդստան

Այսպիսով, վերոհիշյալ փաստերը մեզ բերում են այն եզրակացություն, որ քրդերի ոչ իրանացված նախահայրերը հանդիսանում են քուժիական ցեղերը, որոնք բնակվում էին Կենտրոնական Ջագրոսում, ժամանակակից Քրդստանի տերի-

¹ Իրանական ցեղերի լեզուն կոչվում էր միդիական լեզու:



տորիայում: Հետագայում, ինչպես մենք նշեցինք, նրանք ձուլվում են քրդերի, եկվոր իրանական նախնիների հետ, բայց պահպանում են իրենց ինքնանվանումը՝ Քուժի, Քուրտի, Քարդա, Կարգուխ, Գուրդիանի, Գուրանի, Գորդի: Թված ցեղային ինքնանվանումները, ըստ երևույթին, հանդիսանում են արդեն իրանացված քրդերի նախնիների ընդհանուր ինքնանվանման (Քուժի) տարատեսակները:

Քրդերի նախահայրերի էթնիկական ցեղային անվանման այսպիսի տարատեսակության հետագայում մենք հանդիպում ենք նաև անտիկ պատմաբանների՝ Քսենեֆոնի, Ստրաբոնի, Պտղոմեոսի և ուրիշների, ինչպես նաև հայ պատմաբանների ու աշխարհագրագետների մոտ:

Նմանօրինակ տարատեսակություն նկատվում է նաև քրդերի նախահայրերի երկրի աշխարհագրական անվանման մեջ, արեամենյան թագավոր Կյուրոսի մոտ՝ «Քուժիների երկիր»¹, հռոմեական և հունական պատմաբանների մոտ՝ «Կորդոենա», «Գորդի»², հայկական պատմաբանների և աշխարհագրագետների մոտ՝ «Կորդվաց աշխարհ», «Կորենք», «Կորդիք» (քրդական լեռնաշխարհ) և այլն:

Կիովին հնարավոր է ենթադրել, որ Գորդիական լեռներում (ներկայիս Քրդստանի լեռներ) ապրող կորդուխները³, որոնց մասին հիշատակում է Ստրաբոնը, Գուրանները⁴, որոնք ապրում էին Միդիային սահմանակից շրջաններում, Քուրտիները⁵, որոնք բնակվում էին Պերսիդայում, հանդիսանում են Կենտրոնական Զագրոսի խոշոր անասնապահական ցեղի (քուժիների) ճյուղավորման հետևանքը: Եվ բոլորովին պատահական չէ, որ քուժի անունը III և II հազարամյակներում (մ. թ. ա.) նշանակում էր Զագրոսում ապրող էթնիկական խմբի կոնկրետ անվանումը, իսկ I հազարամյակում (մ. թ.

¹ И. Лебедев, Кир и падение Вавилона по клинописным надписям, 1882 г., стр. 17.

² Страбон, География, стр. 763.

³ Նույն տեղում:

⁴ Նույն տեղում, էջ 541:

⁵ Նույն տեղում, էջ 534:

ա.) նշանակում էր «տարբեր ժողովուրդներ»¹ և ցույց չէր տալիս կոնկրետ տերիտորիալ միավոր: Մեր կարծիքով դա պետք է բացատրել նրանով, որ քուժի ցեղերը զբաղվում էին անասնապահությամբ և բոլորովին օբյեկտիվ պատճառ էր հանդիսանում նրանց տարբեր վայրեր տարածվելու համար:

Այսպիսով պետք է ենթադրել, որ քուժի անունը I հազարամյակում (մ. թ. ա.) նշանակում էր ոչ թե «տարբեր ժողովուրդներ», ինչպես ենթադրում է Դյակոնովը, այլ, ըստ երևույթին, անտեսական պայմաններից զրդված, Զագրոսում ապրող մեկ ընդհանուր էթնիկական խմբից (քուժիներից) ճյուղավորված անասնապահական ցեղեր:

Այժմ անցնենք քրդերի նախահայրերի պատմության նոր շրջանին, որոնք Զագրոսի մյուս ցեղերի հետ մտնում են հզոր Միդիական պետության մեջ:

Նոսելով Միդիայի մասին, անհրաժեշտ է նշել, որ նրա պատմությունը հետազոտության համար մեծ դժվարություններ է ներկայացնում: Մինչև հիմա էլ պատմաբանները ստիպված են բավարարվել Հերոդոտի ավյալներով, որոնք հիմնոված են փոքրասիական ժողովուրդների ավանդությունների վրա և Քտեսիոսի ավյալներով, համաձայնեցնելով դրանք ասորական վիճվորական գրականության աղբյուր և պատահական հիշատակությունների ու Դարեհ I Բիհիսթունի արձանագրության² հետ:

Հին և նոր արևելագետները մեծ ջանքեր են գործադրել և գործադրում են ընդհանուր հայտարարի բերելու այս բազմատարր տեղեկությունները միդիացիների մասին, սկսած նրանց հանդես գալուց մինչև նրանց կատաստրոֆան՝ Կյուրոսի օրոք:

¹ И. М. Дьяконов, История Мидии, стр. 104.

² Բիհիսթունի արձ. դա հսկայական սեպագիր օձագիր է փորագրված Քիշիսթունում, ժայռի վրա: Ներկայիս Քերմանշահ բազարի մոտերում: Դարեհ I-ի հրամանով, ի նշան նրա տարած հպարտականների նշված արձանագրությունը գրված է հին պարսկական նոր էլամյան (միդիական) և բարեթունական լեզուներով: Բ. Ա. մեջ նշված է միդիացիների ապստամբության ճնշումը Դարեհ I-ի կողմից (522—521 մ. թ. ա.):

Հստ պատմական տվյալների (մ. թ. ա. VIII դարում) որոշակի նախադրյալներ են ստեղծվում միդիական թագավորության կազմավորման համար:

Հետագայում ասորական նվաճողների դեմ մղված պայքարի ընթացքում VII դարի (մ. թ. ա.) 70-ական թվականներին կազմկերպվում է միդիական ստրկատիրական պետությունը, որը իր գոյությունը պահպանում է մինչև 549 թ. (մ. թ. ա.):

Պարսկական թագավոր Կյուրոսը այդ թվականին գահընկեց անելով Միդիայի վերջին թագավոր Աժդահակին, վերջ է տալիս միդիական թագավորության գոյությանը:

Այդ ժամանակից սկսած Միդիայի տերիտորիան մըտնում է Արեմենյան թագավորության կազմի մեջ:

Հայ պատմագրության է տարբերության մեջ քրդերը հիշվում են որպես մարեր (միդիացիներ)։ Հայաստանի պետական մատենադարանի սեփականությունը կազմող 400 տարեկան հնություն ունեցող մի ձեռագիր ժողովածուում աշխարհագրական բնույթի հետաքրքիր տեղեկություն է պահպանվել: Այստեղ հայ աշխարհագրագետը շեշտում է, որ մարերը դրանք նույն քրդերն են «...Բնակիչը յայն աշխարհին որք են քուրդք, որք մարք կոչվին»¹:

Հետաքրքիրն այստեղ այն է, որ ձեռագիրը գրելու ժամանակ, XVI դարում, Մարաստանը հայ մատենագրության մեջ գրեթե չէր հիշվում այդ անունով: Մնում է ենթադրել, որ հայկական ձեռագրում պահպանվող այս տեքստը շատ ավելի հին աղբյուր ունի:

Խալաթյանն իր «Հայաստանը, Քրդստանը և Արևելյան Պարսկաստանը բաբելա-ասորական սեպագրերի համաձայն» աշխատության մեջ նշում է, որ քրդերը մարերի հետ կապված են եղել մասամբ արյունակցական, մասամբ քաղաքական կապերով: Այնուհետև նա նշում է, որ մարերի կազմավորման ձևը, ինչպես այժմյան քրդերինը՝ ցեղապետական էր, նրանց

պիտանքը զբաղմունքը, ինչպես ներկայիս քրդերինը՝ խաշնաբաժնությունն էր:

Հայկական մեկ ուրիշ աղբյուրում քրդերը նույնպես մարեր են կոչվում: Այսպես, 1426 թ. մայիսի 19-ին քրդերը գալիս են Ցպնա վանքը: Հայ հեղինակը նշում է, «Եկեալ հասին վաղվազակի, ազգն մարաց, որ քուրտ կոչի»²...

Մովսես Խորենացին հաճախ հիշատակում է, որ մարերը սահմանակից էին Հայաստանին և որ Մարաստանը կազմում էր Հայաստանի արևելյան սահմանը:

Հայ պատմիչների վկայությունները խոսում են այն մասին, որ քրդերի նախահայրերը ապրում էին Միդիայի տերիտորիայի վրա և մտնում միդիական ցեղային միության կազմի մեջ: Հայկական աղբյուրների ճշտության վրա շեշտը է կատարածել, որովհետև վաղ ժամանակներից հայերը և քրդերը լինելով հարևան ժողովուրդներ, միշտ էլ սերտ փոխհարաբերությունների մեջ են եղել:

Վերահիշյալ փաստերից կարելի է ենթադրել, որ մարերը եղել են ժամանակակից քրդերի նախահայրերը:

Պետք է նկատել, որ մար-քրդերը միդիական թագավորության շրջանում, ըստ երևույթին, զգալի դեր են խաղացել երկրի քաղաքական և տնտեսական կյանքում: Եվ այդ պատճառով բոլորովին պատահական չէ, որ առաջին հազարամյակում, երբեմն «Թութիում» տերիտորիալ անվան տակ հասկացվում էր Միդիա: Իսկ ասորական աղբյուրները միդիացիներին անվանում են քութիներ:

Միդիական թագավորության անկումից հետո, ըստ երևույթին, ներկայիս քրդերի նախահայրեր, մարերի անասնապահական առանձին ցեղեր աստիճանաբար սկսում են թողնել իրենց հիմնական բնակավայրերը, այսինքն Զագրոսի լեռնաշխարհը և բնակություն են հաստատում Հայկական լեռնաշխարհում ու նրա սահմանակից շրջաններում: Այս ցեղերին անտիկ պատ-

¹ Հայկական ՍՍՌ մատենադարան, ձեռագիր, № 1495, էջ 142բ և 143ա:

¹ Արիստակես Տեկանց, Հայերգ, Քիֆլիս, 1882, էջ 175—180:

² Մովսես Խորենացի, Հայոց պատմություն, աշխարհաբար թարգմանություն, 1897 թ., էջ 505:

Պարսնները՝ Քսենեֆոնը և Ստրաբոնը, անվանում են կորդուխ, որը ինչպես արդեն նշել ենք Քուլթի ինքնանվանման փարատեսակն է:

Այս տարատեսակությունը նկատվում է հունական և հեթազայում հայկական աղբյուրներում: Ավելի ուշ կորդուխ անունը իր հերթին փոխվում է «գորդիներ» անունով: Այս մասին Ստրաբոնը հաղորդում է հետևյալը. «Տիգրիսի վրա ընկած են գորդիների բնակավայրերը, որոնց հնում անվանում էին կորդուխներ»¹:

Ստրաբոնի կողմից հիշատակված գորդիական լեռները ներկայումս կոչվում են Քրդստանի լեռներ կամ թուրքերեն՝

— Քյուրդ գաղարջը:

կորդուխների մասին բավականին մանրամասն ասված է հույն պատմաբան Քսենեֆոնի հանրահայտ «Անաբազիս» աշխատությունում, երբ 401 թ., մեր թվարկությունից առաջ, նա 10 հազար զորքով նահանջելիս է եղել կորդուխների երկրով: Հետ նրա տեղեկության կորդուխները համարվում էին այդ ժամանակաշրջանի ուժեղ ժողովուրդներից մեկը:

«Այստեղ մթերքների շատ առատություն էր տիրում, կաթելի էր գտնել բրոնզյա շատ իրեր»²:

Քսենեֆոնը պատմում է, որ նրանք լավ նետաձիգ էին, բացի նետերից, նրանք ինքնապաշտպանության ուրիշ զենք չունեին:

Նետերը 2 արշին երկարություն ունեին, իսկ աղեղները համարյա 3 արշին: Նետերը ծակում էին վահանը և զրահը:

Քսենեֆոնի վկայությամբ հյուսիսում կորդուխների երկիրը սահմանակից էր Հայաստանին, Տիգրիսի վտակ Կենտրիտին (ներկայիս Բոխտան): Բնակվելով Արևմտյան Քրդստանի լեռնային շրջաններում կորդուխները ունեին հարուստ գյուղեր, որոնք ընկած էին ձորերում կամ լեռների ծալքերում: Նրանք զլխավորապես զբաղվում էին երկրագործությամբ, անասնապահությամբ: Ունեցել են նաև արհեստագործու-

թյուն, ինչպես փորրասիական մյուս ժողովուրդները, այնպես էլ կորդուխները իրենց սոցիալ-տնտեսական զարգացումով հասել էին տոհմային համայնքի քայքայման վերջին աստիճանին: Նրանք, ըստ երևույթին, ունեցել են տոհմային միավորներ, քանի որ ապրելով տարբեր գյուղերում, կոիվների ժամանակ գործում էին միասին, պաշտպանվելով հարձակումներից: Պարսիկները անգոր էին հպատակեցնելու նրանց և միայն հարեան սատրապները ստիպված պայմանագիր էին կնքում և մտնում խաղաղ փոխհարաբերության մեջ:

Հայաստանի բնակիչները, վախենալով նրանց հարձակումներից, սահմանի մոտ գյուղեր չէին կառուցում:

Ստրաբոնի ժամանակ (մ. թ. I դար) կորդուխները, որոնք արդեն կոչվում էին «Գորդիներ», «ունեին ամրացված քաղաքներ, հռչակված էին որպես պաշարման մեքենաներ կառուցող փորձառու, հմուտ վարպետներ»³:

Հելլենիզմի էպոխայից սկսած այդ ժողովուրդը ենթարկվում է Մեծ Հայքին, իսկ հետագայում՝ հռոմեացիներին:

Մեր թվարկության I դարի 60-ական թվականներին, ինչպես նշում է Աղոնցը — «Հայաստանի սահմանների մոտ, բացի մարզերից, ապրում էին նաև կորդուխներ, սրանք ուրիշ ցեղերի հետ համեմատած ավելի քիչ են ընկել հայկական դինաստիաների ազդեցության տակ, բայց պատմական զարգացման որոշ ժամանակաշրջանի ընթացքում թափանցում են հայկական հողը և համարվում նրա զավառներից մեկը: Այդ առումով անհրաժեշտ է նշել, որ Արևելյան կամ, ինչպես կոչվում էր պարսկական Հայաստանի բնակչությունը եղել է խառը՝ հայեր — պարսիկներ, հայեր — աղվաններ, հայեր — սիրիացիներ և հայեր — քրդեր: Համատեղ ապրող այդ ժողովուրդները անգամ ազդագրական տեսակետից նմանվել են իրար»²:

Պետք է ասել, որ քուրդ ժողովրդի ծագման, նրա որպես ժողովրդի կազմավորման պրոցեսը վաղուց է գրավել պատմաբանների ուշադրությունը և եղել է նրանց ուսումնասիրու-

¹ Страбон, География, стр. 763.

² Քսենեֆոն, Անաբազիս, էջ 95:

¹ Ստրաբոն (16-րդ, 1, 24):

² Адонц, Армения в эпоху Юстиниана, стр. 280, 417.

թյան թեման: Սակայն նրանք մինչև հիմա որոշակի եզրակացութեան չեն եկել:

Քրդագետների մի մասը քրդերի ծագումը կապում է մարերի, մյուս մասը՝ կորդուխների հետ: Որոշ գիտնականներ ուրարտացիների, արաբների, պարսիկների հետ, և վերջապես, թուրքական ֆալսիֆիկատորները, առանց խղճի խայթի, քրդերի նախահայրերը համարում են թուրքերին և դրա համար էլ նրանց ծագումը կապում են թուրքերի ծագման հետ:

Արևմտյան Եվրոպայում պատմաբանների մեծ մասը քրդերի պատմության ուսումնասիրությունը զուգակցում են իրենց պետությունների գաղութարարական քաղաքականություն հետ, ձգտելով քուրդ ժողովրդին պահել ճնշման մեջ, շահագործել նրան ու կողոպտել նրա ազգային հարստությունը, շեղել նրանց ուշադրությունը ազգային և սոցիալական-ազատագրական պայքարի ուղուց: Թող զարմանալի չթրվա, եթե ասենք, որ անգլիական «քրդագետները» ջանք չեն խնայել ապացուցելու, որ քրդերը համարյա ազգակից են անգլիացիներին, օգտագործելով այն հանգամանքը, որ քրդերը ևս պատկանում են հնդեվրոպական ժողովրդների թվին:

Իհարկե, նրանց մեջ, անշուշտ, խոսում է ո՛չ թե ազգակցական զգացմունքը կամ մարդասիրությունը, այլ Քրդստանի բնական հարստությունները՝ նավթը, ոսկին, քարածուխը զավթելու և նրա աշխարհագրական հաջող դիրքը իր երկրի իմպերիալիստական նպատակներին օգտագործելու ձգտումը:

Գերմանական ֆաշիստական պատմաբանները, հատկապես երկրորդ համաշխարհային պատերազմի նախօրյակին, քրդերին քաղաքական նպատակով օգտագործելու համար աշխատում էին ապացուցել, որ իբր աշխարհում երկու զտարյուն ժողովուրդ կա, որոնք ծագումով արիացիներ են, դրանք գերմանացիներն ու քրդերն են:

Պատմությունը ֆալսիֆիկացիայի ենթարկելու մեջ թերևս գուցե ոչ մեկը չկարողանա մրցել թուրքական և պարսկական շովինիստ պատմաբանների հետ, որոնք քաղաքական և բարոյական ճնշված վիճակում են պահում քուրդ ազատատենչ ժո-

ղովրդին և ցանկանում են մեռցնել նրանց ազգային գիտակցությունը:

Պարսկական շովինիստները, հիմք ունենալով լեզվի որոշ նմանությունը, «ապացուցում են», որ քրդերը նույն պարսիկներն են, միայն խոսում են մի փոքր այլ՝ լեռնային բարբառով:

Այս տեսակետից շատ տիպիկ է քուրդ ժողովրդի պատմության բուրժուական կեղծիչ Ռաշիդ Յասմիի (Իրան) «Քրդերը, նրանց ծագումը և պատմությունը» խորագիրը կրող գիրքը: Այս գրքում, սկզբից մինչև վերջը, աղավաղված, կեղծված է քրդերի պատմությունը: Գրքի հեղինակը ջանք չի խնայում ժխտելու քուրդ ժողովրդի կոլտուրայի և լեզվի ինքնատիպությունը և ինքնուրույնությունը:

Նա գտնում է, որ քրդերի պատմությունը պետք է ուսումնասիրվի իրանցիների այսինքն պարսիկների պատմության հետ կապակցված, քանի որ, ըստ նրա կարծիքի քրդերը հանդիսանում են իրանական ծագում ունեցող ժողովրդի հնագույն ճյուղավորումներից մեկը. նրանք իրանական ծառի բերքատու ճյուղերն են: Քրդերի լեզուն, կրոնը և պատմությունը Յասմին գիտում է որպես իրանական լեզվի պատմության և կոլտուրայի ալյատեսակը:

Վերևում նշված Յասմիի գրքի գրախոսության մեջ գոցենա Կ. Քուրդներ սպառիչ քննադատության է ենթարկել պատմության բուրժուական այդ ֆալսիֆիկատորին և պատմական փաստերով գիտականորեն ապացուցել նրա կեղծ, հակադիտական, պանիրանական, շովինիստական էությունը:

Թուրք պատմաբանները քրդերին համարում են թուրանցիներ կամ լեռնային թուրքեր: Հարկավոր է միայն մտափորապես զարգացնել նրանց, և գիտակցության գալու հետ աստիճանաբար կվերանա այդ «լեռնային» տարրերությունը ևս, ասում են նրանք: Այնուհետև նրանք կդրակացնում են «... բերված վերոհիշյալ, բոլոր տվյալները քուրդ բառի մասին, ապացուցում են, որ պատմության մեջ չի եղել «քուրդ» կոչվող ինքնուրույն ազգ և քուրդ

բառը ծագել է քաջ (լոխարդո) բառից: Այս անունով կոչվում էին մեր լեռնային թուրք եղբայրները, որոնք հանդիսանում են իսկական թուրքեր»: Այնուհետև նրանք գռեհկացնում են քուրդ խոսքը, հայտարարելով, «որ քուրդ բառը մեր երկրում գործածվում է բանդիտ, թալանչի, ավազակ իմաստով...»:

Դրա համար էլ մեր լեռնային թուրք եղբայրներին քուրդ անվանելը վիրավորական է նրանց համար, բացի դրանից, դրանով մեր երկրում ստեղծվում է երկակիություն, որը արմատապես սխալ է, որովհետև վնասում է մեր ազգային հայրենիքին¹:

Սակայն կեղծարարության շափր կորցրած թուրքական «պատմաբանների» պնդումներին հակառակ, ինչպես բոլոր մեծ ու փոքր ժողովուրդները, այնպես էլ քուրդ ժողովուրդը հպարտանում է իր ազգային պատկանելությանը և իր անունով: Քուրդը միշտ էլ առանձին հպարտությանը է հայտարարում. «Ազ Կուրմանջըմ» (ես քուրդ եմ):

Պարսկական և հուսկապես թուրքական հետադեմ պատմաբանների կողմից մեր ձեռքի տակ կան ոռա, հայ և մի շարք այլ ժողովուրդների պատմաբանների և գրողների գնահատականները քուրդ ժողովրդի մասին:

Հիշենք հայ մեծ լուսավորիչ և աշխատող Աբովյանի տված գնահատականը. «Քրդերին կարելի է կոչել արևելքի ասպետներ, այդ բառի լիակատար իմաստով, եթե միայն նրանք նրստակյաց կյանք վարեն»:

Ուղղամասիրություն, պարզասրտություն, ազնվություն, տրված խոսքի խիստ կատարում, հյուրասիրություն, անսահման հարգանք, որ նրանք տածում են կնոջ հանդեպ, ահա այն առաքինությունները և հատկությունները, որ ընդհանուր են ամբողջ քուրդ ժողովրդին²:

Բնորոշ է նաև Ֆրանսիայի բուրժուական գիտնական Ռամբուլի տված գնահատականը. «Քրդերը ունեն շատ դրական

կողմեր, որոնք ընդունում են բոլոր նրանք, ովքեր նրանց հետ հանդիպում են ունեցել: Նրանց երբեմնի կոպիտ արտաքինի տակ թաքնված է խելք, առողջ դատողություն և հնարամտություն: Նրանք ունեն պոետական երևակայություն և երգիծանքի զգացմունք: Նրանց բազմաթիվ ասացվածքները, որոնցով նրանք զարդարում են իրենց խոսակցությունը, վկայում են սուր դատողության մասին: Նրաք սիրում են երգել, ձմռան երկար երեկոների ընթացքում առանց հոգնելու կարող են լսել իրենց աշուղների ասացվածքներն ու առասպելները³:

Քրդերի մասին մի այլ բնութագիր ևս. «Ճիշտ է, որ քրդերը հրաշալի ժողովուրդ են,— գրում է Անդրեյ Բենդերը,— ուժեղ, ընդունակ, եթե նրանք կրթություն ստանան և զարգացնեն իրենց կուլտուրան, ապա նրանք կլինեն ավելի առաջավոր ժողովուրդ, քան նրանց հարևան թուրքերը⁴:

Ամփոփելով քրդերի էթնիկական ծագման մասին մեր ուսումնասիրությունը, գալիս ենք այն եզրակացության, որ III հազարամյակում (մ. թ. ա.) Քրդստանի տերիտորիայի վրա ապրելիս են եղել քրդական մի շարք ցեղատոհմային միություններ: Քուրդները, որոնք I հազարամյակում (մ. թ. ա.) մտնում են միդիական ցեղային միության մեջ և աստիճանաբար ձուլվելով ու ասիմիլյացիայի ենթարկվելով, Միդիայի իրանական ցեղերի հետ կազմում են ժամանակակից քրդերի արդեն իրանացված նախահայրերը՝ մարերը, պահպանելով միաժամանակ իրենց էթնիկական ինքնանվանումը՝ քուրդներ, կորդուխներ, գուրդիներ (կուրտիներ) և այլն:

Այս հիմնական ցեղերի միավորումը իր մեջ ձուլել է նաև արարական, սկյութական, պարսական և հայկական էթնիկական էլեմենտներ:

¹ См. К. Василевский, Современный Курдистан.

² Խ. Աբովյան, Քրդեր, Սովետական գրականություն, 1941 թ., № 9—10:

³ Л. Рамбу, Курды и право, Париж, 1947 г.
⁴ А. Бендер, Путешествие по Курдистану.

Գ Լ Ո Ւ Ն Ե Ր Կ Ը Ր Ո Ւ

ՔՐԳՍՏԱՆԻ ԱՇԽԱՐՀԱԳՐՈՒԹՅՈՒՆԸ
ՆՎ ԷԿՈՆՈՄԻԿԱՆ

Քրդստանը, կամ քրդերի երկիրը, Փոքր Ասիայի արևմրտյան այն տերիտորիան է, որտեղ կազմավորվել է քրդական էթնոսը: Նրա երկարությունը հասնում է մոտ 1900 կմ, իսկ լայնությունը մոտ 200 կմ:

Պատմա-աշխարհագրական տեղեկությունները վկայում են, որ քրդերի պատմական հայրենիքը եղել է Արևելյան Տավրոսի (Նփրատից արևելք) և Ջազրոսի լեռնաշխարհը: Սակայն հետագայում, պատմական զարգացման որոշ ժամանակաշրջանի ընթացքում, որպես խաշնարած ժողովուրդ քրդերը աստիճանաբար թափանցում են հարևան ժողովուրդների տերիտորիան, առանձնապես Հայկական լեռնաշխարհը:

Այս թափանցումը որոշ դեպքերում կատարվել է խաղաղ ձևով, բարի դրացիական նպատակներով, երկու հարևան ժողովուրդների՝ հայերի և քրդերի փոխադարձ համաձայնությամբ:

Անհրաժեշտ է նշել, որ քրդերի վերաբնակեցումը հայկական գավառներում կատարվել է նաև այլ ճանապարհներով՝ քաղաքական նկատառումներով:

Արարական, պարսկական, թուրքական նվաճողները իրենց ազդեցությունը քրիստոնյա ժողովուրդների վրա տարածելու նպատակով, հատկապես սահմանամերձ շրջաններում, պատերազմների հետևանքով ամայացված հայկական բնակավայրերը, մերթ շահագրգռելով, մերթ քննի միջոցներով, վե-

րարնակեցնում էին մուսուլմանական տարրերով, հատկապես քրդերով:

Այսպիսով աստիճանաբար փոփոխության են ենթարկվել Քրդստանի ազգագրական սահմանները, որոնք մոտավորապես հետևյալն են.

Արևմուտքում՝ Քուրդ-Գաղից (Սիրիա), Քինիսի, Մարաշի, Էլբիստանի և Լիվրիկի շրջաններով դեպի հյուսիս, մինչև Քիլիս գետը:

Հյուսիսում՝ Քիլիս գետով մինչև Օլթ քաղաքից արևելք:

Արևելքում և հարավ-արևելյան ուղղությամբ՝ Ուրմիո լճի արևմտյան ափով, Լուրիստանի և Բախտիարի շրջաններով մինչև Սեննե և Քերմանշահ:

Հարավում՝ Լուրիստանից դեպի հյուսիս-արևմուտք Հուրիկանով և Քիֆրիով համարյա մինչև Համրին լեռները, արևմուտքում շփվելով Ջարալ-Սինջարի հարավային շրջանների հետ, հասնում է Նփրատը Զերալուսի մոտ և անցնելով Քուրդ-Գաղից հարավ, հասնում է Միջերկրական ծովին՝ Ալեքսանդրիայից հյուսիս:

Քրդստանի լեռնային երկիր է: Նրա լեռները առաջացել են երկրորդանական այլ պրոցեսների և հրաբուխների հետևանքով: Գործող հրաբուխներից նշանավոր է Նեմրութը, որը գործել է սրանից մոտ 500 տարի առաջ:

Լեռների բարձրությունը արևմուտքում հասնում է մինչև 2000 մ., արևելյան մասում այն գերազանցում է 4000 մ.-ից: Գեոտրոնական Քրդստանում, Քրդական լեռների Ռաշկո գագաթի բարձրությունը հասնում է 4168 մ.:

Արևմտյան Քրդստանով ձգվում են ներքին և Արևելյան Տավրոսի լեռները: Հարավ-արևելքով անցնում է Ջազրոսի լեռների հյուսիս-արևմտյան մասը, որը կոչվում է Քրդական Ջազրոս: Այդ լեռները ունեն մատչելի, միջանցուկ լեռնանցքներ:

Այն բարձր լեռները և նախալեռները, որոնք ընկած են Իրանական սարահարթի և Միջագետքի միջև կոչվում են Ջազրոսի լեռներ:

Քրդստանը հարուստ է էներգետիկ պետություններով, նրան

ողողում են հետևյալ գետերը. Տիգրիս՝ Բոխտան, Մեծ Զարև և Հայրուր վտակներով, Քիլիտ, որը կազմում է նրա հյուսիսային ազգագրական սահմանը: Մուրադ շայր և Կարա-Սունե (Ֆուրատ), որոնք հոսում են դեպի հարավ-արևմուտք և Խարպուտի մոտ միանալով իրար, կազմում են առաջավոր Ասիայի խոշորագույն գետերից մեկը՝ Եփրատը:

Կլիման. Քրդստանի նախալեռնային մասում կլիման սուբտրոպիկական է, Միջերկրական ծովի կլիմայի նման չոր, շոգ ամառով: Այս շրջանում տեղումների տարեկան միջին քանակը հասնում է 200—400 մմ: Հարավային լեռնաշղթաների լանջերում տեղումների քանակը բավականին շատ է, տարեկան 700-ից մինչև 2000 մմ, իսկ որոշ տեղերում հասնում է մինչև 3000 մմ: Այս լանջերը ծածկված են խիտ անտառներով և արգավանդ հովիտներով, որտեղ կլիմայական բարենրդ պաստ պայմանների հետևանքով բնակչությունը խիտ է տարվա բոլոր եղանակներին: Նա հարուստ է նաև Ալպյան արտավայրերով:

Սարահարթերում և լեռների միջև ընկած հովիտներում կլիման կոնտինենտալ է, ավելի չոր, ուր մթնոլորտային տեղումների քանակը հասնում է 300—500 մմ: Այստեղ բուսականությունը սակավ է:

Մթնոլորտային տեղումների առատության շնորհիվ, հատկապես դարնանը և աշնանը լեռնային վտակները ջրառատ և սրբնթաց են դառնում: Գետերը հաճախ հոսում են մինչև 1500 մետր խորություն ունեցող կիրճերով: Օրինակ, Բոխտանը, Մեծ Զաբը և այլն:

Օգտակար հանածոները. Քրդստանը հարուստ է օգտակար հանածոների պաշարով: Հատուկ նշանակություն ունի նավթը՝ Քուրքիայի քրդական շրջաններում: Իրանում՝ Քերմանշահի շրջանում, Իրաքում՝ Մոսուլի, Քիրքուկի և Հանեքինի մոտերքում: Կան նաև երկաթի, պղնձի և քարածխի հարուստ հանքեր:

Քրդստանը հարուստ է նաև հանքային տաք և սառը ջրերով, որոնք ունեն բուժիչ հատկություն:

Ունենալով բնական այգապիսի հարստություններ, Քրդստանը

նր դարձել է կովախնձոր իմպերիալիստական պետությունների համար:

Գյուլաթանխանությունը. Քուրքական և իրանական բռնապետությունների բազմադարյան դաժան տիրապետության հետևանքով Քրդստանը մնացել է որպես ծայրաստիճան հետամընաց գյուղատնտեսական, անասնապահական թեքումով, երկիր: Քրդերի գլխավոր զբաղմունքը անասնապահությունն է, նրանք զբաղվում են նաև երկրագործությամբ: Երկրագործությամբ զբաղվող շրջաններում ցանում են գարի և ցորեն: Որոշ շրջաններում զբաղվում են այգեգործությամբ, բամբակագործությամբ, շերամապահությամբ, մեղվաբուծությամբ և բուսական-բանջարանոցային կուլտուրաների մշակությամբ:

Այրի է բնկնում խաղողն իր բազմաթիվ տեսակներով: Հողի մշակումը կատարվում է նահապետական-պրիմիտիվ եղանակներով:

Քրդստանում հողը կենտրոնացված է խոշոր հողատերերի և վաշխատուների ձեռքին: Ունևորների ձեռքին է կենտրոնացած նաև անասունների մեծ մասը:

Աշխատավոր գյուղացիությունը գրեթե մեծ մասամբ զուրկ է հողից և արտադրության այլ միջոցներից: Գյուղացին ստիպված ծածր պայմաններով վարձակալում է հողը:

Քրդստանում առաջ է եկել դասակարգային խիստ շերտավորում: մի կողմից արտադրության միջոցներից զուրկ քուրդ աշխատավոր մեծամասնությունը, մյուս կողմից արտադրության միջոցների տեր՝ փոքրամասնությունը:

Աշխատավոր գյուղացիությունը գտնվում է եռակի ճնշման և շահագործման տակ: Մի կողմից՝ ազգակից խոշոր հողատերերն ու անասնատերերը, մյուս կողմից՝ Քուրքիայի և Իրանի տիրապետող շրջանները և երրորդ կողմից՝ անգլո-ամերիկյան գաղութարարները: Կերակրելով այդ եռյակին, ինքը՝ քուրդ աշխատավոր գյուղացին, վերջում քաղցած ու մերկ է մնում:

Այսպիսի կացությունը, բնականաբար, նրանց մեջ արթնացնում է դասակարգային ու համազգային գիտակցություն և անկյուցիոն արամադրություններ, որոնք մերթ ընդ մերթ արտահայտվում են ապստամբություններով:

Խոսելով Արևելքի գաղութային և կախյալ երկրների բնորոշ առանձնահատկությունների մասին Ի. Վ. Ստալինն ասել է. «Առաջինն այն է, որ այդ երկրներն ապրում ու զարգանում են իմպերիալիզմի ճնշման ներքո:

Երկրորդն այն է, որ եռակի ճնշման գոյությունը, ներքին (իր բուրժուազիայի) ճնշման և արտաքին (օտար իմպերիալիստական բուրժուազիայի) ճնշման գոյությունը, սրում ու խորացնում է այդ երկրներում ռևոլյուցիոն ճգնաժամը»¹:

Արդյունաբերությունը և առևտուրը. Եթե շհաշվենք նավթային արդյունաբերությունը, որը գտնվում է օտարերկրյա մոնոպոլիստների ձեռքին, ապա Քրդստանում արդյունաբերություն, ժամանակակից իմաստով գրեթե գոյություն չունի, որովհետև մերձավոր արևելքում իրենց ազդեցությունը տարածած օտարերկրյա իմպերիալիստները շահագրգռված չեն զարգացնելու այն: Անյտեղ զարգացած է միայն տնայնագործությունը:

Տնտեսության այս ճյուղում աչքի է ընկնում գորգագործությունը: Համարյա ամեն մի քուրդ իր տանն ունի գորգագործական գազգահ: Քրդուհիների գործած գորգերը աչքի են ընկնում իրենց արտաքին ձևավորմամբ և նրբությամբ:

Զարգացած է նաև շուրջակայքում: Գործում են բրդյա, բամբակյա և մետաքսյա գործվածքներ: Մասնավորապես աչքի են ընկնում բազմագույն շալը, շիթը, և այլն: Քրդերը զբաղվում են նաև կաշեգործությամբ:

Արհեստագործական արտադրանքից՝ գրավիչ են քրդի ամենասիրելի սուրը, խանշալը, բեբութը և դանակը: Պատրաստում են նաև ոսկյա, արծաթյա, պղնձյա բաժակներ ու տնային այլ իրեր: Արհեստագործական արտադրության մեջ աշխատում են վարժու բանվորներ, որոնք շտեսնված շահագործման են ենթարկվում արհեստանոցի տիրոջ կողմից:

Արտադրության այս ճյուղը զարգացման համարյա նույն աստիճանի վրա է գտնվում թե՛ թուրքական, թե՛ իրանական և թե՛ իրաքյան Քրդստանում:

¹ Ի. Վ. Ստալին, Մարքսիզմը և ազգային գաղութային հարցը, էջ 218:

Արդյունաբերության զարգացման ցածր աստիճանն իր բացասական ազդեցությունն է թողել քաղաքների զարգացման վրա:

Քրդստանում չափազանց նոսր է հաղորդակցության ճանապարհների ցանցը, հիմնականում քարավանային ուղիներ են:

Մակաչն, վերջերս, հատկապես օտարերկրացիները սկսել են կառուցել ալպո-տրանսպորտային խճուղիներ, որոնք Սև և Միջերկրական ծովերի նավահանգիստները կապում են սոսաշավոր և Միջին Ասիայի հետ: Գոյություն ունեցող Սվազերդում երկաթուղի Մալաթիա տանող ճյուղին ավելացել է Նեխլի-փաշա—Գիարբերի գիծը: Այս ճանապարհների առևտրա-տնտեսական նշանակությունը արագորեն աճում է: Այնպես որ Քրդստանը ներկայումս զիտվում է որպես օտարերկրյա ապրանքների սպառման ու էժանագին հումք ձեռք բերելու ձեռնառու շուկա:

Գրա համար էլ Քրդստանի յուրացումը օտարերկրյա Ֆինանսական կապիտալի համար մեծ հետաքրքրություն է ներկայացնում:

Միևնույն վերջին տասնամյակները քրդերը մեծ մասամբ ապրում էին նահապետական կենցաղով, վարելով քոչվորական կյանք, սակայն հետագայում մի շարք պատճառներ ստիպեցին նրանց աստիճանաբար նստակյաց կյանքի անցնելու: Առաջին համաշխարհային պատերազմի հետևանքով, առաջավոր Ասիայի սահմանների փոփոխումը, Քրդստանի մասնատումը, սահմանային ռեժիմի խստացումը ղժվարացրին քրդերի քոչելը իրենց համար հարմար ամառային արտափայրերը: Թուրքերը քրդերին բռնի կերպով բնակեցնում էին այն շրջաններում, որոնք ամառացուվել էին:

Նրանք բռնի կերպով տեղաշարժ էին անում հատկապես քրդական բմրոտ ցեղերին:

Բավական է ասել, որ 1925 թվականին այգալիսի մի բռնի վերարևակեցման ժամանակ, ճանապարհին ցրտից, սովից և հիվանդություններից կոտորվեց 700 հազար մարդ: Պետք է

նկատել, որ քրդերը քոչվորական կյանք վարելով ունենին իրենց ռազմացեղային միությունը, որը լուրջ վտանգ էր ներկայացնում թե՛ Իրանի և թե՛ Թուրքիայի համար:

Այդ ուժը թուլացնելու և քայքայելու միակ միջոցը քոչվորական կյանքին վերջ տալն էր: Բացի դրանից, քրդերը նրստակյացության անցնելով, բնականաբար դառնում էին և՛ հարկատու, և՛ զինապարտ:

Նստակյաց կյանքին անցնելը, արտադրողական ուժերի ու արտադրական հարաբերությունների փոփոխումը, արագացնում են տոհմա-ցեղային միությունների քայքայման պրոցեսը: Հատկապես քաղաքներում առաջ է գալիս քրդական առևտրական բուրժուազիան: Սուուջ-Բուլաղում, որը հաջողիսանում է արևմտյան և կենտրոնական Պարսկաստանի կարեվոր առևտրական կենտրոնը, առևտրի 90 տոկոսը կենտրոնացված է քուրդ առևտրականների ձեռքին:

Այստեղ առևտրի հիմնական առարկաներն են ծխախոտը, բամբակը, բուրդը, գորգը, անասնապահական մթերքները և արհեստագործական զանազան իրերը:

Թուրքական Քրդաստանում առևտրի հիմնական առարկան անասունն է:

Քրդական առևտրականների մեծ մասը միաժամանակ խոշոր հողատերեր են:

Օտարերկրյա կապիտալի ներթափանցումը մերձավոր ու միջին արևելքի երկրները խթան է հանդիսանում ապրանքափողային հարաբերությունների զարգացմանը, որի հետևանքով աստիճանաբար աճում է փողի իշխանությունը և բնդհակառակը նվազում է հողի իշխանությունը: «Հին տոհմական հասարակարգը ոչ միայն անզոր դուրս եկավ փողի հաղթական արշավի հանդեպ, այլ բացարձակապես անընդունակ եղավ իր շրջանակներում տեղ գտնել այնպիսի բաների համար, ինչպիսիք են՝ փողը, պարտատերին ու պարտապանները, պարտքերի բռնաբանձումը»¹:

Հողը ներգրավվում է առևտրական շրջանառության մեջ և որպես եկամտի աղբյուր ավելի է բարձրանում նրա արժեքը: Այդ պատճառով սկսվում է կապիտալի ներդրումը գյուղատնտեսության մեջ, այն չափով, ինչ չափով նա գերշահույթ է բերում կապիտալիստին: Սկսվում է հողի տենդացիան գնում, վաճառականների, շինովնիկների, հողաւորականների և վաշխատուների կողմից: Ցեղային ավագանու մի մասը իր ազդեցությունը պահպանելու համար, վերածվում է խոշոր հողատեր առևտրականի: Սրան հակառակ, մյուս մասը աստիճանաբար դուրս է մղվում նրանց կողմից, հողազրկվում և իր ազդեցությունը պահպանում մասամբ միայն բնակչության քոչվորական խավի մեջ:

Քոչվորական կյանք վարող բնակչությունը ևս աստիճանաբար ներգրավվում է առևտրական հարաբերությունների մեջ, մանավանդ քաղաքների մոտ տեղավորված խմբավորումները: Տոհմա-ցեղային ավագանին ձգտում է անասնապահական մթերքները վաճառել առևտրականներին: Սկսվում է ցեղերի շարքային անդամների շահագործումը ինչպես ավագանու, այնպես էլ օտար առևտրականների կողմից, որոնք ձգտում են ամենալժան կերպով ձեռք բերել անասնապահական մթերքներ:

Ցեղային ավագանին իր ձեռքն է կենտրոնացնում մեծ բանակությամբ անասուններ, մինչդեռ քոչվոր բնակչության հոծ մասսան սկսում է աղքատանալ: Քոչվորը ստիպված է փնտրել իր գոյությունը պահպանելու այլ աղբյուրներ, կամ անցնել նստակյացության և զբաղվել հողագործությամբ, կամ գնալ քաղաք՝ վաճառելու իր բանվորական ուժը:

Դյուզում սոցիալական շերտավորումը ավելի որոշակի է դառնում, գյուղացիության մի մասը դառնում է մանր հողատեր (խորդամուլք), մյուս մասը դառնում է փոքր հողամասերի կապալառու: Երրորդ մասը շոնենալով անասուններ, հող և արտադրության միջոցներ, կազմում է չբավորների և բարտակների մի մեծ բանակ:

Այսպիսով, քուրդ գյուղացիների հարաբերությունները

¹ Ց. Էնգելս, Ընտանիքի, մասնավոր սեփականության և պետության ծագումը, 1948 թ., էջ 150:

միմյանց հետ բնորոշվում են արդեն ո՛չ թե ցեղային, այլ տնտեսական կապերով:

Սոցիալական շերտավորմանը հետևում է շահագործողների և շահագործվողների միջև հակասության սրումը: Դրա հետ միասին իրար են բախվում նաև ազգային նորածին քուրդ առևտրական բուրժուազիայի և քրդստան մուտք գործած օտար մոնոպոլիստների շահերը: Այս երևույթը աստիճանաբար թուլացնում է քուրդ աշխատավորության նահապետական — ցեղային գիտակցությունը, որը սերնդի-սերունդ արմատավորվել էր նրա մեջ, — բարձրացնում է դասակարգային ու համազգային գիտակցությունը, որի բացակայությունը դարեր շարունակ, որպես շարիք, կաշկանդել է նրա ազգային-ազատագրական արդարացի պայքարը և այն շեղել իր իսկական նպատակից:

Գ Լ Ո Ւ Ն Ե Ր Բ Ո Ր Դ

ԲՆԱԿՉՈՒԹՅԱՆ ՔԱՆԱԿԸ, ՏԵՂԱԲԱՇԵՈՒՄԸ ԵՎ ՍՈՑԻԱԼԱԿԱՆ ԿԱՌՈՒՅՎԱԾՔԸ

ԲՆԱԿՉՈՒԹՅԱՆ ՔԱՆԱԿԸ ԵՎ ՏԵՂԱԲԱՇԵՈՒՄԸ

Մարդահամարների տվյալները կեղծելու հետևանքով, քրդերի քանակի մասին ճշգրիտ տեղեկություններ չկան: Սկսած տեղեկություններն էլ հակասում են մեկը մյուսին, որոնք կամ շափազանցված են, կամ ընդհակառակը իջեցված են և հասցված աննշան չափերի:

Իմպերիալիստական պետությունները, որոնք ձգտում են քրդերին սպառազործել իրենց քաղաքական նպատակների համար, կեղծ ավտանոմիա տալու պատրվակով չափազանցնում են այդ թվերը, իսկ թուրքիայի և Իրանի կառավարող շրջանները, նրանց գիտնականներն ու ժուռնալիստներն աշխատում են սպառնացել, որ թուրքերը կամ թուրքական քրդերը, իրանցիները կամ իրանական քրդերը նույնն են, այլ կերպ ասած մեծամասնությամբ ասիմիլյացիայի են ենթարկվել հիմնական քնակչության հետ, որ համեմատած տիրապետող ազգերի հետ՝ քրդերը կազմում են աննշան տոկոսը:

Այսպես, օրինակ, թուրքական տնտեսագետ Ֆահիկ Օզլին իր 1928 թվականին հրատարակած գրքում գրում է, որ թուրքիայում քրդերի քանակը 100 հազարից ավելին չէ, նրանք էլ գտնվում են թուրքերի հետ ասիմիլյացիայի ենթարկվելու պրոցեսում:

Ըստ Սովետական գիտնականների տվյալների՝ աշխարհում բրդերի թիվը հասնում է 7—8 միլիոնի:

Յրանսիական գիտնականների տվյալներով աշխարհում կան 9 միլիոն բրդեր. ըստ որում.

Երկրներ	Բնակչության ընդհանուր թիվը	Քրդերի թիվը	Տոկոսը
Թուրքիա	16.200.000	4.000.000	25
Իրան	15.000.000	3.500.000	23
Իրաք	3.500.000	1.000.000	28

Բացի դրանից, Միբրիայում ապրում են 250 հազար և Սովետական Միությունում 160 հազար քուրդ:

Այնուամենայնիվ, որքան էլ Թուրքիան և Իրանը ճգնեն նվազեցնել բրդերի ընդհանուր թիվը, համենայն դեպս բերված փաստերը և թվերն ավելի համառ ու պերճախոս են:

Սովետական Միության մեջ բրդերը գլխավորապես ապրում են Հայկական ՍՍՌ-ում (Ապարանի, Թալինի և այլ շրջաններում), Ադրբեջանական ՍՍՌ-ում (Լաչինի շրջանում, Նախիջևանի ԱՍՍՌ-ում), ինչպես նաև Վրացական ՍՍՌ-ում (Թբիլիսի քաղաքում, Կախեթիայում և մասամբ Աջարական ԱՍՍՌ-ում):

Քրդական Շավիթի, Բաշկի, Ղարթի, Բանոթի, Մսրկի կոչվող ցեղերը ապրում են Ղազախական և Կիրգիզական ՍՍՌ-ներում:

Քրդեր կան նաև Ուզբեկական և Թուրքմենական ՍՍՌ-ներում: Թուրքիայում կան առանձին վիլայեթներ, որտեղ բրդերն լեզվով խոսողները կազմում են բացարձակ մեծամասնություն: Այսպես, օրինակ, Բայազետում նրանց թիվը կազմում է 58,28 տոկոս, Բիթլիսում՝ 74,67 տոկոս, Գիարբեքիբում՝ 68,78 տոկոս, Էլիավիզում՝ 52,80 տոկոս, Հակկրիայում՝ 88,94 տոկոս, Սիրիբում՝ 74,16 տոկոս, Վանում՝ 76, 63 տոկոս:

Իհարկե, կարող է պատահել, որ այս թվերը որոշ չափով չափազանցված լինեն, սակայն փաստ է այն, որ բրդերը Թուր-

քիայում զգալի թիվ են կազմում: Հակառակ Թուրքական կառավարության դաժան հալածանքների բրդերը նրանց լեզուն չեն ճանաչում որպես մայրենի լեզու:

«Ջնայած բնակչության ազգագրական կազմը Թուրքիայում, համեմատած մինչև առաջին համաշխարհային պատերազմը, ավելի միատարր է դարձել, այնուամենայնիվ, այժմ էլ ազգային պրոբլեմը Թուրքիայում բավականին սուր է դրված»¹: Ժամանակակից Թուրքական կառավարությունը էլ ավելի դաժան կերպով շարունակում է նույն շովինիստական բաղաքականությունը, ազգային փոքրամասնությունների նկատմամբ, որպիսին տանում էին արյունարբու սուլթան Համիդը և «Երիտասարդ» Թուրքերը:

Թուրքիայում ամենասուր հարցերից մեկը դա քրդական հարցն է: Նրանց նկատմամբ բռնությունը հասել է այն աստիճանի, որ արգելվում է իրենց մայրենի լեզվով խոսել, էլ չենք խոսում գիր ու գրականություն ունենալու մասին: Թուրքիայում ապրող 4 միլիոնանոց քուրդ ժողովուրդը դրված է ամենատարբերակա՞ն իրավունքներից:

Խստագույն հալածանքի և հետապնդման են ենթարկվում իրենց ազգային իրավունքները հարգողները: Մուսուլմանական կրոնի ֆանատիզմի ազդեցությամբ քրդերին բռնի կերպով ասիմիլյացիայի են ենթարկում, ցանկանում են նրանց զրկել իրենց ազգային պատկանելությունից, արհամարհելով լեզվի, հոգեբանության և կենցաղի ինքնուրույնությունը:

Թուրքական շովինիստները ոչնչացրին քրդերի ինքնուրույնությունը, հիմա էլ ցանկանում են լիկվիդացնել նրանց լեզուն:

Ահա թե ինչ է պատմում ականատեսներից մեկը Թուրքիայում կատարվող դաժանությունների մասին.

«Ժողովրդի հանդեպ գործադրվող ճնշման քաղաքականությունը Թուրքիայում արդեն հարյուրամյակների է հասնում:

¹ Б. Данциг, Турция, 1949 г., стр. 130—131.

Քյամալականները վերցնելով իշխանությունը, այդ տն-
ակետից գերազանցեցին արյունարբու սովթաններին:

Քյամալականները հարազատ վայրերից հեռացնում էին
լազերին, կոտորում հայերին, մասսայաբար սպանում բըր-
դերին:

Հարյուր հազարավոր բրդե՛ր են ոչնչացվել նրանց կողմից:
Շատ բրդական գյուղեր են այրված, ջնջված երկրի երեսից:
Իրենց ոճրագործությունների հետքերը թաքցնելու համար,
Անկարայի ղեկավարները արգելված գոտիներ հայտարարե-
ցին այն տեղերը, որտեղ տեղավորված էին այդ գյուղերը:

Երկիրը բաժանելով 7 գլխավոր տեսչությունների (Գաու),
նրանք Քրդատանի գաուպետեր նշանակեցին Իբրահիմ Քա-
լիդին:

Երկար ժամանակ նա այնտեղ լիիշխան տեր էր: Նրա
պատժիչ շոկատները շրջում էին ամբողջ երկրում: Մյուս կո-
մունիստների հետ ես քանտարկված էի Քալիդի իշխանու-
թյան տակ գտնվող բանտերից մեկում:

Ամեն օր բանտից խմբերով տանում էին բանտարկված
բրդերին և գնդակահարում Տիգրիսի զառիվայր ափին: Հետո
բանտում ոստիկանները ծախում էին սպանված ջուրդ երի-
տասարդների զարդանկար գոտիները:

Հիշում եմ մի անգամ հարևան խուցը բերեցին մի երիտա-
սարդ բրդի, կլիններ մոտ 20 տարեկան: Պատմում էին, որ
պատժիչ շոկատների հետ կուլելիս նա սպանել է մի քանի
սպա: Մի քանի օր շարունակ ոստիկանները խոշտանգում էին
նրան: Այրում էին շիկացած շամփուրներով, բայց ոչ մի խոսք
չկարողացան պոկել նրանից:

Երիտասարդի ամբողջ մարմինը համատարած թարախա-
կալված վերք էր դարձել: Մի քանի օր ատամները պինդ սեղ-
մած երիտասարդ քուրդը պայքարում էր մահվան դեմ: Նա
միայն մի խոսք էր կրկնում՝ վրե՛ժ... վրե՛ժ...»:

Որպեսզի պարզ պատկերացնում տանք մարդ կոչվող այդ
գազանների կատարած դաժանությունների մասին, անհրա-

ժեշտ ենք համարում բերել մի քանի թվեր, 1925—1928 թվա-
կաններին անողորմաբար սպանված բրդերի և բրդական հըր-
դեհված գյուղերի ու տների քանակի մասին, որոնք գերա-
զանցում են անգամ 1894 թվականին սովթանի հրամանով
կատարած հայկական ջարդերին, որի ընթացքում սրի քաշ-
վեց 10 հազար անմեղ մարդ և հրդեհվեց 27 գյուղ:

Շրջաններ	Գյուղեր	Այրված տների թիվը	Սպանվածների թիվը
Լիջա	29	1284	6370
Գարախան	54	2197	1357
Արդաշին	7	295	125
Ջարաղչուր	11	576	350
Նիսիրին	10	440	384
Հարաբ	21	905	902
Էլիան	19	790	1706
Կողիլաթ	6	450	613
Քեչերան	15	548	978
Կարբուրան	3	72	172
Հիսիբեյթ	3	37	71
Գենչ	16	643	1094
Իթնուս	13	590	809
Գիսրբեբի	4	176	138
Ընդամենը	211	9003	15 069

Այս գազանությունները պատահական երևույթ համարել
չի կարելի: Այլազգի ժողովուրդի ֆիզիկական ոչնչացումը,
նրանց բնակավայրերի հրդեհումը և կողոպուտը, տարբեր ցե-
ղերին և ժողովուրդներին իրար դեմ զրգոելը, եղել է և կա
թուրքական պետության ավանդական քաղաքականությունը:
Այդ մասին են վկայում նաև Թուրքիայի պետական գործիչնե-
րի ցինկի հայտարարությունները: Թուրքական մեջլիսի ղե-
պուտատ, արդարադատության մինիստր Մահմուդ-էսսատ-
բեկը 1930 թվականին, Օրեմիշում իր ընտրողների առաջ
հայտարարեց. «Մենք ապրում ենք Թուրքիայում, աշխարհի
ամենապատ երկրում: Չեք դեպուտատը ամբողջ անկեղծու-

¹ С. Устюгелъ, В тюрьме и на «Воле», 1952 г.

Յայսմբ խոսելով իր համոզմունքների մասին, ավելի լավ աուղիտորիա չէր ճարի: Իրա համար էլ ես չեմ թարցնի իմ զգացմունքները: Թուրքը այս երկրի միակ տերն ու տնօրենն է:

Մարդիկ, որոնք իրենց ծագումով թուրքեր չեն, այս երկրում միայն մի իրավունք ունեն, ծառաներ լինելու իրավունք, սարուկներ լինելու իրավունք, և թող այս ճշմարտությունը գիտենան թե՛ բարեկամները, թե՛ թշնամիները և թող դա իմանան անգամ սարերը»¹:

Ինպուտատ Յակուբ Կադրին հայտարարեց.

«Այս կոիվների կարմիր բոցը նշանակում է ո՛չ թե վերջ, այլ երկու ռասաների՝ քրդերի, ռասայի, որին եվրոպացիները իրենց նման համարում են արիացիներ և թուրքերի ռասայի, որին նրանք համարում են մոնղոլներ, պայքարի սկիզբ»²:

Պակաս բնորոշ չէ նաև Մուստաֆա Քյամալ-փաշայի 1930 թվականի փետրվարին Ադանայում արած հայտարարությունը.

«Ամեն ոք, ով իրեն համարում է թուրք, պետք է խոսի թուրքերեն: Չի կարելի հավատ ներշնչել ոմանց հայտարարություններին, որոնք չեն խոսում թուրքերեն և ձգտում են համարվել թուրքական ընտանիքի անդամ:

Ադանայում ավելի քան 20 հազար մարդ չեն խոսում թուրքերեն, ինչպիսի հետևանքներ կարող է ունենալ այդ: Այդ կատեգորիայի բոլոր մարդիկ զեմ են մեզ... Այդ էլիմենաներից պետք է ստեղծել իսկական թուրքեր»³: Նման փաստեր կարելի է շատ բերել:

ՅԵՂԱՅԻՆ ԿԱՌՈՒՑՎԱԾՔԸ

Քրդստանի բնակչությունը բաժանված է մեկը մյուսից խիստ տարբերվող ցեղերի: Այս տարբերությունը ավելի ուժեղանում է շնորհիվ գոյություն ունեցող տոհմա-ցեղային կառուցված-

քի, որը աստիճանաբար վերածվում է ֆեոդալական հարաբերությունների:

Ամբողջ քրդական բնակչությունը, անկախ նրանց սոցիալական և հասարակական դիրքից, բաժանվում են բազմաթիվ համայնքների:

Յուրաքանչյուր համայնքի գլուխ կանգնած են մեկ կամ մի քանի ավագներ, որոնք օգտվում են անասհմանափակ իրավունքներից:

Երբեմն համայնքի գլուխ կանգնում է շեյխ ֆեոդալը, որը աշխարհիկ և հոգևոր առաջնորդի դեր է կատարում:

Համայնքից դուրս գտնվող բուրգը իրեն որը է զգում և համայնքի անդամները նրան մոտենում են որպես օտարի: Համայնքի անդամները հող են տանում և պաշտպանում են իրար:

Քրդի հեղինակությունը և ուժը կախված է համայնքի կամ ցեղի հեղինակությունից և հզորությունից:

Ցեղերը սովորաբար տերիտորիալ սկզբունքներով միանում և կազմում են ցեղային միություններ:

Ներկայումս ցեղերը և ցեղային միությունները աստիճանաբար սկսում են քայքայվել: Քաղաքային բնակչությունը սովորաբար ցեղային միավորումների մեջ չի մտնում:

Քրդական բնակչությունը բաժանվում է երկու հակադիր խմբի՝ քրդեր աշիրաթներ և քրդեր ռայաթներ:

Աշիրաթը սկզբնական շրջանում հանդիսանում էր որպես բուրգ ֆեոդալի ռազմական ջոկատ, որը հավաքագրվում էր նրա համայնքի անդամներից:

ժամանակի ընթացքում աշիրաթը ստանում է ավելի լայն իմաստ, վերածվելով ինքնուրույն միավորումների, համախմբված իր առաջնորդի շուրջը: Աշիրաթի ռազմական ուժը կատարում է երկու ֆունկցիա, մի կողմից կատարում է ֆեոդալի ռազմական ջոկատի ֆունկցիան, որի օգնությամբ ֆեոդալը իրեն է ենթարկում շրջապատի նստակյաց և քոչվոր ցեղերին, մյուս կողմից կատարում է աշիրաթի անդամների կենսական շահերի հետ կապված խնդիրները՝ նոր արտոստ-

¹ Л. Рамбу, Курды и право.

² Там же.

³ Б. Данцяг, Турция, 1949 г., стр. 131.

վայրերի գրավում, իրենց ցեղին պատկանող սահմանների պաշտպանում:

Երբեմն աշիրաթ թրդերի ռազմական ուժերը ծառայութեան են մտնում ֆեոդալի կամ կենտրոնական կառավարութեան մոտ, մեծ մասամբ կատարելով սահմանապահների դեր:

Թուրքիայի և Իրաքի աշիրաթ թրդերը քոչվորներ են, մինչդեռ Իրանի աշիրաթները մեծ մասամբ նստակյաց են:

Քրդերի այն մասը, որը այս կամ այն պատճառով չի կարողացել կազմել աշիրաթային միավորում, կամ թե այս կամ այն աշիրաթ խմբին չի հարել, աստիճանաբար, ֆեոդալական հարաբերությունների զարգացման հետևանքով դառնում է ռայաթ՝ աշխատավոր գյուղացիություն:

Սկսած XIX դարից ցեղային կապերի աստիճանաբար քայքայման հետևանքով աշիրաթների փոխարեն, որոնք կառուցված էին տոհմա-ցեղային սկզբունքով, հաճախ հանդիպում ենք թայֆաների, որի անդամները ոչ բոլոր դեպքերում են կապված ցեղային կապերով: Չնայած ցեղային սկզբունքների խախտմանը, թայֆան ըստ էության նույն աշիրաթն է: Նախնադարյան համայնական կարգերի քայքայման և դասակարգերի հանդես դալու շրջանում առանձին տոհմերի շահերի ընդհանրությունը հանգում էր տոհմային միությունների կազմակերպմանը, որոնց նպատակն էր տոհմերի ռազմական և տրևտեսական շահերի պաշտպանումը:

Ամբողջ Քրդստանում կան հետևյալ ցեղային միությունները և ցեղերը:

ԻՐԱՆԱԿԱՆ ՔՐԴՍԱՆ

Այստեղ կա 8 ցեղային միություն և 192 ցեղ

✓ Մուրի ցեղային միություն

- | | |
|-------------|------------|
| 1. Բեկզադա | 4. Մանգուր |
| 2. Դեբոքերի | 5. Գեուրիք |
| 3. Մամաշ | 6. Փիրան |

✓ Մերիվանի ցեղային միություն

- | | |
|------------------|--------------|
| 1. Բալեք | 4. Մալաքուխի |
| 2. Քուրեքա | 5. Արգելանի |
| 3. Ֆեյզուլա-Բեյի | |

✓ Ավրոմանի ցեղային միություն

- | | |
|------------------|---------------------|
| 1. Ավրոման Թախտ | 3. Ավրոման Նավասուղ |
| 2. Ավրոման Դիզլի | 4. Ավրոման Լոխուն |

✓ Գելբադի ցեղային միություն

- | | |
|--------------|---------------|
| 1. Քեմերի | 3. Վերմեդ-Յար |
| 2. Քասավանդի | |

✓ Ջավանրուպի ցեղային միություն

- | | |
|-------------------|-------------------|
| 1. Ջաֆ-Վալադ-Բեյի | 11. Թուխվի |
| 2. Բաշուքի | 12. Թաուզուզա |
| 3. Քելաշի | 13. Դերվեշի |
| 4. Փերենշի | 14. Դուրոյի |
| 5. Քուրուն | 15. Ջերդոյի |
| 6. Քուրպի | 16. Մանսուր-Աղայի |
| 7. Կնաթի | 17. Դելյաշիրա |
| 8. Իմամի | 18. Մուստաֆա-Բեյի |
| 9. Քաշի | 19. Դաստեիրդա |
| 10. Բեյեի | |

✓ Քելխուրի ցեղային միություն

- | | |
|----------------|----------------|
| 1. Խալիզի | 8. Մանսուրի |
| 2. Խուրանարազի | 9. Չոբան-Քաթն |
| 3. Թելյաշի | 10. Չելե |
| 4. Համամ | 11. Դուլե-Ջուդ |
| 5. Շիանի | 12. Շահինի |
| 6. Սիամնա | 13. Քուչիմի |
| 7. Քյազիմ-Խանի | 14. Քյուլափա |

- | | |
|-----------------|-----------------|
| 15. Ռավանդ | 27. Բուրբուր |
| 16. Մուշքուշ | 28. Մալ-Խատավի |
| 17. Հալիավենդի | 29. Քերֆրավուր |
| 18. Շիթշիթղիլ | 30. Ռուտավեն |
| 19. Վերմեղիար | 31. Բասեկլա |
| 20. Սորխար | 32. Սերաբե-Շիան |
| 21. Մունշի | 33. Միամի |
| 22. Զեյնալ-Խանի | 34. Խի-Սալման |
| 23. Ալի-Ռազվանի | 35. Քուտ-Քուտի |
| 24. Շերեք | 36. Մահի-Դեշտի |
| 25. Մալիմա | 27. Բեյրակ-Բեյի |
| 26. Միրան | 38. Շուվան |

✓ Զաֆարանլու ցեղային միություն

- | | |
|-----------------|-------------------|
| 1. Շեյխ-Ամիրլու | 21. Ղասիմանի |
| 2. Միլանլու | 22. Ղիֆանի |
| 3. Քայանքելու | 23. Դիրեքի |
| 4. Բեճեքանի | 24. Զաֆերանի |
| 5. Հավաղանի | 25. Զենկեհնայի |
| 6. Սեեկանի | 26. Իբարթկանի |
| 7. Բիրանի | 27. Իլխանի |
| 8. Ղահրամանի | 28. Կարա-Մահմուդի |
| 9. Բագիլի | 29. Քարահանի |
| 10. Թոփկանի | 30. Քեյկանի |
| 11. Խալանի | 31. Քունխալանի |
| 12. Կավանի | 32. Հավանկանի |
| 13. Դերեգեզի | 33. Մալիմենի |
| 14. Զավահանի | 34. Միանի |
| 15. Զերդեկանի | 35. Մոշքանի |
| 16. Քոշքխանի | 36. Նաին |
| 17. Քոխկանի | 37. Փեհլեանի |
| 18. Ամբարի | 38. Քոմքեյանի |
| 19. Բաջիվանի | 39. Ավկուզի |
| 20. Բաջիլուի | 40. Ռո-Շվանի |

- | | |
|----------------|---------------|
| 41. Սուվեյդանի | 46. Ֆաշկանի |
| 42. Թաբաշկանի | 47. Ֆարուշի |
| 43. Թուրքիչարի | 48. Ֆուշկանի |
| 44. Ուղկանի | 49. Ֆուրանի |
| 45. Ուղիլարի | 50. Համզահանի |

✓ Շաղկլու ցեղային միություն

- | | |
|-----------------|------------------|
| 1. Դոզանի | 16. Քար-Մաղսուդի |
| 2. Քոփրանի | 17. Ալանլու |
| 3. Ռո-Շվանի | 18. Քեփկանի |
| 4. Ալի-Կանի | 19. Օշանի |
| 5. Հուլիարանի | 20. Կուրբանի |
| 6. Դեփրանի | 21. Դենգոլ |
| 7. Ղարարաշի | 22. Օղլու |
| 8. Սեփրանի | 23. Քերանի |
| 9. Բզուլի | 24. Քինդիրանի |
| 10. Բաթալի | 25. Բողրանի |
| 11. Զանբուզաղի | 26. Զիրովկանի |
| 12. Խանբու-Օղլի | 27. Բարզանի |
| 13. Սուրու-Կանի | 28. Բասրկանի |
| 14. Քիլիչանի | 29. Քիլիչանի |
| 15. Պարազանի | 30. Չինի |

Բացի վերոհիշյալ ցեղերից, կան նաև ցեղեր, որոնք չեն մտնում որևէ ցեղային միության կազմի մեջ, սակայն չուրաքանչյուրը իր հերթին հարում է այս կամ այն միությանը և վճռական մոմենտին միանում նրան: Այդ ցեղերն են.

- | | |
|---------------|--------------------------|
| 1. Զալալի | 8. Զերզա |
| 2. Բրուքի | 9. Փենխանիշլի |
| 3. Հալգարանլի | 10. Սակկիզի ցեղախումբը |
| 4. Միլի | 11. Սերաղաշտի ցեղախումբը |
| 5. Քոո հասանի | 12. Բանե ցեղախումբը |
| 6. Շեկկաք | 13. Թիլյաքու |
| 7. Ղարքի | 14. Զխարդավու |

- | | |
|------------------|---------------|
| 15. Մենդելմի | 27. Կաճքի |
| 16. Զոլե | 28. Սուր-Սուր |
| 17. Շաթրանլու | 29. Գուրան |
| 18. Փավերի | 30. Բաբաջանի |
| 19. Փերվենդ | 21. Քուբայի |
| 20. Զենդ | 32. Քումասի |
| 21. Քոլյայի | 33. Սենջաբի |
| 22. Լեք | 34. Բաշիլան |
| 23. Շեյխ-Իսմաիլի | 35. Զենգենի |
| 24. Շամսուր | 36. Խեզել |
| 25. Մամեզեք | 37. Կաքավենդ |
| 26. Փիրվեշի | |

Բացի վերոհիշյալ ցեղերից և ցեղային միություններից, Իրանում կան լուրեր, որոնք իրենց համարում են քրդեր: Նրանք ունեն 80 ցեղ, որոնց մեջ ընդգրկված է 180—200 հազար մարդ:

Թուրքական Քրդստան. Այստեղ կան 6 ցեղային միություն, որոնց մեջ մտնում են մոտ 198 ցեղ:

Հայդարան ցեղային միություն

- | | |
|----------------|-------------|
| 1. Շեկկաք | 7. Ալիկանլի |
| 2. Եզդի | 8. Հեյիաջի |
| 3. Աթր-Մանիկան | 9. Թայան |
| 4. Սլիվա | 10. Խոթան |
| 5. Ճիճիյան | 11. Քույան |
| 6. Դու-Դերի | |

Արաուշի ցեղային միություն

- | | |
|-------------|-------------|
| 1. Մամերեշ | 6. Ալան |
| 2. Մամենադ | 7. Բերոզ |
| 3. Շերիֆան | 8. Զերեկի |
| 4. Եզդիման | 9. Շեյզան |
| 5. Մարգլոզի | 10. Մամխուր |

- | | |
|--------------|-------------|
| 11. Հավիստան | 14. Հավդան |
| 12. Մամեղան | 15. Զաֆլի |
| 13. Զիդակ | 16. Հաֆիջան |

Մոդեֆի ցեղային միություն

- | | |
|-------------|-------------|
| 1. Բիբուրան | 5. Զեյզան |
| 2. Բուբանլի | 6. Արիբի |
| 3. Նոսուն | 7. Փիրմուսի |
| 4. Ռոճաբե | |

Մուշի ցեղային միություն

- | | |
|-------------|-------------|
| 1. Փենջինան | 3. Շիբյարլի |
| 2. Սիլոբան | 4. Ագալի |

Թուրաբրդի ցեղային միություն

- | | |
|----------------|--------------|
| 1. Մեղեղաքի | 8. Հավրեկան |
| 2. Մահլամի | 9. Սալախան |
| 3. Հարունե | 10. Գառղառի |
| 4. Դիլ-Մամիկան | 11. Դասիկանի |
| 5. Դումանի | 12. Ալիյան |
| 6. Դուրկանի | 13. Սաուր |
| 7. Մուման | 14. Մեզեղախի |

Միլանի ցեղային միություն

- | | |
|---------------|----------------|
| 1. Քավի | 10. Հալիջանի |
| 2. Զարբուֆկան | 11. Քալեշի |
| 3. Քարակիջ | 12. Մանդանի |
| 4. Ճեկանլի | 13. Քոմոաշի |
| 5. Մարդիսի | 14. Շարկան |
| 6. Վանան | 15. Ալքեվաթ |
| 7. Սեիդան | 16. Դաշի |
| 8. Քերան | 17. Մըշկանի |
| 9. Դուրկանի | 18. Քալենդալան |

19. Հաջի-Բայրամ
20. Հասնկան
21. Խալաջարի
22. Ալիան
23. Իսիադաթ
24. Դերկան
25. Նասիրան
26. Ճվան
27. Սարթան
28. Ուբախան
29. Մաթլիշե
30. Ճամիկանի
31. Բարդևանի

32. Հասուլիե
33. Ճիաներաշ
34. Թաղբաշի
35. Բուջան
36. Հուշան
37. Բեսկի
38. Ջաշիման
39. Քասիանի
40. Աթարբեշ
41. Ջանբեկ
42. Դրեջան
43. Մուլիկան
44. Բեկլիան

Ինչպես Իրանում, այնպես էլ Թուրքիայում կան բավականին ցեղեր, որոնք ցեղային միությունների մեջ չեն մտնում: Դրանք են.

1. Բրուբի
2. Ջալալի
3. Ադամանլի
4. Ջիլան
5. Բադելի
6. Շատերլի
7. Բաշմանլի
8. Հանդիկանի
9. Մանգուրանլի
10. Թաքուլի
11. Բադիկլի
12. Մամեկանլի
13. Սիփիկան
14. Խորասանի
15. Քիկան
16. Բալիկարի
17. Խանի

18. Փենջարի
19. Սիլվան
20. Լուլան
21. Հասանան
22. Իսազի
23. Ջերբաիլի
24. Ջիլիկան
25. Թեշվան
26. Շեր-Բեքի
27. Փեղիմն
28. Շեխ-Բըղլենի
29. Ալուշ
30. Բեկիկան
31. Բեշիբի
32. Փորան
33. Շեխ-Ղուդանի
34. Բեկրան

35. Ռաշտթանի
36. Տիրկանի
37. Ջեբրամի
38. Մուսի
39. Սարմի
40. Ջեւալի
41. Խաղալի
42. Բեզրի
43. Բադիկան
44. Բեյաշիզո
45. Քուրիան
46. Մուշիբ
47. Ջազա
48. Ճափքիսան
49. Բարան
50. Հասարան
51. Արուժախիբ
52. Հերան
53. Ճիշան
54. Սուրբեշի
55. Միլան (Դերսիմի քրդեր)
56. Քեշալ
57. Շեակ
58. Ֆարհադ-Ուշադի
59. Բախթիարլի
60. Ղարաբանլի
61. Միրզանլի
62. Արասանի
63. Բալաշահի
64. Լաճանի
65. Քուլիճան
66. Բարուրան
67. Մերսինան
68. Քուրեշլի

69. Մալիբալա
70. Բարանլի
71. Մեծ բալա (Բարանլի)
72. Շադրլի
37. Բազելի
74. Քոշարի
75. Սինեմանի
76. Խաս-Քուրդի
77. Քրդ-Ջուր
78. Քարահասան
79. Հոգերիշանլի
80. Նադերլի
81. Դավալանի
82. Վալիանի
83. Ջանլիկանի
84. Լեք-Քուրդի
85. Դեիկանլի
86. Բալիկանլի
87. Ախշեշանլի
88. Բադլի
89. Խաթունօղլի
90. Մահանի
91. Օմարի
92. Բեր-Քաթի
93. Թաթուրի
94. Շեխբնի
95. Ջուլիկանի
96. Հալիկանի
97. Սիֆկանի
98. Նասիրի
99. Թիրիքան
100. Աթմանիկան
101. Ջերկանի
102. Ջեհենբեզի

Այստեղ կա մեկ ցեղային միութիւն և 121 ցեղ:

Ձափ ցեղային միութիւն

- | | |
|-----------------|--------------------|
| 1. Հարունի | 14. Քեմալի |
| 2. Իսմաիլ-Ազլրի | 15. Յաղղան-Բախշի |
| 3. Միքանլի | 16. Թավգուզի |
| 4. Ռաշուբբու | 17. Հելալի |
| 5. Թերխանի | 18. Պշտմալի |
| 6. Շաթերի | 19. Բիսրի |
| 7. Սադանի | 20. Յարվեյսի |
| 8. Բադախի | 217. Շեյխ-Իսմաիլի |
| 9. Բաշեքի | 22. Իսան |
| 10. Ամալու | 23. Սուֆիավենդ |
| 11. Քոսուֆջանի | 24. Փժղարի |
| 12. Բարզանի | 25. Միզուրի վերին |
| 13. Նեվրուի | 26. Միզուրի ներքին |

Պետք է նշել, որ Ձափ ցեղային միութեան մեջ մտնում են 42 ցեղեր, սակայն մեզ հայտնի են միայն վերը նշված 26 ցեղերը: Բացի այս ցեղային միութեանից, փնչպես Իրանում և Թուրքիայում, այստեղ ևս կան ցեղեր, որոնք չեն մտնում ցեղային միութեան մեջ, այլ միայն հարում են նրան և անհրաժեշտութեան դեպքում միանում համատեղ գործողութեաններին համար: Այդ ցեղերն են.

- | | |
|------------|----------------------|
| 1. Արտուշի | 9. Միզուրի |
| 2. Հասինի | 10. Սենդի |
| 3. Սեփիրտի | 11. Քելի |
| 4. Սուրշի | 12. Քույանի |
| 5. Շեյխանի | 13. Սուբաս |
| 6. Զիշարի | 14. Սինջարի Եզդիները |
| 7. Բարզան | 15. Ղարքի |
| 8. Գուսքիա | 16. Զազի |

- | | |
|------------------|-------------------|
| 17. Բաբան | 43. Համալենդ |
| 18. Բեբանի | 44. Փալեբանի |
| 19. Ճանդենե | 45. Զենգենի |
| 20. Հեիլիանի | 46. Զենդ |
| 21. Բուլի | 47. Փիլմանի |
| 22. Բեքվարի | 48. Գաուզե |
| 23. Բելքի | 49. Սուրե-Միրի |
| 24. Շիրվանի | 50. Գելու |
| 25. Բըրադոսա | 51. Օմար-Միլ |
| 26. Աքուա | 52. Բարզանջի |
| 27. Փիրանի | 53. Քյախվար |
| 28. Խոշնավ | 54. Փալանի |
| 29. Կորա | 55. Լեյլանի |
| 30. Բիլբաս | 56. Քուկանի |
| 31. Դիզեի | 57. Զերբուշ |
| 32. Իսմաիլ-Ազլրի | 58. Հիլանի |
| 33. Գրդի | 59. Յիլի |
| 34. Պրշղար | 60. Մուլք-Շեխի |
| 35. Զարարի | 61. Քեյաղի |
| 36. Քեզա | 62. Ներանջի |
| 37. Բաջիլան | 63. Կաղըր-Միրվեքի |
| 38. Շերեֆ-Բիլանի | 64. Թայլան |
| 39. Սալախի | 65. Ավրոմանի |
| 40. Շրվան | 66. Կարա-Ալու |
| 41. Շեյխբզնի | 67. Մերիվանի |
| 42. Զարարի | |

Մոսուլի շրջանի ցեղեր

- | | |
|------------|------------|
| 1. Մանդան | 7. Զալալի |
| 2. Զերհատի | 8. Դերե |
| 3. Հաջի | 9. Կուխան |
| 4. Ներվա | 10. Ռաշկան |
| 5. Ռեբակ | 11. Հաուրի |
| 6. Հեսինի | |

ՍԻՐԻԱԿԱՆ ՔՐԴՍԱՆ

Այստեղ կա մեկ ցեղային միություն և 19 ցեղ:

Բերագի ցեղային միություն

- | | |
|------------|--------------------|
| 1. Դիվան | 6. Միլլի-Դումբուլի |
| 2. Քեյդբան | 7. Մասֆան |
| 3. Շեյխան | 8. Զերվան |
| 4. Ուբխան | 9. Փիշան |
| 5. Շեզիրան | 10. Կարա-Քիշան |

Ցեղային միության կազմի մեջ չեն մտնում
հետևյալ յոթ ցեղերը

- | | |
|----------|--------------|
| 1. Միրան | 5. Թիմար-Ալի |
| 2. Աման | 6. Մերսինիե |
| 3. Քիքիե | 7. Դանքուրիե |
| 4. Ճիճե | |

Այսպիսով, ամբողջ Քրդստանում գոյություն ունեն 16 ցեղային միություն և մոտ 527 ցեղ:

ՍՈՑԻԱԼ-ՏՆՏԵՍԱԿԱՆ ԿԱՌՈՒՑՎԱԾՔԸ

Քուրդ ժողովուրդը անցել է հետևյալ ֆորմացիաներով՝ նախնադարյան-համայնական, ստրկատիրական, ֆեոդալական, իսկ վերջերս ճիշտ է շատ դանդաղ, բայց արդեն թևակոխում է կապիտալիստական ֆորմացիան:

Ժամանակակից Քրդստանի տիրապետող հասարակական-տնտեսական ֆորմացիան հանդիսանում է ֆեոդալիզմը՝ իր մի շարք առանձնահատկություններով, որոնք արտահայտվում են.

1. Տոհմատիրական-նահապետական և ցեղային կապերի առկայությամբ, որը և իր կնիքն է դնում ողջ ֆեոդալական սիստեմի վրա.

2. Քուլտուրներին յուրահատուկ ֆեոդալական շահագործման բնույթով.

3. Ցեղայինների և ցեղապետների կողմից նստակյաց և կիսանստակյաց գյուղացիության (ուսթաթ) ստրկացմամբ՝ դեռազանցապես սաղմական մեթոդներով:

Քուրդ ֆեոդալը իր ձևերում է կենտրոնացրել թե՛ աշխարհիկ և թե՛ հոգևոր իշխանությունը: Նա հանդես է գալիս (շահագործվող ուսթաթի նկատմամբ) որպես խոշոր հողատեր դերերի (հովտի տեր), որն է դերվիշական միաբանության դեկավար, կենտրոնական կառավարության կողմից լիազորված անձ (դատական գործերը վարելու համար), գանձարանի սպառն իր գավառի հարկերը հավաքող և այլն:

Այս բոլորը հնարավորություն են տալիս քուրդ ֆեոդալին սպառնալու անսահմանափակ իրավունքներին և մաքսիմալ շահով շահագործելու ուսթաթին:

Քրդստանում ոչ բոլոր հողերն են պիտանի երկրագործության համար: Հիմնականում պիտանի հողերը գտնվում են գետերի հովիտներում, որոնց տերը հանդիսանում է դերեբեյը (հովտի տերը): Հետևաբար, եթե նա հովտի տերն է, ապա այդ հովտով հոսող գետերը ևս պատկանում են նրան: Այսպիսով, քուրդ ֆեոդալը ո՛չ միայն հողի, այլև ջրի տերն է:

Ամեն ոք, ով ուզում է մշակել իր հողը, բեյից ստանում է սերմացուի վարկ: Բերքը հավաքելուց հետո վերցրած վարկերը վերադարձվում են տիրոջը, ապա հանվում է բնահարկը, իսկ մնացած բերքը բաժանվում է բեյի և հողը մշակողի միջև, այնպես, որ վերջինիս շնչին բաժին է հասնում:

Քուրդ ֆեոդալը ունի մի քանի գյուղեր: Նա իր գյուղերը կառավարում է հատուկ լիազորների միջոցով, որոնք կոչվում են քեդխուդաներ:

Այս վերջիններն էլ իրենց հերթին են թալանում գյուղացիներին: Քրդստանում ճորտ դուրդացիները բաժանվում են երկու մասի. 1. անգարիա (կուս) կատարող գյուղացիներ, որոնք

պարտավոր են ձրիաբար մշակել ֆետդալի հողերը և կատարել ամեն տեսակ դաշտային ու անային աշխատանքներ:

2. Մաարբա. սրանք այն ձորտ գյուղացիներն են, որոնք իրավունք ունեն հեռանալ իրենց բեյից, երբ ցանկանան:

Մաարբաները բաժանվում են 2 կատեգորիայի. առաջին կատեգորիային պատկանող մաարբաները հողազուրկ են, նրանք տնեն միայն ինվենտար: Այս դեպքում մաարբան իր ինվենտարով մշակում է բեյի հողը, իսկ ստացված քերքը կիսում են հավասար:

Երկրորդ կատեգորիային պատկանող մաարբաները ոչինչ չունեն, բացի իրենց բանվորական ձեռքերից: Այս դեպքում բեյը տալիս է և՛ սերմացուն, և՛ գյուղատնտեսական ինվենտարը, և՛ հողը: Գյուղատնտեսական բոլոր աշխատանքները կատարում է գյուղացին: Բերքը հավաքելուց հետո բաժանում են 3 մասի, $\frac{2}{3}$ -ը՝ վերցնում է կալվածատերը, $\frac{1}{3}$ -ը՝ գյուղացին, իսկ տասանորդը տրվում է պետությանը:

Եթե աղայի ընտանիքը ապրում է գյուղում, գյուղացու կինը և աղջիկը պարտավոր են աշխատել նրա համար, կարել, լվանալ, գործել և այլն:

Որպեսզի գաղափար կազմենք քուրդ գյուղացիության շահագործման մասին, թվենք այն հարկերն ու աշխատավճարները, որոնք կիրառվում են Քրդստանում և մասնավորապես Իրանական Քրդստանում:

1. Սեկուր — այսինքն ամբողջ բերքի երրորդ մասը:

2. Սարչատ (զույգ զուլս) — այսինքն յուրաքանչյուր զույգ եզի դիմաց գյուղացին վճարում է 1 բատման կովի յուղ (7 ֆունտ), 3 բեռ ածուխ (3 փութ), 1 բեռ փայտ, 1 բեռ ձյուն կամ սառույց, 1 բեռ խոտ (չոր կամ կանաչ), 2 բեռ հարդ:

3. Գանանե — այսինքն 5 բատման հացահատիկ տիրոջ ձեռքը կերակրելու համար:

4. Նանանե — 5 բատման ցորեն միրբաշիբի (կալվածատիրոջ գործակատար) ապրուստի համար:

5. Զարուտանե — 5 բատման ցորեն գործակատարի աշ-

խատանքի դիմաց (բերքահավաքին ներկա լինելու համար):

6. Մալուշեկանե (ձնձողուկ) — 2 բատման ցորեն թոշունների կողմից բերքը ուտելու կամ փչացնելու դիմաց:

7. Բեզարդուլե — 1 ուլ՝ անասունների աճից:

8. Քուրհանե — այժերի ողջ նրբամազը (զվթիկ):

9. Փեշման — ոշխարների և այժերի խուզած քերդի և մազի $\frac{1}{10}$ -ը:

10. Փեշմեն — ողջ շորթանի $\frac{1}{10}$ մասը:

11. Գարնանը — 1 ոշխար:

12. Բեզյար — գյուղացին պարտավոր է ներկայանալ տիրոջ բոլոր տնտեսական աշխատանքներին (չենքի կառուցում, ատունների փորում և մաքրում, ճանապարհների նորոգում և այլն, այս բոլոր աշխատանքները կատարվում են անվճար):

13. Շիլար — գյուղացին պարտավոր է իր հրացանով և փամփուշտներով ներկայանալ տիրոջ կազմակերպած որսին և կերակրել նրան որսի ժամանակ:

14. Սուրանե (հյուրասիրություն) — տիրոջ, նրա սրդիների կամ զուտերերի ամուսնության դեպքում, յուրաքանչյուր տնտեսություն պարտավոր է վճարել 5—30 թուման:

15. Մալիար — պետական հողային հարկ: Ամեն մի տընտեսություն վճարում է 2-ից մինչև 4 թուման: Այս հարկը կամ մասամբ, կամ ամբողջովին մնում է բեյի զրպանում:

Կան նաև անուղղակի հարկեր, օրինակ, գյուղացին պարտավոր է որպես նվեր բեյի ընտանիքին տալ ձու, յուղ, թըրչուն և այլն:

Եթե ցեղը զբաղվում է գերազանցապես այգեգործությամբ, վերը հիշատակված բնահարկերը գանձվում են մըրդերից: Եթե ցանում է բրինձ, հարկը գանձվում է բրնձից: Անհրաժեշտ է նշել, որ գյուղացին պետք է ցանի այն կուտուրան, որը ձեռնառու է բեյին:

Բացի վերոհիշյալներից, բեյը իր հայեցողությամբ կարող է նշանակել լրացուցիչ հարկեր և աշխատանքային պարտավորություններ, իսկ իրավազուրկ գյուղացին կամա-ակամա պարտավոր է կատարել բոլորը:

Բոլոր տեսակի հարկերը և պարտքերը գանձվում են աշ-
խանք, բերքահավաքից հետո: Հարկերը գանձելու համար բեր-
քահավաքի հենց սկզբից գյուղ է գալիս միրքաշին (գործակա-
տարը), որը և հետևում է բերքահավաքին: Հարկը չվճարելու
կամ աշխատանքային պարտավորությունը չկատարելու դեպ-
քում, բեյը բռնագրավում է գյուղացու ունեցվածքը:

Յուրաքանչյուր գյուղացու հողաբաժնի չափը կախված է
նրա տնտեսության ամրությունից, մասամբ էլ քեղխուղայի
հանդեպ ունեցած նրա անձնական հարաբերություններից:

Ռայաթի և կայվածատիրոջ միջև միջնորդի դերը կատա-
րում է գյուղի ավագը՝ քեղխուղան: Նա գյուղացիներին հա-
ղորդում է ֆեոդալի կարգադրությունները, լուծում է գյու-
ղում առաջացած մանր վեճերը և այլն: Կոնվեների ժամանակ
քեղխուղան կանգնում է գյուղի զինված ջոկատի գլուխ:

Քրդական գյուղի սոցիալական շերտավորումը հետևյալ
պատկերն է ներկայացնում. աջնտեղ կան խոշոր ունեցվածքի
տերեր, որոնք շահագործում են ուրիշի աշխատանքը (կա-
շակներ), միջակ գյուղացիներ, շքավորներ և բատրակներ:

Շքավոր և հողագործի ռայաթները վարձակալվում են ո՛չ
միայն կայվածատերերի, այլ նաև իրենց համագյուղացի
կուլակների և երբեմն միջակ գյուղացիների կողմից:

Նրանք կատարում են կամ հովվի, կամ մշակի աշխա-
տանք: Եթե գյուղացին ամուսնացած է, պարտավոր է աշխա-
տել նաև նրա կինը: Չնայած քոչվորական ցեղերի գոյություն
պայմանները համեմատաբար տանելի են, այնուամենայնիվ
այստեղ ևս գոյություն ունի շահագործում:

Ինչպես նստակյաց, այնպես էլ քոչվոր ցեղերի մոտ, ամ-
բող արտավայրերը (յայլաները) գտնվում են ցեղային վեր-
նախավի ձևերին:

Տվյալ ցեղին պատկանող արտավայրերը, ցեղապետը իր
հայեցողությամբ ավազների հետ միասին բաժանում է ցեղին
և սերունդներին (պորտերին), որոնք իրենց հերթին բաժան-
վում են քոչվորական տնտեսական միավորների (Օ Բ Ա):
Վերջինս կազմված է մի քանի տասնյակ բնտանիքներից:

Օբան ունի իր օբաբաշին (օբի գլուխ), որը սովորաբար
լինում է հարուստ բեյը:

Օբան ժամանակավոր միավոր է: Երբ քոչվորները վերա-
դառնում են ձմեռանոց նա քայքայվում է: Օբաբաշին իր
անասունները արածացնելու համար վարձում է մի քանի հո-
վիվներ, որոնք փոխադարձ համաձայնությամբ արոտավարձ
չեն վճարում, իսկ մնացած տնտեսությունները, որպես յայ-
լայի վարձ, պարտավոր են օբի ավագին տալ 4—5 և ավելի
ոչխարներ (ամառանոցային մեկ սեզոնի համար):

Ցեղային վերնախավը տեղաշարժերը ղեկավարելու, օբա-
ները բաժանելու և այլ աշխատանքների համար նույնպես
ստանում է համապատասխան վարձատրություն բնամթերքով:

Քուրդ աշխատավոր հողագործի և անասնապահի համար
ստեղծվում են կյանքի դաժան պայմաններ: Տասնյակ հազար
չքավոր գյուղացիներ ապրուստի միջոցներ գտնելու համար
թողնում են հայրենի գյուղերը և տեղափոխվում քաղաք,
բանվորություն անելու Միայն Կոստանդնուպոլսում կան մի
քանի տասնյակ հազար նավահանուկային բեռնակիր բան-
վորներ: Նույն կարգի բանվորների կարելի է հանդիպել նաև
Իզմիրում, Ադանայում և Տրապիզոնում: Զուգուղղակի քա-
րածիսային հանրափոր բանվորների մեծ մասը քրդեր են:
Հսկայական քանակությամբ քրդեր աշխատում են Մոսուլի,
նավթային արդյունաբերության մեջ: Նրանցից շատերը ղեռ
լրիվ չեն ազատագրվել ցեղային կապանքներից, հետևապես
ցեղապետ ֆեոդալի կապանքներից:

Ցեղապետը անզլիական նավթարդյունաբերողից ստանում
է իր ցեղակից բանվորի աշխատավարձի որոշ մասը: Այսպիսի-
սով, քուրդ բանվորը ենթարկվում է կրկնակի շահագործման,
ազգակից ֆեոդալի և օտար կապիտալիստի կողմից:

Այժմ արդեն կարելի է խոսել քուրդ պրոլետարիատի մա-
սին, որը շուտով կորստերի իր քաղաքական ռևոլյուցիոն դերը՝
քուրդ ժողովրդի ազգային ազատագրական պայքարում:

Գ Լ ՈՒՆ ԶՈՐՐՈՐԴ

ԼՆՁՈՒՆ, ԿՈՒԼՏՈՒՐԱՆ, ԳՐԱԿԱՆՈՒԹՅՈՒՆԸ
ԵՎ ԳՍՎԱՆԱՆՔԸ

ԼՆՁՈՒՆ

Քրդերենը ինքնատիպ լեզու է: Ինչպես բոլոր ժողովուրդներին, այնպես էլ քուրդ ժողովրդի լեզվի ծագումը և զարգացումը սերտ կերպով զուգակցված է նրա պատմական զարգացման հետ:

Պատմության ընթացքում արևելյան և արևմտյան բազմաթիվ նվաճողներ՝ հույները, հռոմեացիները, արաբները, սելջուկ թուրքերը, մոնղոլները և ուրիշներ, ամեն կերպ ձրգտել են ասիմիլյացիայի ենթարկել քրդերին և վերացնել քրդերի լեզուն, սակայն այդ բանը նրանց չի հաջողվել:

Քրդերը կարողացել են պահպանել ո՛չ միայն իրենց գոյությունը, այլ նաև իրենց լեզուն ու կուլտուրան: Քրդերենը պատկանում է հնդեվրոպական լեզվախմբի իրանական ճյուղին: Նա իր մեջ ոճնի նաև հնագույն միդիական լեզվի էլեմենտներ:

Քրդերենը դա սղավաղված պարսկական լեզուն չէ, ինչպես ճգնում են ապացուցել իրանական մի շարք լեզվաբաններ: Նա միանգամայն առանձին լեզու է իր յուրահատուկ հնչյունաբանական և շարահյուսական կանոններով:

Քրդերենը ո՛չ միայն առանձին հնչյունաբանական կանոններ ունի, այլ ունի նաև իր հարուստ, ինքնուրույն բառապաշարը:

Այս կարծիքը հաստատում է նաև ռուս գիտնական Լերխը: «Կենտրոնական Քրդստանում, — գրում է նա, — քրդերենը

պահպանել է իր ինքնուրույնությունը, նրա ձևերը զարգանում էին անկախ պարսկերենից, որի հետ նա մտաիկ ազգակցության մեջ է գտնվում...

Քրդերենի մեջ թափանցած օտար բառերը, նրա ներքին կառուցվածքի վրա ոչ մի էական ազդեցություն չեն ունեցել և չունենալ:

Գտնվելով մոտ հարարերությունների մեջ հարևան այնպիսի ժողովուրդների հետ, ինչպիսիք են հայերը, պարսիկները, թուրքերը և արաբները քրդական լեզուն որոշ ազդեցություն է կրել նրանցից և ինքն էլ իր հերթին ազդել է նրանց վրա: Չնայած այդ բոլորին նա ճիմնականում պահպանել է իր ինքնուրույնությունը:

Շատերը, ովքեր ծանոթ չեն քրդերեն լեզվին, կարծում են, որ նա ազբատ է, կոպիտ, և որ այդ լեզվով հնարավոր չէ գիտական, գեղարվեստական աշխատանք կատարել:

Նման կարծիքը խորապես սխալ է և զուրկ գիտական հիմքից:

Քրդերենը արևելյան հարուստ, արտահայտիչ, գեղեցիկ լեզուներից մեկն է, օգտագործելի գիտության, գրականության և այլ ստպարեզներում: Ֆրանսիացի լեզվաբան Արբադ Պոլ Ռեյզարը, որը երկար ժամանակ զբաղվել է քրդերեն լեզվի ուսումնասիրությամբ, հետևյալ կարծիքն է հայտնել նրա մասին. «Քրդերենը գեղեցիկ, նրաժշտական, ներդաշնակ, պարզ, սովորելու համար հեշտ, գրավիչ, նուրբ լեզու է: Նրանում կան բազմաթիվ խորիմաստ զարձվածքներ»:

Քրդերենը, սկսած Քրդստանի հյուսիսից մինչև հարավ ինքնուրույն և միասնական լեզու է եղել: Սակայն նրա միասնությունը խախտվեց արաբական խալիֆայթի տիրապետության ժամանակաշրջանում, այսինքն մեր թվարկության VII դարից, իսլամի հանդես գալուց հետո:

Արաբները և ընդհանրապես մուսուլմանական աշխարհը

1 П. Л. Лерх, Исследование об иранских курдах и их предках северных халдеях, кн. I, 1856 г., стр. 33.

2 А. П. Бейдар, Курдская грамматика, Париж, 1926 г.

քրդերենը խիստ կերպով ենթարկեցին զուրանի լեզվին մի կողմից, մյուս կողմից Քրդստանի միասնության խախտումը պատճառ դարձավ քրդական լեզվի միասնության խախտմանը: Չնայած զրան, այնուամենայնիվ քրդական գրողները, քուրդ ժողովուրդը հոգատար վերաբերմունք ունեցան զեպի իրենց մայրենի լեզուն, դրա համար էլ այդ լեզուն շնորհակցությամբ լեզու դարձրան քուրդ գրողներ և բանաստեղծներ իրենց աշխատությունները գրում էին արաբական շրիֆտով, բայց լեզուն քրդական էր:

Ժամանակակից քրդերենը ունի մի շարք բարբառներ, որոնցից հիմնականները երկուսն են. հյուսիս-արևմտյան և հարավ-արևելյան: Ամենատարածված բարբառը, որով խոսում են մոտ 4 միլիոն քրդեր, հանդիսանում է հյուսիս-արևմտյանը (կուրմանջի):

Ըստ ակադեմիկոս Գափանցյանի «կուրմանջ» բառը կազմված է երկու բառերից՝ «կուռը» (որդի) և «մանդակ» (ցեղանուն) բառերից: Յեղակիցները իրենց անվանում էին «մանդակի որդիներ», որը քրդերեն նշանակում է «Корманид»:

Այս բառի բացատրությունը սովետական քուրդ գիտնականները մեկնաբանում են հետևյալ կերպ: Քրդերին «կուրմանջ» են անվանել նրանց հարեանները: Այս բարդ բառը կազմված է ո՛չ թե «կուռը» և «մանդակ» բառերից, ինչպես նշել է հանգուցյալ Գր. Գափանցյանը, այլ «քուրդ-մանջ» բառերից: Քրդերենում, ինչպես հնդեվրոպական բոլոր լեզուներում, բառարմատներում չկան բոլոր հնչյունները միասին վերցրած, դրա համար էլ «քուրդմանջ» բառարմատում «Դ» չի հնչվում և արմատում ստացվել էր ո՛ւմ, այսպես՝ «կուր-մանջ» (կուրմանջ):

Այս երկու տեսակետներն էլ առայժմ պետք է ընդունել որպես ենթադրություն: Մեր կարծիքով վերջին տեսակետը ավելի հավանական է:

Կուրմանջի բարբառով խոսում են Թուրքիայի, Իրանի որոշ շրջանների, հյուսիսային Իրաքի և ՍՍՌՄ-ի քրդերը: Երկրորդ բարբառը հանդիսանում է հարավ-արևելյան կամ քուրդի:

բարբառը, որով խոսում են Իրանի՝ Մեհաբադի, Մանհեդեշի և Քերմանշահի շրջանների քրդերը, ինչպես նաև Իրաքի՝ Թեհրանի, Էրբիլայի, Քիրքուկի և Սուլեյմանիի շրջանների քրդերը:

Բացի վերոհիշյալ հիմնական բարբառներից, գոյություն ունեն նաև մի շարք ենթաբարբառներ կամ տեղական խոսակցական ձևեր: Դրանց թվին են պատկանում, զուրանական, զազական, ըյալխուրական, լուրական և այլ տեղական խոսակցական ձևեր:

ԿՈՒՆՏՈՒՐԱՆ ԵՎ ԳՐԱԿԱՆՈՒԹՅՈՒՆԸ

Քուրդ ժողովրդի կուլտուրան սրտկանում է մինչև այժմ քիչ ուսումնասիրված կուլտուրաների թվին: Քրդական կուլտուրան կազմավորվել է երկարատև ժամանակաշրջանում, իրեն՝ քուրդ ժողովրդի կազմավորման պրոցեսի հետ միասին: Հրապարակի վրա եղած սակավ նյութերը ցույց են տալիս, որ քրդերը ունեցել են իրենց հնագույն հարուստ կուլտուրան:

Իրենց ժամանակակից հնագույն ժողովուրդների մեջ ընդգրկելով նախնի կիսաքրդեր արհեստների հմուտ վարպետներ ձեռնակած պատմիչ Քսենեֆոնը նշում է, որ կուրդիները (քրդերը) ունեին բրնձի իրեր, ամաններ, զենքեր:

Հնագույն Քրդստանում քրդերը զբաղվում էին երկրագործությամբ և ձիարուծությամբ:

Հետագայում, VII դարում, մուսուլմանական կրոնը ընդունելուց հետո, քրդական հնագույն կուլտուրան սկսում է ենթարկվել մուսուլմանական կուլտուրայի ազդեցությանը, իրեն էլ իր հերթին ազդում է մուսուլմանական կուլտուրայի վրա:

Մտավածն է թեկուզ մի հայացք դեպի առաջավոր արևելյան արաբական հիմքի վրա կազմված մատենագրությունների զարգացման վրա, — գրում է սովետական քրդագետ Վելչեովիչ, — որպեսզի համոզվենք, որ այդ մատենագրությունը

մի շարք դեպքերում, մինչև նրա օգտադործումը առաջավոր արևելքի մյուս շեղոնների մեջ կիրառելու համար, իր վրա է կրել բրդական լեզվի ազդեցությունը¹:

Մուսուլմանական արևելքի գիտություն, կուլտուրայի զարգացման մեջ քուրդ գրողները, գիտնականները, զինվորականները, ծովազնացները և պետական գործիչները իրենց ավանդն են մուծել:

Քվենք նրանցից մի քանիսին.

Սալան-էդ-Գին, էյուբիդները՝ զինաստիայից, խաչակրած արշավանքների հայտնի զորավարներ՝ Ֆրանսիացի Ֆիլիպ-Ավգուստի և անգլիացի Ռիչարդի հաղթողը:

Աբդուլ-Քյարիմ², պատկանում էր քրդական Չանդ ցեղին: Նա երկար ժամանակ կանգնած էր ամբողջ Պարսկաստանի կառավարության գլուխ:

Աբու Մուամալիմ, իտրասանի-Աբբասիդները խալիֆաթի իսկական հիմնադիրը:

Էմիր-Ահմեդ Ռեկ Մերվան, նա հայտնի էր «հաղթող» մականունով: Այդ մականունը նա ստացել էր Աբրահիմական խալիֆ Կադիրից, թուրքերի ազդեցության ներթափանցման դեմ պայքարելու և խալիֆաթի պաշտպանությունը բարելավելու համար:

Ամիր Ջուֆանաթ, իրանում և Այլամում քրդական էմիրաթների հիմնադիրը:

Հուսեյն-բեկ, քուրդ ծովազնաց Եզիպտոսում:

¹ О. Л. Вельчевский, Курды северо-западного Ирана, 1944 г., стр. 53.

² Աբդուլ-Քյարիմ խանը հայտնի Նադիր Շահի ընկերներից էր: Նադիր Շահի մահից հետո բախտարական ցեղի ղեկավար Ալի-Մեր-Դան խանի օգնությամբ գահ բարձրացրեց Սեֆևիդյանների ղեկավարից դեռահաս Իսմայիլ Շահին, իսկ նրա մահից հետո վեթիլի (կառավարիչ) համեստ անվան տակ քսան տարի շարունակ (1759—1779 թթ.) գրավում էր պարսկական գահը, Պարսկական պատմարանները փառաբանում են նրա իմաստությունը և արդարադատությունը: Նա, Նադիր Շահի դաժանություններից հետո հանգստացրեց Պարսկաստանը և ժողովրդի մեջ բարի համբավ թողեց իր մասին:

Միջին դարերում արևելքի գրականության մեջ իրենց արժանի տեղն են ունեցել նաև քուրդ գրողները: Այդ շրջանի նշանավոր բանաստեղծներից էր Մուլլա Ջզիրին: Պետք է նկատել, որ XVII—XVIII դարերում մուքրիական քրդաստանի կենտրոն Մուսքուպղը (ներկայիս Մեհաբադը) հանդիսանում էր արևելյան սիսոլաստիկական գիտության զարգացած կենտրոններից մեկը: Այստեղ էին գալիս սովորելու մուսուլմանական աշխարհի տարբեր վայրերից, անգամ Միջին Ասիայից:

Քրդական գիտնականների ստեղծած ձեռնարկները օգտագործվում էին մուսուլմանական կենտրոններ՝ Դամասկոսի, Հայնաբի, Բաղդադի, Կահիրեի և Մարաղայի դպրոցներում: Հին Քրդաստանում գոյություն են ունեցել դպրոցներ, գիտնականներ, պրոֆեսորներ, զարգացած են եղել արհեստները և այլն:

Այդ մասին Ալեքսանդր Ժաբան գրել է. «Կար ժամանակ, հրր Քրդաստանում կային շատ դպրոցներ: Տղամարդիկ մեծ ձգտում ունեին դեպի գիտությունը: Յուրաքանչյուր քաղաքում, յուրաքանչյուր շրջանում, գավառում կամ գյուղում կարելի էր հանդիպել 1, 2, 3 և ավելի դպրոցների: Պետությունը և բնակչությունը հովանավորում էին դպրոցը և գիտնականներին, թե՛ մեծերը և թե՛ փոքրերը հնարավորություն ունեին ուսումնասիրել գիտությունը և արհեստները:

Ջզիրում, Համադանում, Սորանում, Սիրիզում կային հիանալի պրոֆեսորներ: Որպեսզի սովորողները դիպված ստանան, նրանք պետք է քննություն տային 12 դիսցիպլիններից: Այդ դպրոցները, պրոֆեսորները և սովորողները ներկայումս, հազվապեսու բացառությամբ գրեթե անհետացել են»¹:

Մեղ հասած քրդական գրականությունը վերաբերում է 10—11-րդ դարերի վերջին: Դրանից առաջ եղած քրդական գրականությունը մեղ հայտնի չէ:

Չնայած քուրդ ժողովրդին օտար տիրապետողները գրկել

¹ А. Жаба, Сборник заметок и рассказов о курдах, Петербург, 1860 г.

են պետականութիւնից, այնուամենայնիվ նա ստեղծել է իր կուլտուրան, ժողովրդական հարուստ բանահյուսութիւնը, որը բերն-բերան անցնելով սերնդից-սերունդ հարատեւել է մինչև մեր օրերը:

Միջին դարերում և նրանից հետո հրապարակված գրականութիւնը գրված է արաբական շրիֆտով, բայց քրդերեն լեզվով: Ինչպես ամեն մի ժողովուրդ պարծենում է իր գրական գոհարներով, քուրդ ժողովուրդը ևս պարծենում է ստեղծագործական այնպիսի գրական գոհարներով, ինչպիսիք են «Մամ ու Զինը», «Սիաբանդն ու Խաջեղարեն», «Մամեն ու Աշեն», «Դըմ-Դըմ» և այլն:

«Մամ ու Զինը» և «Դըմ-դըմ» էպոսը իրենց բովանդակությամբ և գեղարվեստական արժեքով դասվում են համաշխարհային գեղարվեստական կոթողների շարքին: Քուրդ ժողովուրդը թե՛ վեպերում և թե՛ էպոսներում զարմանալի պարզութեամբ դրսևորել է աշխատավոր մարդու, ֆեոդալ քեյի և շեյխի միջև գոյութիւն ունեցող սոցիալական ներհակութիւնները:

Քուրդ ժողովրդի ծոցից դուրս են եկել մի շարք բանաստեղծներ, տարեգիրներ, արձակագիրներ, պատմաբաններ և այլն: Քուրդ գրողներից հայտնի են.

Ալի Տարմուկեցին. տաղանդավոր գիտնական և մանկավարժ, ծնվել է 1000 թ. (մ. թ.) Գիշար գյուղում, որն ընկնում է մոտավորապես Հակիլիի և Մոքսի միջև. կազմել է քրդերեն լեզվի քերականութիւնը և այբբենարանը:

Ալի-Ալիարիին. ծնվել է մեր թվարկութեան 1009 թ. Հալեբ քաղաքում: Նրա գրչին է պատկանում «Գիվան» հայտնի բանաստեղծութիւնը:

Մուլա Ջոհրին. հայտնի բանաստեղծ: Նա գրել է ժողովրդի սիրելի «Գյոզալ» պոեմը և մի շարք այլ բանաստեղծութիւններ: Ծնվել է Ջոհրում (ծննդյան թիվն անհայտ է), մահացել է նույն տեղում, 1160 թ.:

Տակիե Տաիրաւը. նրա իսկական անունն է Մահմուդ: Ծնվել է 1302 թ. Մոքս քաղաքում: Բացի մի շարք բանաստեղծ-

ծութիւններից, հայտնի են նրա «Շեյխ Սամանի» պոեմը և սրբակերտ լեզվով գրած մի շարք առակները: Նրա «Դիւբար» վերնագրով պոեմը լույս է տեսել նաև Սովետական Հայաստանում (VII դասարանի քրդերեն լեզվի դասագրքում): Մահացել է 1376 թ., Մոքսում:

Մուլա Բադեն. (Մուլա Ահմեդալի Օլբադե), ծնվել է հին Հակիլիում 1417 թ.: Նա ունի մի շարք բանաստեղծութիւններ, պոեմներ, ժողովրդական երգեր և այլն:

Շեքեֆ Խան Յիբլիսեցին. (Շեքեֆ էդլին), ծնվել է 1543 թ. Քերեկտուրգայում (Պարսկաստան): Քուրդ հայտնի տարեգիր, ծագումով պատկանում է քրդական Ռոժի ցեղին պիսալորդ ընտանիքին:

Իր կրթութիւնը և դաստիարակութիւնը նտացել է պարսկական շահ Քահմասայ առաջինի արքունիքում:

Նա հայտնի է իր հռչակավոր «Շեքեֆ-Նամե» տարեգրությամբ, որի ձեռագիրը ավարտվել է 1599 թ.:

Այժմ ձեռագիրը գտնվում է Լենինգրադում: Նա արժեքավոր աղբյուր է հանդիսանում ֆեոդալական հարաբերութիւնների ուսումնասիրութեան համար: Տարեգրութեան մեջ մանրամասն շարադրված է քրդական դինաստիաների պատմութիւնը, մասնավորապես Մուքրի, Բրադոստ, Մախմուդի, Գումբուլի և Նագուկի ցեղերի պատմութիւնը:

«Շեքեֆ Նամե»-ն թարգմանվել է ռուսերեն, ֆրանսերեն և թուրքերեն:

Ահմադե Խանեն. քուրդ ականավոր բանաստեղծ: Քրդական «Մամ ու Զին» պոեմի հեղինակը: Ծնվել է 1591 թ. հին Բայազետում: Նրա գրչին է պատկանում նաև «Նուբար» պոեմը, որը գրվել է երկու լեզվով՝ քրդերեն և արաբերեն:

Նա միաժամանակ եղել է խոշոր գիտնական, գրականագետ: Իր պոեմներում և բանաստեղծութիւններում վեր է հանում քուրդ ժողովրդի դառը վիճակը: Մահացել է 1652 թ. հին Բայազետում:

Շեքեֆ Խան—Էմիր Շեքեֆ Խանը. ծնվել է 1689 թ., Զուլամերիկում: Նա գրել է արձակ և շափածո մի շարք ստեղծագործու-

թյուններ, ինչպես քրդերեն, այնպես էլ պարսկերեն լեզունե-
րով: Մահացել է 1748 թ. իր հայրենիքում:

Մուրադ Խանը. ծնվել է 1737 թ. հին Բայազետում: Ունի
մի շարք երգեր, բանաստեղծություններ և պոեմներ: Մահա-
ցել է 1784 թ.:

Արադ-Ար Ռեզգավ-Քեկ Նաչեֆ Կուլիխան-Դումբուլին.
ծնվել է 1762 կամ 1763 թվականին Խոյ քաղաքում: Մահացել
է 1827 թ.: Նա ունի մի շարք պատմական աշխատություններ,
որոնցից հայտնի են «Թարիխե Դումբուլե» (Դումբուլիների
պատմություն) և «Մասիրիե Սուլթանիե» (Սուլթանների հուշ-
արձանը) աշխատությունները:

Շեյխ Մուստաֆա էլ-Նադդին. ծննդյան և մահվան տա-
րեթվերը հայտնի չեն: Սուլեյմանի հայտնի փիլիսոփա: Նա
ունի մոտ 54 գիտական աշխատություններ: Թվե՛նք զբանցից
մի քանիսը:

1. Առավելությունները դոգմատներում:
2. Միասնությունը դոգմայում:
3. Օրենսդրական գիտության պատմական կողմերը:
4. Ժողովրդական ավանդություններում արտահայտու-
թյունների մարդարտյան քառյակները:
5. Մտածողության մեջ հաջողությունների նվաճումը:
6. Քննադատական գրականության սիստեմը:
7. Երիտասարդության մեջ մարդուն արժանի հատկու-
թյունների ներարկումը:
8. Ունի մշակումը հոետորական գիտության մեջ:
9. Էության պրոբլեմը:
10. Պոետական տողաչափության սիստեմը և այլն:

Բացի վերոհիշյալ գիտական աշխատություններից, նա ունի
մի շարք պոեմներ գրված արաբերեն, ֆարսերեն լեզուներով:
Յավոր սրտի, այս խոշոր գիտնականը մինչև հիմա չափա-
զանց քիչ է ուսումնասիրված:

Արդուլա Քեկ Միսրախը. XX դարի պոետ: Նրա ստեղծա-
գործությունները գրված են միայն քրդական մուբրիական
բարբառով: Մենզավայրն է Արմենի-Բուլաղը: Մահացել է

1912 թ.: Նրա բանաստեղծությունները հրատարակված են
ստանձին ժողովածուով:

Ջազարխունը. XX դարի արտասահմանյան հայտնի պրոզ-
րեսիվ պոետ: Նա երկրորդ պոետն էր, Ահմեդ-Նանեհից հետո,
որն իր ստեղծագործությունները նվիրեց քուրդ ժողովրդի
վշտին, հոգսերին ու պայքարին: Նա ո՛չ միայն պոետ է, այլ
ևսև իր ժողովրդի ազգային ազատագրական պայքարի ակտիվ
մասնակիցն ու ոգեշնչողը: Այդ նպատակի համար նա երբեմն
գրիչը փոխարինել է զենքով:

Ջազարխունի կյանքի և գործունեության մասին «Աս-Սար-
խա» թերթը գրել է հետևյալը. «Պոետ Ջազարխունը ծնվել է
Քուրբական Քրդստանի Սարդին գավառի Կասար գյուղում
1900 թ.: Մնողները քուրդ են: Հայրը եղել է չքավոր գյուղացի:
Մնողների մահից հետո Ջազարխունը կրել է կարիք, չքավո-
րություն և զրկանքներ: Նա ուսումնասիրում է կրոնը և գրում
բանաստեղծություններ:

Գեո պատանի հասակից Ջազարխունը պայքար է հայտա-
բարում ֆեոդալիզմին: Եվ հենց սկզբից սեակցիոն տարրերը
սկսում են պայքարը նրա դեմ: Սակայն երիտասարդ գիտակից
քրդերը համախմբվում են նրա շուրջը, հայրենասերները
պաշտպանում են նրան:

Ջազարխունը դարձավ ազգային-դեմոկրատական շարժ-
ման հավատարիմ կողմնակիցը: Նա հենվում է գիտական տե-
սություն վրա, որի հիմնական բովանդակությունը հանդիսա-
նում է ճնշվածների ազատագրումը ազգային և գաղութային
լծից:

Այսպիսով, պոետը թևակոխում է իր կյանքի նոր էպոխան:
Ջազարխունը հենց սկզբից միանում է Միրիայի խաղաղու-
թյան կողմնակիցների շարժմանը: 1949 թ. նա ընտրվում է
Միրիայի խաղաղության կողմնակիցների կոմիտեի կազմում
որպես Չվիրի ներկայացուցիչ: Միրիայի սեակցիոն կառավա-
րությունները մի քանի անգամ քանտարկել են նրան: Չնա-
յած բազմաթիվ հաղածանքներին, նա հավատարիմ մնաց իր
հայրենասիրական դիրքերին, ատում է իմպերիալիզմը, պա-

տերազմը և Ֆեոդալիզմը, սիրում է խաղաղությունը, ազատությունը և ազգային անկասխտությունը:

Արդուլլա Սուլեյմանը (Գորանի). ծնվել է 1904 թ. Հալեբլիում. Սուլեյմանիից ոչ հեռու, ծառայողի ընտանիքում:

Նրա հայրը պոետ էր և ձգտում էր, որ որդին հետևի իր օրինակին: 1912 թ. ապագա պոետը ընդունվում է թուրքական դպրոց, որտեղ սովորում է թուրքերեն և անգլերեն լեզուները: 1919 թ. նա օւսումնասիրում է մայրենի լեզուն: 1921 թ. վերջացնում է տեղական միջնակարգ դպրոցը և նույն թվին մեկնում Քիրքուկ, որտեղ սովորում է 2 տարի: 1927 թ. մինչև 1929 թ. Հալեբլիի դպրոցներից մեկում դասավանդում է գրականություն: Մինչև 1942 թ. կատարում է զանազան աշխատանքներ Փենջուխում, Կարադաշում և Սուլեյմանիեում: 1942 թ. աշխատում է որպես Հայֆայի քրդական բաժնի պետ (Մերձավոր Արևելյան ռազիոկայանում): 1945 թ. աշխատում է էրբիլում:

Գրական գործունեությունը նա սկսում է 1921 թ. թուրքական պրոզերեսիվ գրականության ազդեցության տակ: Դեռ պատանի հասակից մայրենի լեզվով գրել է մի շարք բանաստեղծություններ: 1928 թ. «Ժիին» թերթում և «Գեյլեթ» ժուռնալում տպագրվում են պոետի առաջին բանաստեղծությունները:

Նրա բանաստեղծությունների առաջին ժողովածուն, «Բազաշտ և Յադգար» վերնագրով, լույս է տեսնում 1950 թ. Իրաքում: 1951 թ. տպագրվում է պոետի երկրորդ ժողովածուն «Ֆերմեսկո-Գունար» վերնագրով:

1953 թ. Բուխարեստում տեղի ունեցած երիտասարդական համաշխարհային ֆեստիվալի առթիվ, պոետը գրում է «Կոթեայի որդին» բանաստեղծությունը, որտեղ մերկացնում է Կորեայում անգլո-ամերիկյան իմպերիալիստների կատարած մեքենայությունները: Այդ բանաստեղծության համար նույն թվականին բանտարկվում է: Երկրորդ անգամ պոետին բանտարկում են 1954 թ. նոր համաշխարհային պատերազմի հրձիգների դեմ մղած պայքարի համար:

Գորանին երրորդ անգամ բանտարկվում է 1956 թ.: Իրաքի ռեակցիոն կառավարությունը նրան դատապարտում է 4 տարվա բանտարկության, սակայն 1958 թ. հուլիսի 14-ին, Նուրի-Սաիդի ռեակցիոն կառավարության տապալումից հետո նա ազատվում է բանտից:

Արդուլլա Գորանին արարական արեելքի նշանավոր պրոզերեսիվ պոետներից մեկն է: Վերջերս նա այցելեց Սովետական Միություն, եղավ Անդրկովկասյան պետություններից: Հաստատնում նա ծանոթացավ քրդերի՝ տնտեսական ու կուլտուրական խոշոր նվաճումներին:

Համարք. երիտասարդ, առաջադեմ հայացքների տեր, տաղանդավոր պոետ նա ունի բազմաթիվ բանաստեղծություններ և պոեմներ, որոնցից այստեղ պետք է հիշել «Կարմիր բանակ» պոեմը: Այդ պոեմում նա գովերգում է սովետական ժողովրդի հերոսական պայքարը երկրորդ համաշխարհային պատերազմում: Այդ պատճառով նա շատ հալածանքներ կրեց Իրանի կառավարության կողմից և ստիպված եղավ թողնել իրանական Քրդստանը և անցնել Իրաք:

Համարք հանդիսանում է սոցիալիզմի երկրների հաջողությունների և նրանց ժողովուրդների խաղաղության համար ձգվող հերոսական պայքարի անխոնջ պրոպագանդիստը: «Նախ հայր լուսնի վրա» պոեմում նա խորազանում է աշխարհի ազդեցիվ ուժերին, հանձին Չան Կայ-շիի, Լի Սին Մանի, իրանական շահի և ուրիշներին: Պոեմի վերջում դիմելով ռեակցիոններին այդ ոճմակին, նա ասում է.

Դուք, հայրենիքի դավաճաններ՝
Առանց ցեղի և առանց տոհմի,
Դուք, որ ծախել եք պատիվը ձեր,
Սրիկաներ եք ու հարամի,
Կարծել եք պոռնիկ, հերձոֆրոզիտ,
Ազատությունն եք ուզում խեղդել,
Մենք բյուր ենք, ուժեղ, ունենք գալիք:
Անգոր եք գուք մեր կամքը շարդել,
Պրոլետարիատի բերդը քանդել:

Դուք անկարող եք, ավանակներ,
Մոսկվայի վրա գիտեք հաշել,
Շունն էլ է հաշում լուսնի վրա:

Վաղրի-Ջանր. արտասահմանյան քուրդ առաջադեմ երիտասարդ բանաստեղծ:

Համաշխարհային երիտասարդության 6-րդ ֆեստիվալի մասնակից: Ունի մի շարք բանաստեղծություններ: Սրտառուշ է նրա Մոսկվային նվիրած բանաստեղծությունը, որտեղ նա գրում է.

Ինչպես ուխտավորն է տենչած Հաջն իր հասնում,
Ինչպես երեսան է փարվում իր մոր կրծքին,
Ինչպես վառված սիրան է իր սիրածին տեսնում,
Այդպես և ես հասա Մոսկվան արևելյան՝
Սիրտը տինգերբի և հույսը մարդկության:

Բանաստեղծությունը լույս տեսավ 1957 թ. «Правда» թերթում:

* *

Քրդական առաջին թերթը, որը կոչվում էր «Քրդստան», լույս է տեսել 1898 թ. Կահիրեում. այնուհետև նրա հրատարակչությունը տեղափոխվում է ժնև: Այդ թերթի հիմնադիրն ու առաջին խմբագիրն էր, քրդական բաղրխանների ցեղի հայտնի ղեկավար Բադր-Նանի որդի Աբդուրահման բեյը: Երկրորդ թերթը, նույն ժամանակ, հրատարակվում է Թուրքիայում՝ շեյխ Աբդուլ-Կադիրի նախաձեռնությամբ, սակայն թուրքական կառավարությունը կարճ ժամանակ անց փակում է այն:

1913 թ. մի խումբ քուրդ ուսանողներ և ժուռնալիստներ հիմնեցին «Քրդական միասնություն» («Խիվյա քուրդ») ընկերությունը, որը սկսեց հրատարակել «Քրդական օր» (Ռոժա-քուրդ) ամսագիրը. նրա կազմի վրա նկարված էին Սալահ-Էդ-Դինի և Քերիմ Նանզի նկարները: 1914 թ. ամսագիրը վերանվանվում է «Քրդական արև» («Նուրավի քուրդ»):

Թավականին խոշոր աշխատանք է կատարել նաև մուքրիական ընտանիքին պատկանող, Քրդստանում հայտնի Սեյիդ-Հուսեյն-Նազնի-Մուքրանի խմբագրությունը հրատարակվող «Ջահ» (Ռոնայի) թերթը:

Քրդական առաջին թերթերը հրատարակվել են Քրդստանից դուրս՝ Ստամբուլում, Կահիրեում, Ժնևում, Լոնդոնում և այլ քաղաքներում: 1920 թ. քրդական թերթեր հրատարակվում են նաև Բաղդադում, Սուլեյմանիում, Ռևանդուզում, էրբիլում, իսկ 1930 թ. Դամասկոսում, Բեյրութում և Երևանում:

XIX դարի վերջերին և XX դարի առաջին կեսին կազմակերպվում են քրդական դանազան հասարակական, գիտական, լուսավորական կազմակերպություններ և ընկերություններ, որոնց նպատակն էր գրականության և կուլտուրայի տարածման միջոցով քուրդ ժողովրդի մեջ արթնացնել համազգային գիտակցություն և ազգային-ազատագրական շարժման գազափարներ:

Քրդերեն լեզվով գրականություն լույս է տեսնում միայն Սիրիայում, Իրաքում և Լիբանանում, իսկ Թուրքիայում և Իրանում, որտեղ ապրում է քրդերի ճնշող մեծամասնությունը, արգելված է այն:

ԿՍՎԱՆԱՆՔԸ

Քրդերը դավանանքով գերազանցապես մուսուլմաններ են (մուսուլման, բառացի նշանակում է աստծու կամքին անպայման հնազանդվող):

Ինչպես քրիստոնեական, այնպես էլ մուսուլմանական կրոնը ունի զանազան աղանդներ: Հիմնականում դրանք երկուսն են. սուննի, որը նշանակում է ուղղափառ և շիա, որը նշանակում է կողմնակից:

Մահմեդի 12 իմամներից (մարդարեններից), Աբու-Բեքիրը, Օմարը և Օսմանը սուննի աղանդի քարոզիչներ էին, իսկ Ալին և նրա որդիներ Հասանն ու Հուսեյնը՝ շիա աղանդի:

Թուրքական Քրդստանում տիրապետողը մահմեդական սուննի (ուղղափառ) աղանդն է:

Կուրմանջի քրդերը մեծ մասամբ պատկանում են սուննի աղանդին, իսկ Զագա քրդերը՝ շիա:

Սակայն Զագա քրդերի մի մասը հարում է սուննի աղանդին, իսկ Կուրմանջի քրդերի մի մասը՝ շիա աղանդին:

Կըզըլբաշ¹ քրդերի դավանանքը պարսկական մահմեդական կրոնի և հեթանոսության խառնուրդն է:

Կըզըլբաշները Թուրքիայում ապրում են Դերսմի լեռնային անմատչելի շրջանում:

Նրանք բաժանվում են 2 մասի. առաջինը. Սերդ-Հասանլիներ, որոնք ապրում են հարավային Քրդստանում, ավելի հարթ տեղերում, երկրորդ, բուն Դերսմի, որոնք ապրում են Երզնկայից հարավ ձգվող բարձունքներում:

Պետք է նշել, որ ոչ բոլոր քրդերն են ընդունել մուսուլմանական կրոնը: Կան առանձին ցեղեր, որոնք չեն ընդունել ոչ իսլամը և ոչ էլ քրիստոնեությունը, այլ պահպանել են իրենց հին հեթանոսական կրոնը: Դա քրդական եզդիական հատվածն է: Նրանք նույն քրդերն են, խոսում են քրդական կուրմանջի բարբառով, ունեն նույն կենցաղն ու սովորությունները: Ապրում են գլխավորապես Սինշարի լեռներում, Մոսսուլից արևմուտք և հյուսիս ընկած շրջաններում:

Սովետական Միության մեջ նրանք ապրում են Հայկական ՍՍՌ-ի Թալինի և Ապարանի շրջաններում, իսկ Վրացական ՍՍՌ-ում՝ Թբիլիսի քաղաքում և մասամբ Կախեթիայում:

Սովետական Միությունում ապրող եզդիների թիվը հասնում է մոտ 50 հազարի:

Իզդի բառը, ըստ եղած պատմական տվյալների, պարսկական ծագում ունի, որը նշանակում է աստված: Կա նաև

¹ Կըզըլբաշները շիա աղանդին պատկանող քրդեր են, որոնք Մահմեդի 12 իմամների պատվին, սպիտակ շավման 12 անգամ փաթաթում են իրենց կարմիր գլխարկի շուրջը: Իսկ գլխարկի վերին մասը (կարմիր գույնով) մնում է բաց: 2 ենց այդտեղից էլ նրանք ստացան կըզըլբաշ (կարմիր գլուխ) անունը:

այս բառի մի այլ բացատրություն, ըստ որի «եզդ» նշանակում է կրակ կամ ավելի ճիշտ կրակի պաշտամունք:

Վերջին բացատրությունը ավելի հավանական է, որովհետև եզդի քրդերը մինչև այժմ էլ կրակապաշտներ են: Նրանք երկրպագում են շամսին (արևին), ինչպես նաև մալաքեթաուլին (սիրամարգ) հրեշտակ, որոնք ըստ երեուլթին մնացել են հեթանոսության ժամանակի բազմաստվածության շրջանից: Այս դավանանքի մարգարեները գտնում են, որ բացի բարու աստծուց, գոյություն ունի նաև չարի աստված: Եթե մարդը երկրպագում է բարի աստծուն, նրա շնորհած բարության համար, ապա պետք է աղոթի և երկրպագի նաև չարի աստծուն, որպեսզի նա մարդկության համար շարունակ չանի կամ անելիս էլ քիչ անի:

Ինչպես արդեն նշվեց, քրդերի ճնշող մեծամասնությունը պատկանում է մուսուլմանական կրոնի սուննի աղանդին, այդ աղանդին են պատկանում նաև թուրքերը, որոնք այդ հանգամանքը օգտագործել և օգտագործում են իրենց քաղաքական ազդեցությունը քրդերի վրա ուժեղացնելու նպատակով: Ամբողջ Քրդստանին տիրելու համար Իրանի դեմ պայքարելու ժամանակ Թուրքիան օգտագործեց հենց այս աղանդի նմանությունը: 1905—1912 թթ., երբ Թուրքիան հարձակվեց Իրանի վրա, թուրքական կառավարությունն օգտագործեց քրդերի ուժը, հայտարարելով թե քրդերը նույն թուրքերն են, քանի որ նրանց մեջ անգամ աղանդի տարբերություն չկա: Սակայն նրանք լուսնյան էին մատնում այն հանգամանքը, որ սուննի աղանդը ունի երկու ճյուղ՝ շաիֆաթի և խանիֆաթի և որ քրդերը պատկանում են շաիֆաթին, իսկ թուրքերը՝ խանիֆաթին: Իրանի կառավարությունը ևս իր հերթին օգտագործում էր կըզըլբաշ քրդերին Թուրքիայի դեմ ունեցած արշավանքների ժամանակ, հավատացնելով, որ նրանք նույն պարսիկներն են և հետևապես պետք է օգնեն Իրանին, Թուրքիայի դեմ պայքարելու համար:

Այսպիսով, մուսուլմանական կրոնը քուրդ ժողովրդի համար դարձավ աղետաբեր: Թուրքական, իրանական և Իրաքի

ռեակցիոն կառավարութիւնները սկսած հին ժամանակներից այդ կրոնը օգտագործել են իրենց քաղաքական նպատակներին՝ քուրդ ժողովրդին ստրկական վիճակի մեջ պահելու համար:

Այդ գործում նրանք շարունակ իրենց նեցուկն են համարել քրդական հոգևորական շրջանի ռեակցիոն խավին, շեյխին, որը հաճախ նաև աշխարհիկ առաջնորդի դեր է կատարում, մուլլային, դերվիշին և դավալին:

«Այսպիսով, բոլոր և ամեն տեսակ ճնշող դասակարգերն իրենց տիրապետութիւնը պահպանելու համար երկու սոցիալական ֆունկցիայի կարիք են զգում, դահճի ֆունկցիայի և տերտերի ֆունկցիայի:

Դահճը պետք է ճնշի կեղեքվածների բողոքն ու վրդովմունքը: Տերտերը պետք է մխիթարի կեղեքվածներին, նրանց առաջ գծադրի աղետների և զոհաբերութիւնների մեղմացման հեռանկարները... դասակարգային տիրապետության օրով հենց այդ միջոցով հաշտեցնի նրանց այդ տիրապետության հետ, հետու պահի նրանց ռեպրեսիոն արամադրութիւններից, շախախի նրանց ռեպրեսիոն վճռականութիւնը»¹:

Գ Լ Ո Ւ Խ Հ Ի Ն Գ Ե Բ Ո Ր Գ

Պ Ա Տ Մ Ա Կ Ա Ն Ա Ն Ց Ց Ա Լ Ի Ց

Ք Ր Դ Ս Ս Ա Ն Ը Ա Ր Ա Ր Ա Կ Ա Ն Խ Ա Լ Ի Ց Ա Օ Ի Է Պ Ո Ւ Ս Յ Ո Ւ Մ

Մ ի ղ ի ա կ ա ն պ ե տ ու թ յ ա ն անկումից հետո (550 մ. թ. ա.) Պարսկաստանի թագավոր Կյուրոսը գրավում է համարյա ամբողջ Փոքր Ասիան, այդ թվում նաև Քրդստանը: Պարսկական պետութիւնը հաճախ պատերազմում էր Հռոմաստանի դեմ, իսկ Քրդստանը ծառայում էր որպես պատերազմի թատերաբեմ այդ երկու պետութիւնների համար:

Այդ ժամանակից սկսած մինչև VI—VII դարերը Քրդստանը մերթ ընկնում էր Հռոմի, մերթ՝ Քյուզանդիայի տիրապետության տակ:

Գրութիւնն այսպես շարունակվում է մինչև քրդերի կողմից իսլամի կրոնի ընդունումը, մի կրոն, որը զենք ծառայեց Քրդստանը շրջապատող մուսուլմանական պետութիւնների Անգրին, քրդերի մեջ ազգային ինքնագլխատակցութիւնը մթազնելու, ազգային ազատագրական շարժումները իրենց նպատակից շեղելու, ինչպես նաև քուրդ աշխատավոր ժողովրդին կախյալ վիճակում պահելու համար:

Քրդերը համեմատաբար շուտ են ընդունել իսլամը: Քրդստանում իսլամի տարածողները Մահմեդի հայտնի գործակիցներ խալիֆ բեյ Օլվալդին ու Իբն Հանմն էին:

VI—VII դարերում հզորանում է արաբական խալիֆաթը, որը սկսում է աստիճանաբար նվաճել հարևան պետութիւնները:

641 թ. Նեհավենդի մոտ տեղի ունեցած ճակատամարտում արաբները հաղթում են Սասանյան Պարսկաստանին: Պարսկաստանի անկումից հետո արաբները նվաճում են նաև Քրդստանը:

Սկզբնական շրջանում, Միջագետքի հյուսիսում քրդական որոշ ցեղեր օժանդակում են արաբական նվաճողներին: Այդ նվաճումներից հետո Քրդստանում կազմակերպվում են մանր պետություններ, մուսուլմանական դինաստիաների գլխավորությամբ, որոնցից նշանավոր էր Դիրբեքիբի քրդական Մերվանդիների դինաստիան:

Այս դինաստիան 984 թ. հաստատվեց Հայաստանի հարավ-արևմտյան մասում՝ Աղձնյաց աշխարհում: Նրա գլխավոր կալվածքներն էին Ամիգ (Դիրբեքիբ) և Նփրկերտ (Մուֆարդին) քաղաքները: Քրդական այս թագավորությունը տարածվում էր մինչև Վանա լճի արևմտյան և հյուսիսային ափերը: Այդ կողմերում արաբական Կալսիք ցեղի նախկին կալվածքներ Նլաթը, Մանազկերտը, Արճեշը և շատ ուրիշ տեղեր, վերոհիշյալ քրդական դինաստիայի սեփականությունն էին կազմում¹:

Մերվանդիների մասին բավականին տեղեկություններ է տալիս Բասմաջյանը: «984—1100 թթ. քրդական ինքնիշխան էմիրներ են Մերվանյանները (Մերվանդիները, Ն. Մ.):»

Նոր Մերվանյանները արասեցոց էմելիյե հարստության մեկ ճյուղը կազմող Մերվանյանները չեն, այլ 984 թվականից մինչև 1100 թվականը Ամիգի, Նփրկերտի և Նլաթի վրա տիրապետող քրդական ինքնիշխան էմիրներ են:

Նրանցից նշանավոր են.

Աբու-Ալի Հասան (990—997 թթ.),

Մահմեդ Աբու Մանսուր Բեն Մերվան (997—1010 թթ.),

Աբու Շեշու Փիրվազ Բեն Մահմեդ (1010—1011 թթ.),

Նասր էդ Գավլա Աբու Նասր Ահմեդ (1010—1061 թթ.):

¹ Ան, Հայոց պատմություն, 1947 թ., հ. II, էջ 660—661:

Նրանք ունեցել են իրենց գրամները¹:

Հետագայում VIII դարի առաջին քառորդում, արաբները կամայականությունները, ճնշումն ու շահագործումը դժգոհություն են առաջացնում քրդական ցեղերի մեջ, որոնք սկսում են անբարյացակամորեն վերաբերվել դեպի իսլամն ու խալիֆաթը: Նրանք ելույթներ են կազմակերպում արաբների դեմ և անցնում իսլամի հակառակորդների կողմը: Իսլամի դեմ ծավալված շարժումները փաստորեն գյուղացիական ապստամբություններ էին՝ թաքնված կրոնական բողի տակ:

Այդպիսի ապստամբությունների թվին էր պատկանում Հարավային Աղբեջանում տեղի ունեցած խոշոր գյուղացիական պատերազմը Բաբեկի գլխավորությամբ (816—837 թթ.), որին մասնակցում էին նաև քրդական որոշ ցեղեր:

Քրդերի հակաիսլամական տրամադրությունները միանգամայն հասկանալի են, որովհետև բացի շահագործումից ու ճնշումից, իսլամը խոշոր հարված հասցրեց քուրդ ժողովրդի հնադարյան կուլտուրային:

IX—X դարերում, ընայած Քրդստանում չկար միասնական պետություն, այնուամենայնիվ պայքարը կենտրոնական իշխանության, այսինքն խալիֆաթի դեմ, չէր դադարում: Քրդերը ո՛ր միայն իրենք էին պայքարում, այլ օժանդակում էին խալիֆաթի դեմ պայքարող մուսուլմանական աշխարհի այլ ժողովուրդների պայքարին:

Անհրամեշտ է նշել, որ IX—X դարերում Քրդստանը առևտրական կապեր էր հաստատել Անդրկովկասի զանազան առևտրական կենտրոնների հետ: Նրանց վաճառահանման հիմնական առարկան, բացի տնայնագործական իրերից, հանդիսանում էին անասունները և անասնապահական մթերքները:

Քրդերի առևտրական կապերի մասին ակադեմիկոս Մանանդյանը գրել է. «որ քրդերը առևտրական կապ են ունեցել Անդրկովկասի հետ, կարելի է եզրակացնել նրանից, որ

¹ Կ. Զ. Բասմաջյան, Հայկական ընդհանուր դրամագիտություն, Վենետիկ, 1930 թ., էջ 111:

այդ ժամանակի խոշոր առևտրական կենտրոն հանդիսացող Բերդա (հայերեն Պարթավ) քաղաքի դարպասը կոչվում էր «Քրդական դարպաս»¹:

Բացի դրանից, քրդերը կապված են եղել նաև միջազգային առևտրի հետ:

Առևտրի հիմնական տրանզիտային ճանապարհից բացի, որը արաբական հալիֆաթի երկրները կապում էր Սև ծովի հետ, կար նաև երկրորդ՝ հարավային ճանապարհ, որը հալիֆաթի հյուսիս-արևմտյան շրջաններից և ներկայիս իրանական Ադրբեջանից, գնում էր Միջագետք, Սիրիա և Պոնտոս: Այդ ճանապարհը անցնում էր նաև Քրդստանով:

Բնական է, որ գտնվելով առևտրական ուղու վրա, Քրդստանը ակտիվ մասնակցություն պետք է ունենար միջազգային առևտրում:

ՔՐԴՍՏԱՆԸ ՍԵԼՁՈՒԿՆԵՐԻ ԷՊՈՆԱՅՈՒՄ

X դարի վերջերին է՛լ ավելի են սրվում քրդերի և արաբների հարաբերությունները: հալիֆաթի իշխանության աստիճանաբար թուլացման հետևանքով Պարսկաստանում հանդես են գալիս մուսուլմանական նոր դինաստիաներ, որոնք իրենց տիրապետության տակ են գցում Քրդստանի մի շարք գավառներ: Չնայած դրան, Մինչարոմ շեյխ Ալիի նախաձեռնությամբ կազմակերպվում է քրդական անկախ պետությունը:

Այս շրջանում, հատկապես հալիֆաթի արևելյան սահմաններում աստիճանաբար ուժեղանում են սելջուկ թուրքերը: Նրանք հնագույն ժամանակներից սկսած ապրում էին Միջին Ասիայում և վարում էին քոչվորական կյանք:

Օգտվելով հալիֆաթի թուլացումից և նրա տերիտորիայի վրա կազմակերպված էմիրությունների ու մանր պետությունների միջև եղած անընդհատ ընդհարումներից, որի հետևանքով վերջիններս թուլացել էին և չէին կարող լուրջ դիմադրու-

¹ Я. А. Манандян, О торговле и городах Армении в связи с мировой торговлей древних времен, стр. 217.

թյուն ցույց տալ, սելջուկները XI դարի 30-ականներին արշավում են դեպի Պարսկաստան և կարճ ժամանակում գրավում այն: Սելջուկները նվաճում են նաև Միջագետքը: Կազմակերպվում է սելջուկ-թուրքական սուլթանություն, որի մայրաքաղաքը դառնում է Բաղդադը: Բնական է, որ Քրդստանը գտնվելով մուսուլմանական աշխարհի կենտրոնում, չէր կարող դերժ մնալ այս արշավանքներից: Նվաճելով վերջիշրջալ շրջանները սելջուկները նախապատրաստվում էին հարձակվել Ամիդի (Դիարբեքիրի) վրա, որը գտնվում էր քրդական Մերվանյան դինաստիայի ձեռքին: Վերջապես սելջուկներին հաջողվում է տիրել Ամիդին: Մերվանյան պետությունը դադարում է գոյություն ունենալուց:

Սելջուկյան նվաճումներին ուղեկցում էր գրաված տերիտորիաների թալանը և քայքայումը: Զգտելով ամրապնդել իրենց իշխանությունը, սելջուկները սերտ կապեր էին հաստատում մուսուլմանական աշխարհի առևտրական, ազնվական և հողերական վերնախավի հետ: XI դարի երկրորդ կեսում սելջուկյան թագավորության մեջ տարածվեց սաղմա-ավատային սիստեմը:

Ըստ այդ սիստեմի, տիրոջ կառավարությունը զինվորական ծառայություն մատուցելու համար, ֆեոդալներին հողաբաժիններ էր տալիս: Այսպես, օրինակ, սելջուկյան սուլթան Մաճմուզը 1101 թ. Օրթուկ Բեն-Աղսարի որդի Սուքմանին է նվիրում Դիարբեքիրի Կալֆա ամրոցը իր շրջակայքով, իսկ 1108 թ. նրա եղբայր Իլդազին տալիս է Մարդինը: Ավատատեր ֆեոդալները բնականաբար թշնամական վերաբերմունքի էին հանդիպում նախկին հողատերերի կողմից, որոնց իրավունքները զգալիորեն սահմանափակվում էին նոր հողատերերի կողմից:

Սրերի բաժանումը բազմաթիվ մանր ավատների զուգակցված էր միջֆեոդալական կռիվներով, որի հետևանքով քայքայվում և աղքատանում էր գյուղացիությունը:

Ավատատերերը դաժանորեն շահագործելով իրենց հողի վրա ապրող գյուղացիներին, միաժամանակ ձգտում էին այդ

ավատները դարձնել ժառանգական սեփականություն և ազատվել ղինվորական ծառայություն կատարելուց: Դրա համար էլ նրանց և կենտրոնական կառավարության միջև սուր պայքար էր դնում: Այդ պայքարը վերջացավ ավատատերերի հաղթանակով: Այս հաղթանակը խոշոր ազդեցություն գործեց սելջուկյան կառավարության թուլացման վրա:

Սելջուկների և նրանց կողմնակիցների դեմ պայքարելու նպատակով, XI դարի վերջերին Պարսկաստանում առաջ է գալիս ընդհատակյա կազմակերպություն, որը կոչվում էր Ասասիների միություն:

Սա իսմաիլիթականների շիթական սեկտան էր: Այս միության հիմնադիրը Հասան Սաբահն էր: Նրանք գրավում են Ալամութ ամրոցը («Արծվի բույն»), որը գտնվում էր Մերձկասպյան անառիկ լեռներում:

Այս միության մեջ, բացի ղեկավարներից, կային նաև ցածր խավի մարդիկ, այսպես կոչված ֆիդաի (ֆիդավի), որոնք պատրաստ էին իրենց կյանքը զոհաբերել ղեկավարի որևէ հանձնարարությունը կատարելու համար:

Այս մարդիկ նվիրված էին իրենց շեյխին այն բանի համար, որ նա հարբեցնում էր նրանց հաշիշով (այստեղից էլ նրանց լրացուցիչ անունը «հաշիշաշին») և քարոզում, թե նրանք կճաշակեն դրախտի հրաշալիքները, եթե հլու-հնազանդ կատարեն իր հանձնարարությունները:

Այս ֆիդավիների ձեռքով զոհվեցին սելջուկ սուլթան Մելիք շահը և նրա վեզիր Նիզամ ալ Մուլքը:

Ասասիների միությունը իր գոյությունը պահպանեց մինչև մոնղոլների տիրապետությունը: Նրա վերջին ղեկավար Ռուկն-էլ-էինը, մասամբ սպառնալիքի, մասամբ հորդորների ազդեցության տակ ներկայանում է մոնղոլական իշխան Հուլաղուն, վերջինիս հրամանով նա սպանվում է: Հուլաղուն նվաճում է Ասասիներին պատկանող բոլոր ամրոցները: Այսպիսով, «Արծվի բույնը», որը 170 տարի երկյուղ էր տարածում ողջ մուսուլմանական աշխարհում, ոչնչացվեց:

Որպես Ասասիների մնացուկ Պարսկաստանում, ինչպես

նաև Քրդաստանում պահպանվել է մաիլիթների իսլամական սեկտան:

Սելջուկյան սուլթանությունը ևս արաբական իսլամի ֆաթիման շէր կարող երկար ժամանակ պահպանել իր գոյությունը: Գահակալական կոնվենտի, ֆեոդալական ներքին հակասությունների և ժողովրդական ազատագրական պատերազմների հետևանքով XII դարի առաջին քառորդում այս թագավորությունը վերջնականապես քայքայվում է և նրա տերիտորիայի վրա առաջ են գալիս մանր ինքնուրույն թագավորություններ (էմիրություններ):

Այդպիսի էմիրություններից մեկը Դվինի Շեղդադյանների քրդական հզոր էմիրությունն էր (XI—XII դդ.): Շեղդադյանների ղինաստիան առաջին անգամ հանդես եկավ Հայաստանի հյուսիս-արևելյան մասում: Այս ղինաստիայի մի ճյուղը իր ձեռքն է առնում նաև Դվին մայրաքաղաքը:

Շեղդադյանների այս հարստությունը տիրում է նաև Անի քաղաքին: Նրանց տիրապետության տակ Անին իր հետագա զարգացումն ապրեց: Նա միջազգային առևտրի ասպարեզում աչքի ընկնող դեր էր խաղում որպես կարևոր առևտրական կենտրոն: Շեղդադյանների տիրապետությունը Անիում ընդ-միջումներով շարունակվում է մինչև 1199 թ.: XII դարի ընթացքում Անին մի քանի անգամ անցնում է վրացիների ձեռքը:

1123 թ. վրացական թագավոր Գավիթ շինարարը գրավում է Անին, սակայն Աբուլսուվաբ Շեղդադյանի որդի Փաթլունը, օգնություն ստանալով սելջուկներից, պաշարում է քաղաքը: 1126 թ. Գավիթ շինարարի հետնորդ Դիմիտրին քաղաքը որոշ պայմաններով զիջում է Փաթլունին: 1174 թ. վրացիները նորից են տիրում Անիին, սակայն այս անգամ ևս ստիպված են լինում զիջել այն Շեղդադյաններին:

Տիրելով Անիին, Շեղդադյանները պետք է հոգ տանեին իրենց ինքնապաշտպանության մասին: Այդ պատճառով էլ նրանք սկսում են վերակառուցել և ամրացնել քաղաքի պատերը և նրանց կից աշտարակները: Այս փաստը ապացուցվում

է միջնապատի աշտարակի վրա գտած Մանուչիի արձանագրութեամբ:

Բնական է, որ ելնելով ժամանակի պայմաններից, Անիի տերերը պետք է ստեղծեն իրենց ազդեցությունները: Հնագիտական պեղումների արդյունքում համաձայն Անիում եղել է 3 մզկիթ, մեկը՝ էք-յուլ Մամրան մզկիթն էր, որից մնացել է միայն մինարեթը, երկրորդը՝ Ախուրյանի ձորի վերևում կառուցված մզկիթը մինարեթով, որն այժմ խիստ խարխված է, իսկ երրորդի միայն հետքերն են գտնվել: Բացի սրանցից, Գազիկ I օրոք կառուցված Անիի մայր եկեղեցին XI դարից մինչև XII դարը վերածված էր մզկիթի:

Անիում գտնված արձանագրություններից ուշագրավ է Մանուչիի մոնումենտալ արձանագրությունը, որը գրված է արաբերեն:

Մի շարք ուսումնասիրողների և պատմաբանների պնդումների համաձայն, Անին 1174 թ. վերջնականապես ընկնում է Վրաստանի տիրապետության տակ, սակայն սա խորապես սխալ է: Այն փաստը, որ Անին մինչև 1199 թ. եղել է Շեղադյանների ձեռքին, վկայում է էք-յուլ Մամրան մզկիթի մինարեթի վրա եղած Քեյ սուլթան Շեղադյանի պարսկական արձանագրությունը: Այդ արձանագրությունը սկզբում կարդացել և վերծանել է Խանիկովը, որից վերցրել է նաև կետն:

Ըստ նրանց, այդ արձանագրությունն ունի հետևյալ բովանդակությունը. «Ես Քեյ սուլթան, որդի Մահմուդի, որդվոյ Շաուբի, որդվոյ Մինուզեհրի, Շեղադյան իմ ծնողների հոգու փրկության և իմ զավակների համար (որոնց խնամությունը, ազգականությունը և միությունը թող աճե), հրամայեցի և արգելում եմ տերերին, այս էք-յուլ-Մամրան մզկիթի առջև ոչխար և ուղտ վաճառել» Ն. Ե. Ճ. թվի 595 (1198—1199 թթ.):

Սակայն այս արձանագրությունն ունի մի այլ ավելի զիտական մեկնաբանություն: Դա Լ. Տ. Գոզալյանի հետևյալ մեկնաբանությունն է. «Ես Քեյ սուլթան, որդի Մահմուդի, որդու Շավերի, որդու Մինուզեհրի, Շեղադյան, իմ նախնիքնե-

րի և ժառանգների երկարակեցություն համար, հրամայեցինք մենք, բամբակի և բամբակեղեն գործվածքների վաճառքը, այստեղից, որտեղ գտնվում է էք-յուլ-Մամրան մզկիթը, մինչև Սեբիլ փողոցի վրա գտնվող խանութը, թույլատրվում է: Առետուրը այստեղ կատարել թույլատրեցինք մենք: Ով կարհամարհի այս հրամանը, կլինի (ամենապատավոր) և ամենաբարձրյալ աստծո զայրույթի գերին:

Թվականություն հինգ հարյուր ինսուսհինգ տարվա (1198—1199 թթ. քր. թվարկ.):

Ովքեր ամուր կպահպանեն, թող օրհնյալ լինեն աստծո կողմից ամեն»¹:

Արձանագրության վերջին տողը գրված է հայերեն:

«Եթե հիշենք, որ այս արձանագրությունը գրված է մերձավոր արևելքի արհեստա-քաղաքային կյանքի, հատկապես ուժեղ վերելքի շրջանում և Անիում Շեղադյանների դինաստիայի տիրապետության օրոք, որն ամեն կերպ հովանավորելով քաղաքի առևտրական կյանքը, ապա պետք է ընդունել, որ այդ հրամանի նպատակն է եղել, ըստ երևույթին, առևտրական կյանքի կենտրոնացումը կենտրոնական մզկիթի շուրջը և այդպիսով բարձրացնելու նրա բարեկեցությունը այնպիսի քաղաքում, որտեղ կրոնական պաշտամունքի շենքերի մեծ մասը կազմում էին բրիտանական տաճարները»²:

ՔՐԴՍՍԱՆԸ ԷՅՈՒԲԻՏԵՆԵՐԻ ԳԻՆԱՍԻՍԻԱՅԻ ՃԱՄԱՆԱԿԱՇՐՁԱՆՈՒՄ

Սելջուկների տիրապետության ժամանակաշրջանում Մերձավոր Արևելքի երկրները, և հատկապես Քրդստանը գտնվում էին քաղաքական մասնատվածության վիճակում: Դրությունը այսպես շարունակվում է մինչև Սալահ-էդ-Դինի հզորանալը:

¹ Л. Т. Гюзальян, Персидская надпись Кей-султана Шеддади в Ани, Сборник АН СССР, 14, стр. 633.

² Там же, стр. 641.

որը հիմք դրեց քրդական էյուլբիտները գինաստիային և ի մի հավաքեց մուսուլմանական մանր, ցրված իշխանությունները:

Նուր-էդ-Դինի (Սիրիայի սուլթան) կողմից նշանակված էմիրներ էյուրք և Շիրկուխը սկզբում ծառայում էին սելջուկների մոտ, բայց հետագայում անցան Նուր-էդ-Դինի կողմը: Վերջինս նրանց լավ ծառայության համար բարձր պաշտոններ տվեց: Շիրկուխը համարվում էր նրա առաջին էմիրը և միաժամանակ զորքի հրամանատարը, իսկ էյուրքը նշանակվեց սկզբում Բաալբեկի քաղաքի, ապա Դամասկոսի կառավարիչ:

Այդ շրջանում Եգիպտոսում ազգամիջյան կռիվներ էին տեղի ունենում ֆաթիմիդական վերջին խալիֆաների միջև, բացի այդ, արևելքի համար մեծ սպառնալիք էին ներկայացնում խաչակրած արշավանքները: Այս դրուվյունը ի նկատի ունենալով Նուր-էդ-Դինը Շիրկուխին ուղեկցում է Եգիպտոս, որտեղ երեք հաջող արշավանքից հետո (1164 թ., 1167 թ. և 1169 թ.) նա ստեղծեց բավական ուժեղ զինվորական ճամբար, որը պատրաստ էր դիմավորելու խաչակիրներին: Այս գործողությունների մեջ նրան մեծ օժանդակություն ցույց տվեց նրա եղբոր՝ էյուբի որդի, Մելիք-Յուսուֆը, որը հետագայում ստացավ Սալահ-էդ-Դին (հավատի մաքրություն) կամ ինչպես եվրոպացիներն են ասում Սալադին անունը: Իր հորեղբոր՝ Շիրկուխի մահից հետո (1169 թ.) նա ստանձնում է Եգիպտոսի սուլթանի տիտղոսը, իսկ Նուր-էդ-Դինի մահից հետո (1174 թ.) դառնում է մուսուլմանական արևելքի ամենաազդեցիկ և ամենախոշոր դեմքը: Նրա մասին պատմաբան Իբն-արու-Հուսեյբիան ասում է. «Նրա աչքի ընկնող կեցվածքը ստիպում էր հարգանք զգալ դեպի նա և դեպի նրան էր հակում սրտերը:

Լինելով շիվիտ և սիրալիր, նա մեծ բավականություն էր վզում շնորհներ (ընծաներ) տալով: Երբ նա մահացավ, ժողովրդի վիշտն այնքան մեծ էր, կարծես նա զրկվել էր մարգարեից: Դեռ երբևք այդպիսի վիշտ չէին զգացել թագավորի մեռնելուց, որովհետև նա սիրված էր, սիրված էր ազնվաբարո

մարդկանց և թե հանցագործների կողմից, ինչպես մուսուլմանները, այնպես էլ անհավատների կողմից»¹:

Կարճ ժամանակում Սալահ-էդ-Դինը իր պետությունն է միացնում Սիրիան և Միջագետքը: Մեծ ազդեցություն ունենալով Քրդաստանում, նա քրդերից խոշոր զորամասեր է կազմում և իրեն ենթարկում ամբողջ Քրդաստանը, որտեղ նրա ժառանգները իշխում են մինչև XIII դարի վերջերը: Նրանք բավականին հուշարձաններ են թողել իրենց տիրապետության շրջանում. օրինակ, Միարֆարկին քաղաքում, Մողիսու-Ղազին (Սալահ-էդ-Դինի եղբայր՝ էլ Ազիլի որդին) կառուցեց հույակապ մեջիտ (1228 թ.), որի փլատակները դեղեցիկ քանդակներով դեռ պահպանվում են:

Հենվելով իր քրդական զորամասերի վրա և միացնելով Սիրիայի և Եգիպտոսի ուժերը, Սալահ-էդ-Դինը շախմատում է երկրորդ խաչակրած արշավանքը և 1187 թ. գրավում Երուսաղեմը, լիկվիդացնելով այնտեղի քրիստոնեական թագավորությունը: Մեկը մյուսի հետևից նրա ձեռքն են անցնում Տիրվերիազա, Ակրա, Բեյրութ, Սիդոն, Կեսարիա, Ասկալոն և այլ քաղաքներ:

Այս փայտն հաղթանակները պատճառ են դառնում, որ նրա զին կազմակերպի երրորդ խաչակրած արշավանքը՝ անգլիական թագավոր Ռիչարդի (Ռիչարդ առյուծասիրտ) և ֆրանսիական թագավոր Ֆիլիպ Ավգուստի նախաձեռնությամբ ու ղեկավարությամբ: 1189 թ. օգտվելով սուլթանի բացակայությունից, խաչակիրները շրջապատում են Ակրան: Կսելով այս մասին, Սալահ-էդ-Դինը շտապում է այնտեղ և իր հերթին շրջապատում խաչակիրներին: Չնայած խաչակիրների ձեռք առած բոլոր միջոցներին, նրանց չի հաջողվում հաղթել Սալահ-էդ-Դինին:

Հաշտություն է կնքվում 3 տարով, համաձայն որի Ակրան անցնում է խաչակիրներին, իսկ մնացած ամբողջ տերիտորիան մնում է Սալահ-էդ-Դինի ձեռքին: Դրուվյունը այսպես շարունակվում է մինչև Սալահ-էդ-Դինի մահը, 1193 թ.: Նրա-

¹ Мюллер, История Ислама, СПб, 1896 г., стр. 250.

նից հետո իշխող էյուրփոսները ալլեա շոմեին այն հաշտու-
թյունները և ընդհանրապես այն արտակարգ ընդունակու-
թյունները, որոնցով օժտված էր Սալահ-էդ-Դինը: Թե՛ քրդա-
կան և թե՛ թուրքական դինաստիաները անընդունակ զտնվի-
ցին իրենց հողերում, զոնն մասամբ տանելի, կարգ հաստա-
տելու:

Անհրաժեշտ է նշել, որ Սալահ-էդ-Դինի պետութունը քրդ-
դական պետութուն չէր, ինչպես ճգնում են ապացուցել մի
շարք արևելագետներ, այլ մոսուլմանական խոշոր պետու-
թյուն էր, որը սուլթանի (Սալահ-էդ-Դին) գլխավորությամբ
պաշտպանում էր մոսուլմանական արևելքը գաղութարար-
ների ներխուժումից, որոնք, ինչպես հայտնի է, Հիսուսի գե-
րեղմանը անհավատների ձեռքից ազատելու պատրվակով,
ձգտում էին տիրանալ արևելքի հարստություններին:

Տակավին շնամացնելով Սալահ-էդ-Դինին որպես իր
էպոխայի տաղանդավոր զորավարի և պետական գործչի,
պետք է ասել, որ նա անգամ փորձ չարեց քրդական ազգային
ինքնուրույն պետութուն ստեղծելու:

Սալահ-էդ-Դինը շատ լավ էր հասկանում, որ իր մահից
հետո իր ժառանգների մեջ վեճ կսկսվի: Դեռ նրա կենդանու-
թյան ժամանակ եղբոր որդիներից մեկը Միջագետքում փոր-
ձեր էր կատարում իր սահմանները լայնացնելու համար: Սա-
լահ-էդ-Դինը չէր կարող վստահել նաև թուրքական էմիրնե-
րին: Դրա համար էլ նա որոշեց ամենակարևոր վայրերը
հանձնել իր ամենամոտիկ մարդկանց:

Նա իր ժառանգութունը բաժանեց հետևյալ կերպ. ավագ
որդուն՝ Մելիք-Ազիզին նշանակեց սուլթան և տվեց անսահ-
մանափակ իշխանութուն Դամասկոսի և հարավային Սիրիա-
յի վրա.

Երկրորդ որդի Մելիք-Ազիզին տվեց Եգիպտոսը, երրորդ
որդի Մելիք-Ջախիրին տվեց Հյուսիսային Սիրիան Հալեբի
հետ. իր եղբայր Մելիք-Ազիզին տվեց Միջագետքը և Մեոյալ
ժովի մոտ՝ Քարակ և Շաուբեկ ամրոցները: Չնայած այդ բո-
լորին Սալահ-էդ-Դինի մահից մի տարի դեռ չանցած, նրա

ժառանգները սկսեցին հարձակվել միմյանց վրա: Այս երկ-
պառակությունների և կոիվների հետևանքը եղավ այն, որ
Մելիք-Ազիզը կարողացավ աստիճանաբար խլել Սալահ-էդ-
Դինի որդիների հողերը և միացնել իր հողերին:

Մելիք-Ազիզի մահից հետո նա գրավում է Եգիպտոսը, իսկ
Դամասկոսի իշխանությունը հանձնում է իր որդուն՝ Մելիք-
Մուազզամին:

Միայն Մելիք-Ջախիրն էր, որ կարողացավ իր հողերն
ազատել, համաձայնվելով վասալական կախման մեջ մնալ
Մելիք-Ազիզից:

Չնայած այն բանին, որ Սալահ-էդ-Դինի մեծածավալ տե-
րիտորիան, համարյա ամբողջությամբ զտնվում էր Մելիք-
Ազիզի ձեռքին, սակայն նա իր եղբոր հզորությունը վերա-
կանգնել չի կարողանում: Էյուրփոսների գինաստիան աստի-
ճանաբար սկսում է թուլանալ: Միջագետքում նրանց իշխա-
նությունը տևում է մինչև 1245—1250 թթ., իսկ Դամասկո-
սում՝ մինչև 1260—1270 թթ.:

Ճիշտ է, թե՛ սելջուկներին և թե՛ էյուրփոսներին չհաջողվեց
երկար պահել իրենց պետութունը, սակայն նրանք իրենցից
հետո Փոքր Ասիայի տերիտորիայի վրա թողեցին մանր, բայց
բավականին ամուր ֆեոդալական պետություններ, որոնք հե-
տագալում հաջող կերպով դիմադրում էին թե՛ խաչակրիտե-
րին, որոնք շարունակում էին արևելքը գրավելու իրենց փոր-
ձերը և թե՛ մոնղոլներին:

ՔՐԻՍՏԱՆԸ ՄՈՆԳՈԼԱԿԱՆ ՏԻՐԱՊԵՏՈՒԹՅԱՆ ՇՐՋԱՆՈՒՄ

Մոնղոլները բնակվում էին Միջին Ասիայում: Մինչև XI
դարը նրանք ապրում էին առանձին տոհմերով ու ցեղերով:
Նրանց զբաղմունքը գերազանցապես անասնապահությունն էր:

Ընդարձակ և խոտառատ արոտավայրերին տիրանալու
համար, մոնղոլական ցեղերը հաճախ կռվում էին իրար դեմ:
Այս պայքարը է՛լ ավելի ուժեղացավ XII դարում, երբ մոն-

զուլական ցեղերի ներսում սկսեց կազմավորվել ֆեոդալական վերնախավը:

Կոնիվները ընթացքում հաղթող ցեղը կամ տոհմը իրեն էր ենթարկում ավելի թույլ ցեղերին կամ տոհմերին: Առաջանում էին ավելի ուժեղ տոհմեր և ցեղեր, իսկ նրանց ղեկավարները ստանում էին խան անունը: Ահա այդպիսի խաներից մեկը՝ Թևմուշինը, որը բավականին հզորացել էր, 1206 թ. մոնղոլական Ղուբուլթայում (մեծամեծների ժողով) ստանում է Չինգիզ-խան (մեծ խան) անունը: Նա սկսում է միավորել ցրված ցեղերը և հիմք դնել մոնղոլական մեծ պետությանը:

Այս պետության ֆեոդալականացած վերնախավի շահերը պահանջում էին մեծ նվաճումներ, տնտեսական ամուր բազա: Իրա համար անհրաժեշտ էր ձեռք բերել նորանոր տերիտորիաներ, նախ՝ ապահովելու համար անասունների արոտավայրերով և ապա՝ ծանր տուրքեր դանձելու նվաճած երկրների բնակչությանից: Արդեն 1211 թ. մոնղոլները սկսեցին նվաճել Չինաստանը. 1217—1219 թվականներին ներխուժեցին Միջին Ասիա: Այստեղ նրանք հանդիպում են տեղի բնակչության դիմադրությանը: Սակայն նվաճողները օգտագործելով նրանց ֆեոդալական ներքին երկպառակությունները և իրենց ուժերի գերազանցությունը ճնշում են ժողովրդի դիմադրությունը և աստիճանաբար ընդարձակում իրենց նվաճումները արևելքում:

XIII դարի սկզբին Միջին Ասիայում ամենաուժեղ պետությունը դա Խորեզմի պետությունն էր: 1218 թ. մոնղոլները հարձակվում են նրա վրա, գրավում նրա քաղաքները և հալածում Մահմուդ-շահին ու նրա որդի Ջալալ-էդ-Դինին, որը հոր մահից հետո իր զորքերով անցնում է Անդրկովկաս: Այստեղ նա փորձում է դիմադրել մոնղոլներին, սակայն պարտվում է և փախչում Քրդստան, որտեղ և 1231 թ. սպանվում է քրդերի ձեռքով:

Մոնղոլները իրենց արշավանքի սկզբում չմտան Քրդստան: Նրանք անցան հարավային Ադրբեջանով դեպի Կովկաս, այնտեղից էլ՝ Ռուսաստան: Քրդստանը դեռ շարունակում էր

պահպանել իր անկախությունը: Գա բացատրվում էր նրանով, որ մոնղոլների հեծելազորը և հետևակը վարժված էին տափաստանային կոնվների, ոստի և անսովոր էին լեռնային մարտերի, և քրդերը իրենց անատիկ լեռներում ոչնչացնում էին նրանց: Մոնղոլները չեն կարողանում գրավել նաև Սիրիան և Եգիպտոսը, որտեղ այդ ժամանակ իշխում էին մամլուքները:

XIII դարի առաջին քառորդից մինչև նույն դարի կեսերը մոնղոլները մի շարք արշավանքներ են կատարում դեպի Անդրկովկաս, Պարսկաստան և Միջագետք, բայց միշտ էլ Քրդստանը կամ չի նվաճվում, կամ նվաճվում է աննշան շափով: Սակայն արդեն XIII դարի կեսերին՝ 1258 թ. Մանգու մեծ խանի եղբայր Հուլաղու խանը, մեծ բանակով արշավում է դեպի Միջագետք: Նրա ճանապարհը անցնում էր Քրդստանով:

Ամենից առաջ մոնղոլական բանակը հանդիպում է էրբիլի շրջանին, որը այդ ժամանակ մտնում է Աբբասյան Խալիֆայի կազմի մեջ: Էրբիլի քրդական ղորամասերը կատաղի դիմադրություն են ցույց տալիս մոնղոլներին: Վերջիններս կարողանում են տիրել էրբիլին միայն Մոսուլի վերջին Աթաբեկի՝ Բադր-էդ-Դին Կյուլուի դավաճանություն շնորհիվ: Գրավելով էրբիլը, մոնղոլները տիրում են համարյա ամբողջ Արևելյան Քրդստանին: Քրդական մի շարք ցեղեր դադրում են դեպի Սիրիա և Եգիպտոս:

Հաստատվելով Պարսկաստանում, Հուլաղուն շարունակում է իր արշավանքը դեպի Սիրիա և Եգիպտոս: Ճանապարհին մոնղոլները կողոպտում և այրում են քրդական Հակկիրի, Դիարբեքիրի և Միարֆարկի շրջանների բնակավայրերը: Այս կամայականությունները է՛լ ավելի վրիժառու են դարձնում քրդերին: Նրանք սիրիական և եգիպտական մամլուքների հետ շարունակում են համառ պայքարը մոնղոլների դեմ:

Հաճախ քրդերը իրենք են գլխավորում հակամոնղոլական շարժումները: Այդպիսիների թվին է պատկանում էրբիլեցի քուրդ Մոսան, որին մոնղոլները մահապատժի են ենթարկում Խորասանում:

Այս շրջանում մոնղոլական լայնածավալ պետությունը բաժանվում էր մի շարք ինքնուրույն իշխանությունների՝ էլիսանությունների:

Պարսկաստանը, Միջագետքը, Անդրկովկասը և Փոքր Ասիայի արևելյան երկրները կազմում են մի էլիսանություն, որի գլուխն է կանգնում Հուլաղուն: Այդ էլիսանությունը կոչվում էր արևմտյան կամ Հուլաղուի էլիսանություն:

Քրդստանը ևս մտնում էր այս էլիսանության կազմի մեջ: Ըստ էության Քրդստանի միայն մի փոքր մասը ենթարկվեց մոնղոլների հարձակումներին և ավերածություններին: Նրա մեծ մասը ազատ մնաց: Մոնղոլները չկարողացան թափանցել Քրդստանի խորքերը:

Նրանք բավականացան միայն նրանով, որ քրդերը ճանաչեն իրենց գերիշխանությունը և հարկեր տան, որոնք բավականին աննշան էին: XVI դ. կլասիկ տարեգիր Շերեֆ-էդ-Ռինը, «Շերեֆ-Նամե» հայտնի աշխատության մեջ գրում է. «Ամենամեծ սուլթանները և ամենահզոր իշխանավորները երբեք ոտնձգություններ չէին անում քրդերի երկրի և հողերի նկատմամբ, սահմանափակվում էին ընծաներ ստանալով և բավականանում էին նրանցից նվիրվածության խոստումներ վերցնելով, որքան այդ անհրաժեշտ էր օգտագործելու նրանց որպես օժանդակ զորքի»:

Սակայն Քրդստանը, ինչպես նաև Սիրիան, Եգիպտոսը, Կիլիկիան և Փոքր Ասիայի մյուս շրջանները շարունակում են ծառայել որպես մուսուլմանա-քրիստոնեական կռիվների թատերաբեմ, որովհետև խաչակիրները դեռ արևելքը նվաճելու իրենց հույսերը չէին կորցրել և շարունակում էին իրենց արշավանքը:

Մոնղոլների տիրապետության ամբողջ ժամանակաշրջանում Քրդստանը շարունակում է մնալ մասնատված:

Ինչպես սելջուկները, այնպես էլ մոնղոլները լայն կերպով կիրառում էին ռազմա-ավատային (военно-лениная) սիստեմը: Տեղացի ֆեոդալը նրանցից ստանալով հող (իլի կամ

մուլի) պարտավոր էր օգնել նրանց մարդկանցով և զինվորներով:

Կովի դեպքում նա պարտավոր էր ներկայանալ իր ձիրքով ու զինված ջոկատով: XIII դարի 80—90-ական թվականներին էլիսանների պետությունը ապրում էր խոր տնտեսական ճեղքմամբ: Սա հետևանք էր նախ՝ 1220—1258 թթ. տեղը մոնղոլական արշավանքների առաջացրած ընդհանուր քայքայման, բնակչության խիստ նոսրացման (մի շարք շրջաններում 9/10-մասը), քոչվոր և նստակյաց բնակչության թափանի և հատկապես էլիսանական պետության դաժան հարկային քաղաքականության: Բնակչության բոլոր խավերը ենթակա էին հարկատվության, նստակյաց բնակչությունից վերցնում էին «գալան» կոչվող հարկը, քոչվորներից՝ «կոպչուր» հարկը, քաղաքացիներից և վաճառականներից՝ «բաջ» և «տամդա» հարկերը: Պակասած եկամուտները լրացնելու համար կենտրոնական կառավարությունը ստիպված էր խստացնել հարկային սիստեմը, ավելացնել հարկերը, ուժեղացնել գյուղացիության ջահագործումը, որը XIII դարի 80—90-ական թվականներին խոշոր չափերի էր հասել:

Գյուղացիության դրությունը շատ ծանր էր, նա ընկել էր ծայր աստիճան ազրատության մեջ: Ի պատասխան այդ շահագործմանը և ճնշմանը, գյուղացիությունը հաճախ ապրստամբություններ էր բարձրացնում: Գյուղական շրջանները լի էին ապստամբական ջոկատներով:

Նվաճած երկրներում մոնղոլները կիրառում էին դաժան տեղորի, մասսայական սպանությունների քաղաքականություն:

Մոնղոլների այդ ուժիմի մասին Մարքսը գրում է. «...սիստեմատիկ տեղորի ուժիմը, ընդ որում քայքայումը և մասսայական սպանությունները կազմում էին նրա մշտական ինստիտուտները: Գտնվելով արտագրություն եղանակի ավելի ցածր մակարդակի վրա, քան իրենց ենթակա ժողովուրդները,

մոնղոլները կասեցնում էին այդ ժողովուրդների առաջադի-
մությունը, արգելադրում էին արտադրողական ուժերի զարգա-
ցումը և ետ էին մղում երկրի տնտեսական կյանքը»¹:

Հավանականորեն, հենց իրենց զարգացման ցածր աստի-
ճանով է բացատրվում այն հանգամանքը, որ մոնղոլները
իրենց նվաճած երկրներում չէին ստեղծում նոր քաղաքական
կառուցվածք, այլ բավականանում էին նրանով, որ երկրում
գոյություն ունեցող վարչաձևերը հարմարեցնում էին իրենց
նպատակներին:

ՔՐԴՍՏԱՆԸ ԹԵՄՈՒՐԻ ԺԱՄԱՆԱԿԱՇՐՋԱՆՈՒՄ

XIV դարի առաջին կեսում մոնղոլական արևմտյան էլխանու-
թյունը տնտեսական, ֆինանսական և քաղաքական խոր ճեղ-
նածամ էր ապրում: Պետական ապարտար կազմալուծվում
էր և հաճախակի էին դառնում ներքին դավադրությունները:
1344 թվականին Հուլաղուի էլխանությունը վերջնականապես
քայքայվեց: Նա բաժանվեց մի քանի մասնի իշխանություննե-
րի, որոնք անընդհատ պայքար էին մղում իրար դեմ և քայ-
քայում, առանց այն էլ անկման եզրին հասցված երկիրը:

Սելջուկների ժամանակից սկսած Փոքր Ասիայում բնակ-
վում էին թուրքական ցեղեր (նրանց մեջ կային նաև թուրքմե-
նական ցեղեր), որոնք աստիճանաբար սկսեցին գերակշռու-
թյուն ձեռք բերել հայերի և քրդական բեղուիների նկատ-
մամբ: Հատկապես աչքի էին ընկնում թուրքմենական երկու
ցեղեր, որոնք եկել էին Միջին Ասիայից՝ էլխան Արղունի ժա-
մանակ (1284—1291 թթ.) և բնակություն հաստատել Եփ-
րատի ու Տիգրիսի մոտերքում:

Նրանց կոչում էին Կարա-Կոյունլու (սև խոջական) և Աղ-
Կոյունլու (սպիտակ-խոջական), իրենց զրոշակների վրա
սև և սպիտակ ոչխարների խորհրդանիշ կրելու պատճառով:

Սկզբում Կարա-Կոյունլուները ապրում են հյուսիսում՝
Սվազի և Երզնկայի մոտերքում, իսկ Աղ-Կոյունլուները Ամի-

դի (Իհարբեքի) և Մոսուլի շրջաններում: 1364 թ. արդեն
Մոսուլը գտնվում էր Կարա-Կոյունլուների ձեռքին:

Մինչև Թեմուրի երևան գալը այս երկու ցեղերից՝ Կարա-
Կոյունլուները ավելի ուժեղ էին և ավելի առաջնակարգ դեր
էին խաղում:

XIV դարի երկրորդ կեսին Միջին Ասիայում կազմակերպ-
վում է Թեմուրների պետությունը, որի հիմնադիրն էր Լենկ-
Թեմուրը (1370—1405 թթ.): Նա թաթարական մասն ազնվա-
կանի ընտանիքից էր, օժտված էր խոշոր զինվորական տա-
ղանդով: Օգտվելով միջինասիական պետությունների միջև
տեղի ունեցող անվերջ կռիվներից, նա 1363 թ. իշխանությունը
վերցնում է իր ձեռքը: Այնուհետև աստիճանաբար լայնաց-
նում ու ամրացնում է իր պետությունը:

Միջին Ասիայում իր մեծ պետական գործունեությանը նա
զուգակցում էր դեպի Պարսկաստան, Փոքր Ասիա և Անդրկով-
կաս կատարած թալանչիական արշավանքները:

1386—87 թթ. Լենկ-Թեմուրի բանակներն արշավում են
Անդրկովկաս, Հարավային Ադրբեջան և Քրդստանի հյուսիս-
արևմտյան մասը, որտեղ կովելով ուղղմամբ կովկասցիներ-
ի և Կարա-Կոյունլուների ղեկավար Կարա-Մահմուդի ու նրա
որդի Կարա-Յուսուֆի դեմ, ամայացնում է Հայաստանի և
Վրաստանի մի շարք շրջաններ:

Սակայն Քրդստանում, Ուրմիո լճից հարավ գոյություն
ունեցող մուքրիական քրդական ցեղային միության կիսան-
կախ իշխանությունը, որի վրա հենվում էր Կարա-Կոյունլու-
ների պետությունը, համառ դիմադրություն է ցույց տալիս
Թեմուրին: Ամիդի մոտ 40 օր տևող մարտերից հետո, Թեմու-
րը կրում է իր առաջին և լուրջ պարտությունը: Նա ստիպված
է լինում նահանջել: Այսպիսով, Քրդստանի խորքը թափանցել
նրան չի հաջողվում:

1388 թ. Թեմուրը երկրորդ անգամ է հանդիպում քրդերի դի-
մադրությանը Մուղաֆարական պետության բախտիարական
շրջանում, որը մտնում էր Կարա-Կոյունլուների պետության
մեջ: Մուղաֆարական Շահ-Մանսուրը բախտիարների և քրդ-

¹ Տե՛ս Հայ ժողովրդի պատմություն, I մաս, 1943 թ., էջ 213:

դերի հետ միասին դիմադրում է Թեմուրին, որը մեծ կորուստներ կրելով, դարձյալ ստիպված է լինում նահանջել: Սահայն արդեն 90-ական թվականներին հաղթելով Ոսկե Հորդախի թոխամիջ խանին, Թեմուրը նորից ուղղվում է դեպի Շահ-Մանսուրը: Համառ դիմադրությունից հետո՝ դավաճանության հետևանքով Շահ-Մանսուրը պարտվում է: Այսպիսով, գրավելով Իրաքի հարավային մասը, Թեմուրը ուղղվում է դեպի Բաղդադ:

Այստեղ նրան չէին սպասում, դրա համար էլ նա հեշտությամբ գրավում է այն: Ահմեդ Իբն Ուլեյսը (Բաղդադի ջալհարը) փախչում է Եգիպտոս: Բաղդադից Թեմուրը Իրաքի և Միջագետքի վրայով գնում է Կարա-Կոյունլուների տիրապետության վրա, այնտեղից էլ Հայաստան և Վրաստան:

Կարճ ժամանակամիջոցում նա արագ կերպով ընդարձակեց իր պետության սահմանները: XV դ. սկզբում նրա պետության սահմանները տարածվում էին Արալյան լճից մինչև Պարսից ծոցը և Պամիրից մինչև Միջերկրական ծովի փոքրասիական ափերը: Նախկին Հուլադյան էլիսանությունից բացի, Թեմուրի պետությունը իր մեջ ընդգրկում էր միջինասիական տիրապետությունների մի մասը, Հնդկաստանի մի մասը, զգալի տարածություններ Ոսկե Հորդախի տիրապետությունից, ինչպես նաև Եգիպտոսը, Սիրիան և Կիլիկիան¹:

Ինչպես նախորդ նվաճողները, այնպես էլ Թեմուրը իր նվաճած երկրներում խոշոր փոփոխություններ չկատարեց: Նա ևս իր ընդարձակ տիրապետության տակ գտնվող տերիտորիան բաժանեց մի քանի վարչական մասերի և նրանց վրա կառավարիչներ նշանակեց:

Հայաստանում, Հարավային Ադրբեջանում, Փ. Ասիայի արևելյան երկրներում, Միջագետքում և Արևելյան Քրդստանում նա կառավարիչ նշանակեց իր որդի Միհրանշահին:

Վերջինս որպես ղեկավար շատ թույլ էր: Օգտվելով դրա-

¹ Թ. Խ. Հակոբյան, Հայաստանի պատմական աշխարհագրություն, պրակ III, էջ 195:

նից, նրա ղեկավարության տակ գտնվող մի շարք շրջաններ սկսում են ապստամբվել: Քրդստանում ևս կազմակերպվում են մի շարք ինքնուրույն իշխանություններ (княжество):

Փոքր Ասիայում, մոնղոլների նվաճումներից հետո պահպանվել էին թուրքական դինաստիաներ, որոնք ունեին իրենց ինքնուրույն փոքր պետությունները: Սրանց մեջ աչքի էր ընկնում Օսմանի պետությունը:

«Փոքր Ասիայի արևմտյան ծայրում լարվածությունը ավելի քիչ էր և Օսմանը կարողացավ օգտագործել բարենպաստ հանգամանքները: Դեպի նրան էին ձգտում մանր ֆեոդալները էպոխայի սարսափներից մի փոքր հանգստանալու համար, իսկ Օսմանյան կառավարության կողմից Բյուզանդիայի վրա կատարվող հաջող հարձակումները տալիս էին նրանց այն, ինչ նրանք կորցրել էին՝ ավար, հարստություն: Սուլթան Օսմանի մասին պատմաբան Իբն Բատուրան ասում է, որ նա զրավեց 100 ամբոց, այսինքն 100 մանր ֆեոդալներ ենթարկվեցին նրան»¹:

Այսպիսով, սելջուկյան տիրապետության նախկին սահմաններում առաջանում է Օսմանյան պետությունը, որը աստիճանաբար հզորանում և հետագայում ծանր լուծ է դառնում բուրդ ժողովրդի համար:

XV դարի վերջերին ամբողջ արևմտյան Քրդստանը մըտնում էր Օսմանյան պետության կազմի մեջ:

1390—1393 թթ. սուլթան Բայազետը նվաճելով Թուրքական բոլոր մանր էմիրությունները, Օսմանյան պետությունը հռչակում է կայսրություն: Օսմանյան կայսրությունը ռեալ վտանգ էր հանդիսանում Թեմուրի համար: Նրանց շահերը վաղ, թե ուշ պետք է բախվեին: Պատերազմը նրանց միջև գառնում է անխուսափելի:

Թեմուրը զգալով պատերազմի վտանգը երկար ժամանակ նախապատրաստվում էր: Միաժամանակ նա զգում էր, որ իր

¹ В. Гордлевский, Государство сельджукидов Малой Азии, стр. 40—41.

դրուիթյունը օտար երկրում և թշնամորեն տրամադրված ժողովրդի մեջ դժվար է լինելու:

Բացի այդ, նա հաշվի էր առնում նաև իր հակառակորդներին ուժերը և ուղղմական ընդունակութունները: Նա կարող էր հույս ունենալ միայն իր զորքի և իր ուղղմական ընդունակության վրա:

Բայազեդը այդ ժամանակ զբաղված էր Կոստանդնուպոլսի պաշարումով:

1401 թ. Թեմուրը անցնում է Եփրատը և գրավում Սվազը: Բայազեդը իր զորքերով շարժվում է Փ. Ասիայի հյուսիսային մասը: Թեմուրը, որպեսզի ապահովի իր ձախ թևը, շարժվում է դեպի Սիրիա և Բաղդադ: Ճանապարհին նա ստիպված է անցնել Մուքրի և Շահրեզուր քրդական շրջաններով, որտեղ նրա զորքը բավական կորուստներ է կրում քրդական պարտիզանական ջոկատների կողմից: Վճռական ճակատամարտը տեղի ունեցավ 1402 թ. Անկարայի մոտ: Չնայած իր արտակարգ քաջությանը, Բայազեդը պարտվում և գերի է ընկնում:

1403 թ. մարտին նա մահանում է: Նրա որդի Սուլեյմանը, որին Անկարայի ճակատամարտից հաջողվել էր փրկվել, հաշտություն է խնդրում:

Թեմուրը համաձայնվում է և երկուսի միջև կնքվում է հաշտության պայմանագիր: Թեմուրը չկարողացավ շարունակել իր նվաճումները: 1405 թ. փետրվարին ծանր հիվանդությունից հետո նա մահացավ:

Օգտվելով թեմուրականների թուլացումից, նորից գլուխ են բարձրացնում Ահմեդ-Իբն Ուլեյսը և Կարա-Յուսուֆը: Վերջինս գրավում է Դիարբեքիրը, ամբողջ Հարավային Ադրբեջանը և Արրանը: Նրա այս հաղթանակները դուր չեն գալիս Ահմեդ-Իբն Ուլեյսին, որը մի ժամանակ նրա դաշնակիցն էր: Այն ժամանակ, երբ Կարա-Յուսուֆը կռվում էր Աղ-Կոյունլուների դեմ՝ Նրզնկայի համար, նա մտնում է Ադրբեջան և շարժվում դեպի Թավրիզ, սակայն կռվի ժամանակ պարտվում է, գերի ընկնում և իր որդիների հետ միասին մահապատժի ենթարկվում: Բաղդադը ևս ընկնում է Կարա-Յուսուֆի ձեռքը:

Միացնելով իր տիրապետությանը Միջագետքի Սինջարի շրջանը և Մարդինը, դառնում է ամբողջ Քրդստանի տերը: Ինչպես Միջագետքում, այնպես էլ հայկական և փոքրասիական սահմաններում նա անմիջական հարևան է դառնում Աղ-Կոյունլուներին, որոնց հետ մի շարք ընդհարումներ է ունենում: 1418 թ. նա խոշոր հաղթանակ է տանում Կարա-Իյելեքի դեմ:

1420 թ. Կարա-Յուսուֆը շարժվում է Թեմուրի որդի և հետնորդ՝ Շահրոխի վրա, սակայն ճանապարհին մահանում է: Նրա բանակը ցրվում է: Կարա-Յուսուֆի որդի Իսկանդերը նոր զորք հավաքելու համար գնում է Քրդստանի խորքերը:

Հակառակորդները հանդիպում են Բագրեվանդի հովտում՝ Եփրատի վերին հոսանքի մոտ: Իսկանդերը պարտվում է, սակայն Շահրոխն էլ չի օգտվում հաղթանակից: Նրա զորքերը հաղթանակով շարավային Ադրբեջանից, որը նորից անցնում է Կարա-Կոյունլուների ձեռքը: Իսկանդերը մի շարք ընդհարումներ է ունենում Կարա-Իյելեքի հետ, որը Շահրոխի դաշնակիցն էր: Ի պատասխան դրան, Շահրոխը պատժիչ ջոկատներ է ուղարկում Քրդստան: Սակայն Իսկանդերը չի հանդուստանում:

Նա հարձակվում է Շահրոխի վասալ Շիրվանի վրա և ամառացնում այն:

Այդ ժամանակ Շահրոխը և Կարա-Իյելեքը (որը պետք է հարձակվեր Նրզնկայի կողմից) արշավում են Իսկանդերի վրա, վերջինս Նրզնկայի մոտ հաղթում է Կարա-Իյելեքին և սպանում նրան, սակայն ինքն էլ հաղթվում է Շահրոխի կողմից և փախչում սարերը: 1437—38 թթ. նա սպանվում է իր որդու ձեռքով: Շահրոխը Կարա-Կոյունլուների ղեկավար է նշանակում Իսկանդերի եղբայր Զահան շահին:

Հյուսիսային Քրդստանը, որը գտնվում էր Աղ-Կոյունլուների տիրապետության տակ, բոլորովին այլ վիճակ էր ապրում:

Եթե Կարա-Կոյունլուները օգտագործում էին քրդական դիմապատիսները և հենվում նրանց վրա, ապա Աղ-Կոյունլուները

ընդհակառակը սիստեմատիկորեն ոչնչացնում էին քրդական գինաստիաները. օրինակ, 1425 թ. Հակկիրի վրա կատարած արշավանքի ժամանակ նրանք լիկվիդացրին Գումբուլի ցեղի զեկավարներին, որոնք այդտեղ էին դաղթել Բոխտանից:

Կարա-Բյելիքի մահից հետո մինչև նրա թոռ Հասանի հանդես գալը Աղ-Կոյունլուները աչքի ընկնող դեր չեն կատարում: Հասանը (1463—1478 թթ.) պատմության մեջ հայտնի է Ուզուն Հասան անունով:

Ուզուն Հասանը աստիճանաբար իր ձեռքն է կենտրոնացնում ամբողջ իշխանությունը: 1467 թ. նա հարձակվում է Կարա-Կոյունլուների ղեկավար Ջահան շահի վրա, ցրում նրա զորքերը և սպանում նրան:

Դրանից հետո նա Արդեբիլի մոտ ուժեղ հարված է հասցընում վերջին թեմուրական Աբու-Սաիդին, սրը գերի է ընկնում և մահապատժի ենթարկվում: Նրա լուրջ հանգառակորդը այդ շրջանում հանդիսանում էր միայն Օսմանյան պետությունը:

Թե՛ Կարա-Կոյունլուների և թե՛ Աղ-Կոյունլուների տիրապետության շրջանում շարունակվում էր կիրառվել ռազմավարական սիստեմը, միայն արդեն սոյուրդալ անվան տակ:

Սոյուրդալները երբեմն մեծ տերիտորիաներ էին, երբեմն ամբողջ իշխանություններ, իսկ երբեմն էլ մի քանի գյուղ, նայած սոյուրդալ ստացողի մատուցած ծառայությունը:

Այսպես, օրինակ, Կարա-Կոյունլուների ղեկավար Կարա-Յուսուֆը Շերեֆ-խանի նախորդ էմիր Շամս-Լղ-Դինին (քըրդական Ռոժկի ցեղի ղեկավար), որպես սոյուրդալ նվիրեց Բիթլիսի, Խլաթի, Խնուսի և Մուշի շրջանները:

Երբեմն տրվում էին ոչ թե նոր հողամասեր կամ շրջաններ, այլ հաստատվում էին նախկին իշխողների կողմից տրված տերիտորիաները:

Սոյուրդալները շատ հաճախ ժառանգաբար անցնում էին տերնդից-տերոնդ: Այսպես, օրինակ, երբ Շահրոխին օգնելու պատճառով այդ նույն Շամս-էղ-Դինը մահապատժի ենթարկվեց, նրա կալվածքներն անցան նրա ժառանգներին:

Սոյուրդալի սիստեմը XV դարում լայն կիրպով տարած-

ված էր Միջին և Առաջավոր Ասիայի մի շարք երկրներում: Շահրոխի տիրապետության միայն առաջին տարիներին զանազան թեմուրական արքայորդիների և էմիրների շնորհվեցին Սերհասի, Անդխուդի, Գամգանի, Ուզգենդի, Համադանի, Նեհավենդի, Լուրիստանի և Շիրազի շրջանները, որպես սոյուրդալներ:

«Աղ-Կոյունլուների սուլթան Ուզուն-Հասանը հաղթելով Կարա-Կոյունլուներին գրավեց Հայաստանը, Հարավային Ադրբեջանը և Քրդստանը: Նա աշխատում էր հենվել մուսուլմանական հոգևորականության վրա: Կառուցելով մզկիթներ և մեդրեսներ, միաժամանակ նա հոգևորականներին շնորհում էր սոյուրդալներ: Նրա գործը շարունակեց նրա որդի Յակուբը: Այսպիսով, եթե առաջներում սոյուրդալները տրվում էին ղինվորական ավագանուն, այժմ նրանք սկսեցին տրվել նաև հոգևորական ավագանուն: Մակայն սոյուրդալի ղինվորական բնույթը սրանով չփոխվեց: Բոլոր սոյուրդալների տերերից պահանջվում էր, որ նրանք անձամբ մասնակցեն ղինվորական արշավանքներին: 1476—1477 թթ. Վրաստանի դեմ կատարած արշավանքի ժամանակ Ուզուն-Հասանը իր հետ տարավ բոլոր այն սելյուկներին և շեյխերին, որոնք սոյուրդալի մարդիկ էին: Ապա ռազմական ավարը բաժանելիս բոլոր շեյխերը և սելյուկները ստացան իրենց բաժին ռազմազորիները»¹:

ՔՐԴՍՏԱՆԸ ԹՈՒՐԳԱԿԱՆ ԵՎ ՊԱՐՍԱԿԱՆ
ԿՈՒՎՆԵՐԻ ԹԱՏԵՐԱԲԵՄ

XV դարի սկզբներին Օսմանյան պետությունը, Անկարայի մոտ տեղի ունեցած պարտությունից հետո կարճ ժամանակում, շնորհիվ Մահմուդ I-ի ձեռք առած միջոցների, վերականգնելով իր ուժերը, բավականին ուժեղանում է: Մահմուդ

¹ Петрушевский, Очерки по истории феодальных отношений в Азербайджане и Армении в XVI и начале XIX вв., стр. 150.

II-ի հաջորդ Մուրադ II-ը իր պետութեանը միացրեց նախկինում կորցրած տերիտորիաները (1426—29 թթ.) և սկսեց զանգաղ, բայց համարձակ կերպով իր փոքրասիական սահմանները լայնացնել գեպի արևելք: Այդ գործում նա լուրջ զիմադրութեան չհանդիպեց, որովհետև թե՛ մամլուքները և թե՛ Կարա-Կոյունլուներն ու Աղ-Կոյունլուները զբաղված էին ներքին պայքարով:

Աղ-Կոյունլուների սուլթան Ուզուն-Հասանը հավաքելով իր ուժերը զորս եկավ Մահմուդ II-ի դեմ: Վճռական ճակատամարտը տեղի ունեցավ 1473 թ., որն ավարտվեց Սուլթան Մահմուդ II-ի հաղթանակով: Ուզուն-Հասանը ետ քաշվեց Ադրբեջան և մի քանի տարի անց մահացավ: Սուլթան Մահմուդ II-ի հաջորդ Սուլթան Բայազետ II-ը սկսեց Եգիպտոսի գրավումը, սակայն ավարտել չկարողացավ: Նրա գործը շարունակեց Սուլթան Սելիմ I-ը, որը 1515 թ. մինչև 1521 թ. նվաճեց ամբողջ Եգիպտոսը և Սիրիան:

XV դարի վերջերին և XVI դարի սկզբներին Պարսկաստանում աչքի ընկնող դեր է խաղում Սեֆևիդիդների դինաստիան շահ Իսմայիլի գլխավորությամբ: Անցնելով իշխանութեան գլուխ, շահ Իսմայիլը որոշեց ընդարձակել իր երկրի տերիտորիան, այդ նպատակով, առաջինը, նա հարձակվեց Քրդստանի վրա:

1508 թ. նրան հաջողվում է իր իշխանությունը տարածել Ուզուն-Հասանի տիրապետությունների վրա, սկսած Քիրմանից մինչև Նրգնկա և Դիարբեքիր: 1510 թ. նա գրավում է նաև Նորասանը:

Սակայն Քրդստանում շահ Իսմայիլը իր իշխանության համար չի կարողանում ամուր հիմքեր ստեղծել. նրա տարած գաժան քաղաքականությունը խիստ դժգոհություն առաջացրեց բնակչության, հատկապես, ստորին խավերում: Նրա այդ դաժանությունները դժգոհություն են առաջացնում նաև քրդական Ֆեռդալների և հոգևորականների մեջ: Ուժեղ զիմադրության հանդիպելով Քրդստանում, շահ Իսմայիլը ստիպված էր ար-

ղեն իր տերիտորիան լայնացնել ո՛չ թե արևմուտքի, այլ արևելքի հաշվին:

Թուրքիայի և Պարսկաստանի միջև հարաբերությունները գնալով ավելի էին լարվում: Քանի դեռ կենդանի էր սուլթան Բայազետը շահ Իսմայիլը և նա հաշտության պայմանագիր էին կնքել: Բայց, երբ Բայազետ II-ի որդի Սելիմ I-ը հորը դահլիճից անելուց հետո գրավեց իշխանությունը (1512), պատերազմը երկու պետությունների միջև անխուսափելի դարձավ: Սելիմ I-ը իր թիկունքն ամրապնդելու նպատակով, հրամայեց ձերբակալել շիա աղանդին պատկանող բոլոր մարդկանց: Նրանց մեծ մասին գլխատեց, իսկ մնացածներին համար սահմանեց ցմահ բանտարկություն: Այդպիսի դաժանություն զոհ դարձան 7—70 տարեկան հասակ ունեցող 40 հազար մարդ: Բնական է, որ այդ դեպքերը ավելի են սրում շիա և սուննի աղանդներին պատկանողների հարաբերությունները:

Պարսկաստանի և Թուրքիայի միջև պատերազմը վերսկսվեց 1514 թ.:

Սուլթան Սելիմը 1515 թ. հաղթանակ տանելով շահ Իսմայիլի դեմ գրավեց Միջագետքը, Արևմտյան Հայաստանը և Քրդստանը: Այդ ժամանակից Քրդստանի մեծ մասը ընկավ Թուրքիայի տիրապետության տակ:

Պետք է նշել, որ Թուրքերը Քրդստանը նվաճեցին ո՛չ թե կովով, այլ խորամանկությամբ: Նրանց այս գործում մեծ շարժում օգնեց Բիթլիսի հայտնի քրդերից մեկը՝ մուլա Իզրիսը: Նա քրդական էմիրություններում մեծ հեղինակություն էր վայելում նախ՝ որպես հոգևորական, ապա՝ որպես դիտանական (պատմաբան): Լիազորված լինելով սուլթանի կողմից Իզրիսը շրջից ամբողջ Քրդստանը և համոզեց էմիրներին, որ նրանք կնվարկվեն Թուրքիային: Դրա փոխարեն էմիրներին նա խոստանում էր լրիվ անկախություն: Այդ բոլորից հետո Թուրքիայի և Քրդստանի միջև կնքվեց պայմանագիր, որի համաձայն էմիրները պարտավոր էին ճանաչել Թուրքիայի գերիշխանությունը, անհրաժեշտության դեպքում պետությունը տրամադր-

րել զինված ուժեր և պետական գանձարանը մուծել տարեկան որոշ գումար: Այդ ժամանակ Քրդստանում գոյութուն ունենին 46 անկախ էմիրութիւններ:

էմիրներին սիրաշահելու համար սուլթանը առատորեն վարձատրեց նրանց: Հատուկ վարձատրութիւն ստացավ նաև Իդրիսը: «Այս նշանավոր շարժման գլխավոր դերակատար Սուլա Իդրիսը, — գրում է Լեոն, — Սելիմի առատ շնորհներին արժանացավ: Սուլթանն ուղարկեց նրան մի հրովարտակ և բազմաճոխ ընծաներ: Ինքն՝ Իդրիսը ստանում էր ամսական 2000 ոսկի դահեկան թոշակ, սամուլլոներ և այլ ծանրագին ընծաներ:

Սելիմը նրան էր հանձնում նաև քրդական կյանքի կանոնավորումը, քուրդ գլխավորների իշխանութիւն սահմանորոշումը և այլ վարչական հարցերի կարգավորումը: Իր կողմից քրդերի հավատարմութիւնը վարձատրելու համար սուլթանն ուղարկում էր Իդրիսին յի ստորագրութիւնները կրող թղթեր, որոնց վրա Իդրիսը պիտի գրեր ամեն մի ցեղապետի անունը և նրան շնորհվող արտոնութիւնները, 17 հատ զրուշակներ և հինգ հարյուր ոսկեկար խալաթներ, քուրդ ազնվականութիւնը բաժանելու համար»¹: Եվ պետք է ասել, որ Իդրիսը հաջող կերպով արդարացնում էր թուրքերի հույսերը ի վնաս իր հարազատ ժողովրդի: Նա սկսում է քրդերին տեղաշարժ անել: Կենտրոնական գավառներից նրանց տեղափոխում էր էրզրոմի և Վանի շրջանները: Հաստատում են, որ այժմ էրզրոմի և Վանի շրջանում ապրող բոլոր քրդերը թացի Հակկիրի և Սամականլի ցեղերից, այստեղ են եկել Դիարբեքիրից²:

Իդրիսն աշխատում էր ապահովել պարսկա-թուրքական սահմանը և այդ գործում քրդերը կատարելու էին սահմանապահի պարտականութիւնը: Այդ մասին Լեոն գրում է. «...ստի Իդրիսը քրդական առաջավոր ճակատը ամբողջ պարսկա-թուրք սահմանագծի երկարութիւնը հարդարած լի-

նելու համար՝ իր քրդերին նոր շարժումներ և տեղափոխութիւններ կատարել տվեց, բնակեցնելով նրանց այնպիսի ուղղութիւններով՝ Վանա լճից դեպի հյուսիս, որոնք կարող էին ապահովել Օսմանյան սահմանագծի պահպանութիւնը»¹:

Իդրիսը փոխանակ Քրդստանի բոլոր էմիրութիւնները միավորելու, մի կենտրոնացած իշխանութիւն ստեղծելու, ավելի ուժեղացրեց նրանց անկախութիւնը, դեռ ավելին, մանր էմիրութիւններն անգամ դարձան կիսանկախ:

Մտաւորապես նույն դրութիւնն էր տիրում նաև Քրդստանի այն մասում, որը մնացել էր Պարսկաստանի տիրապետութիւն տակ: Յուրաքանչյուր էմիր կամ ցեղապետ ուներ իր ժառանգական կալվածքը: Այսպես, օրինակ, Մահմուդի ցեղը, ժառանգական կալվածքներ ուներ Հարավային Ադրբեջանի և Հարավային Հայաստանի սահմաններում:

Իրենց մատուցած ծառայութիւնների համար, լինելով դառազմական, թե քաղաքացիական, էմիրները կալվածքներ էին ստանում շահից: Սա համարյա նախկին սոյուրդալի սիստեմն էր, որը այժմ կոչվում է տիուլի սիստեմ:

Դեռ Կարա-Կոյունլուների տիրապետութիւն օրոք (1410—1420 թթ.) քրդական Դումբուլի ցեղի ղեկավարը, որպես սոյուրդալ Կարա-Յուսուֆից ստացավ Սուկմանարազը: Շահ-Քահմազ I-ը Դումբուլի ցեղի ղեկավար Հաչի բեյին նվիրեց նաև Նոյր:

Դումբուլի մի շարք բեյեր աչքի ընկնող պաշտոններ էին գրավում կենտրոնական կառավարութիւնն ապարատում: Սակայն կասկածամիտ շահ Քահմազը, վախենալով նրանց ազդեցութիւնն ուժեղացումից, կազմակերպեց կոտորած, որի ընթացքում սրի քաշվեցին 400 շունչ, այդ թվում 3 ցեղապետ:

Հետագայում նա ներսում շնորհեց կենդանի մնացածներին և վերադարձրեց իրենց նախկին կալվածքները, որոնք մնացին Դումբուլի խաների ձեռքում մինչև 19-րդ դարի սկիզբը, երբ այդ ցեղի ներկայացուցիչ՝ Ջաֆար-Կուլի խան Դումբու-

¹ Լեո, Հայոց պատմութիւն, երրորդ հատոր, 1946 թ., էջ 178:

² Троттер, Малоазиятские курды, стр. 2.

¹ Լեո, Հայոց պատմութիւն, III հ., էջ 179:

չին, Պարսկաստանի հետ ունեցած հակասության հետևանքով, ժառանգության անցավ սոսական ցարիզմին, տեղափոխվեց Հյուսիսային Ադրբեջան և 1806 թ. Ալեքսանդր առաջինից ստացավ Շաքիի խանությունը:

Դումբուլինների ցեղի մի ճյուղը երկար ժամանակ տիրում էր նաև Բարգուշատ լեռնային օկրուզին: 1628 թ. Բարգուշատի կառավարիչն էր Մազսուդ-սուլթան Դումբուլին, իսկ Նազիր շահի օրոք՝ Ալի-Նազիր խան Դումբուլին:

Շահ-Աբաս I-ի օրոք (1603 թ.) այս դինաստիայի ցեղերի ղեկավարներից մեկը՝ Ջումշուդ-սուլթան Դումբուլին ստացավ Մարանդը, որպես ուլբ (Ульк):

Ըստ Շերեֆ Նամեհի «Շահ-Իսմայիլ I-ը XVI դարում Բրազուս քրդական ցեղի ղեկավարներին Ուրմիայի շրջանում նվիրում է շորս օկրուզ (Թերդևեր, Մերդևեր, Սումայ և Դուլ): Նրանք իրենց իշխանությունը պահպանում են մինչև Շահ-Աբբաս I-ի տիրապետության ժամանակ (1605 թ.):

1610 թ. Բրազուսների ցեղի ղեկավար Ամիր խանը իր ցեղով ապստամբվում է շահի դեմ և ամրանում «Դրմ-Դրմ» ամրոցում, որը քուրդ ժողովուրդը գովերգում է իր համանուն էպոսում:

Երկար պաշարումից հետո, միայն ներքին դավաճանության հետևանքով, Շահ-Աբբասին հաջողվում է գրավել այդ ամրոցը:

Ապստամբությունը ճնշելուց հետո, շահը Ուրմիայի կառավարումը և Բրազուսների բոլոր կալվածքները հանձնում է Թուրքական և կղզյուղաշական էմիրներին:

Թե՛ Թուրքական և թե՛ պարսկական կառավարությունները իրար դեմ վարած կռիվներում օգտագործում էին քրդերին. այդ էր պատճառը, որ երբեմն նրանք սիրաշահում էին քրդերին, նվիրելով կալվածքներ և տալով բարձր պաշտոններ, իսկ երբ այլևս նրանց կարիքը չէին զգում, սկսում էին հալածել, խլել կալվածքները և կոտորել:

¹ И. П. Петрушевский, Очерки по истории феодальных отношений в Азербайджане и Армении, стр. 129.

XVI դարի 80-ական թվականներին, Թուրք-պարսկական պատերազմի ժամանակ, Թուրքական սուլթան Մուրադ III-ը Մուքրի ցեղի ղեկավար Ամիր փաշային իր կողմը դրավելու նպատակով նրան է հանձնում Մարաղա քաղաքը: Այս ցեղը այդ ժամանակի ամենաազդեցիկ և ուժեղ ցեղերից մեկն էր:

Այժմ Իրանում նա պահպանել է իր գոյությունը և Իրանական Քրդստանում համարվում է ամենաազդեցիկ ցեղերից մեկը:

Նետադաշում կասկածելով Ամիր փաշայի հավատարմության վրա, սուլթանը ետ է վերցնում նրանից Մարաղա քաղաքը:

Երբ Հարավային Ադրբեջանը ընկնում է կղզյուղաշների գերիշխանության տակ, Շահ-Աբբաս I-ը, որը այդ ժամանակ պատերազմ էր մղում Թուրքիայի դեմ և քրդական ցեղերի օգնության կարիքն էր զգում, նորից Մուքրի ցեղի ղեկավար Գուրատ փաշային է հանձնում Մարաղա քաղաքը: Սակայն 1610 թ. նկատելով Մուքրի ցեղի անհավատարմության առաջին նշանները, շահը կազմակերպում է մասսայական կոտորած և Մարաղան հանձնում ադրբեջանական Մուկղամ ցեղին, որը մտնում էր Օթուզիթի (երեսուներկու ցեղի) կազմի մեջ: Օթուզիթի ցեղային միությունը բաղկացած էր Թուրքական, ադրբեջանական և քրդական երեսուներկու մանր ցեղերից: Սա տիրում էր Ղարաբաղի օկրուզի արդավանդ հողերին: Այդ օկրուզը այդպես էլ կոչվում էր «Օթուզիթի»:

Քրդական Մուքրի ցեղի կոտորածից հետո, նրա մնացորդները Պարսկաստանի համար այլևս վտանգավոր չէին, ուստի Շահ-Աբբասը նրանց ներում է շնորհում: Վերջինիս մահից հետո նրա հետևորդները այդ ցեղի ժառանգական ղեկավարությանն են հանձնում Սոուջբուլաղը, որը դեռ Նազիր շահի օրոք համարվում էր այդ ցեղի սեփականությունը:

Մանր էր ժողովրդի դրությունը Թուրքիայում: XVII դարի սկզբներին Թուրքիայի տնտեսությունը գտնվում էր անկման վիճակում:

Քայքայվում էր մանր ավատատեր ֆեոդալների տնտեսու-

թշուհը, որոնք զինվորական ծառայություն կատարելու համար ստացել էին ավատային կալվածքներ: Նրանցից շատերը զրկվելով իրենց հողերից, ապստամբվեցին Օսմանյան կառավարության դեմ (1598 թ.): Շուտով այս մանր ավատատեր ֆեոդալներին միացավ, արդեն ծայր աստիճանի քայքայման հասած, գյուղացիությունը: Այս շարժումը կոչվեց Ջալալիների շարժում, որը արագ կերպով տարածվեց նաև Հայաստանում և Ադրբեջանում: Այդ շարժումը տաճնապ առաջացրեց Ադրբեջանի և Քրդստանի խոշոր ֆեոդալների շրջանում, որոնք Հայաստանի հոգևորականության հետ միասին դիմեցին Շահ-Աբբաս առաջինի օգնությանը, այդ շարժումը ճնշելու համար: Սակայն պետք է ասել, որ Շահ-Աբբասին չհաջողվեց վերջնականապես ճնշել այդ ապստամբությունը, որովհետև նրա մահից հետո էլ դեռ ջալալիները շարունակում էին իրենց պայքարը:

Ջալալիների շարժումը հակաֆեոդալական, ինտերնացիոնալ բնույթ կրող շարժում էր: Ջալալիների պայքարող ջոկատները բաղկացած էին քուրդ, ադրբեջանցի, հայ և պարսիկ գյուղացիներից, որոնց միմյանց հետ կապել էր, ո՛չ թե կրոնը, այլ իրենց տնտեսական ծանր վիճակի ընդհանրությունը:

XVII—XVIII դարերում Արևմտյան Հայաստանում և նրան սահմանակից հարավային շրջաններում կային թուրքական հինգ մեծ իշխանություններ, որոնց գլուխ էին կանգնած քուրդ իշխանավորները: Այդ հինգ իշխանություններն էին՝ Բիթլիսը, Ջուլամերկը, Ջղիրը, Բայազետը և Դիարբեքիրը:

Բիթլիսի իշխանություն. Հայաստանում հաստատված իշխանությունների մեջ ամենից լայնատարածը և խոշոր դեր խաղացողը Բիթլիսի իշխանությունն էր: Նա մի ժամանակ կոչվել է Ռոշկան:

Այս իշխանության կենտրոնը Բիթլիսն էր: Իշխանությունը բաժանված էր մի շարք հյուքյումաթուրաններին:

Նրանցից նշանավոր էին Մուշի, Սասունի, Խիզանի, Հզուեի, Շիրվանի, Խուուի, Խուլթի, Բուլանուզի, Խուլփի (Դիարբե-

քիրից հյուսիս), Խլաթի, Ադելչիվազի, Արճեշի և այլ հյուքյումաթուրաններ: Այս հյուքյումաթուրաններում իշխող բեյերը համարվում էին Բիթլիսի բեյի վասալները, սակայն փաստորեն նրանք հանդիսանում էին ինքնուրույն իշխողներ: Բիթլիսի բեյը ևս ձևականորեն ենթարկված էր Վանի վիլայեթի փաշային, սակայն գործնականում սա ևս իրեն անկախ էր զգում: Այս իշխանության բնակչությունը կազմված էր հայերից և քրդական զանազան ցեղերից:

Այս իշխանությունը XIX դարի 40-ական թվականներին վերջնականապես վերացվեց:

Ջուլամերկի իշխանություն. այս իշխանությունը ձևականորեն մտնում էր Վանի վիլայեթի մեջ: Վանի վիլայեթը սահմանադիսային դիրք ունենալով, երկու և կես դար պայքարի օբյեկտ էր հանդիսանում Թուրքիայի և Պարսկաստանի միջև:

Նրանցից յուրաքանչյուրը Վանի վիլայեթը իր ձեռքում պահելու համար, հովանավորում և սիրաշահում էր երկրի քրդական ցեղապետներին և բեյերին, նրանց զինվորական ուժը իրենց շահերին ծառայեցնելու համար:

Ջուլամերկի իշխանության մեջ մտնում էին Խոշարի, Ջուլամերկի, Ոստանի, Բերկիրի և այլ հյուքյումաթուրաններ:

Ջղիրի իշխանություն. Ջղիրը, ճիշտ է Հայաստանից դուրս էր գտնվում, սակայն նրան էին ենթարկվում Արևմտյան Հայաստանի մի շարք հյուքյումաթուրաններ: Դրանք են՝ Դերսիմը (արևելյան Եփրատի ստորին հոսանքի և Մունձուրի լեռնաշղթայի միջև ընկած լեռնային երկիրը), Խարբերդը (արևելյան Եփրատի ստորին հոսանքի վրա), Բալուն (վերջինից արևելք, նույն գետի վրա), և Էկլը կամ Ակլը (Հին Անգեղատուն գավառը):

Բայազետի իշխանություն (փաշայություն). այս իշխանության տերիտորիայի վրա հիմնականում ապրում էին այն քրդերը, որոնց Մուլա-Իդրիսը այստեղ տեղափոխեց Թուրքիայի արևելյան սահմանները պահպանելու համար: XVIII դարի վերջում թուրքերը Բայազետի սանջակն անջատեցին Էրզրումի վիլայեթից և դարձրին առանձին փաշայություն, որպեսզի

այնտեղ ապրող քրդերին օգտագործեն որպես սահմանապահ-
ներ: Այս շրջանների քրդական ցեղապետներն ու բեյերը ձեռք
բերեցին կիսանկախ վիճակ: Նրանք ենթարկվում էին Բայա-
զետի փաշային: Բայազետի փաշայության մեջ մտնում էին
Բայազետի, Դիսդինի և Ալաշկերտի շրջանները, որոնց միասին
քրդերը կոչում էին Միլիվան: Այս փաշայությանը ենթարկ-
վում էին մի քանի հյուսիսային թուրքականներ, որոնք իրենց հեր-
թին ունեին ներքին լայն իրավունքներ: Այս իշխանությունը
XIX դարի կեսերին զենքի ուժով վերացվեց սուլթանի կողմից:

Դիարբեկի իշխանություն. թուրքական կայսրությունը
Միջագետքում իրեն ենթարկելով մի շարք շրջաններ, կազմեց
Դիարբեկի վիլայեթը՝ համանուն կենտրոնով: Այս վիլայե-
թը բաղկացած էր 21 սանջակներից, որոնցից 8-ը քրդական
հյուսիսային թուրքականներ էին և գրեթե չէին ենթարկվում Դիար-
բեկի թուրք փաշային¹:

Ինչպես արդեն նշեցինք, այս հյուսիսային թուրքականներն ու
իշխանությունները անվանապես ճանաչում էին սուլթանի իշ-
խանությունը, բայց փաստորեն անկախ էին: Սրանց բեյերի
հրատարակած կարգադրությունները օրենքի ուժ ունեին:
Նրանք նշանակում էին հարկեր, ոմեհին անասահմանափակ քա-
նակություն մեզ վերջում ուժեր: Եթե վտանգը սպառնում էր ան-
միջապես ցեղին, ցեղապետը կամ ցեղի ավագը խփել էր տա-
լիս տալիս փոխարին (դաֆա հավարե) և ցեղի զենք կրելու
ընդունակ մարդիկ հավաքվում էին պայմանավորված վայ-
րում:

Քրդական ֆեոդալ ցեղապետները իրենց կալվածքներում
աշխատեցնում էին քուրդ և հայ աշխատավոր գյուղացիներին,
որոնք գտնվում էին ճորտային կախյալ վիճակում, ըստ որում
ոչ մոտակյան գյուղացիության գրությունը կրկնակի ծանր էր:
Հարկումը կատարվում էր համաձայն մարդկանց և անասուն-
ների գլխաքանակի:

¹ Թ. Խ. Հակոբյան, Հայաստանի պատմական աշխարհագրություն,
պրակ III, էջ 271—274:

Ծանր էր նաև պարհակի կիրառման սխտեմը: Բացի այդ,
հայ և քուրդ գյուղացիության հաշվին էր պահվում բեյի 50—
60 զինվորից կազմված մշտական շոկատը: Պետությունը տըր-
վող բնահարկից զատ գյուղացին պարտավոր էր իր ստացած
բերքի մեկ յոթերորդ մասը հանձնել ֆեոդալ բեյին: Օրինակ,
թե՛ քուրդ և թե՛ հայ տղամարդիկ շաբաթվա մեջ 3 օր պետք է
աշխատեին ֆեոդալ բեյի համար, անվճար:

Օսմանյան կառավարության կողմից հյուսիսային թուրքա-
ններից գանձվող ամբողջ հարկի ծանրությունը և աշխատա-
վոր գյուղացիության վզին էր ընկնում: Այդ մասին կենսա զրում
է. «Նույն անիշխանությունը, վարչական փոսած սխտեմից
ստաջացող կեղերումներն ու անչափ հարկապահանջություն-
ներն ավերում էին օսմանյան այն նահանգները, որոնք գտնու-
վում էին Անդրկովկասում և խլված էին Պարսկաստանից:

Արդարև աղյուսությունը հասել էր ծայրահեղ հուսահատության:
Մինչև իսկ քուրդ իշխաններից մի քանիսն այլևս չկարողա-
յան տանել օսմանյան ծանր իրականությունը»¹:

Հարկային սխտեմը նույնքան ծանր էր նաև պարսկական
Քրդաստանում: Թե՛ որքան էին աճել հարկերը, կարելի է դատել
այն փաստից, որ խոջի և Սալմազտի օկրուգներում տիրող
Դումրուլի ցեղը սկզբում վճարում էր 3 հազար թուման, իսկ
հետագայում, շահի հրամանով, այդ հարկը հասավ 100 հա-
զար թումանի:

Փայրայված և աղքատացած ռայաթը և քուրդները բոլո-
րովին ի վիճակի չէին տալու այդ գումարը: 1743 թ. ի պա-
տասխան հարկային այս քաղաքականության, բռնկվեց Դում-
րուլի ցեղի ապստամբությունը:

Այս շարժումը տարածվեց Հարավային Ադրբեջանի մեծ
մասի վրա և ճնշվեց մեծ դժվարությամբ:

Քրդական իշխանությունների կիսանկախ վիճակը Թուր-
քիայում շարունակվեց մոտավորապես մինչև XIX դարի կե-
սերը: Այս բանը դուր չէր գալիս Թուրքիային: Նա անընդհատ

¹ Ան, Հայոց պատմություն, III հ., էջ 236:

փորձեր էր անում վերջնականապես իրեն հեթարկելու այդ ըմբոստ ժողովրդին, սակայն միշտ էլ այդ փորձերը անհաջողության էին մատնվում: «1830-ական թվականներին,— գրում է Տրոտտերը,— Կոստանդնուպոլսի և Բաղդադի միջև կտրված էին բոլոր կապերը: Բացառությամբ մի քանի խոշոր քաղաքների, անտառային ու լեռնային խոշոր տարածությունների, գրոնք ընկած էին Սև ծովի ափին և պիտանի շէին որպես արտատեղեր, ամբողջ երկիրը սկսած Անկարայից մինչև Պարսկաստանի և Արաբիայի սահմանները, գտնվում էր համարյա քրդերի իշխանության տակ»¹:

Այդպիսի պայմաններում, 1834 թ. կառավարությունը հրամայեց Ռաշիդ-Մահմեդ փաշային, փնչ գնով էլ լինի խաղաղեցնել երկիրը և քրդերին հեթարկել Թուրքիային, վերջ տալով նրանց անկախ վիճակին: Ռաշիդ-Մամեդ փաշան իր ռազմական գործողությունները սկսեց Սվազից: Նա 20 հազարանոց բանակով խարպուտի վրայով շարժվեց դեպի Դիարբեքի:

Կանգ չառնելով ոչ մի միջոցի առաջ, նրան հաջողվեց ճընշել քրդերին և վերացնել նրանց անկախությունը: Մինչև հիմա էլ քրդերը չեն կարողանում անկախություն ձեռք բերել:

Հարց է առաջանում, ինչո՞վ բացատրել այն փաստը, որ քրդերը լինելով հնագույն ժողովուրդ չկարողացան միանալ և կազմակերպել ազգային միասնական պետություն: Այս երևույթը նախ բացատրվում է նրանց ղրաղմունքի բնույթով՝ խաշնարածությամբ, որը ստիպում էր քրդերին անընդհատ թափառաշրջիկ կյանք վարել: Քոչվորական կյանքը պատճառ դարձավ, որ նրանք ժամանակին չկարողացան հիմնել խոշոր բնակավայրեր՝ քաղաքներ, արդյունաբերական, առևտրական և կուլտուրական կենտրոններ:

Մյուս կողմից ֆեոդալական մասնատվածությունը, արտադրողական ուժերի և արտադրական հարաբերությունների

¹ И. П. Петрушевский, Очерки по истории феодальных отношений в Азербайджане и Армении, стр. 85.

զարգացման ցածր աստիճանը, տնտեսության հին ձևերը հնարավորություն չտվին քուրդ ժողովրդին միավորվելու և ժամանակին նստակյաց կյանքի անցնելու:

Ցեղերը, առանձին ֆեոդալական իշխանությունները, փոխանակ միանալու և կազմելու ամբողջականություն, բարձրացնելու իրենց համազգային զիտակցությունը, պայքարում էին միմյանց դեմ: Այդ բանը օգտագործել և օգտագործում են թուրքական և պարսկական պետությունները մի կողմից, և անգլո-ամերիկյան իմպերիալիստները, մյուս կողմից:

Ինչ խոսք, որ Քրդաստանի ամբողջականության խախտումը նույնպես կարևոր գործոններից մեկն է հանդիսացել քուրդ ժողովրդի միասնության և միասնական ազգային պետություն չունենալու գործում:

Գ Լ ՈՒ Ն Վ Ե Յ Ե Ր Ո Ր Դ

ՔՈՒՐԴ ԺՈՂՈՎՐԴԻ ԱԶՍԱԳՐԱԿԱՆ ՊԱՅՔԱՐԸ
ԸՆԴԴԵՄ ՕՏԱՐ ԲՈՒՆԱԿԱԼՆԵՐԻ

Քրդերը. Թուրքիայի տիրապետության տակ ընկան 1514 թվականին: XVI դարը Թուրքիայի պատմության մեջ համարվում է Օսմանյան կայսրության ամենածաղկուն շրջանը:

XVI դարի առաջին կեսը բնորոշ է սուլթան Սելիմ I Յաուզի (ահեղ) ղեկի արևելք կատարած մի շարք հաջող արշավանքներով: Պարսկական Սուլեյման շահի դեմ տարած հաղթանակից հետո, վերադարձին նա գրավում է իր ճանապարհին ընկած Դիարբեքրի գավառը և Քրդստանի ղգալի մասը, միացնելով այն իր տիրապետությանը: Այդ շրջանների կառավարումը նա հանձնում է բիթլիսեցի Մուլա-Իզրիսին: Եվ սկսած 1514 թվականից, Քրդստանը և քուրդ ժողովուրդը արևելյան մի բռնակալի տիրապետությունից անցնում են, ավելի դաժան, Օսմանյան կայսրության բռնակալության տակ: Հենց այդ ժամանակից սկսվում է քուրդ ժողովրդի դաժան հետապնդումների և հարստահարման շրջանը: Չնայած սուլթանի ձեռք առած բոլոր միջոցառումներին (սիրաշահում, ճընշում և այլն), այնուամենայնիվ քրդերի անկախությունը լրիվ վերացնել նրան չի հաջողվում: Նրանց այդ կախյալ վիճակը շարունակվում է մինչև XIX դարի առաջին կեսը:

Թեպետ Հյուսիսային և Արևմտյան Քրդստանը գտնվում էին Օսմանյան կայսրության տիրապետության տակ, սակայն դա գրեթե ձեռքից բնույթ էր կրում, որովհետև նրա ղգալի մասը չէր ուզում ճանաչել այդ տիրապետությունը: Այդ էր պատ-

ճառը, որ հաճախ զինված ընդհարումներ էին տեղի ունենում նրանց միջև: Քրդերը ամեն շանք գործադրում էին պահպանելու գոնե այն կախյալ վիճակը, որի մեջ գտնվում էին իրենք: Այսպիսով, թուրքական տիրապետության հենց սկզբից քրդերը շարունակ ապստամբվել են ընդդեմ սուլթանական դաժան տիրապետության:

Բավական է նշել, որ XIX դարի առաջին կեսից մինչև XX դարի առաջին կեսը, 100 տարվա ընթացքում, միջին թվով յուրաքանչյուր 3 տարին մեկ անգամ, քուրդ ժողովուրդը ապստամբվել է Օսմանյան, պարսկական և Իրաքի տիրապետությունների դեմ: Հաճախ այդ ապստամբությունները խոշոր գյուղացիական պատերազմների են վերածվել, սակայն միշտ էլ պարտվել են, մե'րթ գյուղացիական ապստամբություններին և պատերազմներին հատուկ ընդհանուր պատճառներով, մե'րթ արտաքին իմպերիալիստական պետությունների՝ Անգլիայի, Ֆրանսիայի, Գերմանիայի և Ամերիկայի միջամտությունների շնորհիվ:

Առաջին անգամ քուրդ ժողովուրդը թուրքական բռնակալության դեմ ապստամբվեց 1806 թվականին: Այդ ապստամբությունը գլխավորում էր Արզուլ-Ռահիմ փաշան: Ըստ էության սա 1804 թվականին բռնկված թուրքական բռնապետության տակ հեծող սերը և քրիստոնյա մյուս ժողովուրդների ապստամբության արձագանքն էր: Քրդական այդ ապստամբությունը տեեց երկու տարի:

Քրդերը հերոսաբար էին պայքարում իրենց ազգային ազատագրության համար: Ռազմական զործողությունների ընթացքում նրանք մի շարք հաջողություններ ձեռք բերեցին: Սակայն ղեկավարության մեջ եղած անմիաբանությունը մի կողմից, մյուս կողմից Արզուլ-Ռահիմի սպանությունը, պատճառ դարձան ապստամբության պարտությանը: Նրա բոլոր ղեկավարները մահապատժի ենթարկվեցին:

XIX դարի սկզբին, երբ մի կողմից ավելի ու ավելի էր թուլանում ու քայքայվում թուրքական ռազմա-ֆեոդալական պետությունը, իսկ մյուս կողմից սուլթանական լծի տակ զրտ-

ներվող մի շարք երկրներում կապիտալիզմի զարգացման հետևանքով տեղի էր ունենում ազգությունների կազմավորման պրոցեսը, Օսմանյան կայսրության մեջ ծայր առավ ժողովրդական ազատագրական շարժումների մի նոր, հզոր ալիք¹։

1812 թվականին բռնկվում է քրդական մի նոր ապստամբություն, Ահմեդ փաշա Աբանիի գլխավորությամբ։ Նա 1806 թվականի քրդական ապստամբության ղեկավար Աբդուլ-Ռահիմի ընտանիքից էր։

Ապստամբները մարտերով հասնում են մինչև Բաղդադի արվարձանները, սակայն հակառակորդի գերազանց ուժերի ճնշման տակ, պարտվում են։ Ապանվում է նաև ապստամբության ղեկավար Ահմեդ փաշան։

1820 թվականին սուլթանական դեսպոտիզմի դեմ ապստամբվում են քրդական Զազա ռազմատենչ ցեղը։ Ապստամբությունը տևում է մի քանի ամիս, սակայն աջակցություն չտանալով քրդական մյուս ցեղերից, պարտվում է։

1829—1839 թվականներին տեղի են ունեցել քրդական մի շարք ընդվզումներ և ապստամբություններ։ Ապստամբվել են Հակկիրիայի, Ռեանդուլի, Տուրաբզինի էմիրությունները, սակայն դրանք նույնպես վերջացել են անհաջողությամբ։

Նշանավոր է 1830 թվականի Սինջարի լեռնաբնակ քրդերի ընդհանուր ապստամբությունը թուրքական բռնապետության դեմ, որը տևեց մոտ երեք տարի։ Ապստամբները կռվում են մինչև նյութական միջոցների սպառվելը։ Այս ապստամբությունը նույնպես պարտվում է։ Նշանավոր է նաև 1834 թվականի Բիթլիսի քրդական ցեղերի ապստամբությունը ուղղված թուրքիայի դեմ։ Սա ևս անհաջողության է մատնվում։

Դարեր շարունակ, սերնդից-սերունդ, քրդերը լինում էին մեջ լինելով թուրքական կառավարող շրջանների հետ, նրանց անվանել են ուխտագրուսներ (ռոմախային) և մութ ուժերի տեր (ռոմա-ռաշ)։ Ատելությունը հանդեպ թուրքական կառավարությունը ուժեղացավ հատկապես 1834 թվականից հետո,

երբ Մահմուդ Ռաշիդ փաշան վերջացնելով իր պատերազմը եգիպտական Մահմեդ Ալիի դեմ, վերադարձին անցնելով թուրքական Քրդստանով, արյունալի դատաստան տեսավ ըմբոստ քրդերի հետ։ Ամենուրեք քրդական ժառանգական էմիրները հեռացվեցին իշխանությունից և այլևս չվերականգնվեցին։ Միայն Վանա լճից հարավ ընկած լեռներում բնակվող հակիրական քրդերի ժառանգական իշխանությունը պահպանեց իր կախյալ դրությունը։ Այստեղի էմիրներից մեծ ազդեցություն ունեցավ 1854—1855 թվականների քրդական ապստամբության հայտնի ղեկավար Եզդանշիրի հայրը, որը թուրքական բանակի հեռանալուց հետո իրեն ենթարկեց ամբողջ Քրդստանը։ Սակայն Բաղրխանների երկու եղբայրների՝ Եզդանշիրի հոր և նրա եղբայր Բաղրխանի միջև խոր հակասություն կար իշխանության համար։ Թուրքական կառավարությունը, ինչպես միշտ, այս անգամ էլ այդ հակասությունը օգտագործեց իր քաղաքական նպատակների համար։

Վախենալով Եզդանշիրի հոր աճող ազդեցությունից և ցանկանալով երկպառակություն սերմանել հակիրական քրդերի միջև, հեռացրեց նրան իշխանությունից և նրա տեղը նշանակեց Բաղրխանին։ Վերջինս ձևականորեն ընդունելով թուրքիայի գերիշխանությունը, իր եղբոր նման սկսեց ինքնուրույն ղեկավարել երկիրը։

Իշխանության գլուխ անցնելու հենց սկզբից Բաղրխանը կանգնեց խորապես սխալ, ռեակցիոն ուղու վրա։ Նա սկսեց հալածել քրիստոնյա ժողովուրդներին, հատկապես ասորիներին։ Նրա այդ քաղաքականությունը հետագայում ճակատագրական նշանակություն ունեցավ իր համար։ Նա շարունակ հարձակվում էր Մոսուլից արևելք բնակվող ասորական գյուղերի վրա։ Մոսուլի թուրքական Մահմեդ փաշան, որի իշխանությունը քրդերը համարյա հաշվի չէին առնում, ականատես էր Բաղրխանի այս կամայականություններին, սակայն դրանք կասեցնելու համար ոչ մի միջոց ձեռք չէր առնում, հույս ունենալով, որ քրդերն ու ասորիները կթուլացնեն միմյանց և թուրքերն իրենց ազդեցությունը կուժեղացնեն Քրդ-

¹ Մ. Գ. Ներսիսյան, Հայ ժողովրդի ազատագրական պայքարը թուրքական բռնապետության դեմ, էջ 15։

դըստանում: Միայն արտաքին միջամտության շնորհիվ կանխվեցին Բաղր խանի կամայականությունները:

Չնայած նրա սխալներին, այնուամենայնիվ նա պայքարում էր թուրքիայի դեմ, իր երկրի անկախության համար: Թուրքական կառավարությունը մեջտեղից վերացնելով Բաղր խանին, նրա փոխարեն Քրդստանի կառավարիչ է նշանակում Եզդանշիրին: Այդ ժամանակ արդեն Եզդանշիրի հայրը մահացած էր:

Նշանակվելով Քրդստանի կառավարիչ Եզդանշիրը սկսում է թուրքիայի դեմ ապստամբության նախապատրաստումը: Սակայն թուրքական կառավարությունը չլստահելով նրան, շուտով հեռացնում է այդ պաշտոնից: Քրդստանում ամենուրեք նշանակվում են թուրքական փաշաներ, իսկ խոշոր քաղաքներում տեղավորվում են թուրքական կայազորներ:

Հեռացված լինելով իշխանությունից, Եզդանշիրը թուրքական իշխանությունների հսկողության տակ ապրում է Ջզիրի մարզում: Նա տեսնում էր իր և թուրքիայում բնակվող մյուս ժողովուրդների դառը վիճակը, անտանելի ճնշումն ու կողոպտեղ և հարմար առիթի էր սպասում ժողովրդին ոտքի հանելու համար:

Եվ այդ առիթը շուտով ներկայացավ: Դա 1853 թվականի ռուս-թուրքական պատերազմն էր:

ԱՊՍՏԱՄԱՐՈՒԹՅՈՒՆ ԵՋԴԱՆՇԻՐԻ ՂԵԿԱՎԱՐՈՒԹՅԱՄ

Քուրդ ժողովրդի և թուրքական կառավարության ներքին, խոր հակասության պայմաններում 1853 թվականին սկսվեց ռուս-թուրքական պատերազմը (Восточная война): Քրդերը խոր ատելությունով լցված դեպի թուրքական կառավարությունը, շքանկացան մասնակցել այդ պատերազմին: Բոլորովին պատահական չէր այն երևույթը, որ երբ թուրքական կառավարությունը քրդերին զենքի կոչեց, քրդերը ո՛չ միայն չեն թարկվեցին դրան, այլ անգամ լսել չուզեցին այդ մասին: Հաջողվեց միայն թուրք-ռուսական սահմանի մոտ բնակվող քրդերից բռնի կերպով հեծելազոր կազմել, որը սակայն առան-

ձին օգուտ չտվեց թուրքերին: Թուրքերի առաջին իսկ անհաջողությունը (1854 թվականին) քրդերը պատասխանեցին թուրքական բանակի մասսայական լքումով: 1854 թվականի դեկտեմբերին Հայդարլի քրդերը վերջնականապես հեռացան թուրքական բանակից:

Թուրքական բանակը հեռացել էր թուրքական Քրդստանից և զբաղված էր արևելյան պատերազմով: Հասնում է Եզդանշիրի նպատակների կենսագործման վաղուց սպասած նպատավոր մոմենտը: Նա բարձրացնում է բուրդ ժողովրդի ազատագրական պատերազմի դրոշը ընդդեմ թուրքական բռնակալության: Ապստամբությունն սկսվեց Հակկիրիայից և ուժեղ արձագանք գտավ ամբողջ Քրդստանում: Կարճ ժամանակի ընթացքում նրան միացան տասնյակ հազարավոր քրդեր: Առաջինը ապստամբությանը միացան մոկացի քրդերը, իրենց ցեղապետ Թելի բեյի գլխավորությամբ և ապա Բոտանի քրդական ցեղերը:

Այս ապստամբությունը արձագանք գտավ ո՛չ միայն քրդերի, այլև թուրքական Քրդստանում ապրող ճնշված և կեղեքված այլ ժողովուրդների մեջ: Սա հետևանք էր այն բանի, որ Եզդանշիրը, հակառակ իր հորեղբայր Բաղր խանի, Քրդստանում ապրող քրիստոնյա ժողովուրդների՝ հայերի, ասորիների և հույների նկատմամբ տանում էր համերաշխության քաղաքականություն, նրանց իր շուրջը համախմբելու և թուրքական բռնակալությունից ազատագրվելու քաղաքականություն, որովհետև նրանց միացնում էր իրենց վիճակի և ազգային շահերի ընդհանրությունը:

Քանի որ այդ ժամանակ Քրդստանում մնացել էին միայն թուրքական փոքրամիավոր բանակներ, իսկ գլխավոր ուժերը զբաղված էին արևելյան պատերազմով, ապստամբները սկզբնական շրջանում լուրջ դիմադրության չհանդիպեցին և ամենուրեք ոչնչացնում էին թուրքական կայազորները:

1855 թվականին Եզդանշիրը գրավում է Բիթլիս քաղաքը և ապա Մոսուլը, դուրս քշելով այնտեղից թուրքական կառավարության ներկայացուցիչներին: Նա գրավում է թնդանոթի

գործարանը և պետական գանձարանը: Այդ ժամանակ ապրստամբների թիվը հասնում էր մոտ 30 հազարի, նրան միանում են նաև հայեր, ասորիներ, արաբներ:

Թուրքական կառավարությունը զգալով, որ ապստամբությունը լուրջ բնույթ է ընդունում և փոքր ուժերով այն ճնշել հնարավոր չէ, այդ գործը հանձնարարում է Բաղդադի Քենգամ փաշային: Նա հավաքում է բավականին խոշոր ուժ և սկսում է ռազմական գործողություններ ընդդեմ ապստամբների: Եզդանշիրը տիրապետելով այն ժամանակվա ռազմական արվեստին, ունենալով ռազմական կրթություն և, որ ամենակարևորն է, մեծ համակրանք վայելելով քրդերի շրջանում, կարողանում է 1855 թվականի հունվարի կեսերին Սերդ քաղաքի մոտ գրվախովին ջախջախել պարծենկոտ փաշային, որին հաղիվ հաջողվում է ազատվել խայտառակ գերությունից:

Ապստամբությունը է՛լ ավելի է ընդարձակվում, նա արդեն ընդգրկում է մեծ տարածություն, սկսած Բաղդադից մինչև Վան: Է՛լ ավելի է տարածվում Եզդանշիրի համբավը Քրդեստանում, նա հանդես է գալիս որպես քրդական ժողովրդական ճանաչված հերոս, ահա թե ինչու նրա մասին հորինվեցին ժողովրդական մի շարք երգեր: 1855 թվականի փետրվարին արդեն նրա զորքերի թիվը հասնում էր 100.000-ի:

Մոտենալով Վան քաղաքին Եզդանշիրը առաջարկում է քաղաքի փաշային այն հանձնել առանց մարտերի: Միաժամանակ նա աշխատում էր կապ ստեղծել Թուրքիայի դեմ գործող Կովկասյան ռուսական բանակի հրամանատարության հետ, խնդրելով արագացնել հարձակումը դեպի Վան: Եզդանշիրը լավ էր գիտակցում, որ շնայած իր հաջողություններին, վերջնական հաղթանակը կարող է տանել միայն այն դեպքում, եթե կապ հաստատի Ռուսաստանի հետ և օգնություն ստանա նրանից: Որքան խորն էր նրա ատելությունը դեպի Թուրքական բռնակալությունը, այնքան մեծ էր նրա համակրանքը և հավատը դեպի ռուս ժողովուրդը, որի մեջ դեռ այն ժամանակ նա տեսնում էր իր ժողովրդի փրկությունը: Ենթադրելով, որ ռուսական բանակը դեռ գտնվում է Բայազետում, Եզդանշիրը հինգ անգամ նամակով դիմում է ռուսական հրա-

մանատարությունը՝ միացյալ ուժերով գործելու Թուրքերի դեմ: Իր նամակներում նա խնդրում էր ռուսական հրամանատարությանը օգնել իրեն և առաջարկում էր հարձակման անցնել Վան-Բիթլիս ուղղությամբ, որտեղ ենթադրում էր իր ուժերը՝ միացնել ռուսական զորքերին և ապա միացյալ ուժերով գործել էրգրումի ճակատում:

Սակայն, քանի որ Երևանի զորամասը Բայազետում չէր, այս նամակներից ոչ մեկը չհասավ հրամանատարությանը: Չնայած այս հանգամանքին, Երևանի զորամասի հրամանատարությունը բավական մանրամասն տեղեկություններ ուներ ապստամբության մասին:

Այս տեղեկությունները ստացվում էին Բայազետի փաշալի քրդերի միջոցով, որոնք համակրում էին Եզդանշիրին, որպես Թուրքական Քրդստանի ժողովրդի ներկայացուցիչ և առաջնորդի: Երևանի զորամասի շտաբի պետ գնդապետ Լիխուտինի ավյալների համաձայն, 1855 թվականի հունվարի 23-ին Ս. Հովհաննեսի վանքի մոտ դասավորված Թուրքական զորքի մեծ մասը ուղարկված էր Բիթլիսի ուղղությամբ, որին սպառնում էին ապստամբները: Այստեղ էին շտապում նաև էրզրումի և Քյոթիի-Քյոչի Թուրքական զորամասերը:

Ապստամբների և Թուրքական զորքերի միջև բնդհարումը տեղի ունեցավ Վանա լճից հարավ: Այդտեղ Թուրքական բանակը կորցնելով 4000 մարդ սկսեց նահանջել: Սա Թուրքական բանակի երկրորդ խայտառակ պարտությունն էր: Այս գործողությունից հետո Թուրքական զորքերի և ապստամբների միջև այլևս ընդհարումներ տեղի չունեցան, որովհետև դեպքին միջամտեց Անգլիան:

Այդ ժամանակ եվրոպական պետությունների՝ Անգլիայի, Յրանսիայի և Ռուսաստանի միջև խոր հակասություն կար Թուրքական հարցի վերաբերյալ: Թուրքիան ապրում էր անկման շրջան: 1853 թվականին Մարսը գրում էր. «Թուրքիան հանդիսանում է լեգիտիմիստական եվրոպայի հիվանդոտ տեղը»¹:

¹ Маркс—Энгельс, Собр. Соч., том 4, стр. 372.

Թուրքիան արդեն կորցնում էր իր ինքնուրույնությունը: Նրա դրուժյունը ավելի քան վատթարացավ 1853—1856 թվականների արևելյան պատերազմի հետևանքով: Նիկոլայ I-ը ուղղակի դնում էր Թուրքիայի բաժանման խնդիրը: Նա Թուրքիային անվանում էր «հիվանդոտ» կամ «մեռնող մարդ»:

1853 թվականին սկսված ռուս-թուրքական պատերազմը, 1854 թվականին վերածվեց եվրոպական պատերազմի, որով հետևեց Անգլիան և Ֆրանսիան Թուրքիայի հարցում Ռուսաստանի վաղեմի մրցակիցները, միջամտեցին կովին որպես Թուրքիայի «պաշտպաններ»:

Նիկոլայ I-ի զավթողական պլանները բախվեցին Թուրքիայում Անգլիայի և Ֆրանսիայի կողմից վաղուց ի վեր անցկացվող տնտեսական զավթման ծրագրին: Եթե Նիկոլայ I-ը իր նպատակներին հասնելու համար գործադրում էր ռազմաֆեոդալական մեթոդներ, ապա Անգլիան և Ֆրանսիան նույն նպատակին ձգտում էին հասնել կապիտալիստական ստրկացման (закабаление) միջոցով:

Այս տեսակետից Անգլիային բոլորովին ձեռնառու չէր քրդական ապստամբության հաղթանակը: Դա նրա համար գրեթե հավասար էր ռուսների հաղթանակին, որովհետև քրդերը ռուսական օրիենտացիա ունեին և ձգտում էին միանալ ռուսների հետ: Ռուսների և քրդերի միացումը կհասցներ Թուրքիայի պարտությանը, իսկ դա խոշոր հարված կլիներ Անգլիայի տնտեսական և քաղաքական շահերին Թուրքիայում:

Ահա թե ինչու Մոսուլի անգլիական ղեսպանը շտապեց միջամտել գործին: 1855 թվականի մարտի սկզբին նա իր գործակալ Նիմրուզ Ռասսամի միջոցով սկսեց բանակցություններ վարել Եզդանշիրի և մյուս ապստամբ ցեղապետների հետ ու նրանցից շատերին կաշառքի միջոցով գրավեց իր կողմը, երկպառակություն սերմանելով ապստամբության ղեկավարների միջև: Մարտի կեսերին Եզդանշիրը իր կողմնակիցներով քաշվեց Զզիրի գավառի Գասրա-դյալի գյուղը (Գասարա ձոր), ուր գտնվում էր նրա նախնիներին պատկանող հինավուրց մի ամրոց: Այս անմատչելի անտառոտ ու լեռնոտ երկրի բնակիչ-

ները՝ քրդերը, երբեք չէին ճանաչում թուրքերի իշխանությունը և Եզդանշիրը իրեն կարող էր լրիվ անվտանգ դրսև:

Գտնվելով Գասրա-դյալիում, Եզդանշիրը նախապատաստվում էր նոր ապստամբության: Սակայն մեծապահ գործողությունների շղիմեց: Նա սպասում էր ռուսական զորքի օժանդակությանը: Միաժամանակ ստեղծում էր անասնակերի ու աննդամթեքի պաշար: 1855 թվականի ապրիլի սկզբին Երեվանի ջոկատի պետի մոտ եկավ մի քուրդ, Հասո անունով, որը հավատացնում էր, թե իրեն ուղարկել է Եզդանշիրը, խրնդրելով ռազմական գործողություններ սկսել Մուշ-Բիթլիս ուղղությամբ, որտեղ նա ենթադրում էր միանալ ռուսներին: Սակայն ռուսական հրամանատարությունը դանդաղիտություն ցուցաբերեց այդ գործում և Անգլիան նորից կարողացավ միջամտել ապստամբությանը: Շուտով հայտնի դարձավ, որ Եզդանշիրը հավատալով Մոսուլի անգլիական ղեսպանի և թուրքական փաշայի «ազնիվ» խոսքին, դուրս է գալիս Գասրա-դյալից, ներկայանում է պայմանավորված տեսակցությանը, որի ժամանակ նրան ձերբակալում և ուղարկում են Կոստանդնուպոլիս: Այս բանը հաստատվեց ասորական պատրիարք Աբրահամի նամակով, ուղղված Երևանի հեծյալ ջոկատի պետ Խրեշչատնիցկուն (պատրիարք Աբրահամը ապստամբ ասորիների ղեկավարն էր, որոնք միացել էին Եզդանշիրին): Եզդանշիրի ձերբակալությունից հետո ապստամբները ցրվեցին իրենց տները և տարերային այդ ապստամբությունը հանդարտվեց: Այսպիսով, թուրքերը ռազմական ոչ մի հաղթանակ չտանելով, 1855 թվականի գարնանը Անգլիայի օգնությամբ ստի ու կեղծիքի միջոցով կարողացան ազատվել իրենց գլխին կախված խոշոր վտանգից: Քուրդ ապստամբների դեմ գործող զորքերի բոլոր զինվորներին տրվեց հատուկ մեղալ:

Սա ապացուցում է, թե թուրքական կառավարությունը, որքան մեծ վտանգ էր տեսնում իր համար այդ ապստամբության մեջ և որքան լուրջ էր համարում այն:

Ինչով էր նշանավոր այս ապստամբությունը:

Ի տարբերություն մինչ այդ և դրանից հետո տեղի ունե-

ցած քրդական բազմաթիվ ապստամբությունների, Եզդանշիրի ապստամբությունը իր մասշտաբով ամենախոշորն էր, որը ոտքի էր հանել ողջ թուրքական Քրդստանը:

Դա ո՛չ միայն բուրգ ժողովրդի ազատագրական պատերազմն էր, այլ թուրքիայում ապրող բոլոր ճնշված ժողովուրդների՝ հայերի, հույների, ասորիների և արաբների բողոքն էր թուրքական բռնակալության դեմ, նրանից ազատագրվելու համար: Այդ բանի վառ ապացույցն է հանդիսանում ասորական պատրիարք Աբրահամի նամակը ուղղված գնդապետ Խրեշտատնիցիուն: Իր նամակում նա գրում է. «Միբալիթ գնդապետ, Դուք, ե՛րբ եք մտադիր գնալու Վանի վրա: Խնդրում եմ այդ մասին մի շաբաթ առաջ տեղեկացնեք ինձ, որպեսզի ես էլ իմ զորքերով շարժվեմ Ձեզ ընդառաջ, օգնություն ցույց տալու համար: Արագացրեք Ձեր շարժումը, այն ժամանակ մենք կկարողանանք Վանը գրավել:

Այդ բոլոր հանգամանքների մասին խնդրում եմ իրազեկ դարձնեք իշխան Բեբուտովին և հավաստիացնեք նրան, որ ես Ձեր կողմնակիցն եմ: Միաժամանակ հաղորդում եմ, որ Ազդին-շեր-բեյը (Եզդանշիրը)՝ Բագր խանի եղբորորդին, գործունեցավ թուրքերի հետ և ոչնչացրեց նրանցից 4000 մարդ, որից հետո խաբեությունը, Մոսուլի անգլիական դեսպանի միջոցով ձեռքակալվեց: Նրան ենթակա քրդերը այժմ խնդրում են իմ հովանավորությունը: Ես նրանց կարգադրեցի քրիստոնյաներին շղիպչել, իսկ թուրքերի հետ վարվել ինչպես կամենան»¹:

Հրամանատար Բեբուտովին նա գրում է. «... լուրերի համաձայն, ինչպես հայերը, այնպես էլ քրդերը սպասում են միայն ռուսական զորքի մեր սահմանի մոտ երևալուն, որպեսզի միանան նրանց»²:

Այս նամակները պերճախոս կերպով վկայում են ապստամբության ինտերնացիոնալ բնույթի մասին:

¹ Аверьянов, Курды в войнах России с Персией и Турцией XIX в., стр. 155.

² Там же.

Այդ ապստամբությունը նշանավոր էր նաև նրանով, որ ապստամբ քրդերը, ինչպես նաև նրանց միացած մյուս ժողովուրդները, դեռ այն ժամանակ իրենց փրկությունը գտնում էին ռուս մեծ ժողովրդի օգնության մեջ և խնդրում էին նրա օգնությունը:

Որո՞նք էին Եզդանշիրի ապստամբության պարտությունն զլխավոր պատճառները:

Ապստամբությունը լրիվ նախապատրաստված չէր և կրում էր տարբերային բնույթ: Եզդանշիրը վճռական մոմենտին ընդհատեց իր զորքերի հարձակողական գործողությունները և այն հետաձգեց գարնանը, որով և հնարավորություն տվեց հակառակորդին վերակազմելու իր ուժերը և քայքայել աշխատանք տանելու քրդական ցեղերի մեջ:

Բացակայում էր նաև այդ շարժման ներքին կապը: Եզդանշիրը վճռական մոմենտին հավատաց անգլիական դեսպանի խարդախ միջնորդությանը և վերջինս նրան ձեռքակալեց ու հանձնեց թուրքական կառավարությանը: Ապստամբության պարտության պատճառներից մեկն էլ այն էր, որ շունքը կազմակերպված և կենտրոնացված ղեկավարություն:

1854 թվականին, Կովկասյան ռուսական զորքերի զլխավոր հրամանատար իշխան Բեբուտովը դանդաղկոտություն և անվճռականություն ցուցաբերեց ապստամբ քրդերին օգնություն ցույց տալու խնդրում, որոնք ձգտում էին միանալ Ռուսաստանին: Երբ 1855 թվականի գարնանը նրան փոխարինող գեներալ Մուրավյովը ցանկացավ շտկել թույլ տված սխալը, արդեն ուշ էր: Եզդանշիրը բանտարկված էր և հանձնված թուրքական կառավարությանը: Եզդանշիրի ապստամբությունը թուրքական բռնակալության դեմ արդարացի ապստամբություն էր և պրոգրեսիվ նպատակներ էր հետապնդում այնքանով, որքանով նա ձգտում էր բուրգ ժողովրդին ազատագրել թուրքական բռնակալության դաժան լծից:

Ի տարբերություն քրդական մյուս ապստամբությունների, սրան միացել էին թուրքիայում բնակվող մյուս ճնշված ժողովուրդները:

ՔՐԴԵՐԻ ՎԻՃԱԿԸ ԵՋԴԱՆՇԻՐԻ ՂԵԿԱՎԱՐԱԾ ԱՊՍՏԱՄԲՈՒ-
ԹՅՈՒՆԻՅ ՀԵՏՈ

1892—1912 թվականների միջև ընկած ժամանակաշրջանը, ըստ թուրքական պատմաբանների, հանդիսանում է Օսմանյան կայսրության անդամահատման և անկման ժամանակաշրջան: XIX դարը բնորոշ է թուրքիայի կողմից ճնշվող բալկանյան ժողովուրդների ազգային-ազատագրական շարժումներով: 1877—1878 թվականներին թուրքական նորեկուկ բուրժուազիան առաջ էր քաշում կոնստիտուցիոն ուստիմի հարցը: Դա մի շարժում էր, որը ծնունդ էր առել դեռ 60-ական թվականներից: Սրա կողմնակիցները հայտնի էին «նոր օսմանցիներ» անունով:

70-ական թվականների սկզբից թուրքիան թեախիսում է սուր քաղաքական և տնտեսական ճգնաժամի շրջանը. բավական է ասել, որ նրա արտաքին պարտքը 1875 թվականին հասնում էր 5,3 միլիարդ ֆրանկի:

Ճգնաժամի ամբողջ ծանրությունը ընկած էր գյուղացիության և հատկապես ոչ թուրքական ծագում ունեցող գյուղացիության վրա: Նրանք տնքում էին ֆեոդալական բացույցուտիզմի և բեյերի անասելի ճնշման տակ: Գյուղացիության այդ ծանր վիճակը մի կողմից, մյուս կողմից ազգային ճնշումը հասցնում են այն բանին, որ 1875 թվականին երկրի զանազան մասերում բռնկվում են գյուղացիական ապստամբություններ: Ապստամբվում են սերբերը, շերնոգորցիները և ուրիշներ:

Գյուղացիական այդ ապստամբությունները հակամուսուլմանական և հակաթուրքական բնույթ էին կրում: Ապստամբները պահանջում էին հարկերի թեթևացում, ազգերի իրավահավասարություն և կրոնի ազատություն:

1876 թվականին Սերբիայի և Չերնոգորիայի օրինակին հետևում է բուլղար գյուղացիությունը՝ ապստամբություն բարձրացնելով թուրքիայի դեմ: Նրանք արդեն առաջ էին քաշում լրիվ ազատության և թուրքիայից վերջնականապես անջատվելու հարցը:

Թուրքիայի նախկին ազդեցությունը Բալկաններում արդեն թուլացել էր: Սան-Ստեֆանոյի 1878 թվականի պայմանագիրը փոխել էր թուրքիայի քաղաքականությունը Բալկաններում և բալկանյան բոլոր երկրները վերածվել էին առանձին իշխանությունների: Թուրքիան ընդունում է Սերբիայի, Ռումինիայի և Չերնոգորիայի անկախությունը:

Սլավոնական ժողովուրդների ազատության և անկախության ճանաչումը թուրքիայի կողմից՝ ուսա մեծ ժողովրդի եղբայրական օգնության հետևանքն էր:

Չնայած տեղի ունեցած այդ և մի շարք այլ փոփոխություններին, թուրքիայում, այնուամենայնիվ, բուրգ և արևմտահայ գյուղացիության վիճակի մեջ առանձին ոչ մի փոփոխություն չկատարվեց, ընդհակառակը, նրանք հավասար շարժում կրում էին սոցիալական և ազգային ճնշում, հարստահարում և կեղեքումներ: Նրանց զրուծությունը գնալով է՛լ ավելի վատթարացավ: Բախտակից այդ երկու աշխատավոր ժողովուրդը շարունակում էր տառապել թուրքական սուլթանի անտանելի ծանր լծի տակ:

Այդ էր պատճառը, որ 1878 թվականին բռնկվեց քրդական նոր ապստամբություն Բաղր խանի որդիներ՝ Հուսեյն բեյի և Օսման բեյի ղեկավարությամբ: Սա ևս խոշոր ապստամբություն էր, որովհետև նրան մասնակցում էին քրդական գրեթե բոլոր ցեղերը, սկսած Վանից, Մուշից, Բիթլիսից մինչև Միջագետք:

Հուսեյն բեյը ծառայում էր թուրքական բանակի զվեսավոր շտաբում: Արձակուրդի պատրվակով նա Պոլսից գնում է Հալեք, ապա Ջղիր և միանում իր եղբայր Օսման բեյին:

Իրենց շուրջը հավաքված 6000 մարդով նրանք հարձակվում են Դեխ քաղաքի վրա, գրավելով գանձարանը և զինանոցը: Թուրքիան նրանց դեմ ուղարկում է մոտ 17 հումարտակ, նրանք հասնելով Դեխ, գրավում են այն և մահապատժի ենթարկում գերի վերցրած 35 քրդերի:

Այդ ժամանակ Հուսեյն բեյը 12000 ապստամբներով նորից հարձակվում է թուրքական զորքի վրա, շրջապատում

նրանց և ստիպում անձնատուր լինել: Քուրբական կառավարությունը նորից օժանդակ զորք է ուղարկում, որոնց հաջողվում է մեծ զոհերի գնով ճնշել ապստամբությունը:

ՇԵՅԽ ԻՔԱԳՈՒԼԻ ՂԵԿԱՎԱՐԱՄ ԱՊՍԱՄԲՈՒԹՅՈՒՆԸ

Վերը նշված ապստամբությունից մեկ և կես տարի անց, բռնկվում է նոր ապստամբություն՝ ուղղված թուրքական և պարսկական բռնակալության դեմ: Ապստամբությունը ղեկավարում էր շեյխ Իբադուլը:

1880 թվականի հուլիսի վերջին, Շամղինանում, Իբադուլը հրավիրում է քրդական շեյխերի և խալիֆների համագումար, որտեղ պետք է մշակվեր քրդական «լիգայի» կանոնադրությունը: Համագումարում սուր վեճ է սկսվում Իբադուլի և թուրքական կառավարության կողմից կաշառված մի քանի հոգևորականների միջև՝ հայերի և թուրքիայում բնակվող մյուս քրիստոնյա ժողովուրդների նկատմամբ ունենալիք վերաբերմունքի հարցի շուրջը: Որպեսզի շեղեն Իբադուլի և նրա կողմնակիցների ուշադրությունը քրդերի ազատագրման հարցից, հոգևորականության կաշառված մասը, թուրքական կառավարության թելադրանքով, առաջարկություն է մտցնում անցկացնել հայերի և այլ քրիստոնյա ժողովուրդների ընդհանուր կոտորած: Շեյխ Իբադուլը վճռական կերպով մերժում է այդ առաջարկը: Նա ասում է. «Եթե մինչև հիմա Պորտայի կառավարությունը ամեն կերպ պաշտպանում է քրդերին, դա արվում է այն նպատակով, որպեսզի մեզ հակադրի քրիստոնեական տարրերին Անատոլիայում, և եթե հայերը այստեղ ոչընչացվեն, ապա այն ժամանակ քրդերը կկորցնեն իրենց նշանակությունը թուրքական կառավարության աչքում»¹:

Եվ իրոք, հետագայում քրդերը կորցրին իրենց նշանակությունը թուրքական կառավարության համար և թուր-

¹ Аверьянов, Курды в войнах России с Персией и Турцией в течение XIX в., стр. 227—228.

քիան ղեկըր ուղղեց նրանց դեմ: Քրդական ինքնուրույն պետություն ստեղծելու հարցի կապակցությամբ հրավիրված վերջնական խորհրդակցությունում, որին մասնակցում էին հինգ շեյխ, 21 խալիֆ, 42 միրզա և 68 բեյ, Իբադուլը հետևյալ ճառն արտասանեց.

«Օսմանյան կայսրությունը հիմնադրվեց 550 տ. առաջ, օսմանցիները այդ բանին հասան անօրինական ճանապարհով: Այնքան, որքան շարիաթը պահանջում է, որ սուլթանը լինի Մահմեդի ցեղից, հետևապես օսմանցիների տիրապետությունը մուսուլմանական աշխարհում անօրինական է»: Այնուհետև նա շարունակում է. «Այդ երկու կառավարությունները (նկատի ունի թուրքիան և Իրանը— ծանոթ. Ն. Մ.) տղրուկներ են, որոնք խանգարում են մեր զարգացմանը, ուստի իմ նախնիները հրամայում են, որպեսզի դուրանի յուրաքանչյուր հետևորդը զոհի իր կյանքը հայրենիքի և կրոնի ազատության համար»¹:

Չնայած այս ճառի կրոնական բովանդակությանը, ասենք այլ կերպ էլ չէր կարող լինել, որովհետև ինքը շեյխ էր և բրդական հոգևորական աշխարհը Մահմեդից հետո նրան էր ճանաչում, սակայն փաստը մնում էր փաստ, որ այդ ճառը զբրստորում էր քրդերի ազգային ձգտումը ազատագրվելու բռնակալության լծից և ստեղծելու քրդական ինքնուրույն ազգային պետություն:

Այդ նույն ժամանակ (1880 թվականին) պարսկական Քրդրաստանում, հատկապես Սուլջբուլազի շրջանում, պարսկական կառավարիչների կողմից կիրառվող դաժանությունների հետևանքով, մեծ խմորումներ են տեղի ունենում:

Այդ վայրը դարձել էր քրդական խոշոր ապստամբության թատերաբեմ: Ապստամբության շարժառիթ ծառայել էր հետևյալ հանգամանքը. Քրդական երկու ցեղեր շարունակ թըշնամական կռիվների մեջ էին միմյանց դեմ: Այդ ժամանակ Քրդստանի կառավարիչն էր Սալար Միրզա-Հուսեյն Գերուսին (պարսիկ), որը Պարսկաստանում հայտնի էր իր խորա-

¹ Аверьянов, там же, стр. 228.

մանկությամբ և դաժանությամբ: Սա թշնամի ցեղերից մեկի՝ դեկավարին ձեռքակալում է, իսկ մյուս ցեղի դեկավարը փախչում ու ազատվում է: Այս անգամ արդեն նա դիմում է իր նախնիներից ժառանգած մեթոդին՝ խորամանկությանը:

Նա կողմում է զուրանի վրա, «որ քանի ինքը հողի վրա է, փախած ցեղի առաջնորդի գլխից մազ անգամ չի ընկնի» և հրավիրում է նրան իրեն մոտ: Յեղի առաջնորդը հավատալով այդ երդումին, իր մարդկանց ուղեկցությամբ ներկայանում է Սալարին: Վերջինս նրան ընդունում է պարսկական հատուկ «քաղաքավարությամբ» և ոչ միայն հյուրասիրում, այլ նաև նվերներ է շնորհում: Այս արարողությունները կատարելուց հետո Սալարը գնում է պառկում իր այգում նախապես փորած փոսի մեջ: Այդ ժամանակ ըստ պայմանավորվածության, նրա մարդիկ սպանում են ցեղի առաջնորդին և նրա ուղեկիցներին: Դուրս գալով փոսից, Սալարը հայտարարում է. «Վկա մն աստված և մարդիկ, որ այդ ժամանակ ես հողի վրա չեմ եղել, այլ եղել եմ հողի տակ»¹:

Այս նենգ արարքը զայրույթ և վրդովմունք է առաջ բերում ամբողջ պարսկական Քրդաստանում: Քրդական շատ ցեղեր, մասնավորապես Սուռջբուլաղի քրդերը, ապստամբվում են և օգնություն խնդրում Թուրքիայում ապրող քրդերից:

Այս առիթը օգտագործում է շեյխ Իբադուլը: Նա կազմակերպում է մի քանի ուժեղ շոկատներ և անցնում թուրք-պարսկական սահմանը, այդ ապստամբությունը գլխավորելու համար: Ջոկատներից մեկի՝ հրամանատարությունը նա հանձնում է իր որդի շեյխ Աբդուլ-Կադրին, մյուսինը՝ Համզա-աղային, որը պարսկական Մուքրի ցեղի ցեղապետներից մեկն էր: Ապստամբները սկզբնական շրջանում բավական հաջողություններ են ձեռք բերում: Նրանք հասնում են մինչև Ուրմիո, զրավում են Միանդաբադը և սպառնում Թավրիզին:

Այս ապստամբության ճնշումը մեծ ջանքեր և ուժ պահանջեց պարսկական կառավարությունից: Քանի որ տեղի փոքրիկ զորամասերով հնարավոր չէր կասեցնել ապստամբների ա-

ռաջխաղացումը, Նասր-էդ-Դին շահը նրանց դեմ ուղարկեց թնդանոթներով զինված կառավարական զորքեր: Չորքերի դեկավարն էր Միրզա-Հուսեյնը: Նրան հաջողվում է դաժանաբար ճնշել և արյան մեջ խեղդել այդ ապստամբությունը: «Ամբողջ մի արգավանդ շրջան ավերվեց, 400 գյուղ այրվեց, բանդվեց և անմարդարնակ դարձավ»¹:

Այս ապստամբության նպատակները բնորոշելիս արևելագետներից ոմանք այն վերագրում են կրոնական մոտիվների, որ իբր թե դա սուննի քրդերի և շիա պարսիկների կողմ էր որպես ազանդի հակառակորդների:

Նման մեկնաբանությունը խորապես սխալ է: Եթե դա կրոնի կողմ էր, ապա ինչո՞ւ ապստամբ քրդերը ձեռք չէին տալիս հայ և ասորի քրիստոնյա բնակչությանը: Իսկ եթե դա կողմ էր շիա և սուննի ազանդներին պատկանող քրդերի միջև, ապա ինչո՞ւ Պարսկաստանում ապրող շիա ազանդին պատկանող քրդերը միացան շեյխ Իբադուլին:

Որոշ պատմաբաններ էլ այն վերագրում են թալանչիական նպատակների: Սա նույնպես հիմքից զուրկ մեկնաբանություն է: Հարց է առաջ գալիս, եթե քրդերը այդ մեծ գործողությունը կազմակերպել էին կողոպտաի համար, ապա ինչո՞ւ չէին թալանում հայ և ասորի բնակչությանը: Կամ թե ինչո՞ւ էին ամբապնդում զրաված տերիտորիան, կարող էին կողոպտել և և ետ վերադառնալ: Հետևապես, այս մեկնաբանությունը նույնպես անարդարացի է և խորապես սխալ:

Կա մի այլ մեկնաբանություն ևս, ըստ որի այդ գործողությունը վերագրում են Թուրքիային, որ իբր թե նա Իբադուլին ուղարկեց Պարսկաստանի դեմ, որ Թուրքիան ուղում էր կազմակերպել քրդական «լիզա» և այլն: Սա դարձյալ սխալ է: Դա նշանակում է չհասկանալ թուրքական կառավարության շուրջնիստական քաղաքականության իմաստը: Թուրքական կառավարությունը չէր կարող ոտքի հանել պարսկական Քրդաստանը, լավ իմանալով, որ զրանով ոտքի կհանի նաև թուրքական Քրդաստանը հենց իր դեմ:

¹ А. А. Аракелян, Курды в Персии, стр. 3.

¹ А. А. Аракелян, там же, стр. 1.

Թուրքական կառավարությունը չէր կարող նաև օգնել քրդական «լիգա» կազմակերպելու գործին, քաջ զիտակցելով, որ այդ լիգան վերջ ի վերջո կվերածվի իրեն համար վտանգավոր քաղաքական կազմակերպության:

Ընդհակառակը, թուրքական կառավարությունը շարունակ ձգտել է, որ իր տիրապետության տակ ապրող փոքր ժողովուրդները ասիմիլացիայի ենթարկվեն, մոռանան, որ նրանք ազգություններ քրդեր, արաբներ, ասորիներ, հայեր կամ հույներ են: Պետք է նկատել, որ քրդական լիգայի գաղափարը տվյալ ժողովրդի ազգային զիտակցության արդյունք է և ոչ թե գրահից ներմուծված ինչ-որ բան: Սակայն լիգայի գաղափարն էլ մնաց թղթի վրա, որովհետև գործնականում բաղրի կողմից խոչընդոտների հանդիպեց:

Այսպիսով, շեյխ Իբադուլի զլխավորած ապստամբությունը նույնպես պարսկական և թուրքական իշխանությունների՝ փոքր ժողովուրդներին նկատմամբ տարած դաժան քաղաքակառուցության արդյունք էր, որոնք այլևս չղիմանալով ազգային և սոցիալական ճնշմանը, գենքի դիմեցին:

Գլխավորելով այդ ապստամբությունը, Իբադուլը նպատակ էր դնում ազատագրել իր ժողովրդին օտարի լծից և կազմակերպել քրդական ազգային ինքնուրույն պետություն:

Քրդական ապստամբությունների բնույթն ու շարժիչ ուժերը բնորոշելիս, շատ պատմաբաններ ծայրահեղ եզրակացություններ են անում, նրանց բոլոր ղեկավարներին, առանց բացառության, մեղադրելով այս կամ այն պետության գործակալ լինելու մեջ: Այսպիսի գնահատականը օբյեկտիվ չէ և անարդարացի է: Ժողովուրդների պատմությունից հայտնի է, որ նրանց ազգային ազատագրական պայքարի ընթացքում, բացի հայրենիքին նվիրված առաջնորդներից, եղել են նաև փոքրագույններ և դավաճաններ, որոնք վճռական մոմենտին դավաճանել են և անցել հակաակորդի կողմը: Քուրդ ժողովուրդը ևս բացառություն չի կազմում այս ընդհանուր երեվույթից: Նրա ղեկավարների մեջ ևս եղել են առանձին ան-

հատներ, որոնք դավաճանել են ժողովրդի շահերին կամ եղել են կուլք գործիք իմպերիալիստական պետությունների ձեռքին, սեփական և այլազգի աշխատավորության դեմ:

* * *

Մանր էր քուրդ, հայ և այլ ժողովուրդների գրությունը Թուրքիայի տիրապետության տակ:

Ճիշտ է նկատել Մ. Գ. Ներսիսյանը, ասելով.

«Թուրքական բռնակալության դաժան ուժիմը, երկրում տիրող ֆեոդալական բարբարոս կարգերը, ազգային ճնշումներն ու հալածանքները ծանրացել էին հայ և քուրդ աշխատավորության վրա: Նրանք ունեին դասակարգային շահերի ընդհանրություն և ապրում էին խաղաղ բարեկամական մթնոլորտում»¹:

Հայ մտավորականները 18-րդ դարի վերջին թուրքական սուլթանին ուղղված բողոքագրի մեջ, որտեղ նկարագրվում է Մշո գավառի հայ գյուղացիության անելանելի ծանր վիճակի մասին, նշում են.

«Մի՞թե Մշո կառավարության ազգասիրական պարտքը չէր, գեթ համազգակից ժողովրդոց վիճակը բարվոքել: Ստույգ և համարձակ խոսելով, նույնիսկ դուրանի որդիք, ավետարանի որդոց հետ առհասարակ կճնշվեն և կհարստահարվեն շատ անգամ, մի՞թե կառավարության առաջ նոցա բողոքը և աղաղակը լաված է, ոչ բնավ»²:

Այս փաստերն ապացուցում են, որ իրոք, հայ և քուրդ աշխատավոր գյուղացիության տնտեսական և արտատնտեսական շտեպնված չափերի հասնող ճնշման, շահագործման և հարստահարման գործում նորմաներ գոյություն չունեին:

Թուրքական կառավարողները և քուրդ ֆեոդալները, հատկապես թոռուսական (ազնվական) դասը հավասար չափով

¹ Մ. Գ. Ներսիսյան, Հայ ժողովրդի ազատագրական պայքարը թուրքական բռնակալության դեմ, էջ 288:

² «Դիվան Հայոց պատմություն», ԺԳ, էջ 470:

լիում ու կեղեքում էին ինչպես հայ շինականին, այնպես էլ քուրդ աշաթին:

«Այն քրդերը, որ գեղացի երկրագործ են, ոչ միայն անվր-նաս են հայոց հետ և խիստ սիրով, այլ քան դհայերին առա-վել հարստահարեալ այն քանի տուն բարբարոս քրդեր, որոնք շիպրանցի թոռոններ կանվանվեն»¹:

Այստեղ անհրաժեշտ ենք գտնում նշել քուրդ և հայ աշխա-տավոր ժողովրդի վրին ծանրացած հարկային սխտեմի մասին:

Այսպես, օրինակ, 80-ական թվականներին Շատախի գա-վառի կաճեր գյուղը, որը ենթարկվում էր Մահմուդ աղային, պարտավոր էր նրան տարեկան վճարելու 200 մարդ սարակ (իրդար), 20 շափ ցորեն (մի շափը հավասար է 30 հոխայի), 2 լիտր յուղ, 8 կիլոգր պանիր 9 աճ:

Բացի դրանից, նա յուրաքանչյուր տանից վերցնում էր մե-կական ոչխար, իսկ գյուղացիները ձմռանը պարտավոր էին աղայի համար անվճար պահել 150 ոչխար:

Կաշուպի գյուղը ենթակա էր Մահմուդ Ալի Հաջի աղային: Ամեն տարի այս աղային հիշյալ գյուղը տալիս էր 100 մարդ սարակ, 66 շափ ցորեն, 4 լիտր յուղ: Բացի այս ամենից, յու-րաքանչյուր տնտեսություն պարտավոր էր մի կթի ոչխար տալ նրան, այն էլ գարնանը և ոչ թե աշնանը:

Մահմուդ աղան նույնպես գյուղացիներին ստիպում էր ձմռանը ձրի պահել իր ձիերն ու ոչխարները:

Ֆեոդալ բեյերի ու աղաների ձեռքին ծանր կացություն մեջ են գտնվել նաև նույն գավառի Հնեց, Հիզի, Սիպուկի, Միծաց, Սագ, Տասպար և մի շարք այլ քրդական և հայաբնակ գյու-ղերը²: «Մայաթ—այսինքն հողագործ հարկատու քուրդը ու հայը Ֆեկ վիճակ ունեն, տակավին կարելի է ասել, թե հայք լավ են, քան վրդերը»³:

Հայ և քուրդ աշխատավորությունը, որպես դարավոր բա-

րիկամներ, երբեմն միացյալ ուժերով ըմբոստացել են իրենց կեղեքողների դեմ՝ պաշտպանելով իրենց ազգային և սոցիա-լական իրավունքները: 1864 թվականին Սասունի գավառի հայ և քուրդ գյուղացիները ապստամբվում են սուլթանական բռնակալության դեմ: Ապստամբներն ամրանալով Սասունի անառիկ լեռներում, թույլ չեն տալիս թուրքական բանակի մուտքը Սասուն: Նրանք Պարամանյա կամուրջի մոտ պար-տության են մատնում թուրքական զորքին և դերի վերցնում նրա հրամանատարին:

Նույնպիսի վախճան է ունենում նաև նրանց օգնության եկող զորամասը:

Սասունցի քրդերի և հայերի պայքարը վերջանում է նրա-նով, որ նրանք թուրքական սուլթանին 20 տարի հարկ չեն վճարում:

Հայ և քուրդ ժողովուրդների դարավոր բարեկամության բնորոշ փաստերից է նաև այն, որ երբ XVI դարում պարսկա-կան պատերազմների հետևանքով Տարոնի գավառի հայ բնակչությունը բավականին պակասել էր, այդ նույն գավառի քուրդ կառավարիչ Ալադին բեյի ֆեոդալական հարստություն-ներ, որը Հեքիբի բազրխանների ֆեոդալական հարստու-թյուններից հետո ամենազղեցիկն էր համարվում, հովանավորում էր հայերին, որի հետևանքով Տարոնի գավառից գաղթած հայ բնակչությունը XVII դարի սկզբին վերադառնում է իր նախ-կին բնակավայրերը և ձեռնամուխ լինում խաղաղ շինարա-րական աշխատանքի:

«Անգամ Արճեշի, Խիզանի և Մոկաց գավառների հալած-ված հայերը տեղափոխվում էին Ալադինի մոտ»¹:

«Անհրաժեշտ է նշել, որ Ալադինը հայ գյուղացիությանը պաշտպանում էր ոչ միայն թուրքական բռնապետներից, այլ նաև ուրիշ ցեղապետներից:

1880 թվականի արևմտահայ աղատագրական շարժմանը մասնակցում էին նաև քրդական որոշ ցեղեր²:

¹ «Դիվան Հայոց պատմության», ԺԳ, էջ 90:

² Նույն տեղը, էջ 264—265:

³ Նույն տեղը, էջ 261:

¹ Տե՛ս «Ազգագրական հանդես», 1898 թ., էջ 35:

² «Մշակ», 1880, № 158:

Պետք է նկատել, որ արևմտահայ ինտելիգենցիայի մի շարք ներկայացուցիչներ, որոնք գիտակցում էին հայ և քուրդ ժողովուրդների ուժերի միացման անհրաժեշտությունը ընդհանուր թշնամու դեմ, որոշ քայլեր կատարեցին հայ-քրդական բարեկամության ու քաղաքական կապերի հաստատման ուղղությամբ:

1860 թվականին Հ. Սվաճյանը և նրա համախոհները Կոստանդնուպոլսում կազմակերպում են մի ընկերություն, որը կրում էր «Բարեկամություն արևելյան» անունը: Այս ընկերության նպատակն էր դիր-գրականություն տարածել քուրդ ժողովրդի մեջ, բարեկամական հարաբերություն ստեղծել քրդական շրջանների հետ:

Հայ և քուրդ ժողովուրդների բարեկամության կապի անհրաժեշտության մասին «Դիվան հայոց պատմության» մեջ գրված է.

«Ինչ որ լինի, այն համոզումը ունեմ, որ լավ քաղաքականության չեմք ըլլար, անդադար քրդանց դեմ գանգատվելով ու զրմեզ շարունակ անոնց հարաբերությունեն հեռու պահելով:

Քրդերը մարմին մը կկազմեն ցեղով և զենքով, իսկ հայքս այլ ազգով և լոյսով...»:

Հայ-քրդական ուժերի միացման փորձի մասին իր ժամանակին գրեց Ս. Պետերբուրգում հրատարակվող «ГОЛОС» թերթը²:

Այդ մասին է վկայում նաև ցարական Ռուսաստանի ներքին գործերի մինիստր գրաֆ Դ. Տոլստոյը, ցար Ալեքսանդր III-ին հասցեագրած իր 1883 թվականի օգոստոսի 11-ի գեկուցագրում, որով ցարին հայտնում է հետևյալը.

«Վերջին երկու խուզարկությամբ հաստատված է, որ հայերի և քրդերի մեջ համաձայնություն գոյություն ունի, հարկ

եղած դեպքում զինված օգնություն ցույց տալ հայկական շարժմանը»¹:

Հայ և քուրդ ժողովուրդների բարեկամության և ուժերի միացման մասին փաստերը բազմաթիվ են, սակայն, ի ցավ սրտի, պետք է նշել, որ այդ փաստերը չեն ուսումնասիրվում, չեն հրատարակվում և այդ հանդամանքից օգտվելով այդ երկու բարեկամ ժողովուրդների թշնամիները իրենց հակաժողովրդական գաղափարախոսություններով, գործն այնպես են պատկերացնում, որ իբր թե հայերն ու քրդերը միշտ թշնամական հարաբերությունների մեջ են եղել: Վերջապես պետք է տարբերել քրդական ռեակցիոն վերնախավը, որն անխոս գործիք էր թուրքական սուլթանի ձեռքին, քուրդ աշխատավոր ժողովրդից, ձիշտ այնպես, ինչպես հայ բուրժուա-նացիոնալիստին՝ հայ ժողովրդից:

Մարքսիստական պատմագրությունը մեզ ուսուցանում է, որ աշխատավոր ժողովուրդները միմյանց նկատմամբ թշնամի լինել չեն կարող, որ նրանց մեջ թշնամություն սերմանում են կառավարող ռեակցիոն շրջանները:

Քուրդ և հայ ժողովուրդների բարեկամության մասին եղած վերոնշյալ փաստերը չլրիպեցին ոչ միայն ռուսական ցարիզմի, այլև թուրքական սուլթանների ուշադրությունից, որի համար էլ նրանք դիմում էին ամեն տեսակի պրովոկացիոն միջոցների հայ քրդական բարեկամական հարաբերությունների խափանման համար:

Աբգուլ Համիզը քրդերին սիրաշահելու և իր կողմը դրավելու համար խլում էր հայ գյուղացիների հողերը և ապիս քուրդ ֆեոդալներին, դրանով ազգային թշնամանք բորբոքելով նրանց միջև: Չնայած Սան-Ստեֆանոյի պայմանագրի 16-րդ հոդվածի, ըստ որի թուրքիան պարտավորվում էր հայկական վիլայեթներում անհրաժեշտ ռեֆորմներ անցկացնել, թուրքական կառավարությունը հայերի հարցը լուծեց նրանց մասսայական ոչնչացման ճանապարհով: Այս հանցագործության մեջ պակաս դեր չխաղացին նաև Անգլիան և Գերմա-

¹ Մ. Գ. Ներսիսյան, Հայ ժողովրդի ազատագրական պայքարը թուրքական բռնապետության դեմ, էջ 290:

² Նույն տեղը, էջ 291:

¹ Մ. Գ. Ներսիսյան, Հայ ժողովրդի ազատագրական պայքարը թուրքական բռնապետության դեմ, էջ 291:

նիսան: Վիժեցնելով Սան-Ստեֆանոյի պայմանագրի իրագործումը, նրանք հայ ժողովրդին թողեցին բախտի քմահաճույքին: Այդ ժողովուրդը ունեցողի փոխարեն ստացավ թաւան, ծեծ, բանտ, սպանութիւն:

Ոչնչով լավ չէր նաև քուրդ աշխատավորութեան դրութիւնը: Քրդերի և հայերի դրութիւնն էլ ավելի վատթարացավ «Ներհատասարդ թուրքերի» տիրապետութեան ժամանակ: 1913 թվականից մինչև առաջին համաշխարհային պատերազմի վերջը, թուրքիայում իշխանութիւնն անցավ Ներհատասարդ թուրքերի պարագլուխներ՝ էնվեր փաշայի, Թալիաթ և Ջամալ փաշայի ձեռքը, որոնք թուրքական բուրժուազիտայի ներկայացուցիչներն էին:

Նրանք հրապարակեցին մի շարք դրակոնական օրենքներ, ուղղված բանվորների, գյուղացիների և ազգային փոքրամասնութիւնների դեմ:

Արդով Համիդի նման նրանք էլ չէին ճանաչում ազգերի իրավահավասարութիւնը, ազգային փոքրամասնութիւններին արգելում էին խոսել իրենց մայրենի լեզվով, կազմակերպում էին հայերի շարդեր:

Նրանց դաժանութիւնը հասցրեց այն բանին, որ 1913 թվականին Բիթլիսի վիլայեթում մոլլա Սելիմի և շեյխ Աբալէդ-Դինի գլխավորութեամբ քուրդ ժողովուրդը ապստամբվեց: Սակայն, նախորդ ապստամբութիւնների նման այս ապստամբութիւնը ևս ճնշվեց:

Ապստամբութեան ղեկավարները ապաստան գտան ռուսական դեսպանատանը: Հետագայում նրանք ձերբակալվեցին ու դատապարտվեցին մահվան:

Ներհատասարդ թուրքերի ժամանակ օտտոմանիզմը զուգահեցվում էր պան-իսլամիզմի և պան-թուրքիզմի հետ, որոնց գաղափարախոսները, այդ թվում և էնվեր փաշան, ձգտում էին Փոքր Ասիայի բոլոր ժողովուրդներին միացնել թուրքական տիրապետութեանը և ստեղծել մեծ թուրքիա:

Նրանք երազում էին իրենց տիրապետութիւնը տարածել նաև Ադրբեջանի, Ղրիմի և Միջին Ասիայի մի շարք շրջանների վրա:

Պարզ է, որ իրագործութիւնների այսպիսի պայմաններում քրդերի վիճակը ոչնչով չէր կարող թեթևանալ: Ընդհակառակը, Շղթանշիրի ապստամբութիւնից հետո դրութիւնը ավելի վատթարացավ: Թուրքական կառավարութիւնը ամեն միջոց գործադրում էր կանխելու հնարավոր բոլոր շարժումները, կանգ շանջելով սրի ու հրի, ծեծի ու սպանութիւնների առաջ: Քրդերի դրութեան վատթարացման հիմնական պատճառներից մեկն էլ պետք է համարել այն, որ թուրքիան կարողացավ ուժեղ հարված հասցնել նրա դարավոր հարևան հայ ժողովրդին:

Թուրքիան շատ լավ գիտեր այդ երկու բարեկամ ժողովուրդների ազգային և սոցիալական շահերի ընդհանրութիւնը, նրանց բարեկամութիւնը, հաճախակի միասնական կերպով հանդես գալը թուրքական ֆեոդալական դեսպոտիզմի դեմ: Նրա հիշողութեան մեջ դեռ թարմ էին 1862 թվականին Վանում տեղի ունեցած դեպքերը: Երբ Վանի հայ բնակչութիւնը սոցիալական կեղեքումների և ազգային ճնշումների հետևանքով ապստամբվում է և զինված ընդհարումներ է ունենում տեղի թուրքական վերնախավի և սոսիկանութեան հետ, նրանց օգնութեան է դալիս մոտակա գյուղերի քուրդ և հայ բնակչութիւնը: «Երբ Վան քաղաքում կատարվող անցքերի լուրը հասնում է շրջակա գյուղերը, մոտ 20.000 հայ և քուրդ զինվում են և զնում քաղաքի հայերին օգնութեան»¹:

Քուրդ և հայ ժողովրդի բարեկամական կապերի մասին է վկայում նաև 1853—1856 թվականներին սուս-թուրքական պատերազմի ժամանակ Երևանի զորամասի հրամանատարի գրած նամակը քրդական ցեղի ավագ շեյխ Ավդալին:

«Շեյխ Ավդալ, շնորհակալ եմ քեզից և բո եղբայրներից Ձեր արդարութեան համար. դու հովանավորում ես խաղաղ բնակիչներին, հայերին և աստված քեզ կհատուցի:

Մենք միայն հանգստութիւն ենք ուզում երկրում և հավասար կերպով ենք վերաբերվում դեպի բոլոր մարդիկ, ինչ

¹ Մ. Գ. Ներսիսյան, Հայ ժողովրդի ազատագրական պայքարը թուրքական բռնապետութեան դեմ, էջ 123:

հավատի էլ որ նրանք լինեն. ցանկանում եմ քեզ առողջություն»¹:

Այսպիսի փաստերը եղակի չեն: Հայ և քուրդ ժողովուրդների բարեկամության մասին գեղեցիկ կերպով ասել է սովետահայ գրող Հր. Քոչարը.

«Այո, մենք՝ հայերն ու քրդերը միասին, եկել ենք դարերի խորքից: Եվ դառն անցյալի փորձից սթափված, զգաստացած ու իմաստուն, կզնանք դեպի դալիք դարերի խորքերը, դեպի ապագայի գեղեցիկ խորքերը...»: Այնուհետև նա շարունակում է. «Հայ և քուրդ ժողովուրդները զալիս են հազարամյակների խորքից, միևնույն բնության զավակներն են, նույն լեռների ու դաշտերի բնակիչները: Քայլել ենք համերաշխ երթով, բաժանելով միևնույն ճակատագրի դառնությունը, կուրծք դեմ տալով միևնույն դաժան հողմերին: Երբեմն էլ մոլորվելով պատմության անստույգ ճանապարհների վրա, խոտվել ենք միմյանցից, ողբերգական վեճի ու կրավի բռնվելով իրար հետ և դրա համար էլ մինչև այսօր էլ խղճի խոր ցավ ենք զգում»²:

Սուլթանական Թուրքիան որոշեց սեպ խրել այդ երկու ժողովուրդների բարեկամության մեջ. նախ ջլատել այդ ուժերը և ապա ադանձին-առանձին դատաստան տեսնել նրանց հետ:

Այդ նպատակին հասնելու համար, նա տարավ «բաժանիր, որ տիրես» քաղաքականությունը: Խորամանկորեն օգտագործելով քրդական վերնախավի սեպերի մասին որպես կույր գործիք հայերի դեմ, Թուրքիան վերջիններիս շարքից հանելուց հետո սկսեց մեթոդիկ կերպով ոչնչացնել նաև քրդերին: Քավական է ասել, որ ոչնչացված քրդերի թիվը համարում է մեկ և կես միլիոնի: Միայն 1932 թվականին մի գիշերվա ըն-

թացքում հարյուրից ավելի քուրդ ինտելիգենտների պարկերի մեջ գցած, Վանա լճի հատակն իջեցրին: Չնայած թուրքական կառավարության կողմից կիրառված բոլոր տեսակի տեղորիստական միջոցներին, այնուամենայնիվ, քուրդ ժողովուրդը իր առաջադեմ մարդկանց գլխավորությամբ վայելելով առաջավոր մարդկության, այդ թվում նաև թուրք պրոլետարիատի, գյուղացիության և պրոպրիետիվ ինտելիգենցիայի բարոյական համակրանքը, շարունակ ձգտել և ձգտում է ձեռք բերել ազգային անկախություն:

Այդ արտահայտվել է հաճախակի բռնկված ապստամբություններով:

Սակայն միշտ էլ այդ ապստամբությունները սկսվել են տարերայնորեն, իրարից անջատ և վերջացել են անհաջողությամբ: Դրանք ղեկավարվել են քրդական վերնախավի կողմից, որոնց մեջ հաճախ բացակայել է միասնությունը, որի հետևանքով վճռական մոմենտին նրանցից մի մասը երբեմն արտաքին միջամտությունների, երբեմն էլ վախենալով ժողովրդական շարժման ռևոլյուցիոն բնույթից, լքել են այն, անցնելով նրա հակառակորդների կողմը:

Քրդական վերնախավի անմիաբանության մասին XVI դարի քուրդ կլասիկ բանաստեղծ Ահմեդե-խանին, ողբալով իր ժողովրդի դառն վիճակը, ասել է. «Ապշում եմ ճակատագրի վրա, որ աստված վերապահեց քրդերին... Քրդերը, որոնք իրենց սրի շնորհիվ փառքի տիրացան, օտարների լուծք կկրեն: Թուրքը և պարսիկը շրջապատված են քրդական պարիսպով, ամեն անգամ թուրքն ու պարսիկը ընդհարվելիս, քուրդն է, որ ներկվում է արյունով: Միշտ անմիաբան, միշտ թշնամի, չեն հնազանդվում իրար...»:

Եվ իրոք, եթե մենք նայենք քուրդ ժողովրդի անցած պատմական ուղուն, մասնավորապես XIX—XX դարերում, կհամոզվենք, որ իրոք Քրդաստանի ամեն մի քար, ամեն մի թուփ քրդերի արյունով է ներկված:

¹ Аверьянов, Документы, относящиеся к времени восточной войны 1953—1956 гг., стр. 27.

² Հր. Քոչար, Հայաստանի քրդերը, ապագրված բուլղարահայ կուլտուրական միության վարչության օրգան՝ «Նրեան» շաբաթաթերթի 1957 թ. ապրիլի 5—12 համարներում, քաղ. Սոֆիա:

ՔՈՒՐԴ ԺՈՂՈՎՐԴԻ ԱԶԱՏԱԳՐԱԿԱՆ ՇԱՐՇՈՒՄՆԵՐԸ XX ԴԱՐԻ
ԱՌԱՋԻՆ ԿԵՍԻՆ

Կապիտալիստական հարաբերությունների առաջացումն ու զարգացումը թուրքիայում և ապա Իրանում, այդ երկրների ընդգրկումը համաշխարհային տնտեսական հարաբերությունների մեջ, չէր կարող այս կամ այն չափով չանդրադառնալ Քրդստանի էկոնոմիկայի վրա: Այդ տեսակետից XX դարի առաջին կեսը Քրդստանի համար բնորոշ է նորածին բուրժուազիայի հանդես գալով:

Սկսվում է մինչ այդ գոյություն ունեցող ամուր նահապետական հարաբերությունների քայքայման պրոցեսը: Սրա հետ մեկտեղ ուժեղանում է քուրդ աշխատավոր հողագործի ու անասնապահի անտանելի շահագործումը ազգակից ֆեոդալի, վաշխատուի և օտար հարստահարողների կողմից:

Գյուղացիությունը տնքում է բաղձաթիվ և բազմատեսակ հարկերի ծանրության տակ: Նրան կողոպտում են ռատիկանները, մեծ և փոքր պետական շինովելիկները: Ամենուրեք սուժեղանում է ազգային ճնշումը քուրդ ժողովրդի նկատմամբ, որը հրաժարվում էր իրեն թուրք կամ պարսիկ անվանել: Այդ պատճառով սկսվում է ռատիկանության և պատժիչ ջոկատների կողմից մասսայական տեղորի մեթոդների կիրառումը:

Քրդական նորածին բուրժուազիային զրկում են հարավային նավահանդիստներից օգտվելու իրավունքից: Այս բոլոր ֆակտորների ֆոնի վրա սկսում են ավելի ու ավելի լայն ծավալ ստանալ անկախության դադափարը և ազատագրական շարժումները: Այդ շարժումների հիմնական շարժիչ ուժը հանդիսանում էր քուրդ աշխատավոր մասսան: Քուրդ բուրժուազիան նույնպես սկսում է պայքարել անկախության համար: Նա փորձեր է անում քրդական ժողովրդական ազատագրական շարժումները օգտագործել իր քաղաքական նպատակներին համար: Երբեմն նա երկշտ կերպով ուղեկցում է ազատագրական շարժումներին, այնքանով, որքան, թելադրում են նրա նեղ դասակարգային շահերը: Երբ նա որոշ զիջումներ է ստանում թուրքական և պարսկական պետություններից:

լրում է այդ շարժումները ու դառնում նրա հակառակորդը:

Քրդական ազատագրական շարժումները լայն ծավալ են ստանում հատկապես առաջին համաշխարհային պատերազմից հետո, երբ Ռուսաստանում հաղթանակում է Հոկտեմբերյան Սոցիալիստական Մեծ ռևոլյուցիան, որը իմպերիալիզմի լծի տակ հեծող բոլոր ժողովուրդներին, այդ թվում նաև քուրդ ժողովրդին պայքարի և ազատության ուժ ու հույս ներշնչեց: Քուրդ աշխատավորները, որ միշտ ձգտել են դեպի ռուս մեծ ժողովուրդը, Հոկտեմբերյան Սոցիալիստական Մեծ ռևոլյուցիայից հետո իրենց հույսերը վերջնականապես կապեցին նրա հետ: Որպես այդ բանի փայլուն ապացույց կարող է ծառայել այն խանդավառ ընդունելությունը, որ ցույց տվեց քուրդ ժողովուրդը Սովետական Բանակին՝ 1942 թվականին, երբ վերջինս մտավ Իրանի տերիտորիան:

Թուրքական Քրդստանը համարվում է քրդական ազատագրական շարժումների հայրենիքը: Այդտեղ է նա ծնունդ առել, այդտեղ է նա զարգացել ու տարածվել թուրքիայի սահմաններից դուրս: Եթե չհաշվենք Արևմտյան Հայաստանի բնակիչներին, թուրքիայի տիրապետության տակ եղած ոչ մի ժողովուրդ այնքան ծանր չի զրպցել նրա դաժան լուծը և ազգային արհամարհանքը, որքան զրպցել են քրդերը: Դրա համար էլ պատահական չէ, որ ոչ մի ժողովուրդ այնքան վատ չի տրամադրված դեպի թուրքական բռնակալությունը, որքան քուրդ ժողովուրդը:

Զգալով այդ ատելությունը, թուրքական բռնակալությունը վախենում է դրանից և ամեն կերպ ձգտում է քրդերին պահել հնազանդության մեջ:

Սակայն գործադրած ոչ մի միջոց չի ընկճում քուրդ ժողովրդի մարտական ազգային ոգին և նրա վճռականությունը: 1919—1933 թվականների ընթացքում, գրեթե ամեն տարի, տեղի են ունեցել ապստամբություններ և բնդվզումներ: Դրանք սկզբնական շրջանում ընթանում էին քյամալիստական շարժման պայմաններում: Անհրաժեշտ է այստեղ մի քանի խոսքով տալ քյամալական շարժման համառոտ նկարագրությունը և քյամալականների վերաբերմունքը դեպի քրդերը:

մինչև իրենց իշխանության գլուխ անցնելը և ապա իշխանության գլուխ անցնելուց հետո:

Առաջին համաշխարհային պատերազմում Թուրքիայի պարտությունից հետո Անտանտայի երկրները սկսեցին նրա օկուպացիան, որը նրանց համար անհրաժեշտ էր ո՛չ միայն որպես գաղութային շահագործման օբյեկտ, այլ նաև որպես հակասովետական ինտերվենցիայի ծավալման պլացդարմ: Անգլիական զորքերը գրավեցին Կիլիկիան և Անատոլիայի մի շարք այլ շրջաններ: Հետագայում Ֆրանսիան սկսեց օկուպացիայի ենթարկել Միրիայից դեպի հյուսիս ընկած Կիլիկիայի որոշ շրջաններ:

Իտալացիները գրավեցին Անատոլիայի արևմտյան ծովափի մի մասը, մինչև Իկոնյա: Միացյալ նահանգները ձգտում էին իրենց զերիշխանությունը հաստատել Ստամբուլում, նեղուցների վրա, Անատոլիայում և Հայաստանում: Հունաստանը գրավեց Անատոլիայի կարևորագույն առևտրա-արդյունաբերական և նավահանգստային կենտրոն Իզմիրը:

Երկիրը կործանումից փրկեց երկարատև ծանր ազգային-ազատագրական պայքարը, որը սկսեց թուրքական ժողովուրդը Հոկտեմբերյան Սոցիալիստական Մեծ ռևոլյուցիայի դաշտափրկների ազդեցության տակ:

«Կողոպուտը, որին Թուրքիան դատապարտված էր իմպերիալիստական կառավարությունների կողմից, առաջ բերեց այնպիսի հակահարված, որը իմպերիալիստական ամենահրեզոր տերություններին հարկադրեց ձեռքերը ետ քաշել»¹:

Սկզբում այս շարժումը գյուղացիական տարերային շարժում էր: Գյուղացիական պարտիզանական շոկատները Անատոլիայի տարբեր վայրերում կռվում էին օկուպանտների դեմ: Սակայն այս շարժման հեգեմոնը հանդիսանում էր ո՛չ թե պրոլետարիատը, որը այդ ժամանակ շատ փոքրաթիվ էր և քաղաքականապես քիչ հասունացած, այլ թուրքական ազգային նորերուկ բուրժուազիան, որը միաժամանակ ելնելով իր նեղ դասակարգային շահերից, աշխատում էր երկրում հաս-

¹ Վ. Ի. Աենին, Երկեր, հ. 32, էջ 172:

տատել իր իշխանությունը: Եարժումը վարում էր Մուստաֆա Քյամալ փաշան, որի անունով և կոչվեց Քյամալական շարժում: Հետագայում երբ նա ամրապնդեց իր դիրքերը, պրեզիդենտի կոչման հետ միասին ստացավ «Աթաթուրք» (Թուրքերի հայր) անունը: Գրավելով իշխանությունը, բուրժուազիան չկատարեց իր խոստումները աշխատավորներին նկատմամբ, որոնք իրենց ուսերի վրա կրել էին կռվի ամբողջ ծանրությունը, ընդհակառակը, վախենալով որ իր երկրում ևս կարող է կրկնվել Հոկտեմբերյան Սոցիալիստական ռևոլյուցիայի փորձը, այսինքն հաստատվի պրոլետարիատի դիկտատուրան, հալածում և դաժան դատաստան էր տեսնում նրանց ղեկավարների հետ, ճնշում էր գործադուլները, արգելում պրոֆմիլությունների կազմակերպումը: Կոմպարտիան, որը Թուրքիայում հիմնադրվեց 1920 թվականին, ենթարկվեց խիստ հալածանքի: Այսպես, օրինակ, 1921 թվականին մի խումբ կոմունիստների հետ ոստիկանության կողմից սպանվեց նաև Թուրքիայի Կոմունիստական պարտիայի հիմնադիր Մ. Սուրհին: Սկսած 1922 թվականից Կոմպարտիան Թուրքիայում անցնում է խոր ընդհատակ:

Նույն քաղաքականությունը տարան քյամալականները նաև քուրդ ժողովուրդի նկատմամբ: Քանի դեռ ամրապնդված չէին նրանց դիրքերը, ամեն կերպ աշխատում էին սիրաշահել քրդերին, գովաբանում էին նրանց քաջությունը և ազգային հպարտությունը, անընդհատ նշում էին քրդերի և թուրքերի կրոնի նույնության և դարավոր կապի մասին, թերթերում և իրենց ելույթներում եզրակացնում էին, թե չի կարող պատահել, որ այդպիսի ազնիվ ժողովուրդը, թուրքերի համար ստեղծված այդ դժվար պահին, երբ որոշվում է նրանց ճակատագիրը, մենակ թողնի նրան:

Իր բազմաթիվ ելույթներում Քյամալ փաշան նույն այս միտքն էր դարգացնում, խոստանալով ռեսպուբլիկայի հաղթանակից հետո քրդերին տալ ազգային անկախություն, ավելի լայն տերիտորիայի վրա, քան նախատեսված է «Սևրի» պայմանագրով, մայրենի լեզվով ուսուցում, գիր, գրականություն և այլն: Նա խաբեությունը և խորամանկությամբ համո-

զում էր քրդական ցեղապետներին, որ երկրի այդպիսի ծանր օրերին, քրդերը պետք է համաձայնվեն ժամանակավորապես հետաձգել «Աևրի» պայմանագրով նախատեսված քրդերի ինքնուրույնության հարցը, մինչև թուրքիան ազատվի իր բոլոր թշնամիներից և այն ժամանակ ազատ թուրք և քուրդ ժողովուրդները կլինեն Թուրքիայի տերերը:

Ինչ ասել կուզի, որ քրդերի մի մասը ընկավ այս հմուտ կերպով լարված թակարդի մեջ: Սակայն քուրդ առաջադեմ գործիչները գտնում էին, որ Քյամալական շարժումը վերջին հաշվով օգուտ է միայն թուրքերին, իսկ քրդերը և Թուրքիայում ապրող այլ ժողովուրդներ նրանից ոչինչ չունեն սպասելու և որ քյամալականների խոստացած ազատությունը կտևի մինչև այն ժամանակ, քանի դեռ նրանք կարիք ունեն քրդերի աջակցությունը:

Երբ քյամալականները կամրապնդեն իրենց դիրքերը, այն ժամանակ նրանք դատաստան կտեսնեն քրդերի հետ: Դեպքերի հետագա ընթացքը ցույց տվեց, որ այդ կերպ մտածողները շատ ճիշտ էին և քյամալականները ոչնչով լավ դուրս չեկան իրենց նախորդներից: Քյամալականների վարած այդպիսի դաժան քաղաքականությունը հասցրեց ազատագրական նոր շարժումներին:

Առաջին ապստամբությունը Բոխտանի քրդերի ապստամբությունն էր 1919 թվականին:

1920—1921 թվականներին Թուրք-պարսկական սահմանագլխին տեղի ունեցավ Հյուսիսային Պարսկաստանի քրդերի ապստամբությունը, Իսմաիլ բեյի (Սմկո) ղեկավարությամբ: Նա պատկանում էր քրդական Շեկաքի ցեղին և որպես ցեղապետ մեծ ազդեցություն ուներ քրդերի շրջանում: Նա երկար ժամանակ չէր ուզում ձանաչել պարսկական իշխանությունը և իր ախրապետության տակ եղած ցեղերը ղեկավարում էր ինքնուրույն կերպով: Իսմաիլ բեյը ուներ իր գրամանիշը, դրոշակը և զինված ուժերը: Պարսկական կառավարությունը ո՛չ զենքի և ո՛չ էլ ոսկու միջոցով չկարողացավ իրեն ենթարկել Իսմաիլ բեյին: Դրա համար էլ նա վճռեց դիմել իր ավանդական մեթոդին՝ խաբեությունը: 1930 թվականին խաբեությունը

և նենգությունը Սմկոն ընկնում է պարսկական կառավարության լարած թակարդը և սպանվում: Պետք է նկատել, որ դեռ 1880 թվականին Սմկոն կապ է հաստատում հայ ազգային ազատագրական շարժման գործիչների հետ, խոստանալով «քրդերին ոտքի հանել հայերի հետ միասին սուլթանական կառավարության դեմ մաքառելու»:

Իր անկախությունը պահպանելու համար Սմկոն ճարպկորեն կարողանում էր օգտագործել իմպերիալիստական պետությունների, Միջին և Մերձավոր Արևելքում ունեցած հակասությունները: Նրա համար միևնույն էր, թե որ պետությունը ինչի համար է ուզում իր ազդեցությունը ամրապնդել արևելքում միայն, թե նրան տային դեմք իր բանակը՝ զինելու, և ոսկի՝ նյութական մատակարարումը ապահովելու համար:

1921 թվականին տեղի ունեցավ բավական խոշոր ապստամբություն, որին մասնակցում էին Դերամի և Սվազի շրջաններում ապրող քրդերը:

Այս ապստամբությունը շատ վտանգավոր էր Թուրքիայի համար, որովհետև այդ ժամանակ շատ լարված էր վիճակը Թուրքիայի և Հոնոստանի միջև, իսկ այդ ապստամբությունը խախտում էր դարձնում քյամալական Թուրքիայի թիկունքը:

Դրա համար էլ քյամալականները ապստամբությունը ճնշելու նպատակով ուղարկեցին կանոնավոր զորքեր և պատժիչ ջոկատներ Օսման Թոփալ աղայի գլխավորությամբ: Դաժան Օսման աղան արյան մեջ խեղդեց ապստամբությունը. ամաչացրեց և քարոքանդ արեց ապստամբված շրջանների գյուղերն ու բնակավայրերը:

Միաժամանակ ապստամբություն բռնկեց Սիիրդից արևմուտք (Բոխտան) Զամիլ-Չիտոյի գլխավորությամբ, սակայն, սա ևս ճնշվեց: Քրդերի ազատագրական շարժումների ողջ ժամանակաշրջանում քյամալականները պահում էին, այսպես կոչված, «արևելյան ճակատ», որի շտաբը գտնվում էր Սարիղամիշում, Քյազիմ-Կարա Բեքիր աղայի ղեկավարու-

¹ Մ. Գ. Նեհսիյան, Հայ ժողովրդի ազատագրական պայքարը Թուրքական բռնապետության դեմ, էջ 290:

Յյամբ: Նրա պարտականությունների մեջ էր մտնում նաև քրդական ապստամբությունների ճնշումը:

1922—1924 թվականներին Մոսուլի և Սուլեյմանեի շրջաններում տեղի են ունենում լուրջ շարժումներ, որոնք նույնպես ճնշվում են: Այդ շրջանում աչքի է ընկնում շեյխ Մահմուդ Բարզանիի ապստամբությունը անգլիական իմպերիալիզմի դեմ:

Արդեն 1923 թվականից հետո, երբ Մուստաֆա Քյամալ փաշան դաշնակիցների օգնությամբ շեղյալ էր հայտարարել «Սերի» պայմանագիրը, այն փոխարինելով նոր «Ճողանջան» պայմանագրով, որով վերացվում էր անգամ նախկինում ձեռնարկներն խոստացած քրդերի անկախության հարցը, քյամալականները բացի զենքի չեզվից, քրդերի հետ ուրիշ լեզվով չէին խոսում:

Այս անգամ ևս քրդերը զգացին, որ նրանք խաբւած են, սակայն խարված են ո՛չ միայն թուրքերի կողմից, որոնց բնավորությանը և բարքերին նրանք վաղուց ծանոթ էին, այլ խարված են նաև եվրոպական պետությունների, հատկապես Անգլիայի և Ֆրանսիայի կողմից: Քրդերը շատ լավ գիտեին, որ թուրքերը ոչ թե ազատություն կտան, այլ ամեն կերպ կաշխատեն ոչնչացնել իրենց: Այս բանում նրանց համոզեց 1,5 միլիոն հայերի կոտորածը: Դրա համար նրանք իրենց պաշտպանության միակ միջոցը գտնում էին թուրքական սեակցիային ուժով դիմադրելու մեջ: Քյամալական կառավարության շովինիստական քաղաքականությունից դժգոհ էր ո՛չ միայն քուրդ աշխատավոր ժողովուրդը, այլ նաև նրա վերնախավը, մասնավորապես հոգևորականությունը, շեյխերը: Իսկ որոնք էին քրդական վերնախավի դժգոհության պատճառները:

Քյամալական կառավարության կողմից, Խալիֆաթի լիկվիդացիայի հետևանքով, խիստ կերպով սահմանափակվեցին հոգևորականության քաղաքական և տնտեսական իրավունքները, հետևապես և նրանց եկամտի աղբյուրները: Բացի սրանից, ազգային մեծ ժողովի երկրորդ ընտրությունների

ժամանակ, նախկինում ընտրված շեյխ զեպուտատները փոխարեն ընտրվեցին թուրք զեպուտատներ:

Քրդերի նստակյաց կյանքի անցնելու կապակցությամբ, թուրքական կառավարության կիրառած ռազմա-ֆեոդալական մեթոդները, դրա հետ զուգընթաց քուրդ պաշտոնյաների իրավազրկումը և նրանց փոխարինումը թուրքական կաշառակիր և դաժան պաշտոնյաներով, խիստ կերպով կաշում էր քրդական ավագանու շահերին (ցեղապետներին):

Անտանեյի ծանր հարկերը, հատկապես տասանորդը (աշար), սուկուրի խանդարումը, արդյունաբերական ապրանքների բարձր գները մի կողմից, մյուս կողմից թուրքական Քրդստանի անջատումը Իրանից, Մոսուլից և Սիրիայից, որտեղ վանից հարավ ընկած բոլոր շրջաններից քրդերը տեղափոխում էին իրենց անասունները, ինչպես նաև նախկին քրդական շրջանների միացումը Իրաքին, ուր բնակվում էին թուրքական քրդերի բարեկամ ցեղերը, խոր դժգոհություն առաջացրեց քուրդ աշխատավոր ժողովուրդի մեջ:

Այս դժգոհությունները շվրիպեցին իմպերիալիստական պետությունների— Անգլիայի և Ֆրանսիայի ուշադրությունից, որոնք ինչպես միշտ, այս անգամ էլ աշխատեցին օգտագործել դրանք իրենց իմպերիալիստական նպատակների համար, հրելով քրդերին զեպի ապստամբություն:

Ահա իրադրությունների այսպիսի պայմաններում էր նախապատրաստվում շեյխ Մաիդի ապստամբությունը 1925 թվականին:

1924 թվականի սեպտեմբերին Սասունի Հատմի գյուղում հարսանիքի անվան տակ հրավիրվեց քրդական ցեղերի առաջնորդների խորհրդակցություն, որտեղ ընտրվեցին քրդական համագումարի պատգամավորներ, որը պետք է տեղի ունենար նույն թվականի նոյեմբերին: Համագումարը տեղի ունեցավ Հալեբում: Համագումարում որոշվեց ապստամբությունը սկսել 1925 թվականի մարտին: Ապստամբության ակտիվ նախապատրաստողը էրզրումի քրդական կոմիտեն էր, որի նախագահն էր գնդապետ Խալըթ բեյ Ջեբրանին:

Ապստամբության ղեկավարն էր շեյխ Մաիդը: Սակայն

ապստամբութիւնն աջնախն շքնթացալ, ինչպէս նախատեսել էին նրա ղեկավարները: 1925 թվականի հունվարին ոստիկանութիւնը կասեցնելով դավադրութեան մասին, ձերբակալում է էրզրումի կոմիտեի ղեկավարներին: Սակայն Բիթլիսի ճանապարհին քրդերը հարձակվում են ուղեկցող պահակախումբի վրա և ազատում խալիթ բեյին, Հաջի-Մուսային և ուրիշներին, որոնք գնում են լեռները և սկսում ապստամբութեան ակտիվ նախապատրաստութիւնը: Միաժամանակ ոստիկանութիւնը աշխատում էր ձերբակալել շեյխ Սաիդին, Փիրան գյուղի շրջանում: Զգալով, որ ուշացնել չի կարելի, շեյխ Սաիդը ապստամբութեան նախատեսված ժամկետից երկու շաբաթ շուտ սկսում է հարձակումը Փիրան գյուղի ոստիկանութեան վրա, կտրում է հեռագրային կապը և դիմում քրդերին կոչանելով միանալ ապստամբներին:

Միաժամանակ քրդական այլ շեկատներ հարձակվեցին այդ օկրուզի քաղաքների և գյուղերի վրա: Կարճ ժամանակում ապստամբութիւնը ընդգրկեց հսկայական տերիտորիա:

Ապստամբները հատուկ կոչ հրապարակեցին, ըստ որի վերացվում էին բոլոր տեսակի հարկերը: Սրա փոխարեն բնակչութիւնը պետք է ապստամբներին մթերքներ մատակարարեր:

Փետրվարի 24-ին ապստամբները գրավեցին խարպուտ քաղաքը, մարտի 2-ին՝ Արզանան, մարտի 6—8-ին՝ Դիարբեքի:

Մարտի սկզբին Դերսմի քրդերը մարտեր սկսեցին խոզատ և Չեմիշ-Դաղեվ շրջաններում: Նույն ամսի 26-ին գրավեցին Մանազկերտ քաղաքը: Այսպիսով մեկ և կես ամսվա ընթացքում ապստամբութիւնը ընդգրկեց համարյա ամբողջ թուրքական Քրդստանը:

Զգալով, որ ապստամբութիւնը արդեն լուրջ վտանգ է ներկայացնում, Թուրքիան սկսեց ձեռք առնել վճռական միջոցներ: Պրեզիդենտը փոփոխութիւններ մտցրեց կառավարութեան կազմում: Կառավարութեան նոր ղեկավար Իսմեթ փաշան ստեղծեց անկախութեան գաղաբաններ՝ մեկը Անկարայում, մյուսը ապստամբված շրջանում, 12 վիլայեթներում հայ-

տարարեց ռազմական գրութիւն, փակեց կառավարութեան համար ոչ ցանկալի թերթերի հրատարակչութիւնը:

Այս բոլոր միջոցառումները իրագործելուց հետո թուրքական կառավարութիւնը սկսեց ռազմական գործողութիւնները: Նա որոշեց շրջապատել ապստամբներին, միաժամանակ համաձայնութիւն կնքեց Ֆրանսիայի հետ, որպէսզի Ֆրանսիան Սիրիայի վրայով գործ տեղափոխի ապստամբների թիկունքը: Մարտի 25-ին թուրքական զորքերը հարձակման անցան:

Ապստամբները հերոսական դիմադրութիւն էին ցույց տալիս, սակայն վատ զինված լինելու և ոչ տքից օժանդակութիւն չստանալու պատճառով, չէին կարողանում կասեցնել հարձակումը:

Ապրիլի 13-ին ապստամբների բանակը, որը գործում էր Մուշի և խարպուտի միջև ընկած շրջանում, լրիվ շրջապատված էր: Այսպիսի պայմաններում կառավարական զորքերը ճնշեցին ապստամբութիւնը: Ապստամբութեան գերված ղեկավարներին, թվով 53 հոգի, այդ թվում նաև շեյխ Սաիդին և խալիթ բեյին, հունիսի 28-ին Դիարբեքիի հրապարակում կախաղան բարձրացրին:

Սկսվեց դաժան դատաստան քուրդ ժողովրդի նկատմամբ: Այրվում էին քրդական գյուղերը և քաղաքները, կազմակերպվում էր քուրդ բնակչութեան մասսայական կոտորած, անկախ սեռից և տարիքից: Աքսորում էին առանձին գյուղերի և շրջանների ամբողջ բնակչութեանը: Թուրքիայի արևելյան շրջաններում, որտեղ բնակվում էին քրդեր, ստեղծվեց հատուկ ոստիկանական ռեժիմ: Այս դաժան միջոցառումներով քաջաձալական Թուրքիան ուղում էր վախեցնել քրդերին և նրանց հպատակութեան մեջ պահել: Այդ ժամանակ Թուրքիայում բանտերի թիվը հասավ 400-ի, բացի դրանից, կար 3 կենտրոնական բանտ Անկարայում, Պոլսում և Իզմիրում¹:

Ապստամբութիւնը ճնշելու համար թուրքերը շատ մեծ նշույթական և մարդկային վնասներ կրեցին: Նրանք կորցրին 15 հետևակ, 3 հեծելազոր դիվիզիա և 5 հրետանային գունդ:

¹ Տե՛ս «Տնորհրդային Հայաստան», 1926 թ., 16-ր սեպտեմբերի:

Միայն նյութական վնասը հասնում էր 60 միլիոն թուրքական լիրայի: Թուրքական «Միլլեթ» թերթը իր օգոստոսի 19-ի 1924 համարում գրում էր. «Ավագակներին պատժելու համար մենք խոշոր գումար ծախսեցինք: Եթե մենք այդ գումարը ծախսեինք երկաթուղային գծերի կառուցման վրա, ապա զրանով մեծ բարիք արած կլինեինք մեր երկրին»:

Պետք է ասել, որ շեյխ Սաիդի ապստամբությունը սովորական տարերային պոռթկում չէր, այլ նախօրոք կազմակերպված շարժում էր. այսպես թե այնպես ուներ իր պայքարի ծրագիրը, նշված էին գործողությունները սկսելու ժամկետը, ուղղությունները, նրա ղեկավարները:

Կեղծելով նրա նպատակները, քրդերի այս ազատագրական պայքարը թուրքական կառավարությունը վերագրում էր այն բանին, որ իբր ապստամբները ձգտում էին վերականգնել Խալիֆայից:

Սակայն դատական արոցեսի ընթացքում շեյխ Սաիդը և նրա կողմնակիցները վճռականապես ժխտում են այդ մեղադրանքը, հայտարարելով, որ ապստամբության նպատակն է եղել ազատագրել քուրդ ժողովրդին ազգային ճնշումից և կազմակերպել քրդական անկախ ազգային պետություն:

Այս բանը ապացուցում է նաև, 53 քուրդ հայրենասերների մահապատժի դատավճռից հետո դատավորի արտասանած հզրաբիակիչ խոսքը:

«Ձեզանից մի քանիսը ապստամբության պատրվակը համարում են կառավարության ադմինիստրատիվ շարաշահումները, մյուսները խոսում էին Խալիֆայի պաշտպանության օգտին, բայց մի հարցում բոլորը միասնական էիք: Դուք ցանկանում էիք ստեղծել անկախ Քրդստան... Թափված արքան համար, քանդված օջախների համար դուք կվարձատրվեք կախաղանով»¹ (1925 թվական, 28-ը հունիսի):

Որոնք էին շեյխ Սաիդի ապստամբության պարտության պատճառները:

Ամենից առաջ այն, որ ապստամբությունը, ինչպես արդեն

նշվեց, սկսվեց նախատեսված ժամկետից շուտ և հետևապես լրիվ շնախապատրաստվեց: Բացակայում էր կարգապահությունը, սուր կերպով զգացվում էր զինվորական մասնագետների պակասը: Ինչպես նախատեսվում էր, ապստամբությունը պետք է համաքրդական բնույթ կրեր, սակայն այդ չհաջողվեց: Էրզրումում և Բիթլիսում թուրքական կայազորների առկայությունը արգելակում էր ապստամբության տարածմանը:

Ապստամբության ղեկավարությունը դանվում էր հոգևորական վերնախավի (շեյխերի) ձեռքին, որոնց մեջ բացակայում էր միաբանությունը: Եվ եթե այս բոլորին ավելացնենք նաև այն հանդամանքը, որ ապստամբության ղեկավարության որոշ մասը իր հույսը դնում էր արտաքին պետությունների (մասնավորապես Անգլիայի և Ֆրանսիայի) օգնության վրա և կապված էր նրանց հետ, իսկ վերջիններս ամեն կերպ ցանկանալով ապստամբությունը օգտագործել իրենց դադողթարական նպատակների համար, ապա շեյխ Սաիդի ապստամբության պարտության պատճառները պարզ կդառնան:

Քրդերի նկատմամբ կիրառած դաժանությունները, քյամալական կառավարության համար, սղասվելիք հասկանքները շունեցան. ընդհակառակը, էլ ավելի ուժեղացրին քուրդ ժողովրդի ցասումը ընդդեմ թուրք դահիճների: Այդ են ապացուցում 1925 թվականի դեպքերից հետո ընկած ժամանակաշրջանում տեղի ունեցած խմորումները: Այսպես, օրինակ, 1926 թվականին քրդական պարտիզանական ջոկատները, որոնք գործում էին Բայազետի շրջանում, ջախջախում են թուրքական բանակի 28-րդ հետևակային գունդը: 1927 թվականին Հյուսիսային Քրդստանում բռնկվում է ուժեղ ժողովրդական ապստամբություն, որին ղեկավարում էր Աբդուլ-Կադր-Ջալալին: Նույն թվականի աշնանը Բայազետի շրջանում տեղի ունեցած ընդհարման ժամանակ, ապստամբները ջախջախում են թուրքական բանակի կայազորը և դերի վերցնում 10 սպա և 45 դինվոր: Այս ապստամբությունը ընդգրկեց Վանի, Միրդի, Մանազկերտի և Մուշի շրջանները:

Քյամալական կառավարությունը սրանց դեմ ուղարկում է

¹ Рамбу, Курды и право, 1947 г., Париж.

նոր, թարմ զորամասեր: Թուրքական բարբառոսները հրետանու կրակով անողորմաբար ոչնչացնում են 340 գյուղ, բնակիչներից ազատվում են միայն մի քանի մարդ:

Թուրքական բանակի 26-րդ դիվիզիայի հրամանատար Մուսաաֆա բեյը, Դարախան գյուղաքաղաքի մոտերքում զբաղվող քրդական անպաշտպան բնակավայրը հրետանու կրակով ոչնչացնելու ժամանակ, հատուկ դարաններ էր պատրաստել և գնդացիներին ոչնչացնում էր փախչող բնակչությանը: Մարդկային կերպարանքը կորցրած գահիճները սվինահար էին անում երեխաներին և գցում կրակի բոցերի մեջ:

Քրդական հայրենասիրական կազմակերպություններին պատկանելու մեջ կասկածած բանտարկյալներին, մայր Հայդար-բեյը, մի ամիս շարունակ, ամեն օր հեծյալների ուղեկցությամբ վազեցնելուց և ապա յուրաքանչյուրին ամեն երեկո 30 մարակի հարված հասցնելուց հետո, գնդակահարում էր:

1927 թվականի մայիսին ապստամբվեցին Մասունի լեռների քրդերը (Մուշից հարավ-արևմուտք) Մահմեդ Ալի Յուսուֆի գլխավորությամբ: Նրանց միացան Սիրիայի քրդերը՝ Նճո բեյի գլխավորությամբ: Այս ապստամբությունը ճնշվեց նույն թվականի հունիսի վերջին:

Այնուհետև ապստամբվեցին Մոտքանլու և Ռժքոտանլու ցեղերը: Նրանք հարձակվում են Բիթլիսի վրա, կտրում նրա և Դիարբեքի միջև եղած կապը: Այդ նույն ժամանակ ապստամբվում են նաև Արճեշի շրջանի քրդերը: Ապստամբությունը ճնշելուց հետո Արճեշի հրապարակում ցուցադրվում են 2 բռն մարդկանց գլուխներ¹:

Հետևյալ 1928—1929 թվականներին քուրդ ժողովուրդը ոչ մի օր չի դադարեցնում իր պայքարը: Նահանջելով թշնամու գերազանց ուժերի ճնշման տակ նա իր ուժերը կենտրոնացնում է Քրդստանի անառիկ լեռներում: Քրդերի հիմնական ապստարան հանդիսացան Արարատ լեռան լանջերը («Աղբի-գալը»): Այստեղ նրանք նախապատրաստվում էին գալիք մար-

տերի համար: Երբեմն մանր հարձակումներ էին կատարում զինվորական և իրենց համար այնքան ատելի ոստիկանական ուղեկալների վրա, զինամթերքի պակասը լրացնելու թշնամու ուժերը շլատելու և նրանց ահաբեկելու նպատակներով:

Պետք է ասել, որ ինչպես միշտ, այս անգամ էլ իմպերիալիստական պետությունները, զլխավորապես Անգլիան և Ֆրանսիան աշխատում էին քրդերի դժգոհությունները ծառայեցնել իրենց նպատակներին: Այս հարցը Անգլիայի կողմից հանձնարարված էր նրա գործակալներ Լոուրենսին և քրդական գործերի մասնագետ մայոր Տրիկկերսին:

Այդ նույն ժամանակաշրջանում «դաշնակցություն» պարտիան նույնպես հանդես էր գալիս իմպերիալիստական պետությունների՝ Անգլիայի և Ֆրանսիայի գործակալի դերում: Նա կառ է հաստատում Հալեբում կազմակերպված Խաիբուն («Քրդական անկախության կոմիտե») քրդական ռեակցիոն պարտիայի հետ:

Նրանց համատեղ խորհրդակցության ժամանակ դաշնակները առաջարկում էին քրդերի քաջությունը միացնել դաշնակների «փորձառության» հետ, միացյալ սուժերով անջատել Սովետական Հայաստանը Անգրիովկասյան Սովետական Սոցիալիստական Ֆեդերատիվ ռեսպուբլիկաների կազմից, ստեղծել այսպես կոչված «անկախ Հայաստան», իսկ Քրդստանում կազմակերպել բուֆերային պետություն Անգլիայի հովանավորությամբ:

Խաիբունը իր կոմիտեներն սենք Սուլեյմանիում և Թավրիզում, որոնց մեջ նույնպես մեծ տեղ էին գրավում իմպերիալիստական պետությունների գործակալները, որոնք հենվելով կոմիտեների ռեակցիոն տարրերի վրա, աշխատում էին քրդական ապստամբությունը շեղել իր նպատակներից և ծառայեցնել իրենց շահերին: Նրանց նպատակն էր Քրդստանը դարձնել պլացդարմ ընդդեմ ՍՍՌՄ-ի:

Իմպերիալիստական պետություններին հետաքրքրում էր ոչ թե Քրդստանի անկախությունը, նրա ժողովրդի ազատագրումը, այլ միայն իրենց քաղաքական շահերի պաշտպանությունը Թուրքիայում և Իրանում:

¹ Д. С. Завриев, К новейшей истории северо-восточных вилайетов Турции, Тбилиси, 1947 г., стр. 149.

Ապստամբութեան կենտրոնը, երկու մասիսներն միջև ընկած թմբակ վայրը, թուրքերը անվանում էին «Կիրե», որը դարձավ ապստամբութեան գլխավոր օջախն ու բազան: «Կիրե»-ի ղեկավարներն էին՝ Իբրահիմ աղան, որին քրդերը կոչում էին Հասո-բու-Թելլի, Ֆերեզենդը՝ Մաքուի շրջանի քրդերի Հայդարանլի ցեղի առաջնորդը և Նալլթ աղան՝ պարսկական քրդերի Զալալի ցեղի առաջնորդը, որը «Կիրե»-ի պարտությունից հետո անցավ թուրքերի կողմը, իսկ վերջիններս նրան օգտագործեցին որպես կույր դործիք իր ցեղակիցների դեմ: Արարատյան քրդերի ռազմական ղեկավարները թուրքական բանակի քրդական սպաներն էին: 1930 թվականի հուլիս-օգոստոս ամիսներին ապստամբներն ունեին 9—10 հազար մարդ, 100 գնդացիք և թուրքերից խլած 2 լեռնային հրանոթ:

Փամփուշտների խիստ զգացվող պակասը ապստամբները լրացնում էին Արարատի լանջերին ստեղծված տնայնագործական արհեստանոցներում, իսկ պարենը հայթայթում էին Մաքուի շրջանի քրդերը:

1930 թվականին Քրդստանի դեպքերը հետևյալ կերպ էին բնթանում. ցանկանալով վերջ տալ քրդական անհնազանդությանը, քյամալականները «Կիրե»-ի դեմ ուղարկում են պատժիչ ջոկատ, սակայն ապրիլի 6-ին քրդերը ջախջախում են այն: Քյամալականների փորձերը՝ ապստամբների դեմ օգտագործել քրդական մյուս ցեղերին, ապարդյուն են անցնում:

Ապստամբությունը Արարատից սկսեց տարածվել մոտակա այլ շրջաններում, ընդգրկելով նորանոր քրդական ցեղեր և տերիտորիաներ: Այս բանը ստիպեց քյամալականներին շտապեցնելու «Կիրե»-ի ապստամբության ճնշումը: Կիրեի, Քոսեի, Իդդիբի և Բաչազետի շրջաններում կենտրոնացնելով 2 հետևակ, մեկ հեծյալ զիվիդլիա և 26 ինքնաթիռ նրանք հունիսի 10—17-ը կարողացան որոշ չափով նեղել ապստամբներին և պատրաստվեցին «Կիրե»-ի հետագա գրոհին:

Այդ ժամանակ ապստամբներին օգնության եկան պարսկական քրդերը Մաքուի շրջանից, որոնք սկսեցին սպառնալ թուրքական բանակի թիկունքին Վանի շրջանում: Վանի քրդե-

րը ևս միացան նրանց և այս խմբավորման բանակը հասավ 3 հազարի: Կառավարությունը ստիպված եղավ արագ կերպով Կիրեում գործող ուժերը փոխադրել նոր ապստամբության դեմ, որը արագորեն ծավալվել էր, գրավելով արդեն Բաշ-Կալա, Մարայ, Բեղրի-Ղալա, Արճեշ, Փաթնոս, Վան, Զիլան և այլ շրջաններում: Այս ապստամբությունը ճնշելու համար քյամալականները ուղարկեցին 7-րդ և 9-րդ կորպուսները: Ապստամբության լիկվիդացիան տևեց մոտ մեկ ամիս: Սակայն թուրքերին շատ հաճախ հաջողվում էր ոչ թե ջախջախել, այլ միայն ցրել ապստամբների ջոկատները, որոնք նորից հավաքվում էին սարերում և այնտեղից դարձյալ անհանգստացնում նրանց: Վերջիններս դաժան դատաստան էին տեսնում գերի քրդերի հետ, անխնա ոչնչացնում էին անգամ այն քրդերին, որոնց միայն կասկածում էին ապստամբներին համակրելու մեջ: Սրան ի պատասխան քրդերը նույնպես սկզբնական դաժանորեն վերաբերվել գերի թուրքերի և հատկապես սպաների հետ:

Թուրքական զինվորները և ոստիկանությունը անխնա դատաստան էին տեսնում նաև խաղաղ բնակչության հետ: Միայն Զիլանի հովտում նրանք սպանեցին 10,000 մարդ: Արճեշի մոտ այրեցին 200 գյուղ: Փաթնոսի շրջանում ոչ մի գյուղ չէր մնացել: Քրդերի տղ ռնեցվածքը գավթել էին: Զուլամերիկի շրջանում այրեցին 300 գյուղ և սպանեցին մոտ 500 կին ու երեխա: Ադրի լեռների շրջանում ոչնչացրին 400 գյուղ, իսկ բնակիչներին գնդակահարեցին: Թուրքական ռազմական ջոկատը, որը Հեքիարից հարձակվում էր Բեյրութի, այնտեղից էլ Շամդինանի ուղղությամբ, ոչնչացրեց ապստամբների բոլոր գյուղերը, թվով մոտ 120: Քյամալ-էդ-Ղիթ Սամի-փաշայի գլխավորությամբ Վանի և Զալգրանի շրջանում գործող ջոկատը ոչնչացրեց 83 գյուղ, սպանեց 590 մարդ:

Թուրքիայում կատարվող այս դեպքերը ձեռնարկներ են իրենց վրա են գրավում երկրորդ ինտերնացիոնալի գործադիր կոմիտեի ուշադրությունը, որ 1930 թվականի օգոստոսի 30-ին Յլուրիխում տեղի ունեցած իր նիստում ընդունած բանաձևե-

րից մեկում, դատապարտում էր թուրքական կառավարության գաղանուկներին որոշ միայն ապստամբների, այլ նաև խաղաղ բնակչության նկատմամբ. այդ բանաձևը միաժամանակ դատապարտում էր բոլոր երկրների հասարակական կարծիքը, որը չէր բողոքում այդ արյունալի բարբարոսության դեմ:

Սակայն թուրքական կառավարությունը ոչ մի ուշադրություն չդարձրեց այս բանաձևի վրա, շատ լավ իմանալով, որ թե՛ ~~կենտրոնացրած~~ օպորտունիստական պարտիաների պարագլուխները և թե՛ նրանց տերերը՝ բուրժուական երկրների կառավարող շրջանները, խոսքից այն կողմ չեն անցնում և որ բոլոր նման բանաձևերն ու բողոքները, այնպես, ինչպես «Մերի» պայմանագիրը, կմնան լուկ թղթի վրա:

Այն ժամանակ, երբ թուրքերը զբաղված էին Վանի շրջանի ապստամբության ճնշումով, «Կիրե»-ի ապստամբները մի շարք հաջող հարձակումներ են կատարում քյամալական առաջակալ զորամասերի վրա: Հունիսի 14-ին նրանք հարձակվեցին Արալիղի մոտերքում դիրքավորված կայազորի վրա, որը շիարողանալով դիմադրել ապստամբ քրդերին նահանջելով անցավ Սովետական Հայաստան (Արտաշատի շրջանի մոտերքում): Հունիսի 15-ին նրանք գրոհում են մարտկոցի վրա: Այդ ժամանակ Սիրիայի և Իրաքի քրդերից թվով 1000 մարդ ապստամբներին օգնություն ցույց տալու նպատակով անցնում են սահմանը և մտնում թուրքիա, սակայն հակառակորդի գերազանց ուժերի ճնշման տակ ստիպված ետ են նահանջում: Ընդհանրվ Վանի շրջանի ապստամբությունը և դատաստան տեսնելով խաղաղ բնակչության հետ, քյամալական կառավարությունը իր ամբողջ ուշադրությունը կենտրոնացնում է «Կիրեի»-ի վրա: Ռազմական գործողությունները ղեկավարում էր Սալահ փաշան: Սեպտեմբերի սկզբին Արաբատի շրջանում կային 2 հետևակ և մեկ հեծելազոր դիվիզիա, որոնք ունեին 484 ձեռքի և 150 հաստոցավոր դնդաղի, 80 հրանոթ, 30 ինքնաթիռ:

Չնայած ապստամբների հերոսական դիմադրությանը, հակառակորդի գերազանց ուժերի և տեխնիկայի ճնշման տակ, նրանք պարտվեցին: Թուրքերի փորձը՝ շրջապատել և ոչնչաց-

նել բոլոր ապստամբներին, անհաջող անցավ: Ապստամբները քաջաժանոթ լինելով տեղանքին, կարողացան խուսափել դրանից և աստիճանաբար հավաքվել Կրմբղի-դաղ (Կարմիր սար) և Կարա սու (Սև ջուր) լեռնային շրջաններում:

Ապստամբության ղեկավարները ևս կարողացան խուսափել թուրքական կառավարության ձեռքն ընկնելուց:

Քյամալականները, որոնք մի ժամանակ զբաղվել քրդերի օժանդակության կարիքը, նրանց համարում էին ազնիվ ժողովուրդ և իրենց ամենալավ բարեկամները, արդեն 1930 թվականի ամռանը իրենց կիսապաշտոնական «Միլիթ» թերթում գրում են. «Քրդերը, որոնց կոկորդին շոքեցին Ադրի-դաղում (Արաբատում), պաշտոնավում են ինչպես վայրի դաղանները, որոնք իրենց վտանգի մեջ են զուտ: Կողոպտիչների երկու ուրիշ հրոսակախումբ առաջ է շարժվում հարավային սահմանից «անկախ Քրդստան» լողունով, իհարկե, ոչ ոք չի կասկածում, որ առակների անասուններին հիշեցնող այդ հորդաչի պահանջը մենք համարում ենք կատակ: Այնպիսի մի ժողովուրդի համար, որի բառապաշարը հարվել 200 խոսք է, մի ռասսայի համար, որը հետևում է յուրաքանչյուր հոսանքին, ազմինիստրատիվ ավտոնոմիայի համար ամենալավ անկյունը կարող է հանդիսանալ, օրինակ, կիսակապիկներով և կիսամարդկանցով բնակեցված Կենտրոնական Աֆրիկյան կամ նրա անապատներից որևէ մեկը: Բայց Ասիան, հնազույն քաղաքակրթության այդ օրրանը, չի կարող այդպիսի պահանջներ թույլ տալ»¹:

Թուրքիայում միակ ռեպրեսիվ ուժը, որը ընդունում է ազգերի ազատ ինքնորոշման գաղափարը, Կոմունիստական պարտիան է: Նա քրդերի և ընդհանրապես աղքատից փոքրամասնությունների հարցը հետևյալ կերպ է դնում իր ծրագրում. «Թուրքական Կոմունիստական պարտիան առանց վերապահության ընդունում է աղքատից փոքրամասնությունների իրավունքը, տնօրինելու իրենց բախար, ընդհուպ մինչև

¹ К. Васильев, Причины и движущие силы курдских восстаний, см. журнал Аграрные проблемы, 1931 г., № 9—10, стр. 101.

պետութիւննից անշատվելը: Նա բոլոր միջոցներով դիմադրում է ժողովրդական պարտիայի վարած՝ ազգային փոքրամասնութիւններին բռնի ուժով ասիմիլյացիայի ենթարկելու և թուրքացնելու քաղաքականութեանը (պար. 13):

Կոմունիստները պետք է պայքարեն ազգային փոքրամասնութիւնների աշխատավորութեան և թուրքական բանվորների ու գյուղացիների եղբայրական դաշինքի համար:

1920—1930 թվականներին ուժեղ հուզումներ էին տեղի ունենում ո՛չ միայն թուրքական, այլ նաև պարսկական Քրդստանում: Այնտեղ ևս քուրդ ժողովրդի, հատկապես քուրդ աշխատավորութեան գրութիւնը շատ ծանր էր: Ինչա շահը նույնպէս դաժանորեն հետապնդում էր քուրդ ժողովրդին: Նա բանտարկում և արսորում էր նրա առաջադեմ մարդկանց, քմահաճորեն ամեն առիթով բռնադատում նրանց ունեցվածքը, քրդարնակ վայրերը տանող ճանապարհներին ուղեկալներ էր նշանակում, անցնող քրդերին խուղարկելու համար: Քրդստանի տնտեսական շահագործումը ուղեկցվում էր նորանոր փողային և բնամթերային հարկերով:

Իրանական կառավարութիւնը ցրեց քրդական բոլոր կազմակերպութիւնները, անկախ նրանց քաղաքական կամ հասարակական բնույթից: Արգելեց քրդական կամ քրդերին վերաբերող բոլոր տեսակի գրականութիւնը: Այդ է պատճառը, որ իրանական Քրդստանում ևս ծագեցին մի շարք ապստամբութիւններ: Սակայն այդ ապստամբութիւններից և ոչ մեկը հաջողութեան չհասավ: Իրանական կառավարութիւնը արշան մեջ խեղդելով դրանք, դիմեց մի շարք միջոցառումների քրդական հետագա ապստամբութիւնները կանխելու համար: Նա Թուրքիայի նման ամեն կերպ աշխատում էր մեջտեղից վերացնել կամ իր կողմը գրավել քրդական ազգեցիկ ցեղապետներին, անընդհատ պառակտումներ էր սերմանում տարբեր ցեղերի միջև, իսկ ավելի ըմբոստ ու խռովարար ցեղերին տեղավորում էր երկրի խորքը և մեկուսացնում:

Իրենց անկախութեան համար, թուրքական և իրանական քրդերի հետ միասին, ոտքի էին ելել նաև Իրաքի քրդերը: Այսպես, օրինակ, 1931 թվականի նոյեմբերին բռնկվեց Հյու-

սիսային Իրաքի քրդերի ապստամբութիւնը շեյխ Ահմեդ Բարդանիի գլխավորութեամբ, որը ուղղված էր ինչպես Իրաքի կառավարութեան, այնպէս էլ անգլիացիների դեմ: Իրաքի և Անգլիայի միացյալ ուժերով այս ապստամբութիւնը ճնշվեց: Ապստամբութեան ղեկավար շեյխ Ահմեդ Բարդանին և նրա եղբայր Մուլլա Մուստաֆան բանտարկվեցին և արսորվեցին Հարավային Իրաք:

Այն ժամանակ, երբ քրդական ապստամբութիւնների ղեկավարների շարքերում և ցեղային ավագանու մեջ հաճախ անմիաբանութիւն էր տիրում, որի հետևանքով և պատակաւոր էր առաջանում ապստամբների շարքերում, Թուրքիայի, Իրանի և Իրաքի կառավարութիւնները՝ հակառակ իրենց մեջ գոյութիւն ունեցող խոր հակասութիւններին, քրդերի դեմ գործելիս հաճախ համաձայնեցնում էին իրենց գործողութիւնները: Այսպէս, օրինակ, «Կիրե»-ի ապստամբութիւնը ճնշելուց և քրդերի նկատմամբ համապատասխան միջոցառումներ կիրառելուց հետո, Թուրքիան և Իրանը քրդերի հարցում մշակեցին միասնական տեսակետ: Թուրքական տէրիտորիայի վրա կատարվող քրդական ցեղերի հետագա հարձակումները կանխելու և Իրանի ու Թուրքիայի սահմանի վրա քրդական ապստամբների դեմ պայքարը հեշտացնելու նպատակով, 1932 թվականին այս երկու պետութիւնների միջև համաձայնութիւն կայացավ Արարատի ստորոտի տերիտորիայի փոխանակման համար:

Մի շարք դեպքերում Իրանի, Թուրքիայի և Իրաքի կառավարութիւնները համաձայնութեան էին գալիս օտարերկրյա իմպերիալիստների հետ, քրդերի դեմ համատեղ գործողութիւններ կատարելու համար: Այսպէս, օրինակ, 1931 թվականի մայիսին, փոխադարձ համաձայնութեամբ անգլո-իրաքյան զորքերը քրդերի դեմ գործում էին Սուլեյմանի հարավում, իսկ իրանական զորքերը՝ հյուսիսում:

Արշան մեջ խեղդելով քուրդ ժողովրդի ազատագրական շարժումները, Թուրքիայի, Իրանի և Իրաքի ղեկավարները հայտարարեցին, որ քրդական հարցը օրակարգից հանվեց և որ քրդերը լավ դաս ստացան ու այլևս չեն

մտածի ապստամբութեան մասին: Սակայն նրանք չարաչար սխալվեցին:

Թուրքիայում քրդական շարժումները ավելի ու ավելի լայն ծավալ ստացան: Քուրդ գյուղացիությունը ուժեղացնում է դիմադրությունը թուրքական կառավարության հակաժողովրդական միջոցառումների դեմ: Այսպես, 1936 թվականին անհաջող անցավ կառավարության ձեռնարկած զորահավաքը: 1937 թվականին ժողովուրդը ձախողեց նոր ռեֆորմների անցկացումը և այլն: Թուրքերն սկսեցին խիստ միջոցներ ձեռք առնել, որին ի պատասխան 1937 թվականի մարտին Դերսիմում բռնկվեց խոշոր ապստամբություն՝ Ռաշիդ-Ռեզայի և Հասան Մեքքիի գլխավորությամբ: Ապստամբությանը մասնակցում էին 6 քրդական ցեղեր: Ապստամբների թիվը հասնում էր մոտ 30 հազարի, որոնց դեմ կենտրոնացված էր 25 հազարանոց կանոնավոր զորք: Սակայն միայն ավիացիայի գործադրումով հնարավոր եղավ ճնշել ապստամբությունը: Դարձյալ սկսվեց ռեպրեսիաներն ու տեղորոշ: Թուրքական կառավարությունը ուժեղացրեց քրդական շրջանների բնակեցումը թուրքերով, կազմակերպեց ժանդարմական նոր կետեր: Յեղապետների իրավունքները ավելի սահմանափակվեցին: Ուժեղացվեց քրդական ցեղերի նստակյաց դարձնելու գործը: Մի շարք շրջաններում հայտարարվեց զինվորական դրություն: Արդեւեցին քրդերեն լեզվով խոսելը, քրդական գրականությունը և ազգային տարազը: Մի խոսքով, թուրքական կառավարությունը արեց ամեն ինչ քրդերին վերջնականապես հնազանդեցնելու համար:

Սակայն պետք է նկատել, որ քրդերի հնազանդությունը միայն արտաքուստ է, նրանք սպասում են հարմար առիթի իրենց հաշիվը թուրքական կառավարության հետ մաքրելու համար: Օտարերկրյա ճանապարհորդներից մեկը ճիշտ կերպով նկատել է, որ ներկայիս Քրդստանը նման է վառողի պահեստի, հարկավոր է մի փոքրիկ կայծ և այն կբռնկվի ամբողջ ուժով:

Այդ նույն ժամանակ ապստամբվում են նաև Մոսուլի քրդական ցեղերը Ալի խանի գլխավորությամբ, որին միա-

նում են նաև Գեյլանլի քրդական ցեղերը՝ Ռաշիդ Ալի Գեյլանլիի գլխավորությամբ: Այս ապստամբությունը իր վրա կրում էր գերմանական ազդեցություն, որովհետև Մոսուլի նավթը գրգռում էր նաև գերմանական ֆաշիզմի ախորժակը: Իր դիրքերը Միջին և Մերձավոր Արևելքում ուժեղացնելու համար գերմանական ֆաշիզմը կանգ չէր առնում ոչ մի միջոցի առաջ:

Այս շրջանում քրդական բուրժուական «ժայբուկ» պարտիան գտնվում էր իր քայքայման պրոցեսում: Գերմանական ֆաշիզմի գործակալությունը կապ է հաստատում այդ պարտիայի ղեկավարին աջ թևի հետ, որը աստիճանաբար ընդունում է պրոֆաշիստական օրինեստացիա: «ժայբուկ»-ի ղեկավար պրոֆաշիստական թևը, իր պարտիան համարում էր պանքրդական: Նրանք գտնում էին, որ քրդերի ազատագրման համար պետք է գործակցել իմպերիալիստական պետությունների հետ: Դրան հակառակ, «ժայբուկ»-ի ձախ թևը, որի մեջ մտնում էին բուրժուազիայի և ինտելիգենցիայի առաջադեմ ներկայացուցիչները, սկսեց հասկանալ, որ իրենց պարտիայի ղեկավարությունը միայն գործիք է իմպերիալիստական պետությունների ձեռքին: Նա միաժամանակ հասկացավ, որ քուրդ ժողովրդի հերոսական ազատագրական պայքարը միշտ էլ շեղվել է իր նպատակից և անհաջողության մատնվել արտաքին իմպերիալիստական միջամտության և ներքին դավաճանությունների հետևանքով:

Չախ թևի ներկայացուցիչները գտնում էին, որ չի կարելի հույսը դնել իմպերիալիստների վրա, այլ պետք է գնալ ժողովրդի մեջ, ուսումնասիրել նրան, ծանոթանալ նրա կարիքների հետ և բոլոր միջոցներով օգնել նրան ինքնավարություն ստեղծելու և տնտեսական դրությունը բարելավելու համար:

Այսպիսով, «ժայբուկ» պարտիան երկրորդ համաշխարհային պատերազմին հասավ պառակտված վիճակում, ունենալով երկու թև՝ աջ պրոֆաշիստական և ձախ՝ առաջադեմ, որի մեջ միավորվում էին Սիրիայի, Թուրքիայի և Իրաքի քրդական ազատագրական շարժման ավելի առաջադեմ տարրերը: Պատերազմի ընթացքում «ժայբուկի» աջ թևը պաշտպանում էր ֆաշիզմին և անգամ իր վաղեմի թշնամի Թուրքիային, ընդ-

դեմ իր ժողովրդի, գրգռելով վերջինիս ՍՍՌՄ-ի դեմ, իսկ ձախ
թևը, ընդհակառակը, պաշտպանում էր բոլոր դեմոկրատա-
կան երկրների պայքարը ֆաշիզմի դեմ և հատկապես
ՍՍՌՄ-ին՝ գերմանական ֆաշիզմի դեմ մղած պայքարում:

Այսպիսով, «Խայբուն» պարտիան պատերազմի սկզբում
փաստորեն դադարեց քրդական դեմոկրատական շարժումնե-
րը ղեկավարող պարտիա լինելուց և դարձավ հակասովետա-
կան և հակաժողովրդական պարտիա, իսկ նրա ձախ-դեմո-
կրատական թևը փոքրաքանակ էր, այդ պատճառով էլ չկարո-
ղացավ կանգնել պարտիայի գլուխ և ղեկավարել քրդերի դե-
մոկրատական շարժումը:

ԵՐԿՐՈՐԴ ՀԱՄԱՇԽԱՐՀԱՅԻՆ ՊԱՏԵՐԱԶՄԸ ԵՎ ՔՐԴԵՐԸ

Մինչև հիտլերյան Գերմանիայի ուխտագրուծ հարձակումը
ՍՍՌՄ-ի վրա, քրդերը գրեթե չէին համակրում կոմիտեի կազմ-
րիալիստական պետություններից որևէ մեկին: Հասկանալով
ստեղծված միջազգային լուրջ դրությունը, քրդական հասա-
րակական-քաղաքական կազմակերպությունները սպասում էին
գեպլեբրի զարգացման որոշ պարզությունը, որպեսզի ցույց
տան իրենց վերաբերմունքը պատերազմող կողմերի նկատ-
մամբ: Այդպես էր քրդերի դիրքը պատերազմի առաջին ա-
րում, երբ պատերազմում էին Անգլիան և Յրանսիան մի կող-
մից, Գերմանիան մյուս կողմից: Քրդերի այս դիրքը պետք է
բացատրել նրանով, որ նրանք հանձին Անգլիայի, Յրանսիայի
և Գերմանիայի տեսնում էին իրենց վաղեմի թշնամիներին,
իրենց հայրենիքի կողոպտիչներին, որքնք բազմիցս օգնել են
Իրանի, Իրաքի և Թուրքիայի կառավարություններին, արյան
մեջ խեղդելու քուրդ ժողովրդի ազատագրական շարժումները:

Միաժամանակ պետք է նշել, որ հետագայում մի քանի
քուրդ ֆեոդալներ և առանձին քաղաքական պարտիաներ հա-
մակրում էին ֆաշիստական Գերմանիային և գործում նրա
օգտին:

Երբ ֆաշիստական Գերմանիան ուխտագրոժորեն հարձակ-

վեց Սովետական Միության վրա, երկրորդ համաշխարհային
պատերազմի ազատագրական ընույթը ավելի ուժեղացավ: Այդ
պայմաններում պայքարի ելավ ողջ ազատասեր մարդկու-
թյունը, որը ձգտում էր խաղաղության և ազատության: Քուրդ
ժողովուրդը նույնպես իր ծառայությունները մատուցեց ժո-
ղովուրդների ազատագրության գործին:

Սկսած 1939 թվականից Բաղդադում հրատարակվում էր
«Գեղավեժ» քրդական ժուռնալը: Այս ժուռնալում լուսաբան-
վում էին քրդական կյանքին վերաբերող հարցերը: Կուրջ և
բովանդակալից հոդվածներով ժուռնալը գրավեց քրդական
պրոպագանդի հասարակայնության ուշադրությունը:

Նա բռնեց բացարձակ հակաֆաշիստական դիրք, իսկ հե-
տագայում, երբ ֆաշիստական Գերմանիան հարձակվեց
ՍՍՌՄ-ի վրա, հանդիսացավ միակ աղբյուրը, որից քրդական
հասարակայնությունը իմանում էր ճշմարտությունը ՍՍՌՄ-ի
մասին: Ժուռնալի շուրջը համախմբվեցին Բաղդադի քուրդ
ինտելիգենցիայի առաջադեմ ներկայացուցիչները՝ պրոֆեսոր
Մոհամեդ-Ամին-Ջաֆին, Թոֆիկ Վահարի բեյը, Ռաֆիկ Խել-
մին և ուրիշներ:

Քրդական ինտելիգենցիայի այս խումբը Իրաքում ձեռնար-
կեց քրդական պարտիա կազմակերպելու գործը: Այդ պարտա-
կանությունը դրվեց պրոֆեսոր Մոհամեդ-Ամին-Ջաֆիի վրա,
որն այդ ժամանակ վարում էր Իրաքի տնտեսական մինիստրի
պաշտոնը: Նա դիմեց Իրաքի կառավարությանը՝ թույլատրե-
լու կազմակերպել քրդական կուլտուր-լուսավորական «Խե-
րիե» միությունը: Սակայն Իրաքի կառավարությունը հասկա-
նալով, որ վերջին հաշվով նման կազմակերպությունը կդառ-
նա քրդերի քաղաքական կենտրոն և վաղ թե ուշ կվերածվի
քրդական քաղաքական պարտիայի, մերժեց Ամին-Ջաֆիի
խնդրանքը: Սրան ի պատասխան, վերջինս կառավարությանը
հանձնեց իր հրաժարականը և ձեռնարկեց կիսալեգալ «Հայ-
վա» (Հուլյս) պարտիայի կազմակերպման գործը:

Այս պարտիան կարճ ժամանակում ձեռք բերեց մեծ քա-
նակությունը համակրողներ երկրի պրոպագանդի տարրե-

քից: Նրան համակրում էին անգամ առաջագետ ցեղապետներ և ֆեոդալներ:

Նորից հանդես եկավ Անգլիան և բոլոր միջոցներով արդե-լակեց այդ պարտիայի գործունեությունը: Նրա ցուցումներով Իրաքի կառավարությունը հետապնդում և բանտարկում էր պարտիայի ակտիվ գործիչներին ու արքայողում Իրաքի սահման-ներից դուրս:

Հետապնդված լինելով Իրաքի և անգլիական կառավա-րությունների կողմից պարտիան ստիպված անցավ անլեգալ աշխատանքի: Գերմանացիների առաջխաղացումը արևելյան ռազմաճակատում և նրանց հաջողությունները Հյուսիսային Աֆրիկայում, Իրաքի քրդական պրոֆաշիստական ապստամ-բությունը Ռաշիդ-Ալի Գեյլանլիի գլխավորությամբ, ինչպես նաև գերմանացիների ակտիվ աշխատանքը Իրանի, Իրաքի և Թուրքիայի քրդերի մեջ, ստիպեցին Անգլիային փոխել իր քա-ղաքականությունը քրդերի նկատմամբ: Նա արդեն համ-քերատար էր դարձել Իրաքի քրդական ազատագրական շարժումների նկատմամբ: 1942 թվականին անգլիացիները ստիպված ճանաչում են «Հայվա» պարտիան և օժանդակում նրա գործունեության տարածմանը: Միաժամանակ նրանք այդ պարտիայի շարքերը լցնում են իրենց գործակալներով: Անգ-լիացիները միաժամանակ փորձ են անում օգտագործել Մոլ-լա-Մուստաֆա Բարզանիի աճող հեղինակությունը, նրա միջո-ցով ուժեղացնելով իրենց հեղինակությունը Իրաքի քրդերի վրա: Սակայն ի նկատի ունենալով իր նախորդների և իր սե-փական դառը փորձը, Մոլլա-Մուստաֆան խուսափեց անգլիա-ցիների ձեռքին գործիք դառնալուց:

1941 թվականին Իրաքի բանակում ծառայող քուրդ սպա-նորդ կազմակերպում են ռազմական խումբ, որը համակրում էր Սովետական Միությանը և նրա հերոսական Կարմիր Բա-նակին: Նրանք նպատակ էին դնում տվյալ էտապում գլխավո-րել քրդական ղեմնորդատական շարժումները, ուղղելով դրանք ֆաշիզմի դեմ: Նրանք գտնում էին, որ պատերազմը վերջա-նալուց հետո համաշխարհային հասարակայնությունը հաշվի

կառնի քրդերի գործողությունները և կօժանդակի ստեղծել անկախ Քրդստան:

Այդ խմբի ակտիվ ղեկավար գործիչներն էին հրետանու կապիտան Ահմեդ-Միր-Խոջան և հետևակի կապիտան Մուս-տաֆա Խոջանվը:

Այդ նույն ժամանակ Իրանի նավթահանքերում և տրանս-պորտում կազմակերպվում է տեխնիկական խմբակ՝ կազմված քուրդ տեխնիկներից և մեխանիկներից: Նրանց մեծ մասը նախկինում աշխատում էր ամերիկյան գործարաններում: Այս խմբի անդամների մի մասը կազմված էր Իրանի Կոմունիստա-կան պարտիայի հետ:

Շուտով ռազմական և տեխնիկական այդ երկու խմբերը կապ են հաստատում իրար հետ և համաձայնեցնում իրենց գործողությունները:

1941 թվականին Սովետական զորքերի Իրան մտնելը մեծ ոգևորություն առաջացրեց քուրդ հայրենասերների շրջանում: Քրդերը իրանական Քրդստանի շրջաններից քշեցին իրանա-կան զինվորներին, պետական շինություններին և ոստիկանու-թյանը, իսկ նրանցից խլած զենքը և ռազմական հանդերձան-քը պահեցին իրենց:

Քրդական բանտարկված հայրենասերները ազատվեցին բանտերից և վերագարձան տուն:

Քրդստանի մի շարք քաղաքներում՝ Մեհաբադում, Ուշնա-յում և այլն, ստեղծվեցին ինքնավարության օրգաններ: Քրդ-զերն իրենք ընտրեցին նահանգապետներ, զավառապետներ և կազմակերպեցին քրդական միլիցիա՝ Քրդստանում կարգ պահպանելու և նրա անվտանգությունն ապահովելու համար: Քրդերը սկսեցին ազատ խոսել մայրենի լեզվով, հագնել ի-րենց ազգային տարազը և ինքնուրույն կերպով տնօրինել իրենց ազգի բախտը:

Իհարկե իրերի այսպիսի դրությունը չէր կարող դուր գալ Իրանի կառավարությանը: 1942 թվականին նա սկսում է ձեռ-նարկել մի շարք միջոցառումներ Քրդստանը կենտրոնական կառավարությանը ենթարկելու համար: Նա Քրդստան է ու-ղարկում շինություններ և զորք, սակայն քրդերը բռնում են

նրանց: Կառավարությունը դիմում է ղեկաբեխիաների: Սրան ի պատասխան, մե՛րթ ալստեղ, մե՛րթ ալնտեղ, բռնկվում են ցեղային ապստամբություններ: 1942 թվականի ամառը բռնեղվում է խոշոր ապստամբություն՝ Ռեզաեի շրջանում: Ապստամբների շուկաները Նուրի-բեյ Աբբասի, Ռաշիդ-բեյ Հարբի և Սարթմափ Ծեկկաքի գլխավորությամբ գրավեցին Ռեզաեից արևմուտք ընկած շրջանները և սկսեցին մոտենալ քաղաքին: Կառավարությունը նրանց դեմ Թեհրանից և Թավրիզից զորք է ուղարկում, սակայն սրանք հաջողություն չեն ունենում: Միայն միջազգային հարաբերություններում տիրող դրությունն էր, որ ստիպեց ապստամբներին դադարեցնել հարձակումը:

Անգլիայի համար բոլորովին ցանկալի չէր իրանական Քրդստանի ազատագրումը: Նա ամեն տեսակ միջոցներով աշխատում էր քրդերին իր ազդեցությունը ենթարկել: Դրա համար անգլիացիները Սուլեյմանիում հրավիրում են խորհրդակցություն, քրդական ցեղերի ղեկավարներին՝ մասնակցությամբ, որտեղ առաջարկություն են մտցնում իրանական քրդերի ղեկավար նշանակել Սեիդ-Աբդուլլա Գեյլանլիին, որը հանդիսանում էր նրանց գործակալը: Գեյլանլիի միջոցով անգլիացիները ցանկանում էին ազդել քրդերի վրա և հետո պահել նրանց դեմոկրատական շարժումներից: Սակայն անգլիացիների շանքերն իզուր անցան: Քրդերը կռահեցին նրանց նպատակները և Սեիդ-Աբդուլլա Գեյլանլիին շրնդունեցին որպես իրենց ղեկավար:

Պակաս անհանգստացած չէր նաև Թուրքիան: 1924 թվականին էրզրումում հրավիրվեց քրդական ցեղապետների խորհրդակցություն, որտեղ թուրքերը աշխատում էին համոզել քրդերին, որ ժամանակն է մոտանալ թշնամությունը և բարեկամական հարաբերություններ հաստատել իրենց «ավագ եղբայր թուրքերի» հետ: Այժմ, երբ ողջ աշխարհը պատած է կռվի բոցով, բոլոր մուսուլմանները պետք է միանան և պաշտպանեն միմյանց, — ասում էին թուրքերը: Այս խորհրդակցությունը ևս սպասված հետևանքը չունեցավ և քրդական

դեմոկրատական շարժումը շարունակում էր աճել ու ծավալվել:

Թե անգլիացիները, թե Իրանի և թե Թուրքիայի համար պարզ դարձավ այն հանգամանքը, որ քրդերը այլևս նախկինի պես դյուրահավատ չեն, որ նրանք օրինակ վերցնելով ամբողջ աշխարհի դեմոկրատական ուժերի պայքարից, հաստատ որոշել են իրենց պայքարը հասցնել մինչև հաղթանակ:

Այս անգամ արդեն Անգլիան, Իրանը և Թուրքիան դիմում են այլ միջոցների. նրանք իրենց գործակալներն են ուղարկում Քրդստան, նպատակ դնելով պառակտում առաջացնել քրդական տարբեր ցեղերի միջև: Նրանք քրդերին հրահրում են ուրիշ ժողովուրդների դեմ և զրանով շեղում նրանց ուշադրությունը դեմոկրատական շարժումներից:

Ահա այսպիսին էր դրությունը Կենտրոնական Քրդստանում, երբ Իրանի և Իրաքի դեմոկրատական շարժման ղեկավարները որոշում են միացնել անջատ-անջատ դեմոկրատական խմբերն ու ստեղծել միացյալ դեմոկրատական պարտիա:

Այս նպատակով 1942 թվականի ձմռանը Իրանի Մեհաբադ քաղաքում հրավիրվեց Իրանի և Իրաքի դեմոկրատական խմբերի ներկայացուցիչների խորհրդակցություն: Խորհրդակցությունը որոշեց միավորել քրդական բոլոր դեմոկրատական խմբերը և կազմել՝ «Ժիհա քուրդիստան» (Քրդստանի կյանք) պարտիան. կրճատ գրվում է «ԺՔ»: Պարտիայի քարտուղար ընտրվեց Մեհաբադի խմբի ներկայացուցիչ Աբդուռահման Զարիհին: Այս խորհրդակցությունը միաժամանակ մշակեց «ԺՔ» պարտիայի ծրագիրը, որի հիմնական սկզբունքներն են.

1. Միավորել քուրդ ժողովրդի ուժերը ներքին և միջազգային ռեակցիայի՝ հատկապես ֆաշիզմի դեմ պայքարելու համար:

2. Քուրդ ժողովրդի ազատագրական և դեմոկրատական շարժումները պետք է միացնել Իրանի, Իրաքի և Թուրքիայի մյուս ժողովուրդների պայքարի հետ, ընդհանուր թշնամու՝ ռեակցիայի և այդ երկրների ծախու կառավարությունների դեմ համատեղ պայքարելու համար:

3. Պարտիան իրեն նպատակ է դնում օժանդակել քուրդ ժողովրդի ազատագրմանը և գոյություն ունեցող պետությունների շրջանակներում ստեղծել քրդական ավտոնոմ շրջաններ:

«ԺՔ»-ն իր մեջ ընդգրկում է Մեհաբադի, Ուշնայի, Բոկանի և այլ քաղաքների քրդական բուրժուազիայի և ինտելիգենցիայի առավել առաջադեմ մասը: Նրան սկսում են հարել մանր ֆեոդալները: Աստիճանաբար աճում է «ԺՔ»-ի հեղինակությունն ու ազդեցությունը: Պարտիան շուտով ավելի ու ավելի հակաֆեոդալական բնույթ է ստանում՝ իր դեմ հանելով քուրդ խոշոր ֆեոդալների ռեակցիոն խավին:

1943 թվականին սկսեց լույս տեսնել «ԺՔ»-ի օրգան «Նիշ-թեման» (Հայրենիք) ժուռնալը: Ժուռնալը նպաստում է պարտիայի ազդեցության տարածմանը քրդական բնակչության լայն շրջաններում: Նա պարտիայի շուրջն է համախմբում ցաք ու ցրիվ դեմոկրատական խմբակները և քուրդ ժողովրդի բոլոր պրոգրեսիվ ուժերը:

Այս ժուռնալն իր ընթերցողներին ծանոթացնում է ինչպես Թուրքիայում, Իրանում և Իրաքում, այնպես էլ նրանց սահմաններից դուրս կատարվող դեպքերի հետ:

Պարտիայի Կենտրոնական Կոմիտեն սկզբում գտնվում էր Մեհաբադում, իսկ հետագայում տեղափոխվում է Իրաք: Մեհաբադում մնում է նրա բաժանմունքը:

✓ 1943 թվականին Իրաքի բնակչության և հատկապես քրդերի տնտեսական վիճակը բավականին վատացավ: Իրաքում գտնվող անգլիական զորքերի, ինչպես նաև Իրաքի զինվորականության կամայականությունները — ծանր հարկերը, ապրանքների բարձր գները, սպեկուլյացիայի և մաքսանենդության աճը, տեղական իշխանությունների չարաշահումներն ու կաշառակերությունը ծանր ազդեցություն ունեցան բնակչության տնտեսական դրության վրա: Կենտրոնական կառավարությունը ոչ մի միջոց ձեռք չէր առնում կանխելու այդ երեվոյթները և զեթ որևէ շահով լավացնելու ազդարնակչության վիճակը:

Այլևս չկարողանալով տանել այդ կամայականություններն ու կողոպուտը, քրդական Բարզանի ցեղը 1943 թվականին ապստամբություն բարձրացրեց՝ Մուլա Մուստաֆա Բարզանու գլխավորությամբ:

Ապստամբները զինաթափեցին ոստիկանական և ժանդարմական ջոկատները: Տեղական արաբներից բաղկացած ադմինիստրացիան փոխարինվեց քրդականով: Ապստամբ բարզանցիներին օգնության են գալիս հարևան քրդական ցեղերը: Ապստամբությունը ավելի լայն ծավալ է ստանում:

Իրաքի կառավարությունը ապստամբների դեմ զորք է ուղարկում անգլիական զենեռալ Բրոմիլսի գլխավորությամբ, սակայն ապստամբները նրանց ջախջախում են, խլելով բավական քանակությամբ ռազմամթերք և ռազմական հանդերձանք:

Վիտենալով ապստամբության տարածումից, Իրաքի կառավարությունը որոշեց բանակցություններ սկսել նրա ղեկավարների հետ:

Այս բանակցությունները վերջացան համաձայնագրի ստորագրմամբ: Իրաքի պրեմյեր-մինիստր Նուրի փաշա-էլ-Սաիդը այցելեց մի շարք քրդական քաղաքներ (Քիրքուկ, էրբիլ), որտեղ իր ելույթներում գովարանում էր քրդերի հայրենասիրությունը և քաջությունը:

Քրդերը այն ժամանակ դեռ չգիտեին, որ Նուրի փաշան օտարերկրյա իմպերիալիստների գործակալն է: Նուրի փաշայի և ապստամբների միջև կնքած պայմանագրի համաձայն Իրաքի կառավարությունը պարտավորվում էր.

1. Բարզանի ցեղին պատկանող բոլոր մարդկանց ազատել բանտերից:

2. Բարզանի ցեղի մոտ թողնել ունեցած զենքը, այդ թվում նաև Իրաքի բանակից խլված զենքը:

3. Արաբական և քրդական շրջաններում արդարացի կերպով բաշխել սննդամթերքը և արդյունաբերական ապրանքները:

4. Քրդական շրջանների արաբ պաշտոնյաներին փոխարինել քրդերով:

5. Իրաքի Քրդստանին տալ կուլտուրական ավտոնոմիա և ժողովրդական լուսավորության իրավունք:

6. Ստեղծել քրդական դպրոցներ և հիվանդանոցներ:

Այս համաձայնագիրը ստորագրեցին Մոլլա Մուստաֆան և Նուրի փաշան, որից հետո ապստամբությունը դադարեց, իսկ ապստամբներն սկսեցին ցրվել իրենց գյուղերը:

Սակայն Նուրի փաշայի Բաղդադ վերադառնալուց հետո Իրաքի կառավարությունը և պառլամենտը հրաժարվեցին ուստիֆիկացիայի ենթարկել համաձայնագիրը: Նուրի փաշան ձևականորեն հրաժարական տվեց: Նոր պրեմյեր մինիստրը անգլիացիների թելադրանքով սկսեց խիստ միջոցներ ձեռք առնել քրդերի նկատմամբ:

Այստեղ պետք է նկատել, որ Իրաքի և Անգլիայի կառավարությունները քրդերի հետ վարվեցին ճիշտ այնպես, ինչպես իր ժամանակ վարվեց Մուստաֆա Քյամալ փաշան: Երկրորդ համաշխարհային պատերազմի սկզբում, երբ Քուրդիան դեռ որոշակի վերաբերմունք չուներ պատերազմի նկատմամբ, երբ դաշնակիցները անհաջողություններ էին կրում առանցքի պետություններից և նրանց համար մեծ նշանակություն ուներ քրդերի օգնությունը, ամեն կերպ սիրաշահում էին քրդերին, արտաքուստ համակրում նրանց դեմոկրատական շարժմանը:

Սակայն արդեն 1943 թվականի կեսերից սկսած, երբ դաշնակիցների ռազմական գրությունն սկսեց լավանալ, քրդերի դերը նրանց համար օր-օրի վրա սկսեց նվազել: Այդ ժամանակից սկսած անգլիացիները սկսում են պայքարել քրդերի դեմոկրատական շարժումների դեմ: Նրանք սկսեցին հետապնդել «Հայվա» պարտիայի անդամներին: Իրենց լրտեսներն ու գործակալներն էին ուղարկում պարտիան ներսից քայքայելու համար: Անգլիացիներն սկսեցին ռեպրեսիաներ գործադրել քրդերի նկատմամբ: Տասնյակ քուրդ լինովնիկներ, ուսուցիչներ, արհեստավորներ, առևտրականներ ու սպաներ հեռացվեցին աշխատանքից, բանտարկվեցին ու արսորվեցին:

Սկսվեց դեմոկրատական ուժերի ընդհանուր հասանք գեպի Բարդան՝ Մոլլա Մուստաֆայի մոտ: Վերջինս զգալով վե-

րահաս վտանգը ձեռք է առնում միջոցներ քրդական շրջանների բնակչությանը պաշտպանելու համար:

Անգլիացիները աշխատում են համոզել Մոլլա Մուստաֆային, որ նա իրենց հանձնի դեմոկրատ փախստականներին, սակայն Մուստաֆան հրաժարվում է նրանց պահանջը կատարելուց:

Մոլլա Մուստաֆայի մոտ հավաքված քաղաքական գործիչները օգտվելով իրենց հատկացված լայն հնարավորություններից, մասսայական աշխատանք են տանում քրդերի մեջ, բացատրելով նրանց Անգլիայի վարած երկդիմի քաղաքականությունը:

1945 թվականի սկզբին կազմակերպվեց «Ջմահատե ազադիե քուրդ ու Քուրդստան» (Քրդերի և Քրդստանի ազատության միություն) պարտիան: Այս շրջանում արդեն «Հայվա» պարտիան ըստ էության քայքայվել էր: Նոր պարտիան սկսեց ամբոցնել իր կապերը քրդերի հետ և իր կողմը գրավել քրդական ցեղապետներին: Նա ակտիվ աշխատանք էր տանում քուրդ սպաների մեջ, կոչ անելով նրանց իրենց զորքի հետ միասին անցնել Մոլլա Մուստաֆայի կողմը: Պարտիան կապ հաստատեց Բաղդադի, Քիրքուկի, Մոսուլի, Էրբիլի, Սուլեյմանի, Ռեանդուլի և այլ շրջանների քուրդ քաղաքական գործիչների հետ:

Պետք է ասել, որ Անգլիան չէր դադարել գործելուց: Նրա գործակալները շրջում էին քրդական շրջաններում և աշխատում համոզելու և կաշառելու միջոցով իրենց կողմը գրավել քուրդ խոշոր ֆեոդալների ռեակցիոն ծախու մասին, որոնք ինչպես միշտ, այս անգամ էլ դավաճանեցին իրենց ժողովրդին: Անգլիական գործակալները աշխատում էին պառակտում առաջացնել Մոլլա Մուստաֆայի կողմնակիցների միջև:

Այդ շրջանում արդեն Մոլլա Մուստաֆան Իրաքի ազատասեր քրդերի ձանաչված և հարգված ղեկավարն էր:

1945 թվականի ամռանը անգլիացիները որոշեցին ձեռնարկել կտրուկ միջոցներ քրդական շարժումները վերացնելու համար: Նույն թվականի հունիսի 15-ին իրանական կանոնավոր զորամասերը, ժանդարմերիայի ու ոստիկանության

հետ միասին՝ թվով 42 հազար մարդ, ավիացիայի ակտիվ օժանդակություններ, հարձակում սկսեցին Ամադիի, Զախոյի, Աքրիի և Ռեանդուզի վրա: Այս պատերիչ արշավախմբի ղեկավարն էր անգլիացի գեներալ մայոր Ռենտոնը:

Ի պատասխան Իրաքի կառավարության այս գործողությունների քուրդ ժողովուրդը հզոր ապստամբություն բարձրացրեց Մուլա Մուստաֆայի գլխավորությամբ: Նրա ժողովրդական բանակը տներ 4—5 հազար մարդ՝ քրդական տարբեր ցեղերից: Քրդական ժողովրդական բանակ եկան նաև շատ քուրդ սպաներ, բժիշկներ, ժուռնալիստներ և ուսանողներ:

Ժողովրդական բանակը գինված էր հրացաններով և թեթև գնդացիներով (գնդացիները խլված էին Իրաքի բանակից դեռ 1943 թվականի դեպքերի ժամանակ):

Օգոստոսի 7-ին Իրաքի բանակը հարձակման անցավ Ռեվանդուզի մոտ:

Տեղի ունեցան ուժեղ ճակատամարտեր: Իրաքի կառավարական զորքերը մեծ կորուստներ կրելով նահանջեցին: Քրդական ջոկատները հարձակման անցնելով դրավեցին Զախո, Աքրի, Ամադիա, Ռեանդուզ և այլ քաղաքներ:

Անգլիական իմպերիալիստները տեսնելով Իրաքի կառավարության անգործությունը ապստամբությունը ճնշելու գործում օգտագործեցին իրենց ավիացիան: Ավիացիայի գործողությունների հետևանքով քանդվեցին 50 քրդական գյուղեր: Բարձրանների կենտրոնը հիմնովին քարուքանդ արվեց:

Մուլա Մուստաֆան զգալով, որ Անգլիայի գինված միջամտությունը կարող է խաղաղ բնակչությունից շատ վրձնել, կարգադրեց նահանջել դեպի լեռները: Անգլիական օդաչուները սկսեցին անխնա ուժեղացնել թե՛ խճուղիներ և թե՛ այն արահատները, որոնցով դեպի սարերն էին փախչում հազարավոր կանաչք, երեխաներ ու ծերեր:

Սկսած օգոստոսի կեսերից մինչև հոկտեմբեր ամիսը, Մուլա Մուստաֆան իր ջոկատներով հերոսական դիմադրություն էր ցույց տալիս անգլո-իրաքական միացյալ զորքերին: Ծեղքելով շրջապատման օղակը, հոկտեմբեր ամսին, նա իր ջո-

կատներով անցնում է Իրանի հյուսիս արևմտյան մասը, որտեղ այդ ժամանակ կային անկախ քրդական շրջաններ, որոնց ղեկավարում էին իրանական քուրդ ղեմնկրատները՝ Մահմեդ Ղազիի գլխավորությամբ: Ապստամբների իրանական սահմանն անցնելուց հետո Իրաքի կառավարությունը և անգլիացիները ապստամբության ղեկավարների գործը հանձնեցին դատի: Դատարանը Մուլա Մուստաֆային և ապստամբության մի քանի ղեկավարների դատապարտեց մահվան: Այլ Իրաքի կառավարությունը սկսեց բանակցություններ վարել Իրանի կառավարության հետ: Մուլա Մուստաֆային իրեն հանձնելու համար, սակայն այդ բանակցությունները դրական հետևանքներ չունեցան:

Իրաքում 1943—1945 թվականների քրդական ապստամբությունների ժամանակ քրդական «ԺՔ» պարտիան հանդիսանում էր մասսայական քաղաքական կազմակերպություն, որը իր բջիջներն ուներ երկրի բոլոր քրդական շրջաններում: Այդ պարտիան լայնորեն օժանդակում էր ապստամբներին: Այսպես, օրինակ, Մուլա Մուստաֆային օգնելու համար նա ուղարկեց իր լավագույն այն անդամներին, որոնք ունեին սպառի կոչում: Պարտիան անխնա սպառար էր մղում անգլիական գործակալների և լրտեսների դեմ, որոնք աշխատում էին շեղել ապստամբությունը իր նպատակից:

«ԺՔ»-ն սերտ կապ էր պահպանում Իրաքի ղեմնկրատական պարտիաների և Կոմունիստական պարտիայի քրդական սեկցիայի հետ: Այդ բանը մեծ շահով նպաստեց խուսափելու ազգամիջյան կոռիվներից: Իրաքի Կոմունիստական պարտիան ու պրոգրեսիվ կազմակերպությունները արաբ բանվոր դասակարգին և աշխատավոր գյուղացիությունը իրազեկ էին դարձրել քրդերի արդարացի պահանջների և վրդովմունքի մասին: Նրանք բացատրել էին արաբ ժողովուրդին, որ այդ վրդովմունքը ուղղված է ո՛չ թե իրենց դեմ, այլ Իրաքի ռեակցիոն կառավարության և անգլիական գաղութարարների գործողությունների դեմ:

Անգլիական իմպերիալիստները և Իրաքի ռեակցիոն կառավարությունը վախենալով «ԺՔ» պարտիայի օրեցօր աճող

հեղինակությունից սկսեցին ամեն միջոց ձեռնարկել այն ներսից պայթեցնելու համար: Նրանք պարտիայի շարքերն էին խցկում իրենց գործակալներին քայքայիչ աշխատանք տանելու համար, մասսայաբար բանտարկում էին «ԺՔ»-ի անդամ սպաներին: Արդյունաբերական ձեռնարկություններում, տրանսպորտում, նավթահանքերում սկսեցին հետապնդել և ձերբակալել «ԺՔ»-ի անդամներին: Սակայն 1945 թվականի ձմռանը պարտիան շղիմանալով արտակարգ ռեպրեսիաներին ստիպված ցրվեց: Քուրդ առաջադեմ գործիչները, որոնց մի մասը նախկինում «ԺՔ» պարտիայի անդամներ էին, միջոցներ էին որոնում նոր պարտիա ստեղծելու համար:

Այդ առթիվ «Քրդաստան» թերթը իր 1945 թվականի հունիսի համարներից մեկում գրել է.

«Այսպիսի պարտիա ստեղծել հեշտ չէ: Դա մեծ և մանրահրկիտ աշխատանք է պահանջում: Մարդիկ, որոնք կարող էին աշխատել այդ պարտիայում, Իրաքի քրդերի մեջ կան, բայց նրանք դեռ միավորված չեն և չեն գիտակցել, որ պետք է աշխատեն միատեղ: Սրա համար հարկավոր է նախնական ագիտացիոն աշխատանք: Պետք է մեր ազգային ուժերին բացատրել միավորելու նշանակությունը և նրա կարևորությունը ազգային ազատագրման նպատակների համար: Պետք է ստեղծել նաև այնպիսի ծրագիր, որը նպաստի քրդերի ազգային ազատագրմանը և նրա հետագա առաջադիմությունը: Սա ևս դժվար գործ է: Վերջապես պետք է մեր շարժման միջից հեռացնել ռեակցիոն տարրերին: Քանի նրանք մասնակցեն մեր ազգային շարժումներին, մենք կկրենք պարտություն պարտության հետևից:

Սրանում մենք համոզվեցինք վերջին բարդանական շարժման փորձի վրա...

Անհրաժեշտ է, որ քրդական ազգային շարժումը ուղղություն ստանա առաջադեմ ուժերի կողմից և ձեռք բերի ամբողջ շարժման համար ընդհանուր լուզունդներ ու դրանով իսկ ընթանա ընդհանուր հունով:

Այս շարժման մեջ պետք է միավորել քուրդ ժողովրդի բոլոր ուժերը իրենց ազգային իրավունքներին և դեմոկրատա-

կան ռեֆորմների հասնելու համար, բայց ո՛չ թե արաբների հետ թշնամանալու ճանապարհով, այլ արաբների և քրդերի միավորման ճանապարհով:

1945 թվականի վերջերին անլեզալ պայմաններում աշխատող քուրդ գործիչները կարողացան ստեղծել «Ազադի» (ազատություն) նոր քրդական դեմոկրատական պարտիան:

Այս պարտիայի կազմակերպական կոմիտեի ղեկավարացիան նշում էր, որ քուրդ ժողովուրդը անընդհատ ձգտել է իր ազատությունը, երբեմն խաղաղ ճանապարհով, երբեմն ապրաստամբությունների միջոցով, բայց ոչ մի հաջողություն չի ունեցել, որովհետև նրա այդ ձգտումը հանդիպել է օտարերկրյա իմպերիալիստների և տեղական կառավարությունների կատաղի դիմադրությունը:

Այնուհետև ղեկավարացիայում ասվում էր, որ հերոսական քուրդ ժողովուրդը, որը շատ դժվարություններ և նեղություններ է կրել առաջին համաշխարհային պատերազմից հետո լի է վճռականությամբ հետագայում ևս պայքարելու իր ազատության, անկախության և Իրաքում արյունալի դիկտատուրան ու փառլամենտի ռեժիմը խորտակելու համար: «Իրաքի քրդերը հայտարարում են ողջ քաղաքակիրթ աշխարհին,— ասված է ղեկավարացիայում,— որ նրանք մինչև վերջ կպայքարեն իմպերիալիզմի դիկտատուրայի դեմ: Նրանք միացրեցին իրենց ջանքերը ֆաշիզմի սև ուժերի դեմ մղվող արբազան պատերազմին և երգվեցին պայքարել Իրաքի ֆաշիստական բռնակալական ռեժիմի դեմ»:

Երկրորդ համաշխարհային պատերազմի արդյունքը,— Կշվում է ղեկավարացիայում,— եղավ դեմոկրատական ուժերի հաղթանակը հիտլերյան ռեժիմի դեմ: Այդ հաղթանակը ձեռք բերվեց բոլոր ազատասեր ժողովուրդների միացյալ ջանքերով, որոնց գլուխ էր կանգնած Սովետական Միությունը: Դեկլարացիայի հեղինակները քրդերի ազատագրության և անկախության համար մղվող պայքարը կապում էին Իրանի, Իրաքի և Թուրքիայի ժողովուրդների պայքարի հետ, ընդդեմ ընդհանուր թշնամու՝ ռեակցիոն կառավարությունների և իմպերիալիստական ստրկացնողների:

«Մենք հայտարարում ենք, — նշվում է դեկլարացիայում, — որ մենք չենք պայքարում արարական, իրանական և թուրքական ժողովուրդների դեմ:

Արաբները, թուրքերը, իրանցիները մեր ընկերներն ու բարեկամներն են»: Վերջում դեկլարացիան կոչ է անում արարական ժողովրդին իր զենքն ուղղել ոչ թե քուրդ ժողովուրդի՝ իրենց իսկական բարեկամների դեմ, այլ իրենց թշնամիների, իրենց տերերի դեմ, որոնք ճնշում են արաբական ժողովրդին և ծախում նրա օրինական իրավունքները: Դեկլարացիան վերջանում է հետևյալ կոչով. «Մենք պայքարում ենք, որպեսզի ստեղծենք միացյալ ազատ պետություն (արաբների և քրդերի), (ևղբայր արաբներ, եղբք մեր ընկերները այդ ժողովրդական պայքարում):»

Միաժամանակ հրապարակվեց «Ազադի» պարտիայի ծրագիրը: Քաղաքական հարցերի բնագավառում ծրագիրը նախատեսում էր, Քրդստանի անկախություն, ըստ որում անկախությունը պետք է ձեռք բերել Իրաքի պետությունը վերածելով պետությունների միության, որի կազմի մեջ մտնելու է նաև Քրդստանը՝ «Քրդստանի միութենական դեմոկրատական պետություն» անունով:

Երկու միութենական, արաբական և քրդական, պետությունների փոխհարաբերությունները պետք է հիմնվեն միութենական պայմանագրի վրա, ըստ որի քրդական պետությունը ստանում է Իրանի քրդական պետության հետ միութենական հարաբերություններ և այլ պետությունների հետ դիվանագիտական կապեր հաստատելու իրավունք:

Պետության բարձրագույն օրգանը պետք է լինի հիմնադիր ժողովը ընտրված գազտնի և ընդհանուր քվեարկությամբ: Նրա իրավասության մեջ մտնում է պետության կոնստիտուցիայի ընդունումը և կառավարություն կազմելը:

Տնտեսական հարցերի բնագավառում ծրագիրը նախատեսում էր ռազմական արդյունաբերության, անտառների, ոռոգման ցանցի, երկաթուղային, ջրային և ավտոմոբիլային տրանսպորտի, ինչպես նաև երկրի հանքային հարստությունների ազգայնացում, մասնավոր բանկերի և ֆինանսական

հիմնարկների վերացում ու նրանց փոխարեն կենտրոնական պետական բանկի կազմակերպում, արտադրական, գյուղատնտեսական և կոոպերատիվ միությունների զարգացման խրախուսում: Թույլ է տրվում առևտրական և արդյունաբերական միությունների ստեղծում ու նրանց դործունեության ազատություն: Ծրագիրը նախատեսում էր նաև հողաբաժինների և արդյունաբերական ձեռնարկությունների մասնավոր սեփականության պահպանում:

Սոցիալական հարցերի բնագավառում ծրագիրը նախատեսում էր բանվորների և ձեռնարկատերերի հարաբերությունները կարգավորող և բանվորների ու գյուղացիների համար կենսական մինիմում ապահովող համապատասխան օրենքի ընդունում, պրոֆմիությունների ստեղծում, բնակչության ձրի բուժ-օգնության ապահովում, բուժ-հիմնարկների ցանցի ընդլայնում, կնոջ և տղամարդու իրավահավասարության հաստատում և այլն:

Ժողովրդական կրթության բնագավառում ծրագիրը նախատեսում էր տարրական և միջնակարգ դպրոցներում ձրի ուսուցման կիրառում, մանկատների և մանկական այլ հիմնարկների ստեղծում, բարձրագույն ուսումնական հաստատությունների ցանցի ընդլայնում, ֆիզկուլտուրայի և սպորտի զարգացում, երաժշտության, թատրոնի և գրականության զարգացման քաջալիքում:

Մրագրում խոսվում է կրոնի ազատության, ինչպես նաև եկեղեցին պետությունից անջատելու մասին:

Ըստ ծրագրի պարտիայի անդամները պետք է հավաքագրվեն բանվորներից, գյուղացիներից, ինտելիգենցիայից և արհեստավորներից:

Սակայն ծրագրում ոչինչ չէր ասված ազրարային հարցի մասին, չնայած, որ Քրդստանի բնակչության զերազանց մասը հողագործներ և անասնապահներ են:

Չնայած իր մի շարք դրական կողմերին, այնուամենայնիվ «Ազադի» պարտիան հանդիսանում է քրդական ազգային շարժման դեմոկրատորեն տրամադրված մարդկանց նեղ, քաղաքական խմբավորում: Աշխատավոր ժողովրդի շահերը

պաշտպանող միակ դեմոկրատական պարտիան հանդիսանում է Իրաքի Կոմունիստական պարտիայի քրդական սեկցիան, որը թե երկրորդ համաշխարհային պատերազմի ընթացքում և թե նրանից հետո, գտնվում էր ընդհատակում: Նրա կորիզը կազմում են նավթահանքերի, նավթարդյունաբերության և տրանսպորտի բանվորներն ու տեխնիկները, ինչպես նաև առաջավոր ինտելիգենցիայի ներկայացուցիչները: 1943—45 թվականների բարձրանական քրդերի ապստամբության ժամանակ, շնորհիվ Իրաքի Կոմունիստական պարտիայի և նրա քրդական սեկցիայի ակտիվ գործունեության, անգլիացիներին չհաջողվեց շեղել ապստամբությունը իր նպատակից: Ապստամբությունը մինչև վերջը պահպանեց իր ազատագրական բնույթը:

1945 թվականին «Ազատություն» թերթի մարտի համարում և «Ռոժա-Նոո» ժուռնալում տպագրվեց Իրաքի Կոմունիստական պարտիայի քրդական սեկցիայի ծրագիրը, որը մեջ ենք բերում ամբողջությամբ:

Քուրդ ժողովրդի «խարտիան»

1. Քրդերի և արաբների միջև փոխըմբռնման և եղբայրական կապերի ամրապնդում՝ երկու ժողովուրդների շահերի բազայի վրա: Համագործակցություն բոլոր ազատ արաբների, նրանց կազմակերպությունների և պարտիաների, Իրաքի Կոմունիստական պարտիայի հետ՝ հանուն ժողովրդների ազատության ու երջանկության համար մղվող պայքարի և քրդերի ու արաբների ձգտումների իրագործման:

2. Քրդական և արաբական ժողովուրդների ազատության և Իրաքի անկախության համար մղվող պայքարում համագործակցություն ոչ թե խոսքով, այլ գործով:

3. Համագործակցություն՝ դեմոկրատական հիմքերի վրա այնպիսի կառավարություն ստեղծելու պայքարում, որը կծառայի ժողովրդի շահերին այն պայմանով, որ պառլամենտի և մունիցիպալ խորհուրդների անդամները ընտրվեն ժողովրդի կողմից և իրոք ներկայացնեն նրան, ինչպես նաև Իրաքի կոնստիտուցիայի ոգուն չհամապատասխանող դեկրետների և օրենքների վերացման համար:

4. Քուրդ ժողովրդին իրավունք վերապահել ստեղծելու քաղաքական և ոչ քաղաքական բնույթի միություններ՝ մտքի ազատ արտահայտության, ժողովների ազատության, թերթեր, ժուռնալներ և գրքեր ազատ հրատարակելու համար, առանց անհիմն հսկողության:

5. Քրդական շրջանների տնտեսական զարգացում, գործարանների շինարարություն և արդյունաբերության զարգացում Քրդստանում: Երկրի բնական հարստությունների օգտագործում՝ ժողովրդի բարօրության և նրա ունեցվածքի ավելացման համար: Գյուղատնտեսությունը վարելու ժամանակակից մեթոդների գործադրում, հողի ոռոգիոնալ մշակում ժողովրդի բարօրության բարձրացման նպատակով և պայքար կառավարության, առանձին անձանց կամ տրեստների կողմից ճնշման բոլոր տեսակների դեմ: Ազատ առևտուր քրդերի արտադրած ապրանքներով: Ստեղծել ճանապարհների լայն ցանց առևտրի զարգացմանը նպաստելու համար:

6. Գյուղացիական հողային սեփականության պաշտպանում և պետությանը պատկանող հողի բաշխում նրանց, ովքեր սեփական միջոցներով են այն մշակում: Ֆեոդալներին պատկանող հողի բաժանում գյուղացիների միջև: Գյուղատնտեսական միությունների ստեղծում՝ գյուղացիներին վախճանողների լծից ազատելու նպատակով:

7. Կիսանստակյաց ցեղերին ցանքի համար հողի անվճար տրամադրում և արոտատեղերի հանձնում ընդհանուր օգտագործման համար:

8. Քրդական տարբեր ցեղերի միջև ծագած կոնֆլիկտների խաղաղ կարգավորման համար, արբիտրաժային դատարանների ստեղծում:

9. Քրդերի սոցիալական կյանքի կարգավորում: Աշխատանքային օրենսգրքի ստեղծում: Սոցիալական օգնության կարգավորում, անգործության, հիվանդության և ծերության դեպքերում:

10. Իրաքում մտցնել պարտադիր գինվորական ծառայություն, զինվորների՝ իրենց հարազատ լիզվով ազգական

ուսուցման բազայի վրա: Կարգապահության դեմոկրատացում, բանակից ռեակցիոն տարրերի հեռացում, ուրիշ խոսքով այնպիսի բանակի ստեղծում, որը կծառայեր ժողովրդի շահերին և երկրի անկախության պաշտպանության գործին:

11. Քրդական երիտասարդության իրավունքների ապահովում: Մտցնել ժողովրդական լուսավորության միասնական սիստեմ: Քրդական լեզվով կարդալու և գրելու մեթոդների պարզեցում: Քրդերի համար բարձրագույն, միջնակարգ և տարրական ուսումնական հաստատությունների ստեղծում այն հաշվով, որ քրդական երիտասարդությունը հետագա աշխատանքային գործունեության համար ստանա անհրաժեշտ պատրաստություն:

12. Հարկերի արդարացի բաշխում, որոնք չպետք է վերածվեն անչափ ծանրության: Բանվորների և մանր առևտրական ծառայողների ազատում հարկերից:

13. Ժողովրդի մատակարարման ապահովում, սպեկուլյացիայի և չարաշահումների շնչացում: Առևտրականների եկամուտների երաշխավորում:

14. Երկու սեռի հավասար ուսուցման քաջալերում: Քրդական շրջաններում տեխնիկական դպրոցների ստեղծում, որոնք կտան համապատասխան գիտելիքներ մեխանիկայի, գյուղատնտեսության և արդյունաբերության ասպարեզում աշխատելու համար: Խառը սոցիալական, կուլտուրական, սպորտային և գիտական ասոցիացիաների ստեղծում՝ քրդական լեզվի և կուլտուրայի զարգացման նպատակով: Հանրային գրադարանների ստեղծում և այլն:

15. Քրդատանում ապրող բոլոր ազգային փոքրամասնությունների (թուրքերի, արաբների, ասորիների, հրեաների կրոնական և էթնիկական իրավունքների պաշտպանում, ինչպես նրանց լեզվի և կրոնական կուլտի, այնպես էլ քաղաքական և ոչ քաղաքական իրավունքների տեսակետից:

16. Պայքար քրդական ընտանիքի երջանկության ու ծաղկման համար. կնոջ ու տղամարդու հավասար իրավունքների ընդունում:

17. Համագործակցություն քրդական ազգային կազմա-

կերպով յունների հետ բոլոր բնագավառներում, կապված քուրդ ժողովրդի ազատագրման և նրա սոցիալական զարգացման հետ:

Այս են այն խնդիրները, որոնք դնում է իր առաջ այս «խարտիան»: Այն նախատեսվում է մեր բոլոր քուրդ եղբայրների համար և իրեն նպատակ է դնում հասնել մեր ժողովրդի ազատությանը, երջանկությանը և առաջադիմությանը¹:

* * *

Իրաքի դեպքերին վուզընթաց զարգանում էին դեպքերը նաև Իրանում: 1945 թվականին Իրանի բնակչության տնտեսական վիճակը անտանելի վատացել էր: Երկրում ամենուրեք տարածված էր քաղցն ու համաճարակը, որոնք անթիվ զոհեր էին տանում ժողովրդից: Սպանությունները, աքսորը, խաղաղ բնակչության թալանը սովորական երևույթներ էին դարձել: Անգլո-ամերիկյան զինվորականները երկրի բախտը տնօրինում էին իրենց հայեցողությամբ. երկրի ամբողջ էկոնոմիկան, ֆինանսները, բանակը, ոստիկանությունը գտնվում էին նրանց հսկողության տակ: Քաղաքների և գյուղերի բնակչությունը նորանոր ծանր հարկերի տակ էր ընկնում:

Այսպիսի պայմաններում մեծ թափ են ստանում քրդական ազատագրական շարժումները: Իրանական կառավարությունը քանիցս փորձել է զինաթափ անել քրդերին, բայց միշտ էլ անհաջողություն է կրել: 1945 թվականի ամառը Քրդստանի զանազան շրջաններում հուզումներ սկսվեցին: Այդ հուզումները ուժեղ թափ ստացան և վերածվեցին զինված ապստամբության հատկապես Մերիվանի շրջանում: Իրանական կառավարությունն այդ ապստամբությունը ճնշելու համար ուղարկում է կանոնավոր զորք և ժանդարմական զորամաս, սակայն, չնայած նրանց բանակական գերակշռությանը, մերիվանցիների դիմադրությունը ճնշել չհաջողվեց: Իրանական

¹ «Ռոժա-նու», № 60, 15 հոկտեմբերի, 1945 թ., Բելլուրի:

կառավարությունը չէր կարող երկար ժամանակ և մեծ ուժ հատկացնել մերիվանցիների ապստամբությունը ճնշելու համար, քանի որ երկրում ծայր էին առել իրանական ազդեցությանցիների ազատագրական շարժումները:

1945 թվականի երկրորդ կեսին ուժեղացավ Իրանական Ազդրեջանի դեմոկրատական շարժումը, որը ղեկավարում էր Իրանական Ազդրեջանի դեմոկրատական պարտիան: Այս շարժման հիմնական շարժիչ ուժը հանդիսանում էր բանվոր դասակարգը դաշնակցած գյուղացիության հետ: Ազդրեջանցիները, դեմոկրատական պարտիայի ղեկավարությամբ, և ողջ իրանական ժողովրդի աջակցությամբ բնակչության բոլոր խավերի ներկայացուցիչներին ընտրեցին ազգային մեջլիս, որի նիստերը բացվեցին 1945 թվականի դեկտեմբերի 12-ին: Մեջլիսը կազմեց Իրանական Ազդրեջանի առաջին ազգային կառավարությունը:

Իրանական Ազդրեջանի ազգային-դեմոկրատական շարժումը իր ծագման հենց առաջին օրերից խթան հանդիսացավ մյուս շրջանների և հատկապես Քրդստանի դեմոկրատական շարժման վերելքի համար: Հենց այդ ժամանակ, ազգային և դեմոկրատական իրավունքների նվաճման համար, բարձրացան Իրանի քրդերը: Այս շարժման գլուխ էր կանգնած Քրդստանի դեմոկրատական պարտիան, որի մեջ մտնում էին բնակչության բոլոր խավերի ներկայացուցիչները: Քրդստանի ազատ ընտրված ազգային կոմիտեն հայտարարեց ազգային ավտոնոմիա իրանական պետության շրջանակներում:

1945 թվականի հոկտեմբերի 25-ին Մեհաբադ քաղաքում տեղի ունեցավ իրանական Քրդստանի նոր կազմակերպված դեմոկրատական պարտիայի I համագումարը, որին մասնակցում էին 150 պատգամավոր: Համագումարը ընդունեց պարտիայի ծրագիրը և կանոնադրությունը, ընտրեց պլենում 51 հոգուց և կենտրոնական կոմիտե՝ 15 հոգուց: Կենտրոնական կոմիտեի քարտուղար ընտրվեց Մահմադ Ղազին: Համագումարը ղեկարացրեց իր մեջ քրդերին, որն ուներ հետևյալ բովանդակությունը.

«Պաշխիմի ձեռքով վառված պատերազմի կրակը հանգցրվեց դեմոկրատական ուժերի կողմից: Պաշխիմը տարավ վեջ, դեմոկրատիայի ուժերը հաղթանակեցին: Բոլոր փոքր և ճնշված ժողովուրդների համար բացվեց ազատության ճանապարհ: Այժմ բոլոր ճնշված ժողովուրդները ուզում են օգտագործել ստեղծված հնարավորությունները և իրենց ժողովրդի բխտան ու ղեկավարությունը վերցնել իրենց ձեռքը: Մենք, Իրանում ապրող քրդերս, դարերով պայքարել ենք մեր ազատության համար: Սակայն միշտ էլ իրանական կառավարությունը մեզ պատասխանել է զնդակներով, ուռմբերով, արկերով, քանտարկություններով, քարտորով, մահապատիժներով և ստրկացմամբ: Այսպես էր հատկապես Ռզաշահի օրոք, երբ մեզ չէր թույլատրվում անգամ մեր տարրով հագնվել: Իրանի կառավարող շրջանները ոչ մի միջոցի առաջ կանգ չէին առնում մեր ժողովուրդին ոչնչացնելու համար:

Չէ՞ որ մենք էլ մարդկության մի մասն ենք, ունենք մեր պատմությունը, լեզուն, ծիսակատարությունները, մեր բարքերն ու սովորությունները, որոնց մենք սիրում ենք: Ինչո՞ւ ուրեմն մեր իրավունքները պիտի ոտնահարվեն, ինչո՞ւ մենք մեր տանը չենք կարող լինել ազատ և անկախ, ինչո՞ւ մեր կրեկանները չպետք է սովորեն մաշրենի լեզվով, ինչո՞ւ չեն սուղում թույլ տալ, որ Քրդստանը լինի ավտոնոմ շրջան: Մենք պետք է պայքարենք մեր ազգային իրավունքների և արտոնությունների համար: Իսկ այդ պայքարը պահանջում է միասնություն և դաշինք, կարիք է զգում կազմակերպության և ղեկավարության: Հենց այս նպատակով է կազմակերպվել քրդական դեմոկրատական պարտիան: Բոլոր քրդերը պետք է համախմբվեն իրենց ազգային պարտիայի շուրջը և այս պարտիայի դրոշի տակ լիովին ազատվեն բնաջնջվելու վտանգից, ստանան իրենց ազգային ավտոնոմիան: Հայրենակիցներ, մենք ոչինչ չենք պահանջում, բացի մեր օրինական մարդկային իրավունքներից»:

Դեկլարացիայի հետ հրատարակվեցին նաև նրա ութ լու-

զունգները, որոնք բնորոշում էին կենտրոնական կոմիտեի նպատակներն ու խնդիրները: Այդ լուզունգները դրվեցին պարտիայի ծրագրի հիմքում: Պարտիայի ծրագիրը արտահայտում էր հետևյալ հիմնական դրույթները՝

Իրանի պետության սահմաններում Քրդստանի ավտոնոմ կառավարման խնդիրը, մասնավորապես այն շրջաններում ու մարզերում, որտեղ հին դարերից բնակվում և աշխատում է բուրգ ժողովուրդը: Այն բոլորը, ինչ կատարվելու է Քրդստանում, պետք է բխի նրա բնակչության շահերից:

Ծրագրի 6-րդ հոդվածում ասված է, որ կենտրոնական կառավարության հանդեպ պարտիան չունի թշնամական մտադրություն. այնուհետև նշվում է, որ քրդերը, որոնք մինչ այժմ գտնվում են իմպերիալիզմի լծի տակ, երազում են միայն խաղաղության մասին, իրենց ազգային ավտոնոմիայի համար օրինական իրավունքներ ձեռք բերելու մասին, իրենց երկրի կուլտուրայի, առողջապահության և երկրագործության բարձրացման մասին: Պետական ապարատը, զինվորական, քաղաքական, գյուղատնտեսական և այլ հիմնարկները պետք է կազմված լինեն քրդերից և գրագրությունը պետք է կատարվի քրդերեն լեզվով:

Ծրագիրը նշում է բանվորների քաղաքական, տնտեսական շահերի պաշտպանումը, նրանց կյանքի պայմանների բարելավումը, անկախ նրանց ցեղային և կրոնական պատկանելիությունից:

Ժողովրդական կրթության բնագավառում նախատեսվում է պարտադիր ուսուցում տարրական և միջնակարգ դպրոցներում, ըստ որում դասավանդումը պետք է կատարվի քրդերեն լեզվով: Գիտական հիմնարկների կազմակերպում, երիտասարդության ֆիզիկական դաստիարակություն, միտինգների, ժողովների հրավիրում և այլն:

Նախատեսվում է կուլտուրական, տնտեսական կապերի հաստատում բոլոր երկրների հետ, առաջին հերթին՝ Սովետական Միության հետ:

Պարտիան նպատակ է դնում, ասված է ծրագրում, վարպեսներ է քաղաքային արդյունաբերությունը, որպես նախապայման վտանգավոր իմպերիալիստական կախումից ազատվելու համար, պահպանել Քրդստանում ապրող բոլոր ազգային փոքրամասնությունների՝ աղբբեջանցիների, հայերի, ասորիների իրավունքները: Սակայն, պետք է նշել, որ ծրագրում բացակայում է ազդարարյին հարցը, հատկապես գյուղացու համար կենսական նշանակություն ունեցող հողի հարցը, այն էլ այնպիսի մի երկրում, ինչպիսին Իրանական Քրդստանը, որի բնակչության 90%/0-ը կազմում է գյուղացիությունը, որի մեծամասնությունը գուրկ է հողից: Հողը կենտրոնացված է ֆեոդալ հողատերերի և կուլակ վաշխատուների ձեռքում: Այս պատճառով այդ ծրագիրը պետք է դիտել իր բնույթով որպես օեֆորմիստական:

Նոյեմբերի 1-ից սկսվեցին շրջանային կոմիտեիների ընտրությունները: Որոշվեց շրջանային կոմիտեիներ ստեղծել՝ Մաքուի, Շահպուրի, Լահիշանի, Ռեզաիի, Միանդուաբի, Նեհադիի, Ուշնուի, Մեհաբադի և Բոքրանի շրջաններում: Ընտրությունները վերջացան նոյեմբերի 12-ին:

1945 թվականի նոյեմբերի 26-ին Հյուսիսային Քրդստանի պատգամավորների համագումարը ընտրեց բարձրագույն պետական օրգան էնչումեն: Դեկտեմբերի 10-ին էնչումենի շենքի վրա բարձրացավ քրդական ազգային դրոշը (երեք երկայնական շերտ՝ կարմիր, սպիտակ և կանաչ գույններով, մեջտեղում արև): Քրդստանի դեմոկրատական պարտիայի առաջին համագումարի օրը (հոկտեմբերի 25-ը) և դրոշակի բարձրացման օրը (դեկտեմբերի 10-ը) հայտարարվեցին ազգային տոնի օրեր: Դրոշակի բարձրացման օրը Մահմադ Ղազինի իր արտասանած ճառում ասաց. «0⁰, դրոշ, իրավունքի և արդարության խորհրդանշան. երգվում ենք քեզ, ապրել միավորված և վերջնականապես վերջ տալ երկպառակությունը: 0⁰, դրոշ, դու այժմ ծածանվում ես Քրդստանի մի փոքր կտորի վրա, բայց վաղը դու կծածանվես ամենուրեք»:

քշելով մեր հողից ճնշումն ու անարդարությունը: Կեցցե՛ մեծ Քրդստանը՝:

1945 թվականի դեկտեմբերի 24-ին Քրդստանի դեմոկրատական պարտիայի կենտրոնական կոմիտեն, Մահմադ Ղազիի նախագահությամբ, ընտրեց ժամանակավոր կենտրոնական հանձնաժողով հյուսիս-արևմտյան Քրդստանի շրջանների բոլոր պետական գործերը ղեկավարելու համար և հանձնարարեց նրան կարճ ժամանակում ստեղծել ժողովրդական ժողով (հիմնադիր ժողով), որը պետք է կազմեր կառավարություն: Այս հանձնաժողովի հիմնական խնդիրն էր նախ Քրդստանի ժողովրդական բանակի շուտափույթ կազմակերպումը, որը պետք է պաշտպաներ Քրդստանի հարավային սահմանը իրանական զորքերի հարձակումից: Բացի դրանից, հանձնաժողովը պետք է կազմակերպեր ցեղերի ներկայացուցիչների ժողով:

1946 թվականի հունվարի 22-ին Մեհաբադ քաղաքում, ավելի քան 20 հազար մարդու մասնակցությամբ, բացվեց Իրանական Քրդստանի ժողովրդական ժողովի առաջին նիստը, որտեղ պաշտոնապես հայտարարվեց քրդական դեմոկրատական մարզի ավտոնոմիան և կազմվեց կառավարություն: Կառավարության առաջին ղեկավար ընտրվեց Մահմադ Ղազին:

Այստեղ անհրաժեշտ է ընթերցողներին համառոտակիտրեն ծանոթացնել Մահմադ Ղազու կենսագրության հետ:

Մահմադ Ղազին ծնվել է 1901 թվականին Մեհաբադ քաղաքում: Նա ծագումով քրդական Բեկզադա տոհմից էր: Երիտասարդ հասակից երազում էր իր ժողովրդի ազատագրման մասին: Ռուսաստանում Փետրվարյան ռևոլյուցիայի հաղթանակից հետո սերտ կապ է հաստատում ռուսական բանակի ընդհատակյա ռևոլյուցիոն կոմիտեի հետ և Մեհաբադում պրոգրեսիվ քուրդ ինտելիգենտներից կազմում է Քրդստանի անկախության գաղափարները տարածող խմբակ: Քրդական մասսաների ճնշման տակ իրանական կառավարու-

թյունը Մահմադ Ղազուն նշանակում է Մեհաբադ քաղաքի և Պրա շրջանների լուսավորության և իրավաբանության բաժնի վարիչ: Վարելով այդ պաշտոնը, նա բաց է անում մի շարք դպրոցներ, որտեղ երիտասարդության մեջ սերմանում էր քուրդ ժողովրդին՝ Իրանի լծից ազատագրելու գաղափարը: Ռզա շահի դիկտատուրան հաստատվելուց հետո իրանական կառավարությունը Մահմադ Ղազուն ազատում է այդ պաշտոնից: 1941 թվականին Ռզա շահի դիկտատուրայի տապալումից հետո, Մահմադ Ղազին բոլոր ջանքերը գործադրում է Քրդստանի դեմոկրատական ուժերի միավորման համար:

Քրդական դեմոկրատական կառավարության առջև դրվեցին հետևյալ խնդիրները՝ անցկացնել ազգային մեջլիսի ընտրություններ, ամրապնդել Քրդստանի ժողովրդական բանակը, հարևան երկրների հետ ստեղծել տնտեսական և անտարական հարաբերություններ, ընդլայնել ու ամրապնդել եղբայրական բարեկամությունը Իրանական Ադրբեջանի ժողովուրդների հետ:

Քրդստանի դեմոկրատական մարզի մեջ մտան հետևյալ շրջանները՝ Մեհաբադի, Բոկանի, Միանդուարի, Սերդեշտի, Մակկիդի, Բանեի, Ուշնուի, ինչպես նաև Ռեղաի, Խոյ, Շահպուր և Մաբու քաղաքների այն շրջանները, որտեղ քրդեր են բնակվում:

Քրդական դեմոկրատական պարտիան և կառավարությունը սկսեցին հրատարակել «Քրդստան» թերթը, որը լույս էր տեսնում շաբաթական երկու անգամ: Թերթը մեծ աշխատանք էր կատարում կուլտուր-լուսավորական և քաղաքական ասպարեզներում: Թերթի էջերում տպագրվում էին քրդական նոր կառավարության որոշումները, զեղարվեստական գործեր և այլն: Այսպես, օրինակ, 1945 թվականի հունվարի 26-ի № 7-ում հրապարակվեցին կառավարական մի շարք ֆինանսական ռեֆորմներ. մայիսի 4-ի № 43-ում լույս տեսան քրեական օրենսգրքի 9 հոդվածները, մայիսի 15-ի № 47-ը ընթերցողներին ծանոթացնում էր Քրդստանի քարտեզի հետ:

¹ Рамбу, Курды и право, стр. 79

Քրդստանի հանարակական կյանքի դեմոկրատացման սուզությամբ ձեռնարկվում են մի շարք միջոցառումներ: Այդ միջոցառումներից հայտնի են՝ հարկային նոր օրենքը, վաշխառության արգելումը, կալվածատերերի կողմից գյուղացիներից ստացվող հարկերի և զանազան ապօրինի տուրքերի սահմանափակումը: Բացի դրանից, պարտիան և կառավարութունը մի շարք որոշումներ (են ընդունում անգրադիտության վերացման, անգործների աշխատանքով ապահովելու և այլ բնակավայրերի վերաբերյալ: Քրդական լեզուն հայտարարվում է պետական լեզու:

Ձեռնարկվում են նաև մի շարք միջոցառումներ ազգային կուլտուրայի զարգացման համար: Ռեսպուբլիկա հայտարարելու հենց առաջին օրը բացվում է կանանց բարձրագույն ուսումնական հաստատություն: Կառավարության կողմից հրապարակվեց ընդհանուր, ձրի և պարտադիր ուսուցման օրենքը: 1946 թ. հունվարի 1-ին քրդական դպրոցներում արդեն սովորում էին 300 աշակերտ: Զբավոր աշակերտներին օգնում էին դասագրքերով, հագուստով, սննդով: Մեհաբաբում կազմակերպվեց թատերական կոլեկտիվ, որին մասնակցում էին նաև կանայք: Մայիս ամսից սկսեց հրատարակվել «Հելալ» կանաց ժուռնալը:

1946 թվականի մայիսի 2-ին Մեհաբաբում տեղի ունեցավ քրդական ռադիոկայանի բացումը, որին մասնակցում էին կառավարության, սրարտիայի և ժողովրդի ներկայացուցիչները: Ճառերով հանդես եկան ցեղերի առաջնորդները, բանակի, կանանց, երիտասարդական, բանվորական, գյուղացիական, դպրոցական և այլ կազմակերպությունների ներկայացուցիչները: Իր արտասանած ողջունի խոսքում կառավարության նախագահ Մահմադ Ղազին ասում է. «Միրելի եղբայրներ, շնորհավորում եմ ձեզ ռադիոյի բացման կապակցությամբ և հաջողություն եմ ցանկանում նրա հետագա աշխատանքներին: Ռադիոյի բացումը Քրդստանի հետագա կուլտուր-լուսավորական աշխատանքների զարգացման համար մեծ գործ է: Ռադիոյի անհրաժեշտությունը շափազանց մեծ է նաև նրա համար, որ մենք ամբողջ աշխարհին մեր խոսքը

ինքներս կհասցնենք: Ռադիոյի առաջ շափազանց մեծ և պատասխանատու խնդիր է դրված: Մենք քաղաքական, գիտական և գյուղատնտեսական լավ ծրագիր պետք է կազմենք ռադիոյի համար, գիտության, գյուղաղտնտեսության և այլ գիտելիքների զարգացմանը նպաստելու համար»¹:

Քրդստանի դեմոկրատական կառավարությունը մեծ ուշադրություն էր նվիրում նաև Քրդստանի ժողովրդական բանակի մարտունակությունը բարձրացնելու գործին: Նա ուժերը ներածին շափ ամրապնդում էր դեմոկրատական շրջանների պաշտպանությունը: 1945 թվականի դեկտեմբերից մինչև 1946 թվականի հուլիս ամիսը ժողովրդական բանակի մարտիկների թիվը հասավ մինչև 50 հազարի. (այս թվի մեջ է մտնում նաև ժողովրդական միլիցիան):

Քրդական դեմոկրատական կառավարությունը ամեն կերպ օգնում էին Իրաքից գաղթած քրդական ազատագրական շարժման մասնակիցները, առանձնապես Բարզանի ցեղի ջոկատները Մուլա-Մուստաֆայի գլխավորությամբ:

Հյուսիսային Քրդստանում դեմոկրատական կառավարության կազմվելը, անմիջապես դրավեց ո՛չ միայն հարավային Քրդստանի քրդերի ուշադրությունը, որոնք ապրում էին ամերիկյան ծանր ռեժիմի պայմաններում, այլ նաև Թուրքիայում, Իրաքում և Սիրիայում ապրող քրդերի ուշադրությունը: Սիրիայի և Իրաքի քրդերից ստացվում էին բազմաթիվ նամակներ ու դիմումներ: Նրանք այդ նամակներով ու դիմումներով խնդրում էին, որ դեմոկրատական պարտիան իրենց մոտ ստեղծի իր բաժանմունքները: Իրաքի քրդական շատ ցեղեր պատրաստակամություն էին հայտնում ծառայել քրդական դեմոկրատական շարժմանը:

Սովետական ժուռնալիստ վլ. Ստեպանովը այցելելով Հյուսիսային Քրդստան, իր հուշերի մեջ գրել է հետևյալը: «Դեմոկրատական Քրդստանը ամբողջ քուրդ ժողովրդի համար փարոս հանդիսացավ: Թուրքիայի, Իրաքի և Սիրիայի քրդերից ստացվում են բազմաթիվ շնորհավորական նամակ-

¹ Տե՛ս «Քրդստան» թերթի 1946 թ. հուլիսի 2-ի համարը:

ներ, որտեղ իրենց պատրաստակամությունն են հայտնում օգնելու դեմոկրատական Քրդստանին»:

Իրանական Քրդստանի դեմոկրատական պարտիային և կառավարությանը քաղաքական, բարոյական և տնտեսական մեծ օգնություն էր ցույց տալիս նաև Սովետական Միությունը: Շատ հաճախ Քրդստանի դեմոկրատական պարտիայի և կառավարության ղեկավարները դանազան հարցերով դիմում էին Իրանում գտնվող Սովետական Բանակի հրամանատարությանը, իսկ վերջինս անշահախնդիր կերպով, իր ուժերը ներածին չափ ցույց էր տալիս տնտեսական և կուլտուրական օգնություն: Քանի Սովետական Բանակը գտնվում էր Իրանում, քրդերը, թե՛ բարոյապես և թե՛ քաղաքականապես իրենց ապահով էին դառնում, որովհետև դիտեին, որ այդ բանակը կաշառուպանի իրենց իրանական տեղացիները և անգլո-ամերիկյան գաղութարարների ոտնձգություններից: Թե որքան մեծ էր քրդական ժողովրդի և նրա ղեկավարների հավատն ու հարգանքը դեպի Սովետական Միությունը, ցույց է տալիս Քրդստանի դեմոկրատական պարտիայի 1946 թվականի դիմումը ուղղված Սովետական կառավարությանը:

Ստորև բերում ենք այն ամբողջությունները:

«Քուրդ ժողովուրդը հին ժամանակներից ունեցել է իր շահերը (թագավորները Ն. Մ.), կառավարիչները և կառավարման օրգանները: Նա իր պատմության ողջ շրջանում անձնագոհ և հերոսաբար կռվում էր զավթիչների դեմ, զոհաբերելով իր որդիներին: Իր պետականությունը կորցնելուց հետո էլ, քուրդ ժողովուրդը, հաշվի չառնելով ամեն տեսակ զոհերը, շարունակում էր պայքարը իր ազատության և անկախության համար, և անհավասար կռվում շատ նեղություններ ու դժբախտություններ է կրել: Միայն արհեստականորեն ստեղծված ցեղային երկպառակությունների և տարածայնությունների պատճառով մեր ժողովուրդը չկարողացավ անկախություն ձեռք բերել, Իրանի և Թուրքիայի կեղեքիչների տիրապետության պայմաններում: Նրանք ոչնչացնում էին մեր ազգային իրավունքները, սովորությունները,

կուլտուրան, կրոնը, արգելում էին խոսել մայրենի լեզվով, դատապարտելով նրան մահացման-մարման: Գրեմ Իրանում:

Անցած համաշխարհային պատերազմում քուրդ ժողովրդի մի մասը ավելի շատ ճնշումների ենթարկվեց: Դաժան մեթոդներով իմպերիալիստները մեզ մասնատում էին: Երբ քրդերը շեյխ Սաիդի գլխավորությամբ ապստամբվեցին թուրքական կեղեքիչների դեմ, վերջիններս ամենայն դաժանությամբ ճնշեցին այդ ապստամբությունը, ոչնչացնելով մոտ մեկ ու կես միլիոն քուրդ: Չնայած անթիվ հալածանքներին և ճնշումներին, ստրկացնողներին չհաջողվեց ընկճել քուրդ ժողովրդի կամքն ու ոգին: Հաշիվ տեսնելով առանձին ցեղերի հետ, նրանք չկարողացան ամբողջությամբ հնազանդեցնել քուրդ ժողովրդին: Պատմական անվիճելի փաստերով ապացուցված է, որ չի եղել և չկա մի այնպիսի ուժ, որը կարողանա վերջնականապես կտրել քուրդ ժողովրդի կամքը: Եթե սպանում էին Միրքյուրին, ապստամբություն էր բարձրացնում Բաբանը, եթե ճնշում էին Արդալարը, ապա բարձրանում էր Բիթլիսը: Այսպիսի հաղարավոր օրինակներ կարելի է բերել:

Մուստաֆա Քյամալի և Ռզա շահի ատելի դեսպոտիզմի տարիներին, մեր ժողովուրդը լրիվ ստրկացվեց: Նրանք փակեցին մեր ազգային դպրոցները, զրկեցին մեզ կրթություն և տանալու հնարավորությունից, մեզ ենթարկեցին հալածանքների և բանտարկությունների, արստում էին հարազատ օջախներից, դատապարտում էին անչափ նեղությունների և տառապանքների: Այսպես կարող էր շարունակվել անվերջ: Ասկայն ճակատագիրը փոխեց դեպքերի ընթացքը: 1320 թվականի շահեվանին (1941 թ. օգոստոս) ամենաբարձյալ ալլահի կամքով, Սովետների արգարացի ձեռքը նպաստեց Ռզա շահի այդ ֆաշիստական ագենտի և նացիզմի պատրաստակամ հաճույակատարի դիկտատուրայի, դեսպոտիզմի այդ միջնաբերդի քայքայմանն ու ոչնչացմանը: Սովետների կարմիր դրոշը ալեկոծեց քուրդ ժողովրդին: Մեր գոհված որդիների արյունը, ընկած հերոսների սրբազան ոգին, համախորմբեցին մեզ կարմիր դրոշի շուրջը, որի շնորհիվ ապաստվեց

Քրդստանը, մենք նորից դարձանք մեր մայրաքաղաքի՝ Մեհաբադի տերը և այժմ մեր ազատ երկիրը իր հիանալի կլիմայով, արգավանդ դաշտերով, անտառային հարստություներով արդարացիորեն համարվում է մեծ Քրդստանի անբաժանելի մասը: Իրանական Քրդստանի հյուսիսում տեղադրված մեր երկրի այս մասը իր մեջ ընդգրկում է հետևյալ քաղաքները և խոշոր բնակավայրերը. Քուլթուբ, Խոյի շրջանը, Ղարա-զիա-էրզին, Զոր-ավա, Մահալե-Ալենդ, Մահալե-Ղարա-էյին, Շուտ, Դեյիր, Մահալե-Մաբու, Աղդուլ, Թամբատ, Դաշտերիլ, Մերգեվեր, Դուլ, Տերգեվեր, Բրադիստ, Սումա, Էնգել, Փենարբերուջ, Չեխրիբ, Շիրան, Շահպուրի շրջանը, Ռեգայի շրջանը, Աերդաշտ, Բուբան, Սաին Կալա, Էվշար, Թեբաբ, Թիքան-Թափա, Չարդուլի, Միյանդուարի գավառները, Մեհաբադ, Սանդուս, Ուշուս և Կաջան քաղաքները, 750 հազար բնակչությամբ, այդ թվում 25000 զինված մարդիկ և 90 հազար զենք կրելու ընդունակ:

Նշված շրջանների քրդական բնակչությունը, մինչև Կարմիր Բանակի զորամասերի Իրան մտնելը, գտնվում էր ծանր ճնշման տակ, գրկված էր կրթության իրավունքից: Դեմոկրատիզմի սրբազան գաղափարներն ընդունելով, մենք բոլորս և՛ քաղաքի և՛ քոչվոր ցեղերի բնակիչներս, համախմբվեցինք եղբայրական ընտանիքում, կարգ հաստատեցինք մեր ողջ տերիտորիայում և ձեռնամուխ եղանք մեր հաբազատ երկրի բարեկարգմանը, բացեցինք դպրոցներ քրդական լեզվի ուսուցմամբ, սարքավորեցինք տպարան, որը ժողովներ և թերթեր է բաց թողնում մայրենի լեզվով:

Բարձրանում է մեր ժողովրդի կուլտուրական մակարդակը և բարելավվում նրա բարեկեցությունը: Ներկա ժամանակ ազատ Քրդստանը ունի իր տնտեսական կյանքի կազմակերպման և արտահանման համար անհրաժեշտ ապրանքները, ինչպիսիք են՝ հացահատիկ (ցորեն, գարի) 30 հազար տոննայից ավելի, ծխախոտ 7 հազար տոննա: Մենք կարող ենք նաև մատակարարել անասուններ, մսամթերք, շոր միրգ, շաքարի ճակնդեղ և անտառանյութ: Մեր երկիրը հարուստ է օգտակար հանածոներով՝ ոսկով (Սերդեշտից ոչ հեռու տե-

ղավորված Աղլան գյուղում), նավթով (Ուշուսի շրջանում), ծծումբով, պղնձով, օպերմենտով (Ավշարի շրջանում):

Մենք ունենք մեր սեփական ինտելիգենցիան՝ գիտնականներ, գրողներ, պոետներ:

Ամբողջ քուրդ ժողովուրդն իր սեփական աչքերով տեսնում է և անկեղծ սրտով ըմբռնում, թե ինչպես է Սովետական Միությունը պաշտպանում փոքր ժողովուրդների իրավունքները և շահերը: Մենք՝ քրդերս, շատ լավ գիտենք, որ բացի Սովետական Միությունից, չկա և չի եղել ուրիշ մի ուժ, որը իսկապես և գործնականորեն պաշտպաներ թույլ ժողովուրդների շահերը:

Դրա համար ամբողջ քուրդ ժողովուրդը խնդրում է Սովետական իշխանությունը օգնել նրան ստանալու լրիվ անկախություն և կազմակերպելու իսկապես դեմոկրատական կառավարություն, մեր բնակեցման ներկա տերիտորիայի սահմաններում, դրանով իսկ օգնել մեզ վերացնել մեր հետամնացությունը էկոնոմիկայի, կուլտուրայի և բնական հարստությունների օգտագործման բնագավառում, զենել մեզանից մթերքներ և մատակարարել արդյունաբերական ապրանքներ, հաստատել մեր երկրի հետ ամբիջական տնտեսական հարաբերություններ:

Ինչպես առաջներում նշվել է մեր դիմումի մեջ, մենք պաշտպանում ենք մեր եղբայր ադրբեջանցիների հետ բարեկամության տեսակետը: Մենք միշտ պատրաստ ենք գործակցելու մեր եղբայր ադրբեջանական ժողովրդի հետ և վճռական պայքար մղել մեր ընդհանուր թշնամու դեմ:

1. Մահադ-Ղազի՝ Քրդստանի դեմոկրատական պարտիայի ղեկավար:

2. Հաջի-Բաբե-Շեյխ՝ Քրդստանի Աղգային կոմիտեի նախագահ:

3. Մահմեդ Հուսեյն Սեյֆ Ղազի՝ Քրդստանի դեմոկրատական պարտիայի ղեկավարի առաջին տեղակալը...»:

Այս դիմումի տակ ստորագրել են 22 դեմոկրատ ղեկավար գործիչներ:

Իրանական, անգլիական, ամերիկյան կառավարությունները աշխատում էին ինչ գնով էլ լինի ճնշել Քրդստանի դեմոկրատական շարժումը: Իսկ միջոցներ գտնելը նրանց համար դժվար չէր: Տասնյակ տարիներ շարունակ նրանք կարողացել են խաբեություններ, խորամանկություններ և ուժով խափանել քուրդ ժողովրդի ազատագրական բոլոր շարժումները: Այս անգամ ևս նրանք դիմեցին իրենց բազմիցս փորձված մեթոդներին: Նախ սկսեցին իրենց լրտեսներն ու գործակալներն ուղարկել դեմոկրատական Քրդստան, ներքին երկպառակություններ և հակասություններ առաջացնելու համար, ապա իրանական կառավարությունը սկսեց ազիտացիայի և խոստումների միջոցով իր կողմը գրավել առավել ազդեցիկ քուրդ ղեկավարներին, որպեսզի քրդերի մեջ առաջացնի անհամաձայնություններ և ընդհարումներ, ու դրանով քայքայի նրանց միասնությունը:

Հակադեմոկրատական միավորումը (Անգլիա, Ամերիկա, Իրան) շատ վարպետորեն օգտագործում է նոր ստեղծված պետությունների դժվարությունները թե՛ տնտեսական և թե՛ ֆինանսական ասպարեզներում: Իրանի կառավարությունն ամեն կերպ խանգարում էր մթերքների մատակարարման գործը: Ռեակցիոն կլիկը որոշեց օգտագործել քուրդ-ադրբեջանական որոշ տարածաշրջանները, ուժով ճնշել քրդական դեմոկրատական շարժումը, անցնել ադրբեջանցիների թիկունքը, մեկուսացնել նրանց Իրանի մյուս դեմոկրատական ուժերից և վերջնականապես ճնշել դեմոկրատական շարժումը Իրանի հյուսիսում:

Այս ծրագիրը սկսեց աստիճանաբար իրականացվել: 1946 թվականի մարտին իրանական կառավարությունը փոքրիկ ընդհարումներ սկսեց քրդերի հետ Բոքանի, Շահլիզեյի և Մհհաբադի ուղղություններով, միաժամանակ խոշոր ուժեր կենտրոնացնելով ինչպես Քրդստանում, այնպես էլ Իրանական Ադրբեջանի և Քրդստանի սահմանի վրա: Նրա նպատակն էր մանր ընդհարումներով գրավել իրանական ադրբեջանցիներին ուշադրությունը, որպեսզի նա չկարողանա քրդերին օգնություն ցույց տալ, ուժեղ հարվածով ճնշել դեմոկրատական շարժումը:

Քրդստանում, ապա ողջ ուշադրությունը և ուժերը կենտրոնացնել Իրանական Ադրբեջանի դեմ ու շարքից հանել նաև նրան:

Միաժամանակ իրանական ղեկավարներները անգլիացիների օժանդակությամբ փորձում էին դեմոկրատական Քրդստանի դեմ հանել մի քանի քրդական ցեղեր, որոնք ապրում են անգլիական գոնալում: Քյալխորի, Սենջաբի, Գուրանի, Գյոլխանի, Քերմանշահի և Նոսրովի շրջաններում ապրող որոշ ցեղեր գենը էին ստանում ինչպես օտարերկրացիներից, այնպես էլ տեղացիներից: Գասրաշիրին և Քերենդ շրջաններում, բացի պաշտոնական նահանգապետներից ու զավառապետներից, գոյություն ունեին նաև տեղական այլ պաշտոնյաներ, նշանակված անգլիական լիմպերիալիստների կողմից: Նրանք ունեին զինված ուժեր, և Անգլիայի ցուցումով պետք է ապստամբություն բարձրացնեին:

Սակայն այս ղեկավարները ծրագիրը կոահեցին, թե՛ քրդերը և թե՛ ադրբեջանցիները: Նրանց համար պարզ դարձավ, որ պետք է միացնել քրդական և ադրբեջանական ուժերը, ընդհանուր թշնամուն միահամուռ հակահարված տալու համար: Այս նպատակով 1946 թվականի ապրիլի 17-ին Ադրբեջանի ազգային կառավարությունը Թավրիզ հրավիրեց Մահմադ Ազդիրին և մի քանի քրդական ղեկավարների: Երկարատև բանակցություններից հետո երկու կողմերը եկան այն եզրակացություն, որ նրանց միջև գոյություն ունեցող բոլոր շուժված հարցերը պետք է մի կողմ թողնել և, որ ներկայիս ամենակարևոր խնդիրն է՝ միացնել Իրանական Ադրբեջանի և Քրդստանի դեմոկրատական ուժերը, անհրաժեշտության դեպքում ձեռք բերված նվաճումները գենրով պաշտպանելու համար: Երկու կառավարությունների և պարտիաների միատեղ խորհրդակցությունն ընդունեց համաձայնագիր, բաղկացած հետևյալ կետերից.

1. Երկու ժողովուրդների ներկայացուցիչները անհրաժեշտ կետերում կվերականգնեն լիակատար համագործակցությունը և կփոխանակեն իրենց ներկայացուցիչները:

2. Իրանական Ադրբեջանի այն շրջաններում, որտեղ բնակվում են քրդեր, ինչպես և Քրդստանի այն վայրերում, որտեղ ապրում են ադրբեջանցիներ, երկու կողմերի կառավարությունները պարտավորվում են նրանց համար ստեղծել հարմարություններ և նրանց ներգրավել պետական գործերի կառավարման մեջ:

3. Երկու ժողովուրդների ընդհանուր տնտեսական հարցերի համար ստեղծել խառը տնտեսական հանձնաժողով, և նրա որոշումները կիրառել կյանքում երկու կառավարությունների ջանքերով:

4. Երկու կառավարությունների միջև ռազմական համագործակցությունը ապահովելու նպատակով, պայմանավորվող կողմերը պարտավորվում են անհրաժեշտության դեպքում օգնել միմյանց իրենց ռազմական ուժերով:

5. Թեհրանի կառավարության հետ վարվող բոլոր բանակցությունները պետք է տեղի ունենան Իրանական Ադրբեջանի և Քրդստանի ժողովուրդների ներկայացուցիչների փոխադարձ համաձայնությամբ:

6. Ադրբեջանի ազգային կառավարությունը հնարավորության սահմաններում Ադրբեջանում ապրող քրդերի կուլտուրայի զարգացման համար կստեղծի համապատասխան պայմաններ: Նույն բանը կանի Քրդստանի կառավարությունը, Քրդստանում ապրող ադրբեջանցիների համար:

7. Երկու ժողովուրդների բարեկամության և դեմոկրատական եղբայրության գործին վնաս հասցնող անձինք կպատրժվեն երկու կողմերի վճռով¹:

Համաձայնագիրը ստորագրել են Քրդստանի դեմոկրատական պարտիայի և Ադրբեջանի ազգային կառավարության ու դեմոկրատական պարտիայի ղեկավարները:

Տեսնելով, որ իրենց ծրագիրը ձախողվում է իրանական կառավարող ռեակցիոն շրջանները և նրանց արտասահմանյան

հովանավորները, դեմոկրատական ուժերը ապակողմնորոշելու և ժամանակ շահելու համար, որոշեցին որոշ զիջումներ անել Իրանական Ադրբեջանի և Քրդստանի դեմոկրատական կառավարություններին:

Մայիսի 20-ին Իրանի ռադիոն հայտարարեց, որ իրանական կառավարությունը համապատասխան ցուցումներ է սովել, իրան-ադրբեջանական սահմանի վրա տեղի ունեցող ընդհարումները դադարեցնելու և մի շարք այլ հարցերի մասին:

1946 թվականի հունիսին Թեհրանի կառավարության և քրդական դեմոկրատների միջև սկսվեցին բանակցություններ, սակայն դրանք ոչ մի դրական հետևանք չունեցան: Կավամ էս-Սալթանը չէր ուղում քրդերին որևէ զիջում անել. նրա նպատակն էր ժամանակ շահել ուժերը կենտրոնացնելու համար: Բացի դրանից, ժողովրդական մասաներին ապակողմնորոշելու նպատակով Կավամ էս-Սալթանի կառավարությունը հրապարակեց կեղծ ղեկավարացիա, պետական հողերը գյուղացիներին բաժանելու, մի շարք պրոգրեսիվ դեմոկրատական ռեֆորմներ անցկացնելու և այլ միջոցառումների մասին:

1946 թվականի մարտի 24-ին սկսվեց Սովետական զինված ուժերի լրիվ էվակուացիան, որոնք Իրանում էին գտնվում, համաձայն 1921 թվականի փետրվարի 26-ի պայմանագրի: Սովետական Միությունը մի անգամ ևս ցույց տվեց, որ ինքր տանում է հետևողական խաղաղասիրական քաղաքականություն և չի խառնվում ուրիշ պետությունների ներքին գործերին:

Այնինչ այդ ժամանակ արդեն տեղական ռեակցիան և արտասահմանյան զաղուժարարները կատարում էին իրենց գործը: 1946 թվականի հուլիսին բրիտանական կառավարությունը, Անգլո-իրանական նավթային ընկերության շահերը պաշտպանելու պատրվակով Պարսից ծոց մտցրեց 3 անգլիական հաժանավ: Նույն թվականի օգոստոսին Բասրայում սկսե-

¹ Տե՛ս «Ադրբեջան» թերթի 1946 թ. մայիսի 15-ի համարը և «Քրդստան» թերթի 1946 թ. մայիսի 8-ի համարը:

ցին ամի իջնել անգլիական զորքերը: Անգլիական շաբաթաթերթ «Ուիկ»-ի հաղորդագրության համաձայն Իրաք էին տեղափոխվել 80000 անգլիական զինվորներ, որոնք տեղավորվել էին Իրանի և Իրաքի սահմանի երկարությամբ: «Աղբբեջան» թերթը այդ փաստերի մասին գրում է հետևյալը. «Համաշխարհային ռեակցիան չի ուզում բաժանվել իր արյունալի մտադրություններից և օգտվում է յուրաքանչյուր առիթից ազատությունը և անկախությունը խեղդելու համար: Խոսքով նրանք պաշտպանում են խաղաղություն և ազատություն, իսկ զործնականում ոչնչացնում են դրանք: Մի՞թե անգլիական ռազմանավերի մուտքը իրանական ջրերը և Բասրայում անգլիական զորքերի ամի հանելը հարձակում չէ Իրանի անկախությունից վրա»:

Բոլորովին այլ մեթոդներով էր աշխատում Ամերիկան: Այն ժամանակ, երբ Անգլիան կազմակերպում էր դավադրություններ, պրովոկացիաներ ապստամբություններ, ամերիկյան դիպլոմատները և ռազմական «խորհրդատուները» լայն գործունեություն էին ծավալել իրանական ժողովրդի դեմոկրատական շարժումը ճնշելու համար: Նրանք իրանական բանակի հրամանատարությունը լրացնում էին ռեակցիոն էլեմենտներով, հակադեմոկրատական ագիտացիա էին տանում զինվորների մեջ: Այս բոլորի հետ միասին Միացյալ Նահանգները զենք էին մատակարարում Իրանին: Իրանական զորամասերը կենտրոնացվում էին Իրանի հյուսիսային մասում, հատկապես Իրանական Աղբբեջանի սահմանների վրա:

Ամերիկյան ռեակցիոնիստների ղեկավարության տակ անց էր կացվում իրանական ոստիկանության վերակազմում: Այդ նպատակով մշակվել էր նախագիծ ոստիկանությանը տրանսպորտի միջոցով սպասարկելու, զենքի նոր տեսակներով զինելու մասին: Ոստիկանության թիվը հասցվեց մինչև 23 հազար մարդու:

Ժամադարմերիայի պիսավոր ուժերը և տեղավորված էին Իրանի հյուսիսային շրջաններում, նրանք պրովոկացիոն հարձակումներ էին կազմակերպում և ամեն կերպ աշխատում

վատացնել դեմոկրատական Աղբբեջանի և Քրդստանի հարաբերությունները իրանական դեմոկրատական ուժերի հետ:

Երբ իրանական բանակը և ոստիկանությունը զինված էին նորագույն տեխնիկայով և պատրաստ վերացնելու իրանական Աղբբեջանի և Քրդստանի դեմոկրատական լազերը, Իրանի կառավարությունը ձեռնարկեց մշակված ծրագրի կենսագործմանը: 1946 թվականի նոյեմբերի երկրորդ կեսին, Կավամ էս-Սալթանը զիմում է Մահմադ-Ղազինին, որպեսզի վերջինս օժանդակի հատուկ արշավախմբերին՝ մուտք գործելու Խոյ, Շահպուր, Ռեզախե և Մեհաբադ, ընտրությունների ժամանակ կարգ պահպանելու համար:

Իր պատասխանում Մահմադ-Ղազին հայտնում է, որ իրենք նման օգնության կարիք չեն զգում: Միաժամանակ նա նշում էր, որ Քրդստանում տիրում է կարգ և հանգստություն, որը կպաշտպանվի նաև ընտրության օրերին: Մահմադ-Ղազին բացի այս պատասխանից, հեռագրով հայտնում է Կավամ էս-Սալթանին, որ իրանական ջոկատները արդեն մի քանի օր է ինչ տանկերի և հրետանու օժանդակությամբ կռիվներ են մղում քրդերի դեմ:

Իրանական զորքերի մուտքն իր կրկիբը արգելում է նաև Աղբբեջանի ազգային կառավարությունը, հայտարարելով, որ նա ի վիճակի է ընտրությունների ժամանակ կարգը պահպանելու:

Տեսնելով որ խաբեությունը իր նպատակին չի հասնում, Իրանի կառավարությունը որոշում է զիմել զորքի ուժին: Այս գործում նրան քաջալերում էին ամերիկյան և անգլիական կառավարությունները: Նոյեմբերի վերջին Իրանում Ամերիկայի ղեկավարը հայտարարեց, որ իրանական կառավարության որոշումը երկրի բոլոր մասերը զորք ուղարկելու մասին շատ ճիշտ է:

1946 թվականի դեկտեմբերի 10-ին Կավամ էս-Սալթանի հրամանով զեպի Իրանական Աղբբեջան և Քրդստան շարժվեցին իրանական զորքերը, ճանապարհին գազանաբար դատաստան տեսնելով ժողովրդի հետ: Աղբբեջանական ազգային կառավարությունը խեղդվեց արյան մեջ: Պետք է նշել, որ այս

գազանություններում հասկապես աչքի ընկավ Իրանում ամերիկյան միսսիայի ղեկավար Շվարցկոպֆը, որը շնորհակալական նամակ ստացավ Իրանի գլխավոր շտաբի պետից, Ժանդարմերիայի և իրանական զորքերի միատեղ կատարած գործողությունների ընթացքում հայտնաբերած զգացմունքների համար¹:

Դեմոկրատական Քրդստանը ևս նույն վիճակին արժանացավ: Նա դեռ չծաղկած թառամեց: Քրդստանի ժողովրդական բանակի զորամասերը համարյա երեք ամիս հերոսաբար դիմադրում էին իրանական զորքերին: Ցանկանալով կանխել արյունահեղությունը: Քրդստանի կառավարությունը իր զորքին կարգադրում է դադարեցնել դիմադրությունը: Քրդական զինված ուժերի մեծ մասը, այդ թվում նաև Բարզանի ցեղի շոկատները հեռանում են սարերը: Իրանական զորքերը առանց կռվի մտան Մեհաբադ: Իրանական իշխանությունները ձեռքակալեցին Մահմադ-Ղազին, նրա եղբորը՝ Սեյիֆ-Ղազին, Մադրե-Ղազին և Քրդստանի դեմոկրատական պարտիայի ակտիվ այլ անդամներին:

Քրդստանում փակվեցին բոլոր քրդական դպրոցները, քանդվեց տպարանը, արգելվեց քրդերեն լեզվով գրքերի և թերթերի տպագրումը, տեղական քրդական ղեկավարները հեռացվեցին աշխատանքից, հրապարակում այրվեցին քրդերեն լեզվով տպված գրքերն ու թերթերը, արգելվեցին բոլոր քրդական դեմոկրատական կազմակերպությունները և ընկերությունները:

Այսպիսով, իրանական կառավարությունը, Անգլիայի և Ամերիկայի ակտիվ օժանդակությամբ, արյունալի դատաստան տեսավ Քրդստանի և Ազրբեջանի դեմոկրատական շարժումների հետ:

1947 թվականի մարտի 31-ին Մեհաբադ քաղաքում գեներալ Շվարցկոպֆի պահանջով իրանական իշխանությունները կախաղան բարձրացրին Մահմադ-Ղազին, Սեյիֆ-Ղազին և Մադրե-Ղազին:

Դեռ 1946 թվականի ապրիլի 25-ին Թեհրանի ամերիկյան դեսպանը առաջարկում է Մահմադ-Ղազինին, համաձայնվել Միացյալ Նահանգների քաղաքականության հետ, ճանաչելով նրա գերիշխանությունը: Դրա փոխարեն նա խոստանում էր քրդերի ազգային ազատագրական շարժմանը բազմակողմանի օգնություն ցույց տալ և ստեղծել «ազատ Քրդստան»: Կոահելով նրա նպատակները, Մահմադ-Ղազին տալիս է հետևյալ պատասխանը. «Մենք քրդերս, մեր ազատությունը կհասնենք մեր սեփական ուժերով: Այդ նպատակին հասնելու համար չենք խնայի մեր արյան վերջին կաթիլը: Քրդերը արտաքին պետությունների ձեռքով ազատություն չեն ուզում»¹:

Ամերիկացիները Մահմադ-Ղազինին նույն առաջարկությունն արեցին մահապատժից առաջ, սակայն Քրդստանի դեմոկրատական պարտիայի ղեկավարները մահը գերադասեցին ստրկությունից: Կախաղանի առաջ, երբ օդակը դցում էին նրանց վիզը, նրանք 3 անգամ բարձրաձայն գոչեցին՝ «Կեցցե՛ ազատ Քրդստանը»: Սեյիֆ-Ղազինին կախելիս, պարանը չդիմացավ նրա ծանրությունը և կտրվեց: Այդ ժամանակ նա դիմեց իր դահլիճներին՝ «ձեր պարանն էլ մի օր այսպես կկտրվի: Կեցցե՛ ազատ Քրդստանը»²:

Պետք է նշել, որ շնայած իրանական կառավարության և նրա արտասահմանյան հովանավորների բոլոր ջանքերին, միանգամից ճնշել քուրդ ժողովրդի դիմադրությունը նրանց չհաջողվեց: Իրանական հրոսակախմբերն առանց կռվի մըտնելով Մեհաբադ, սկսեցին շարժվել Ռեզաիեի ուղղությամբ դեպի այն շրջանները, որտեղ տեղավորված էին քրդական զինված ուժերը, այդ թվում նաև Բարզանի ցեղը, իր աննկուն ղեկավար Մուլա-Մուստաֆայի գլխավորությամբ: Սալդուզի, Ուշնուի և Դոլ-Դաշտաբիլի շրջաններում քրդերը ընդհարում ունեցան իրանական զորքերի հետ և լուրջ վնասներ հասցրեցին նրանց: Հանդիպելով քրդերի դիմադրությանը, իրանա-

¹ Տե՛ս «Քրդստան» թերթի 1946 թ. հունիսի 11-ի համարը:
² Տե՛ս «Էթթեկյաթե Մահանե» թերթի 1952 թ. մայիսի 30-ի համարը:

կան հրամանատարությունը որոշում է «խաղաղ ճանապարհով» լուծել այդ խնդիրը, համոզելով քրդերին դադարեցնել անխմաստ դիմադրությունը: Բանակցություններ վարելու համար 1947 թվականի փետրվարին իրանական կառավարությունը Թեհրան է հրավիրում Մուլլա-Մուստաֆային: Բանակցությունների ժամանակ բարզանցիներին և մյուս քրդական ջոկատներին առաջարկվեց 3 օրվա ընթացքում դադարեցնել դիմադրությունը և զենքը ցած դնել, դրա փոխարեն խոստանում էին տալ ազատություն: Ինչպե՞ս կարող էին քրդերը համաձայնվել այսպիսի պայմանի, երբ տեսնում էին, թե ինչպես է դատաստան տեսնում իրանական ռեակցիան դեմոկրատական շրջանների բնակչության հետ: Չէ՞ որ առաջին անգամ չէր, որ քրդերը հավատարիվ խոստումներին զենքը վայր են դրել, և դրա հետևանքը եղել է անզեն ժողովրդի կոտորածը: Այլ, քրդերը այլևս խոստումներին չէին հավատում, դրա համար էլ նրանք շարունակեցին դիմադրությունը:

Իրանական կառավարությունը Բարզանի ցեղի դիմադրությունը ընկճելու համար նորանոր թարմ զորամասեր էր ուղարկում նրանց դեմ: Իրանական զորքերը մեծ կորուստներ էին կրում այդ մարտերում: «Էթիթեյաթ» թերթը այդ մասին գրում է հետևյալը.

«Կառավարական զորքերի Բարզանի ցեղի դեմ հաջող գործողությունների մասին եղած պաշտոնական հաղորդագրությունները չափազանցված են: Հաստատում են, որ քրդերը կառավարական զորքերին ավելի մեծ վնասներ են հասցրել, քան այդ մասին պաշտոնապես հայտնվում էր: Մասնավորապես հաղորդում են, որ քրդերը շրջապատել են ամբողջովյալ մընչացրել են կառավարական զորքերի մեկ գումարտակ և միայն սպանված սպաների թիվը հասնում է 30 մարդու»¹:

Բարզանցիները իրանական զորքերի դեմ մարտնչելիս անօրինակ քաջություն և համառություն են ցուցաբերում: Նրանք

քույց էին տալիս ռազմական արվեստի փայլուն օրինակներ: Հաջող կերպով հարմարվում էին տեղանքին, հեշտությամբ մանյովրում և դիպուկ կերպով հարվածում թշնամուն: Իրանի գլխավոր շտաբի պետ զենքերալ Ռազմաբբ այդ մասին ասում էր. «Նրանք կովում են անսովոր համառությամբ և դերիչ են հանձնվում»¹:

Սակայն քաջությունը և ռազմական հմտությունը բավական չէին հաղթելու համար: Հարկավոր էին զենք և սննդամթերք բանակը զինելու և կերակրելու համար: Զենքի և սննդամթերքի պակասը ստիպեց, որ նրանք նահանջեն և անցնեն Իրաքի տերիտորիան: Իրաքի կառավարությունը լսելով Մուլլա-Մուստաֆայի վերադարձի մասին, անմիջապես պատգամավորություն է ուղարկում նրա մոտ, հայտնելու, որ կառավարությունը նրանց կյանքն ու ազատությունը երաշխավորում է, եթե նրանք ցած դնեն զենքը և հրաժարվեն հետագա քաղաքական պայքարից:

Այս առաջարկի կապակցությամբ բարզանցիների ղեկավարությունը բաժանվում էր երկու մասի. մի մասը, այդ թվում նաև Մուլլա-Մուստաֆայի եղբայր Շեյխ Ահմեդն, ընդունում է այդ պայմանները և հանձնվում Իրաքի կառավարությանը, իսկ մյուս մասը՝ Մուլլա-Մուստաֆայի գլխավորությամբ, քաջ գիտակցելով կառավարության խոստումների արժեքը, մերժում է այդ առաջարկությունը և ուղղվում դեպի Իրաք-Թուրքական սահմանը: Նրանք անցնում են Թուրքիա, իսկ այնտեղից Իրան: Նրանք հույս ունեին, որ իրանական քրդերի մի շարք ցեղեր, որոնք շարունակում էին պայքարը իրանական կառավարության դեմ, կմիտնան իրենց և միացյալ ուժերով հեշտ կլինի հետագա դիմադրությունը: Սակայն մինչև նրանց Իրանի սահմանն անցնելը, այդ ցեղերը արդեն դադարեցնում են դիմադրությունը, այնպես որ Մուլլա-Մուստաֆան մնում է մենակ իր ցեղի հետ: Իրանի կառավարությունը Բարզանի ջոկատները դիմադրությունը ճնշելու համար խոշոր ուժեր է ուղարկում: Հունիսի 10-ին Կրզըլ-Գաղ գյուղի

¹ Տե՛ս «Էթիթեյաթ» թերթի 1947 թ. մարտի 28-ի համարը:

¹ Տե՛ս «Արաս» թերթի 1947 թ. ապրիլի 1-ի համարը:

ըրջանում բարզանցիները շրջապատվում են իրենց մի քանի անգամ գերազանցող կառավարական զորքերի կողմից: Մնալով մենակ, ոչ մի կողմից օգնություն չստանալով: Բարզանի ցեղը համառ և արյունալի մարտերից հետո դադարեցնում է դիմադրությունը: Սակայն, ո՛չ Իրանի և ո՛չ Իրաքի կառավարություններին չի հաջողվում ձերբակալել Մուլա-Մուստաֆային: Նա իր մի շարք կողմնակիցների հետ կարողանում է ազատվել նրանց ձեռքից:

Հաշիվ տեսնելով դեմոկրատական շարժման այս վերջին խմբի հետ, Իրանի և Իրաքի ռեակցիոն կառավարությունները սկսեցին քրդերի մասսայական տեղափոխումը երկրի կլիմայական անբարենպաստ պայմաններ ունեցող շրջանները: Նրանք մահապատժի ենթարկեցին շատ քուրդ դեմոկրատներին, որոնք չդողացին մահվան և չխոնարհվեցին իրենց ստորկացնողների առաջ: Այսպես, օրինակ, Իրաքի կառավարությունը մահապատժի ենթարկեց Իրաքի «ԺՔ» պարտիայի անդամ, դեմոկրատական շարժման հայտնի գործիչ, քուրդ կապիտան Մուստաֆա Խոշնավին: Թե ինչքան էր նվիրված իր հայրենիքին և ժողովրդի ազատագրման գործին, կարելի է դատել մահապատժից առաջ ասած նրա խոսքերից. «Դահիճներ՛, աքացեք ձեր տերերին, որ իմ արյան վրեժը կլուծվի: Ես չեմ հավատում ձեր ուժին: ... Ես հպարտանում եմ այն մտքով, որ իմ անունը կհիշվի իմ հայրենակիցների կողմից այն անունների հետ, ովքեր իրենց կյանքը զոհել են Քրդստանի բարօրության և երջանկության համար: Ես զինվոր եմ և հեշտությամբ տալիս եմ իմ կյանքը իմ հայրենիքի երջանկության ու փառքի համար: Ես թողնում եմ երեք փոքր երեխաներ՝ Փիրշեհզ, Փիրի և Շիրին: Նրանք կիմանան այն մասին, որ ես մեռնում եմ հանուն հայրենիքի: Ես հավատում եմ, որ երբ նրանք մեծանան իրենց կյանքում կհետևեն իմ օրինակին»:

Մուստաֆա Խոշնավի հետ կախաղան բարձրացվեցին նաև 3 քուրդ սպաներ:

Իհրում ենք նրանց անունները և մահապատժից առաջ արտասանած վերջին խոսքերը:

Մայր Իզատ Աբդու Ազիզ. «Իմ և իմ ընկերների արյունով է շրված ազատության ծառը: Ուզում եմ հուսալ, որ նա շուտով կծաղկի և ազատություն ու երջանկություն կտա հայրենիքին: Մահ իմպերիալիստներին և նրանց ստոր ծառաներին»:

Կապիտան Հեյրուլլա Աբդու-Քերիմ. «Ծնված լինելով մոսուլեցի մորից և քուրդ հորից, որին ես կորցրել եմ վաղ մանկությունից, իմ հորեղբայրների հետ պայքարել եմ իմ հայրենիքի ազատագրման և քրդերի ազատության համար: Եվ այդ արել եմ, հետևելով իմ սրտի թելադրանքին, հույս ունեմ, որ արժանի եմ հորս հիշատակին և հայրենիքիս շնորհակալությանը: Մահ մեր թշնամիներին. Կեցցե՛ Քրդստանը»:

Ալետեհանտ Մահմեդ Մահմուդ. «Մայրս սնուցել է ինձ սիրով դեպի հայրենիքը: Այս պարանը թանկ է ինձ համար որպես այն պատժի խորհրդանիշ, որը սպասում է ինձ, հայրենիքիս նվիրված լինելուս համար: Նա կփորագրի իմ անունը հայրենակիցներիս սրտերում, իմ ժողովրդի հիշողության մեջ, որը հանդիսանում է լիմ հայրը և մայրը: Մահը այսպիսի պայմաններում մեծ պատիվ է: Իսկ դուք՝ դահիճներ, միք ուրախանա, վաղը դուք խայտառակ կերպով կանարգվեք: Կեցցե՛ Քրդստանը»:

Չնայած նրան, որ ամերիկո-անգլիական տերերի թելադրանքով և նրանց անմիջական օգնությամբ փմպերիալիզմի գործակալներ՝ Կավամ էս-Սալթանի կառավարությունը Իրանում և Նուրի-Սալիդի կառավարությունը Իրաքում, արյան մեջ խեղդեցին քուրդ ժողովրդի 1941—1947 թվականների ազատագրական շարժումները, չնայած քուրդ ժողովրդի և նրա լավագույն զավակների նկատմամբ նրանց կիրառած բոլոր տեսակի դաժանություններին և բարբարոսություններին, ռեակցիային չհաջողվեց քուրդ ժողովրդի մեջ մեռցնել ազգային ազատագրական ձգտումներն ու մարտական ոգին: 1947 թվականից հետո էլ Իրանական Քրդստանի մե՛րթ այս, մե՛րթ այն վայրում հաճախակի բռնկվում են քրդական առանձին ցեղերի ապստամբություններ:

Ներկայումս շնայած ներքին և արտաքին ռեակցիան
ուժերի բոլոր ջանքերին, քրդական ազգային-ազատագրական
շարժումը ավելի ու ավելի է աճում ու ծավալվում, ձուլվելով
մերձավոր արևելքի բոլոր ժողովուրդների հակաիմպերիալիս-
տական շարժման հետ: Իմպերիալիստական երկրների բոլոր
տանձգությունները հավասարապես հանդիպում են ինչպես
արևելքի բոլոր ժողովուրդներին, այնպես էլ քրդերի դիմադրու-
թյանը: 1957 թվականին, երբ ամերիկո-անգլիական իմպերիա-
լիստների թելադրանքով Թուրքիան սպառնում էր ազատասեր
սիրիական ժողովրդի անկախությունը, ամբողջ ազատասեր
մարդկությունը հետ միասին, Սիրիայի պաշտպանություն հա-
մար, ձայն բարձրացրեց նաև քուրդ ժողովուրդը: 1957 թվա-
կանին քրդական պրոգրեսիվ պարտիաները և այդ պարտիա-
տերի գործիչները, կոչով դիմեցին ամբողջ քուրդ ժողովրդին,
որտեղ ասված էր հետևյալը.

«Ո՛վ քուրդ, կամավոր կերպով դնա ազգային դիմադրու-
թյան ժողովրդական բանակ, պահիր ձեռքումդ զենքը Սիրիայի
ազատություն և անկախություն պաշտպանության համար,
դիր ավանդաբոլոմ նրանց հետ, ովքեր երես առ երես կանգ-
նած են քո ավանդական թշնամու դեմ: Դու կանգնիր Սիրիայի
սահմանների վրա և եղիր նրա անվտանգություն պաշտպանը:
Հակառակորդին միայն այն դեպքում թույլ տուր քայլել նրա
վրայով, երբ սիրիական հողի յուրաքանչյուր թիզը դու կվերա-
ժես երկրորդ Ստալինգրադի: Բարձրացրու ազատության դրոշը,
երինակ վերցրու քո նախնիներից, գործիր այնպես, ինչպես
նրանք էին գործում: Դու արժանի ես դրան, ուրեմն մի անգամ
ևս ապացուցիր ամբողջ աշխարհին, որ դու հանդիսանում ես
արժանի ժառանգն այն ազնիվ մարդկանց, որոնք ազատու-
թյան համար առատորեն ոտոզել են հողը իրենց արյունով: Քո
հիմնի մեջ այսպես երգիր երգվյալ թշնամուն. «... Դու կանց-
նես միայն մեր դիակի վրայով»»¹:

¹ Տե՛ս Սիրիական «Ալ-Խուրրիա» թերթի 1957 թ. հոկտեմբերի 28-ի
համարը:

Անհրաժեշտ է նկատել, որ վերջին տասնամյակի ընթաց-
քում և հատկապես երկրորդ համաշխարհային պատերազմից
հետո, երբ վերջնականապես պատուվեց ամերիկո-անգլիական
գաղութարարների դիմակը Միջին և Մերձավոր արևելքում,
քուրդ և արաբ ժողովուրդները ընդհանուր թշնամու դեմ պայ-
քարելու համար միացրեցին իրենց ջանքերը: Այդ պայքարը
իր կոնկրետ արտահայտությունը գտավ Իրաքում տեղի ունե-
ցած վերջին դեպքերի մեջ:

Իրաքի քուրդ և արաբ ժողովուրդները բանակի օգնությամբ
1958 թվականի հուլիսի 14-ին տապալեցին իմպերիալիզմի
երգվյալ գործակալ Նուրի-Սաիդի անփառունակ կառավարու-
թյունը և հռչակեցին ռեսպուբլիկա:

Ամբողջ աշխարհի առաջադեմ մարդկությունը, այդ թվում
նաև Իրաքի սահմաններից դուրս ապրող քուրդ ժողովուրդը,
ողջունեց Իրաքի ռեսպուբլիկայի հռչակումը: Իրաքի քուրդ ժո-
ղովուրդը եղբայրական արաբ ժողովրդին և ամբողջ աշխար-
հին հայտարարեց, որ պատրաստ է կրծքով պաշտպանելու
ռեսպուբլիկան, որի մեջ գտնում է իր ազգային ձգտումների
արդարացի լուծումը:

Սովետական Միությունը անշեղորեն առաջնորդվելով ժո-
ղովուրդների ինքնորոշման սկզբունքներով և խորապես հար-
գելով Իրաքի ժողովրդի արդարացի ձգտումները, առաջինը
հայտարարեց, որ ինքը պաշտոնապես ճանաչում է Իրաքի
ռեսպուբլիկայի կառավարությունը:

Սովետական կառավարության ղեկավար Ն. Ս. Խրուշչովը
Իրաքի ռեսպուբլիկայի պրեմյեր մինիստր Աբդել Քերիմ Կասը-
մին ուղղած ողջույնի հեռագրում հույս է հայտնում, որ Իրաքի
ռեսպուբլիկայի ստեղծումը կնպաստի ընդհանուր խաղաղու-
թյան հետագա ամրապնդմանը և ՍՍՌՄ-ի ու Իրաքի բարեկա-
մական հարաբերությունների զարգացմանը:

Ռեսպուբլիկայի հռչակման հենց առաջին օրը, նորաստեղծ
կառավարությունը հայտարարեց Իրաք-Հորդանանյան ֆե-
դերացիայից անջատվելու մասին և դուրս եկավ Բաղդադի,
ստրկացուցիչ պակտից, որը հավասար չափով ուղղված էր

ինչպես արաբ, այնպես էլ քուրդ ժողովրդի ազգային շահերը, դեմ և կաշկանդում էր նրանց ազգային զարգացումն ու կողոպտում երկրի ազգային հարստությունը:

Սովետական կառավարությունը նույնպիսի մարդասիրական վերաբերմունք ցույց տվեց 1943 թ. ապստամբության մասնակից քուրդ հայրենասերներին, որոնք 1947 թ. Մոլլա-Մուստաֆա Ալ-Բարզանու գլխավորությամբ քաղաքական ապստամբ են գտնում Սովետական մեծ Միությունում:

Այդ մասին Տ Ա Ս Ս -ը հաղորդում է հետևյալը.

«Ինչպես հայտնի է, Իրաքում ռեակցիայի տիրապետության շրջանում Հյուսիսային Իրաքի քրդական փոքրամասնությունը, որը աղքատության և փրավազրկության հետևանքով հուսահատության էր հասցվել, 1943 թվականին բարձրացրեց ամբողջ Հյուսիսային Իրաքը ընդգրկած ապստամբություն:

Ապստամբությունը գլխավորում էր Բարզանի ցեղի ցեղապետ Մոլլա-Մուստաֆա Ալ-Բարզանին:

Երեք տարուց ավելի քրդերի ջոկատները հերոսաբար կռուվում էին նուրի Սալիդ գործերի դեմ:

Միայն այն բանից հետո, երբ երկրում տիրապետող անգլիական գաղութարարները պատժիչ ջոկատների տրամադրության տակ դրին հրետանի, տանկեր և ավիացիա, ապստամբների ջոկատները ստիպված եղան նահանջել: Ծանր մարտեր տալով, նրանք անցան Հյուսիսային Իրան, իսկ ապա քաղաքական, ապաստան ստացան Սովետական Միությունում:

Սովետական ժողովուրդը հյուրընկալորեն դիմավորեց քուրդ հայրենասերներին: Նրանց նյութական օգնություն, աշխատանք տրվեց:

Նրանց նրխանները հնարավորություն ստացան սովորելու Սովետական դպրոցներում: Քուրդ վտարանդիները սովետական ժողովրդի բնտանիքում հարազատ եղբոր նման ապրեցին տասնմեկ տարի: 1958 թ. հուլիսի 14-ի ռևոլյուցիան Իրաքի ժողովրդին նպատակադրեց գաղութակալության կապանքներից, նրա առջև բացեց ազգային զարգացման ու խաղաղ դեմոկրատական պետական շինարարության ուսին: Աբդել Քերիմ Կա-

սրմի կառավարության մշակած նոր կոնստիտուցիան նորաստեղծ Իրաքի ռեսպուբլիկայում արաբներին և քրդերին երաշխավորեց հավասար իրավունքներ:

Ռևոլյուցիան Սովետական Միությունում ապրող քուրդ հայրենասերներին և նրանց բնտանիքներին հնարավորություն բնձեռնեց վերադառնալ հայրենիք»:

Սովետական Միությունում ապրած տարիներին Իրաքի քուրդ հայրենասերները հնարավորություն ունեցան տարբեր պրոֆեսիաներ ձեռք բերելու գիտության, տեխնիկայի, առողջապահության և գյուղատնտեսության բնագավառներում աշխատելու համար:

Նրանք թվով 853 մարդ (երեսմաներ, կանայք, ծերեր) 1959 թ. ապրիլի 17-ին սովետական «Գրուզիա» ջերմանավով հասան հայրենիք, որպեսզի մասնակցեն Իրաքի ժողովուրդի խաղաղ ստեղծարար աշխատանքին:

Իրաքի քուրդ և արաբ ժողովուրդը ջերմորեն դիմավորեց թանկազին հյուրերին: Երկրի բոլոր կողմերից եկել էին հասարակական գործիչների բազմաթիվ պատվեզակություններ: Քրդատանի ազգային գույնզույն տարազով քնակիչների մեծ խմբեր էին եկել դիմավորելու փրենց հայրենակիցներին:

Ազգային դրոշակներով ու լոզունգներով հազարավոր մարդիկ էին հավաքվել Շատել-Արաբի ավիերին դիմավորելու թանկազին հյուրերին:

Մի քանի տասնյակ կիլոմետր Սովետական «Գրուզիա» նավին ուղեկցում էին հարյուր հիսուն կատերներ ու մոտորային նավակներ, որոնց վրա կային ցնծացող իրաքցիներ»¹:

Սովետական կառավարության մարդասիրական այս միջոցառումները կողքին մենք հանդիպում ենք արևմտաեվրոպական բուրժուական մամուլի նողկալի ստերին և հերյուրանքներին, որ իբր թե, «մինչև ատամները դիմված քրդերը, Սովետական Միությունից եկել են, որպեսզի տեղորի մասնեն Իրաքի բնակչությանը»:

¹ «Տե'ս «Երևան» թերթի 1959 թ. ապրիլի 19-ի համարը:

Ժամանակով Իրաք, հայրենադարձների մի խումբ Տ Ա Ս Ս-ի թղթակցին մի նամակ հանձնեց և խնդրեց այն հայտնի դարձնել սովետական մարդկանց: Այդ նամակում գրված էր.

«ՍՍՌՄ-ում անցկացրած բոլոր տարիների ընթացքում մենք շրջապատված էինք սովետական մարդկանց սրտալի բարությունով և սիրալիրությամբ, — ասվում է նամակում. — Այժմ մենք ուրախանում ենք, որ վերադարձել ենք հայրենիք: Մենք ուրախ ենք և հպարտ նրանով, որ մեր ժողովուրդը հաղթանակ տարավ ճնշողների, իմպերիալիստների և նրանց կամակատարների դեմ մղած պայքարում, որ անցյալ տարվա հուլիսի 14-ի ռեյուցիայի հետևանքով, որը կատարվեց Իրաքի ժողովրդի հավատարիմ զավակ Աբդել Քերիմ Կասրմի ղեկավարությամբ, նա ձեռք բերեց լիակատար ազատություն:

Մենք երբեք չենք մոռանա այն աշակցությունը, որը ցույց տվեց սովետական ժողովուրդը Իրաքի ժողովրդին, նրա ազատագրական պայքարում»¹:

Հայրենադարձ քրդերը իրենց նստակում խոստանում են լինել Մերձավոր և Միջին Արևելքում լաղաղության ամրապնդման և ժողովուրդների բարեկամության համար մարտընչողների ավանգարդում:

Նույնպիսի հայտարարությամբ հանդես եկավ նաև Սովետական Միությունում ապաստան գտած և այժմ հայրենիք վերադարձած Իրաքի քաղաքական հայտնի գործիչ Մուստաֆա Ալ-Բարզանին. «Սովետական Կոնստիտուցիայի համապատասխան, — ասում է նա, — մենք սովետական քաղաքացիների հետ վայելում էինք՝ հավասար իրավունքներ առանց խրտրություն: Մեզանից նրանց, ովքեր սովորել ցանկացան, հնարավորություն ընձեռնվեց կրթություն ստանալու Սովետական Միության բարձրագույն ուսումնական հաստատություններում»²:

Այնուհետև հայտարարության մեջ ասված է. «Սովետական

իշխանությունները քրդերի համար դյուրացրին Իրաք վերադառնալու հնարավորությունը, նրանց տրամադրելով շերմանավ, ապահովելով բժշկական սպասարկմամբ և անհրաժեշտ ամեն բանով»¹:

Մուստաֆա Ալ-Բարզանին խոր երախտագիտության շերմ խոսքեր է ասում Սովետական Միության հասցեին, վճռաբար մերկացնելով արևմուտքի բուրժուական ստահոգ պնդումները և Իսրայելի մամուլի, ինչպես նաև Միացյալ Արաբական ռեսպուբլիկայի կառավարող շրջանների հայտարարությունները, որ իբր թե Իրաքի հայրենադարձների թվում կան նաև քրդական ազգությունը պատկանող սովետական քաղաքացիներ: Բարզանին ասում է. «Հերքելով այդ գրպարտչական հայտարարությունները, ես կամենում եմ անձամբ իմ անունից, ինչպես նաև բոլոր քրդերի անունից մեր շերմագին շնորհակալությունը հայտնել սովետական ժողովրդին և Սովետական կառավարությանը, որոնք մեզ հնարավորություն ընձեռնեցին վերադառնալու հայրենիք»²:

Անցնելով ազգային ազատագրական և քաղաքական կռիւների դաժան ուղի, քուրդ ժողովուրդը ներկայումս քաղաքականապես հաստնացել և ամրապնդվել է: Նա հաստատ կերպով հետևում է իր ղեմնկրատական կազմակերպությունների առաջադրած ծրագրին և համոզված է, որ միայն Մերձավոր Արևելքի աշխատավոր ժողովուրդների և բոլոր հակաիմպերիալիստական և ղեմնկրատական ուժերի համատեղ պայքարով նա կարող է իրագործել իր ազգային ազատագրական նպատակները:

Դեմոկրատիայի ուժերի հաղթանակով ռեակցիայի ուժերի դեմ, կհաղթանակի նաև քուրդ ժողովրդի ազատագրական պայքարը:

¹ «Правда» թերթի 1959 թ. ապրիլի 19-ի համարը:

² «Սովետական Հայաստան», 1959 թ. մայիսի 7-ի համարը:

¹ «Սովետական Հայաստան», 1959 թ. մայիսի 7-ի համարը:

² Նույն տեղը:

Գ Լ ՈՒ Խ Ն Ե Ռ Ք Ե Բ ՈՐ Դ

ՍՈՎԵՏԱԿԱՆ ՄԻՈՒԹՅԱՆ ՔՐԴԵՐԸ

ՔՐԴԵՐԻ ՎԻՃԱԿԸ ՌՈՒՍԱԿԱՆ ՅԱՐԻՉՄԻ
ՏԻՐԱՊԵՏՈՒԹՅԱՆ ՕՐՈՔ

Սովետական Միութիւնում բնակվող ներկայիս քուրդ ժողովուրդը ռուսական հպատակութիւնն է ընդունել դեռևս 19-րդ դարի սկզբից:

1804—1805 թվականներին իշխան Յիցիանովը վերջնականապես նվաճում է Գյանջայի, Ղարաբաղի, Շաքիի ու Շիրվանի խանութիւնները: Այդ շրջաններում ապրող բնակչութեան թիւում կային նաև քրդական մի քանի ցեղեր: 1807 թվականին քրդական ցեղապետ Մահմեդ Սեֆի սուլթանը, պարսկական կառավարող շրջանների հետ դժուրելու պատճառով, իր ողջ ցեղով (թվով 600 ընտանիք) Պարսկաստանից անցնում է ռուսական սահմանը և բնակութիւն հաստատում Ղարաբաղի խանութիւնում:

Քրդերի այն հատվածը, որը բնակվում էր Արևելյան Հայաստանի տերիտորիայում, ռուսական հպատակութիւնն ընդունեց 1827—28 թվականներին, երբ Արևելյան Հայաստանը վերջնականապես միացվեց Ռուսաստանին:

Քրդերը այդ ժամանակ կազմում էին Երևանի նահանգի բնակչության վեց տոկոսը, իսկ Կարսի գավառում՝ 17 տոկոսը:

1885 թվականին քրդական որոշ ցեղեր, որոնք թշնամական հարաբերութեան մեջ էին գտնվում օսմանյան Թուրքիայի հետ, նույնպես անցնում են ռուս-թուրքական սահման

ներ, միանում իրենց ցեղակիցներին և ընդունում ռուսական հպատակութիւնն:

19-րդ դարը քուրդ ժողովրդի համար բնորոշ է նահապետական ցեղային հարաբերութիւնների պահպանմամբ: Վարչա-կառավարչական ձևերը ցեղապետական էին: Ցեղերը ունեին իրենց ցեղապետերը. կային ավագներ և ավագների խորհուրդ:

Ցեղապետերը հաճախ լինում էին հոգևոր դասից, որոնք կատարում էին, ինչպես նշվեց նախորդ գլխում, հոգևոր և աշխարհիկ առաջնորդի դեր:

Ռուսական հպատակութիւնն ընդունած ցեղերի թիւը հասնում էր մտավորապես վաթսուհինգի: Աչքի էին ընկնում Ջալալի ցեղը մոտ 1000 վրանով, Շավիկի՝ 700 վրանով, Միպկանի (Կարսի գավառում)՝ 750 վրանով, Ղասկի՝ 250 վրանով, Փիրկանի՝ 200 վրանով, Ղարկի՝ 200 վրանով, ինչպես նաև Մարկի, Բաշկի, Մամկի, Հեջմկի, Շեխբազնի, Ռոշկան, Հասնի և այլն:

Մինչև Սովետական կարգերի հաստատումը, քրդերի ճնշող մեծամասնութիւնը քոչվորական կյանք վարելու պատճառով հողի հետ կապված չէր. նրանց հիմնական զբաղմունքը խաշնարածութիւնն էր: Որպես վաշկատուն ժողովուրդ, քրդերը գարնան և ամռան ամիսներին քոչում էին ամառանոցները, ապրում վրաններում, իսկ աշնանը վերադառնալով իրենց ձմեռանոցները ապրում էին գետնափոր հյուղերում: Ցեղամիջյան կռիւները նրանց մեջ սովորական երևույթ էին դարձել, որի հետևանքով միմյանց նկատմամբ թշնամաբար տրամադրված ցեղերը հաճախ խախտում էին նույնիսկ սահմանային օրենքները, անցնում Թուրքիա, Պարսկաստան և ընդհակառակը:

Մի կողմից կյանքի այսպիսի անբարենպաստ սլայմանները, մյուս կողմից ռուսական ցարիզմի դաժան քաղաքականութիւնը, փոքր ժողովուրդների նկատմամբ, հնարավորութիւն չէին ստեղծում քուրդ ժողովրդի համար նստակյաց կյանք վարելու և կուլտուրապես զարգանալու:

Այդ իսկ պատճառով նրանք խարխափում էին խավարի ու տգիտություն մեջ: Գրագետ մարդը քրդերի մեջ՝ բացառիկ երևույթ էր:

Միայն 1903—1904 թվականներին քրդերի տղա երեխաների համար ուս-թուրքական սահմանագլխին բացվեց մի դըպ-րոց, այն էլ ոչ մայրենի լեզվով, որտեղ սովորում էին միայն բեգերի երեխաները, իսկ քուրդ աշխատավոր ժողովրդի երե-խաների համար փակ էին այդ դպրոցի դռները:

Այստեղ արժանի է հիշատակել, որ ցարական Ռուսաստա-նում բնակվող մյուս ժողովուրդների հետ միասին ազգային ու սոցիալական ճնշման ու կեղեքման էր ենթարկվում նաև քուրդ աշխատավոր ժողովուրդը:

Նա անխնա կերպով հարստահարվում էր ազգակից ֆեո-դալ բեյի, ինչպես նաև ցարի մեծ ու փոքր պաշտոնյաների կողմից:

Այսպես, օրինակ, «1890-ական թվականներին Երևանի գավառի Չիվանդարա քրդական գյուղի բնակիչները գան-գատվել են նահանգապետին, որ 4—ծուխ բեյեր ինքնագլուխ ու ապօրինի կերպով գյուղում հաստատվելուց հետո, զավթել են համայնական վարելահողերը և այնպիսի դրուժյուն են ստեղծել, որ բուն գյուղացիները զրկվել են հողագործու-թյամբ զբաղվելու հնարավորությունից»¹:

Իսկապես Չիվանդարայի հողերի 7/8 մասը, որը գտնվում էր բեյերի ձեռքին, նրա մի մասը բեյերը վարձակալության էին տալիս ու հասույթները յուրացնում:

Յարական կառավարությունը մեծ արտոնություններ էր տալիս բեյերին, նրանք հարկերից ազատված էին, հողային և հասարակության բոլոր հարկերն ու տուրքերը գյուղացիներն էին վճարում:

¹ Խ. Զ. Ավրարեկյան, Հողային հարցը Արևելյան Հայաստանում, Երևան, 1959 թ., էջ 415:

Չիվանդարա գյուղի քրդերի դրուժյունը իսկապես հուսա-հատական էր: Գյուղի 9 ծխից միայն 6-ը անասուն ունեին, իսկ 3-ը բոլորովին անասնազուրկ էին և հողը մշակելու հնա-րավորություն չունեին:

Քուրդ աշխատավոր գյուղացիությունը ոչ բոլոր դեպքերում է լուսումնա-տարել իր ազգակից ֆեոդալ բեյի այս դաժանու-թյունները. նա շարունակ բողոքել է արտոնյալ խավի շա-հագործման դեմ, սակայն դասակարգային խոր բնույթ կրող այդ բողոքները և վրդովմունքները մնացել են անհետևանք և շատ դեպքերում պատժվել են նրա նախաձեռնողները:

Յարական Ռուսաստանին հպատակ բոլոր ժողովուրդները, այդ թվում նաև քրդերը, տնքում էին բազմաթիվ հարկերի ծանրության տակ:

Եթե քրդական քոչվորական ցեղերը մինչև 1840-ական թվականները պետական գանձարանին վճարում էին ծխա-հարկ և բնատուրք, ապա 1842 թ. ցարական կառավարու-թյունը այն փոխարինում է դրամով: Հարկադրման այս նոր սիս-տեմը ավելի է ծանրացնում քուրդ միջակ և չքավոր գյուղա-ցիւնների վիճակը:

«Այս պայմաններում քրդերի մեջ հարկերի, տուրքերի ու հասարակական ծախսերի բաշխումը կատարվում է ո՛չ թե հասարակության յուրաքանչյուր անդամի կարողության չա-փով, այլ մեծապես ծանրանում է միջակ կարողություն ունե-ցողների ու չքավորների վրա: Օրինակ, մլանցիների հասարա-կության մեջ թե՛ 500 և թե՛ 5000 ոչխար ունեցողները հարկա-յին միևնույն կարգի մեջ են և վճարում են 22-ական և 50-ական ուրլի:

100-ից մինչև 500 ոչխար ունեցողները 2-րդ կարգի մեջ են և նրանցից համահավասար շափով գանձվում է 20-ական ուրլի:

100 ոչխարից պակաս ունեցողները թեկուզ և նրանց ոչ-

խարենքի թիվը 15-ից էլ քիչ լինի երրորդ կարգի մեջ են, 14 ու 50 կոպ. հարկաչափով¹։

Բացի ուղղակի սահմանված պարտադիր հարկերից, կային նաև անուղղակի (պարտադիր) հարկեր, որոնք սահմանվում էին ֆեոդալ բեյի կողմից։

Քուրդ հոգևորականությունն էլ ուներ իր հարկադրման ձևերը. յուրաքանչյուր քուրդ բնաբնիք տարին մեկ անգամ հոգևորական գործակալներին հարկ էր վճարում սահմանված կարգով։ Այսպիսով, խեղճ գյուղացուց երկու կաշի էին մաշկում։

Վ. Ի. Լենինը խոսելով ֆեոդալիզմի բնորոշ հատկանիշներին մասին ասում է.

«... հարկադրանքի ձևերն ու աստիճանները կարող են շատ ու շատ տարբեր լինել, ճորտային կացությունից սկսած և գյուղացու դասային անիրավահավասարությունները վերջացրած»²։

Քրդական ավազանին իր իշխանության տակ գտնվող քուրդ գյուղացիության ավելի թույլ մասին զրկում էր հողից և արտադրության այլ միջոցներից։ Վերջինս իր գոյությունը պահպանելու համար ստիպված տեղափոխվում էր քաղաք և վաճառքի հանում իր աշխատուժը։ Բավական է ասել, որ 1886 թվականին Երևանի նահանգում կար մոտ 2000 հողազուրկ քուրդ տնտեսություն։ Տասներկու տարի հետո այն հասավ հինգ հազարի։ Քուրդ ֆեոդալ բեյը իր ձեռքին կենտրոնացնելով արտաավայրերը անօրինում էր մեծ թվով անասուններ։ Նա արդեն հանդես էր գալիս թռչարի (անասունների վաճառական) դերում։

1900-ական թվականներին Սուրմալուի գավառում բողոքովին անասուն շունեցող տնտեսությունները կազմում էին

բոլոր տնտեսությունների 17,5 տոկոսը, էջմիածնի գավառում 13,9 տոկոսը, Ալեքսանդրապոլի գավառում 16,7 տոկոսը¹։

Քրդերը, ըստ իրենց ունեցվածքի հետևյալ պատկերն էին ներկայացնում.

Գավառ	Տնտեսությունների թիվը — նրանցից						
	Գյուղերի թիվը	Հարուստներ	Տեղաբնակներ	Միջակներ	Տեղաբնակներ	Չբնակներ	Տեղաբնակներ
Սուրմալուի էջմիածնի	14	105	21,9	202	42,1	173	36
Ալեքսանդրապոլի	6	13	11	65	56,5	37	32,2
Ալեքսանդրապոլի	3	22	23,1	62	44,9	44	32,0
Ընդամենը	23	140	18,7	329	478	254	33,5

Այստեղից էլ պարզ է դառնում, որ քուրդ աշխատավորը զրկվելով արտադրության միջոցներից, թողնում էր իր հայրենի գյուղը և բռնում պանդխտության կյանքի դառն ուղին։

Այսպես, օրինակ, Սուրմալուի և էջմիածնի գավառներում գտնվող ջուր գյուղից վարձու աշխատանքի են դիմել տղամարդկանց 20,1 տոկոսը, Ալուշալու գյուղից՝ 29,4 տոկոսը, Բաշ-Սիմալից՝ 43, 4 տոկոսը, Ջավանլուից՝ 55,5 տոկոսը, Կաղիկոպառնոյից՝ 67,7 տոկոսը Դեմից՝ 75 տոկոսը, Տանշուրեկից՝ 87,3 տոկոսը և այլն։

Ի տարբերություն արտասահմանյան քրդերի, որոնք մինչև այժմ էլ պահպանել են իրենց նահապետական հարաբերությունները մնացորդները, սկսած 1840 թվականից ուսական ցարիլիցը աստիճանաբար քրդերի վարչա-կառավարման նա-

¹ Խ. Հ. Ավդալբեկյան, Հողային հարցը Արևելյան Հայաստանում, էջ 417։

² Վ. Ի. Լենին, Երկիր, հատ. 3, էջ 225։

¹ Ա. Ս. Համբարյան, Քրդերը Սովետական Հայաստանում, 1957 թ., էջ 8։

² Նույն տեղում։

հայկեւոսական ձեւերը ենթարկեց իր պետութեան շահերին: 1869 թվականին Երևանի նահանգապետը Երևանի և էջմիածնի գավառներում ապրող քրդերի կառավարման համար նշանակում է երկու պրիստավ, իսկ մնացած շրջաններում նշանակում է կառավարիչների ժամանակավոր պաշտոնակատարներ:

Նման միջոցառումներ կիրառվում են նաև քրդաբնակ մյուս գավառներում: Ռուսական ցարիզմը քուրդ աշխատավորութեան բազմաթիվ խնդրագրերի կապակցութեամբ երբեմն ձեռնարկներն անդրադառնում էր նրանց նստակյաց դարձնելու խնդրին, այս դեպքում էլ որպէս խոչընդոտ հանդես էր գալիս քուրդ ազան, որովհետև համացեղակիցներին իր ազդեցութեան տակ պահելը և կեղեքելը նրա համար ավելի դյուրին էր քոչվորական կյանքի ծանր պայմաններում քան թե նստակյաց: Այս փաստը հաստատվում է 1860 թվականին գինվորական նահանգապետին ներկայացրած զեկուցագրերից մեկում: Այնտեղ ասված է հետևյալը.

«Մի խոսքը քրդերի նստակեցութեան հարցի շուրջը անձամբ քննութիւն կատարելով, պարզեցի, որ Իբրահիմ աղայի կողմից այս խնդրում հարուցած արգելակների մասին Ձերդ գերազանցութեանն արված բողոքի հայտարարութիւնն անհիմն չի եղել: Երբ Ձեր հանձնարարութեամբ մեկնեցի դիտելու մշտապէս բնակութեան համար քրդերի ընտրած վայրը, այդ ժամանակ անմիջապէս գործի անցնելու պարտականութեամբ մինչև 150 մարդ նստակեցութեան անցնելու ցանկութիւն հայտնեցին: Բայց հենց որ շրջագայութեանս վերջին ինձ մոտ եկավ Երևանից վերադարձած ենթասպահ Իբրահիմ աղան, շրջապատված քրդական զանազան հասարակութիւններից հավաքված և ամենաազդեցիկ մարդկանցից բաղկացած իր հետևորդների բազմութեամբ, այդ ժամանակ վերջինները գրեթե բացարձակորեն սկսեցին դատապարտել առաջինների ձեռնարկութիւնը, կշտամբելով նրանց սեփական ժողովրդին դավաճանելու համար: Այսպիսով, շատերին շեղեցին նստակեցութեան անցնելու դիտավորութիւնից, չնայած այն

բանին, որ դիտածս հողերը շափաղանց բերրի և միանդամայն հարմար են նստակեցութեան համար»¹:

Իբրահիմ աղայի նման վարմունքը եղակի երևույթ չէր, նա պատկանում էր քրդական այն բազմաթիվ աղաների ու ցեղապետերի թվին, որոնց ազդեցութիւնը աստիճանաբար թուլանում էր համացեղակիցների նկատմամբ: Աղաներն ու բնակներ բոլոր միջոցները գործադրում էին գեթ փոքր շափով պահպանեն իրենց ազդեցութիւնը քրդական քոչվոր ցեղերի, նկատմամբ:

Ըստ 1869 թվականի հրատարակած օրենքի քրդերի վարչա-կառավարչական ցեղային ձեւերը փոխարինվում են տերիտորիալ բաժանումով:

Էլիբեկները այլևս իրավունք չունեին մասնակցելու ցեղի կառավարման ներքին գործերին: Նրանք, ինչպէս և ամբողջ աշխատավոր ժողովուրդը, ենթարկվում էին ցարական իշխանութեան կողմից նշանակված պետերին: Այդ միջոցառումների հետևանքով ավելորդ էր դառնում ցեղային ավագների խորհրդի գոյութիւնը:

Անշուշտ, կառավարման այս ձևը, ուժեղացնում էր հարկային սխտեմը. այսպէս, օրինակ, եթե 1884 թվականին արոտավայրերից յուրաքանչյուր դեսխատինի դիմաց դանձվում էր 10 կոպեկ, ապա 1898 թվականին՝ 35 կոպեկ: Քրդերը հաճախակի շէին կարողանում վճարել այդ հարկերը, որի հետևանքով մեծանում էր պարտքը. միայն 1885 թվականին, օրինակ, նրանք չկարողացան վճարել տարեկան հարկադրանքի 40 տոկոսը²:

Անդրկովկասում ապրող քրդերի վիճակը ավելի վատթարացավ առաջին համաշխարհային պատերազմից հետո, մինչև Սովետական կարգերի հաստատումը:

Այդ ժամանակ թուրքական շարդարարները զավթելով Կարսի, Կաղզվանի, Սուրմալուի գավառները, անխնա կո-

¹ Խ. Հ. Ավդալբեկյան, Հողային հարցը Արևելյան Հայաստանում, էջ 428:

² Ա. Ս. Համբարջան, Քրդերը Սովետական Հայաստանում, էջ 14—15:

տորում էին քրդերի եզրի հատվածին, իսկ տխրահուշակ դաշ-
նակ խմբապետերը քուրդ տեակցիոն ֆեոդալների թուրքիա-
յում կատարած գաղանուսթյունների վրեժը լուծում էին Հա-
յաստանում բնակվող, անմեղ քուրդ բնակչությունից՝ հրի ու
սրի քաշելով նրանց: Մի խոսքով անգրկովկասյան այն ժամա-
նակվա «տերերի»՝ դաշնակների, մուսաֆաթիների և մենշևիկ-
ների հակաժողովրդական քաղաքականությունը մի կողմից,
մյուս կողմից սովին ու համաձայնակը հարցականի տակ էին
դրել Անդրկովկասի ժողովուրդների, այդ թվում և քուրդ ժո-
ղովրդի ֆիզիկական գոյության հարցը:

**ՀՈԿՏԵՄԲԵՐՅԱՆ ՍՈՑԻԱԼԻՍՏԱԿԱՆ ՄԵԾ ՌԵՎՈԼՅՈՒՑԻՅԱՆ
ԵՎ ԱԶՍԱԳՐՎԱԾ ՔՈՒՐԴ ԺՈՂՈՎՈՐԴԸ**

1918—1920 թվականներին Անդրկովկասի պրոլետարիատը
և աշխատավոր գյուղացիությունը բոլշևիկյան պարտիայի ղե-
կավարությամբ պայքարի էր ելել իր ազգային ու սոցիալա-
կան ազատագրության համար: Ահա այդ ծանր օրերին էր, որ
Անդրկովկասի ժողովուրդներին օգնության հասավ ռուս մեծ
ժողովուրդը:

Հոկտեմբերյան Սոցիալիստական Մեծ ռեւոլյուցիայի հաղ-
թանակը լիակատար ազատություն բերեց հայիկինում ձեռված
բոլոր ժողովուրդներին, այդ թվում նաև քրդերին:

Սովետական կարգերի հաստատման համար մղվող ռե-
ւոլյուցիոն պայքարին մասնակից դարձան նաև քուրդ ժողովուր-
դի լավագույն զավակները:

Այստեղ արժանի է հիշատակել քաղաքացիական պատե-
րազմում հերոսաբար զոհված՝ Կենտրոնական Սիբիրի զինվո-
րական կոմիտար, աննկուն բոլշևիկ, տաղանդավոր պոետ Յե-
րիկ (Յևոդոր) Պրազբեկովին, քաղաքացիական կռիվների
ակտիվ մասնակիցներից է Կոմունիստական պարտիայի հին
զվարդիայի անդամ, սովետական քուրդ գրականության հիմ-
նադիրներից մեկը՝ Արաբ Շամիլովը:

Հայաստանում և Վրաստանում Սովետական կարգերի հա-
մար մղվող պայքարին մասնակից էլ նաև Շամիր Թեմուրովը:

Սովետական կարգերի հաստատումից հետո քուրդ աշխա-
տավորության համար ստեղծվեցին նյութական կյանքի նոր-
մալ պայմաններ և ազատ դարձացման հնարավորություններ:
Սովետական Ռուսաստանի կառավարությունը քուրդ ժողովուր-
դին ցույց տվեց ոչ միայն բարոյական այլ նաև տնտեսական
օգնություն:

1921 թվականի նոյեմբերի 17-ին Լենինը Ադրբեջանի ժող-
կոմսովետի նախագահին ուղարկում է հետևյալ հեռագիրը.

«Ցանկանում եմ, որ Ադրբեջանի նոր բացված Պետբանկը
լինի Սովետական ռեսպուբլիկայի բանվորների և գյուղացի-
ների ձեռքում նոր տնտեսական քաղաքականության ամուր
հենարանը: Պոլովոժիեի և Քրոստանի սովյալներին 40 միլիոն
նովրաբերելը աշխատավորների կարմիր ինտերնացիոնալի
դրոշի տակ ընթանալու պատրաստակամության լավագույն
ցուցումն է»¹: Պրոլետարիատի մեծ առաջնորդի հեռագիրը
քուրդ ժողովրդի համար ունի պատմական անգնահատելի
նշանակություն. նա կհիշվի սերնդից-սերունդ և ամեն մի ազ-
նիվ քրդի սրտում կմնա որպես երախտագիտության անշնչելի
մի վառ հիշատակ:

Ահա թե ինչու քուրդ ժողովուրդը իր բանահյուսուսթյու-
նում չեքոմ սիրով և խոր երախտագիտությամբ մեծ Լենինին
նվիրել է հետևյալ խոսքերը.

Չեմ մոռնա, չեմ մոռանա,
Լենինի դործը չեմ մոռանա,
Թշնամիներից չեմ վախենա,
Լենինի սպրուց չեմ հեռանա:

Շնորհիվ լենինյան ազգային քաղաքականության, քուրդ
աշխատավորությունը մեր երկրում կոմունիզմի կառուցման
ակտիվ մասնակիցը դարձավ:

Անդրկովկասի ռեսպուբլիկաներում Սովետական կարգերի:

¹ Լենին, Երկեր, հ. 33, էջ 132:

հաստատման հենց առաջին օրերին դեկրետ հրապարակվեց հողի ազգայնացման մասին: Այդ դեկրետի կենսագործման շնորհիվ հողագործի քուրդ աշխատավորը հող ստացավ, որը շրջագործային կետ հանդիսացավ նրա համար՝ վերջնականապես անցնելու նստակյաց կյանքի:

Միայն Սովետական Հայաստանում, 1923—25 թվականներին, քրդերի համար պետության հաշվին կառուցվեց մոտավորապես տասը գյուղ: Սովետական կառավարությունը և Կոմունիստական պարտիան մի շարք միջոցառումներ մշակեցին քուրդ ժողովրդին զիր ու գրականություն սովորեցնելու նպատակով:

1921 թվականին հայկական տառերի հիման վրա, Հակոբ Ղազարյանը (կազո) մշակեց և կազմեց քրդական այբուբենը: Նույն այդ թվականին, առաջին անգամ քրդական լեզվով լույս տեսավ «Շամս» խորագիրը կրող այբբենարանը:

1925 թվականին Հայաստանում և Ադրբեջանում ապրող քրդերի համար բացվեց մոտ 55 դպրոց, իսկ Թբիլիսիում՝ մեկ գիշերօթիկ դպրոց: Մեծահասակ քուրդ բնակչության անգրագիտությունը վերացնելու համար, Անդրկովկասի բոլոր քրդական գյուղերում կազմակերպվեցին անգրագիտության վերացման հատուկ դպրոցներ:

Ի դեպ, պետք է նշել, որ այդ ժամանակ քրդերի շրջանում կուլտ-մասսայական աշխատանք ծավալելու համար զգալի դեր խաղացին նաև խրճիթ-ընթերցարանները:

1925 թվականի հոնվար ամսին Լենինականի յոթերորդ գավառամասում (նախկին Հաջիխալիլի շրջան) հրավիրվում է Անդրկովկասի քրդերի համագումար (անպարտիական): Այս համագումարին մասնակցում էին 76 պատգամավորներ, որոնցից միայն մեկը կին: Համագումարում քննության առնչվեցին հետևյալ հարցերը.

1. Սովետական իշխանություն մասին:
2. Կուլտ-մասսայական աշխատանքը քրդերի շրջանում:
3. Գավառի փոխօգնության կոմիտեի նախագահի զեկուցումը:

4. Կոպերացիա և ներքին առևտուր:

5. Պայքար հին կենցաղի մնացուկների դեմ (ղալան, անչափահաս ամուսնություն, բազմակնություն):

7. Յոթերորդ գավառամասի Սանգաու գյուղի գյուղսովետի նախագահ Բրո Ալիևի զեկուցումը անգրագիտության վերացման մասին:

Համագումարի որոշումներում մենք կարդում ենք. «Մեծ աշխատանք ծավալել ծնողների շրջանում՝ աղջիկ երեխաներին դպրոց ուղարկելու հարցում»¹:

Ինչպես նշվեց վերևում, մինչ այդ, քրդական դպրոցներում գրաճանաչությունը և ուսուցումը տարվում էր հայկական տառերի հիման վրա կազմված քրդական այբուբենով, բայց համագումարը խնդրեց Հայաստանի կառավարությանը՝ այն փոխարինել լատինատառ այբուբենով: Հայաստանի կառավարությունը ընդառաջեց այդ խնդրանքին և հանձնարարեց Լուսժողկոմատին կազմելու նոր այբուբեն: 1926 թվականին ստեղծվեց լատինական տառերով քրդական այբուբենը: Այս գործին մեծ օգնություն ցույց տվեցին եղբայրական ռեսպուբլիկաների՝ Հայաստանի, Ադրբեջանի և Վրաստանի լեզվաբաններն ու գիտնականները:

Լատինատառ քրդական նոր այբուբենը կազմեցին Արաբ Շամիլովը և Վերին Դվինեցի, ասորի Իսահակ Մորոզուլովը:

Այբուբենը լույս ընծայելուց հետո, 1929 թվականին նույն հեղինակները հրատարակեցին «Քրդերեն լեզվի ինքնուսուցման համար» դասագիրքը, 2500 տիրաժով:

1926 թվականի փետրվարին, Լենինականի վեցերորդ գավառամասում (ներկայիս Թալինի շրջան) հրավիրվեց Անդրկովկասի քրդերի կոնֆերանսը (անպարտիական): Կոնֆերանսին ներկա էին 92 պատգամավորներ, որոնցից 7-ը կին:

Կոնֆերանսում կային բավականին թվով հյուրեր հարևան քրդական և հայկական գյուղերից: Այս կոնֆերանսը նույնպես

¹ Տե՛ս «Նորհրդային Հայաստան» թերթի 1925 թ. հոնվարի 22-ի համարը:

քննութեան առաջ քուրդ աշխատավորութեան համար կենսական նշանակութիւն ունեցող հետեւյալ հարցերը.

1. Լենինականի գավառը ծկոմի նախագահի գեկուցումը, քրդերի մեջ տարվող աշխատանքի մասին:

2. Զեկուցում քուրդ աշխատավորին հողի հետ կապելու մասին:

3. Դարձյալ կենցաղի հարցը:

Նստակյաց կյանք վարող քրդերի անունից հանդես եկավ Ղալմազ Բար օղլին (Ադրբեջանից), որը հանգամանորեն ապացուցեց նստակյաց կյանքի առավելութիւնները քոչվորական կյանքի նկատմամբ: Կենցաղի հարցի առթիվ հանդես եկավ քրդուհի Նուրե-Պուլատովան, որը կտրականապես պահանջեց, որպեսզի կոնֆերանսը հարց հարուցի Հայաստանի Կենտրոնական կոմիտեի, Ղալանի, բազմակնութեան և անչափահաս ամուսնութեան դեմ օրենք հրատարակելու համար: Նույն թիվականին Հայաստանի Կենտրոնական Գործադիր Կոմիտեն ընդառաջելով կոնֆերանսի պահանջներին այդ առթիվ համապատասխան օրենք հրատարակեց¹:

Պետք է ասել, որ այդ ժամանակ, մասնավորապես Հայաստանում, երբ քուրդ ժողովուրդը դեռևս չունէր իր սեփական լինելի գեներացիան, Արաբ Շամիլովը և Նուրե-Պուլատովան մեծ աշխատանք էին կատարում քրդերի մեջ, մեր պարտիայի ու կառավարութեան քաղաքականութեանը նրանց հաղորդակից պարձնելու համար:

1926 թվականին Հայկինոն, աշխարհում առաջին անգամ նկարահանեց քրդական կյանքին վերաբերող «Զարե» կինոնրկարը, որը մեծ հաջողութեամբ ցուցադրվեց Սովետական կինոէկրանների վրա: Այդ նկարում սցենար Հ. Բեկնազարյանը մեծ հաջողութեամբ պատկերել է նախասովետական շրջանի քուրդ աշխատավորութեան դառը վիճակը, փնչպես նաև քրդական կենցաղի բացասական բոլոր կողմերը. քուրդ բնիշ, շեյխի և նրանց կամակատարների անմարդկային վերաբերմունքը աշխատավոր ժողովրդի նկատմամբ:

Այդ նույն կինոնկարում վառ ու պատկերավոր կերպով տրված է ցարական կառավարութեան դաժան քաղաքականութիւնը փոքր ժողովուրդների նկատմամբ: 1947 թվականին Հայկինոն նկարահանեց «Սովետական Հայաստանի քրդերը» կարճամետրաժ կինոժուռնալը, որտեղ ցուցադրված են ազատագրված քուրդ աշխատավորների կողմից ձեռք բերած աննախընթաց հաջողութիւնները՝ կյանքի բոլոր ասպարեզներում:

Պետք է նշել, որ մեր երկրում Սովետական կարգերի հաստատման առաջին տասնամյակում, քուրդ ժողովրդի կյանքում կատարվեց պատմական խոշոր նշանակութիւն ունեցող երկու իրադարձութիւն, որոնք բարերար ազդեցութիւն ունեցան նրա հետագա զարգացման վրա:

Նախ՝ նա քոչվորական և կիսաքոչվորական կյանքից անցավ նստակյաց կյանքին. հող ստանալով սկսեց զբաղվել երկրագործութեամբ: 1929—1930 թվականներին մեզ մոտ տեղի ունեցած մեծ բեկման շրջանում, մեծ հեղաշրջում կատարվեց նաև քուրդ շքավոր և միջակ գյուղացիների կյանքում:

1930 թվականին քուրդ աշխատավորները մեր Սովետական հայրենիքի բազմազգ աշխատավոր գյուղացիութեան հետ միասին անվերապահորեն կանգնեցին գյուղի սոցիալիստական վերակառուցման ուղու վրա:

1930—1932 թվականներին քուրդ շքավոր և միջակ գյուղացիները հիմնականում արդեն ընդգրկվել էին կոլեկտիվ տնտեսութիւններում: Կոլտնտեսային նոր կարգերը հիմնականում վերափոխեցին գյուղի դեմքը:

Տնտեսութեան նոր ձևը խթան հանդիսացավ քուրդ գյուղացու նյութական և կուլտուրական կյանքի բարելավման համար: Հին նահապետական գյուղատնտեսական պրիմիտիվ գործիքներին փոխարինեցին ժամանակակից գյուղատնտեսական տեխնիկան՝ տրակտորը, կոմբայնը, կալսիչը և այլն:

Նախկին խաշնարածը ոչ միայն ընտելացավ այդ տեխնիկային, այլև յուրացրեց և գործի դրեց այն: Գյուղատնտեսութեան բերքատուութեան բարձրացման նպատակով նրանք սո-

¹ Տե՛ս «Նորհրդային Հայաստան», 1926 թ. № 47:

վորեցին կիրառել սովետական առաջավոր ագրոտեխնիկան։ Արտադրութեան միջոցների հանրային անփականութիւնը և արտադրողական ուժերի զարգացումը գյուղում փոխեցին նաև քուրդ գյուղացու կենցաղը։ Նախկին գետնափոր խրճիթները իրենց տեղը զիջեցին սրբատաշ քարով կառուցած գեղեցիկ ու լուսավոր բնակարաններին։

Բավական է ասել, որ միայն վերջին տարիներին, մասնավորապես ՍՄԿՊ-ի Կենտրոնական Կոմիտեի 1953 թվականի սեպտեմբերյան պլենումից հետո, քրդաբնակ վայրերում կառուցվել են 2000-ից ավելի նոր բնակարաններ։

Սենյակների կահավորումը նիկելազօծ մահճակալներով, ճաշասեղաններով, աթոռներով, ուղիորեն դուրսընկնելով արդեն մտել են քուրդ գյուղացու կենցաղի մեջ։

Այժմ էլեկտրիֆիկացիայի են ենթարկված Սովետական Միութեան քրդաբնակ գրեթե բոլոր գյուղերը, որի հետևանքով կոլտոգային արտադրական մի շարք պրոցեսներ մեքենայացված են։

Սովետական իշխանութեան տարիներին Անդրկովկասի գեղածիժաղ շենոնալանջերին գոյացել են բազմաթիվ քրդաբնակ նոր գյուղեր ու ավաններ։

Սովետական Հայաստանի Ալազյազ (Նախկին Ջամշու) և Ադրբեջանական ՍՍՌ Լաչին գյուղերն այսօր դարձել են գեղատեսիլ գյուղաքաղաքներ։ Ալազյազում կա հիվանդանոց, միջնակարգ դպրոց, ստացիոնար կինո-թատրոն, ախոմբ, գրադարան, սպորտ հրապարակ, լողարան, ղեղատուն, մանկատուն, ծննդատուն։ Ի դեպ, այդտեղի հիվանդանոցի գլխավոր բժիշկը քուրդ երիտասարդ Շամիլով Մամադայիս է։ Լաչին գյուղաքաղաքը ունի լայն և ուղղաձիգ ասֆալտապատ փողոցներ, երկհարկանի տներ, կուլտուրայի և հանգստի պարկ, կինո-թատրոնի գեղեցիկ շենք, հիվանդանոց, ծննդատուն, ուղիճանգույց և այլն։ Իսկ մինչ սովետական կարգերը Լաչինը Ադրբեջանի քրդաբնակ հետամնաց գյուղերից ամենահետամնացն էր։ Այժմ այդպիսի զարգացած գյուղերը եզակի շեն։ Ոչ միայն այս գյուղերում, այլև քրդաբնակ այլ գյուղե-

րում զգալի առաջընթաց է տեղի ունեցել բնակչության բուժ սպասարկման ուղղությամբ։

Իսպառ վերացել են նախկինում հաճախակի կրկնվող համաճարակ հիվանդութիւնները։

Այժմ քրդական բոլոր խոշոր գյուղերում կան բժշկական կայաններ, իսկ ենթաշրջաններում՝ հիվանդանոցներ և ծնընդատներ։ Քրդուհին արդեն ազատվել է տատմոր «օգնութիւնից», որի ձեռքով շատ մայրեր ու նորածին երեխաներ կյանքից զրկվում էին։

Այժմ ոչ միայն ժամանակակից բժշկութեան հանդեպ քուրդ տնային հեքիմները հեղինակազրկվել են, այլև ընդմիշտ անհետացել են։

Կուլտնտեսական կարգերի զարգացման ու ամրապնդման հետ միասին վերափոխվել ու վերափոխվում է քրդական սովետական գյուղը, որի հետևանքով մեծ փոփոխութիւն է առաջանում նաև քուրդ աշխատավորների հոգեբանութեան և աշխարհայացքի մեջ։ Կուլտնտեսային արտադրութեան մեջ անհատի շահը զուգակցվում է ընդհանուր՝ հասարակական շահի հետ։

Սոցիալիստական գյուղում կուլտնտեսային աշխատավորների կողքին առաջ եկավ նաև գյուղական ինտելիգենցիան, որը վերածնված քուրդ կուլտնտեսային գյուղացիութեան հետ միասին իր նոր ու լուսաշող կյանքն է կերտում։

Բազմաթիվ ու բազմապիսի են սոցիալիստական գյուղի նմիրական ու անձնուրաց աշխատողների թիվը։ Նրանցից շատերը կուլտնտեսութիւնների անվանի նախագահներ, բրիգադիրներ, օղակավարներ, կթվորուհիներ, ֆերմաների վարիչներ, մեխանիզատորներ, տեխնիկներ, ճակնդեղագործներ, բամբակագործներ, անասնապահներ, ղոտտեխնիկներ, գյուղատնտեսներ են։ Նրանք բոլորովին նոր մարդիկ են, այնպիսի մարդիկ, որոնք կուլտնտեսային արտադրութեան մեջ հանդիսանում են սոցմրցման գործի էնտուզիաստներ և ունեն կազմակերպչական մեծ ջիղ ու ղեկավարման ունակութիւններ։ Այդպիսիներից շատերը մի քանի անգամ նվաճել են

Համամիութենական գյուղատնտեսական ցուցահանդեսին մասնակցելու պատվավոր իրավունքը: Մեր միության գյուղատնտեսությունից բնագավառի շատ առաջավոր քուրդ աշխատողներ գյուղատնտեսության բերքատվության և անասնապահության միջնատվության առաջադրանքները պատվով կատարելու համար արժանացել են ՍՍՌԿ կառավարության բարձր պարգևներին:

1954 թվականին ՍՍՌԿ Գերագույն Սովետի հրամանագրով Սոցիալիստական Աշխատանքի հերոսի կոչում է շնորհված Նախիջևանի Ավտոնոմ ՍՍՌ Սուա գյուղի անվանի կոլտնտեսականներ՝ Նաբեև Քամոյին և Ղազնաֆարե Նազիրին: Այս գյուղի գյուղի կոլտնտեսության նախագահ Խոտ Մհոնը համարվում է այդ նույն կոլտնտեսության հիմնադիրներից մեկը: Տասնհինգ տարուց ավելի է, որ նա ազնիվ կերպով կատարում է կոլտնտեսության վարչության նախագահի պարտականությունները:

Այդ կոլտնտեսությունը միշտ էլ դասվել է շրջանի առաջավոր կոլտնտեսությունների շարքին: Որպես հացահատիկային կոլտնտեսություն ամեն տարի կատարել է պետական առաջադրանքները: 1958 թվականին կոլտնտեսությունը յուրաքանչյուր աշխօրի դիմաց բաժանել է 8 կգ հացահատիկ և անասնապահական շատ միջերքներ: Իսկ անասնապահության զարգացման ասպարեզում կոլտնտեսությունը չի զիջել իր առաջավոր տեղը:

Առաջավոր նախագահ է նաև Շահումյանի շրջանի Ն. Նեջրու գյուղի կոլտնտեսության նախագահ Բաբաևը: Նա շքանշանակիր է, մասնագիտությամբ գյուղատնտես: Բաբաևի ղեկավարած կոլտնտեսությունը հիմնականում մշակում է տեխնիկական կուլտուրաներ:

Տնտեսության առաջատար ճյուղը համարվում է բամբակագործությունը, բացի սրանից, կոլտնտեսությունը զբաղվում է նաև այգեգործությամբ, պտղաբուծությամբ և բոստանաբանջարանոցային կուլտուրաների մշակմամբ: Այս կոլտնտեսությունը դասվում է միջինատեղի կոլտնտեսությունների

շարքին: Վերջին տարիների յուրաքանչյուր աշխօրի միջին դրամական արժեքը կազմել է 15—20 ուրբլի: Հնաշված աշխօրին հասանելիք գյուղատնտեսական միջերքները:

Կիովին վերափոխվել է այս գյուղի տեսքը: Նյութական կյանքի բարելավման շնորհիվ տասնյակ կոլտնտեսականներ կառուցում են նոր բնակարաններ: Բացի արտադրական օբյեկտների կառուցումից, 1956 թվականին շահագործման հանձնվեց նաև նորակառույց բաղնիքը:

1958 թվականին կոլտնտեսությունն իր սեփական միջոցներով ՄՏԿ-ից գնեց մոտ 200,000 տոբլու արժողությամբ տրակտորներ և գյուղատնտեսական այլ մեքենաներ: Այժմ կոլտնտեսությունն ունի ավտոմեքենաների ու տրակտորների առանձին պարկ:

Իր նվիրական աշխատանքով աչքի է ընկնում նաև Թալինի շրջանի Հակոբ գյուղի կոլտնտեսության նախագահ Կոտիկե Սալոն:

Կոլտնտեսական կյանքի ունևոր ուղին մեծ հնարավորություններ ստեղծեց նաև Հակոբ գյուղի կոլտնտեսականների համար, որոնք միայն վերջին մի քանի տարվա ընթացքում կառուցեցին մոտ 45 նոր, գեղեցիկ ձևավորված բնակարաններ:

Մինչ կոլտնտեսային կարգերի հաստատումը, այս գյուղը շուներ նույնիսկ խմելու ջուր: Նրանք օգտագործում էին անձրևաջրերը, որը շատ հիվանդությունների տեղիք էր տալիս: Ներկայումս այդ գյուղի բնակիչները օգտվում են իրենց համար շատ հարագատ, գեղածիժաղ Ալագազի լանջերից հոսող սառնորակ աղբյուրների ջրից ջրերից: Այդ գյուղին ջուր տալու համար պետության միջոցներով 30 կմ երկարություն ունեցող ջրմուղ կառուցվեց:

Նման փաստերը բավականին շատ են:

Անհրաժեշտ է նշել, որ Կոմունիստական պարտիայի և Սովետական կառավարության ձեռնարկումների կենսագործումը 1929—1932 թվականներին շրջանացավ խաղաղ ու հարթ ճանապարհով: Քուրդ աշխատավորը դեռևս լիակատար ազա-

տագրված շէր շեյխերի ու բեյերի ազդեցութիւնները: Գասակարգային թշնամին, զգալով իր օրհասական մահը, մոլեգնաբար վերջին ճիգն էր թափում սարտաժի ու պրովոկացիայի ենթարկելու պարտիայի ու կառավարութեան կողմից բրգերի մէջ տարվող միջոցառումները:

Նա ահաբեկման էր ենթարկում Կոմունիստական պարտիային ու Սովետական իշխանութեանը նվիրված գյուղի պարտիական և անպարտիական ակտիվ գործիչներին: Գասակարգային այդ պայքարում, թշնամիների ձեռքով շարանենդորեն սպանվեցին Անդրկենտգործկոմի անդամութեան թեկնածու, Ապարանի շրջանի Սանգյառ գյուղի գյուղսովետի նախագահ Բրո Ալիեր, Թալինի շրջանի Հակոբ գյուղի բնակիչ, պարտ շրջկոմի պատասխանատու աշխատող Աճմեդ Սուլեյմանովը, ներկայիս Արթիկի շրջանի Քարվանսարա գյուղի բնակիչ, Անդրկենտգործկոմի անդամ, շրջիտկի նախագահ Կ. Զանոնը:

Չնայած քոլոր տեսակի խոչընդոտներին, քուրդ աշխատավորութիւնը հաստատուն քայլերով կանգնեց սոցիալիզմի կառուցման ուղու վրա և այսօր, ինչպէս տեսնում ենք վերափոխված այդ ժողովուրդը Սովետական Միութեան բազմազգ ժողովուրդների ընտանիքում, գրավում է իր պատվարժան տեղը: Գյուղի վերակառուցման դժվարին պայքարին ակտիվ մասնակցութիւն ցույց տվին նաև ազատագրված քրդուհիները, որոնք Սովետական երկրի բազմամիլիոն կանանց հետ միասին, մեր զարգացման քոլոր էտապներում, տղամարդու հետ համընթաց քայլերով, համարձակորեն մասնակցեցին մեր երկրում սոցիալիզմի կառուցման վեհ ու ազնիվ գործին:

Շատ է այդպիսի կանանց թիվը, բայց մենք հարկ ենք համարում խշելու դրանցից միայն մի քանիսին: Այսպէս, օրինակ, ոչ մի կերպ չի կարելի մոռանալ գյուղի վերակառուցման առաջին շրջանում, ծանր ու դժվարին այդ օրերում, Քարվանսարա գյուղի (նախկին Հաջիխալիլի շրջան) գյուղսովետի նախագահի պարտականութիւնները կատարող, ժողովրդի հարազատ դուստր, քրդուհի Սասուն Զանոնային:

Իսկ ներկայիս բազմաթիվ քուրդ առաջավոր կանանց թվին է պատկանում Ապարանի շրջանի Զարջարիս և Ղուտրբողազ միացյալ ինտերնացիոնալ գյուղերի գյուղսովետի նախագահ Ատլաս Սուլեյմանովան: Տասը տարուց ավել է, որ Ատլասը պատվով է կատարում գյուղսովետի նախագահի պարտականութիւնները. նա ազատ կերպով տիրապետում է հայերեն, ռուսերեն ու վրացերեն լեզուները և որպէս գյուղսովետի նախագահ վայելում է գյուղի բնակչութեան համակրանքը:

Մեր օրերում արդեն իրականութիւն է դարձել անմահ Լենինի նշանավոր այն ցուցումը, թե ամեն մի խոհարարուհի պետք է երկիր կառավարել սովորի:

Այո՛ւ՛ քուրդը, և՛ քրդուհին իսկպէս այսօր երկիր են կառավարում: Նրանք մեզ մոտ ազատ կերպով ընտրելու և ընտրվելու հավասար իրավունք ունեն: Մեր երկրի տեղական ու բարձրագույն օրգանների ընտրութիւնների ժամանակ տասնյակ քուրդ առաջավոր մարդիկ ղեպուտատներ են ընտրվել: Փաստերն այստեղ պերճախոս են: Այսպէս, կրկնակի անգամ ՍՍՌԿ Գերագույն Սովետի և մեկ անգամ Հայկական ՍՍՌ Գերագույն Սովետի ղեպուտատ է ընտրվել քուրդ ժողովրդի արժանավոր զավակ Սամադ Սիաբանդովը: 1951 թվականին ՀՍՍՌ Գերագույն Սովետի ղեպուտատ ընտրվեց Զարջարիս գյուղի կոլտնտեսութեան անվանի կթվորուհի Շուքրա Նադուն: 1955 թվականին Հայկական ՍՍՌ Գերագույն Սովետի ղեպուտատ ընտրվեց Ապարանի շրջանի, Ալագյալ գյուղի Անասնապահական ֆերմայի վարիչ Արֆուդ Քյալաշեր: ՍՍՌԿ Գերագույն Սովետի առաջին ընտրութիւնների, ինչպէս նաև Հայկական ՍՍՌ Գերագույն Սովետի ընտրութիւններին տարբեր ժամանակներում կրկնակի անգամ ղեպուտատ է ընտրվել տղերիս հեղինակը: Էլ շէնք խոսում այն մասին, որ տասնյակ քրդեր ու քրդուհիներ քաղաքային, շրջանային և գյուղական սովետների ղեպուտատներ են:

Նրանք լիովին հասկացան, որ Լենինյան ազգային քաղաքականութեան շնորհիվ, վեր միութեան բազմազգ ժողովուրդների հետ միասին իրենք էլ երկրի պատվարժան ու լիիրավ տերն են հանդիսանում:

Այս վեճ ու ազնիվ զգացմունքներով տոգորված՝ նրանք է՛լ ավելի մեծ եռանդով ու խանդավառութեամբ մասնակցեցին մեր մեծ հայրենիքի զարգացման ու բարգավաճման գործին:

* * *

1934 թվականի հուլիսի 8—14-ը Երևանում տեղի ունեցավ համամիութենական քրդագիտությանը նվիրված կոնֆերանս: Այդ, նախկինում արհամարհված քուրդ ժողովրդի կյանքում անգնահատելի պատմական մեծ իրադարձություն էր և լեհինյան ազգային քաղաքականության լավագույն ցուցադրումը: Փաստորեն այդ կոնֆերանսը անմիտփեց սովետական քուրդ ժողովրդի կյանքում տանջորս տարվա ընթացքում ձեռք բերած հաջողությունները կյանքի բոլոր ասպարեզներում:

Կոնֆերանսը բաց է անում ՀՍՍՌ Կենտրոնկոմի նախագահ Մ. Մարտիկյանը: Կոնֆերանսին մասնակցում էին Ադրբեջանի, Վրաստանի, Թուրքմենիայի, Լենինգրադի, Մոսկվայի և Հայաստանի քրդագետները, թվով 90 պատգամավոր:

Կոնֆերանսը քննության առավ հետևյալ հարցերը.

1. Քրդական միասնական գրական լեզվի մշակման խնդիրը:
2. Քրդերեն լեզվի ուղղագրության և այբուբենի հարցը:
3. Քրդական լեզվի բերականության հարցը:
4. Քրդերեն տերմինաբանության և բառակազմության հարցը:

Կոնֆերանսը աննշան փոփոխություններով հաստատեց սեկցիաների կողմից ներկայացրած առաջադրանքները, օրակարգի հիմնական հարցերի նկատմամբ: Կոնֆերանսը Սովետական Միության քրդերի հիմնական լեզուն ճանաչեց Սովետական Հայաստանում բնակվող քրդերի Կուրմանջի բարբառը և միաժամանակ հանձնարարեց Հայաստանի կուլտուրայի և պատմության ինստիտուտին՝ 1931 թվականից զրի առած քրդական ժողովրդական բանահյուսությունը ամփոփելու, մշակելու և հրատարակելու:

Կոնֆերանսը ողջույնի հեռագիր է ուղարկում ՀամԿ(Բ)Պ

Կենտկոմին, Անդրերկրկոմին, ինչպես նաև Հայաստանի և(Բ)Պ Կենտրոնական Կոմիտեին:

Մասնավորապես ՀԿ(Բ) Կ Կոմիտեին ուղարկված ողջույնի հեռագրում ասվում է.

«Համամիութենական քրդագիտության առաջին կոնֆերանսը ողջունում է ՀԿ(Բ)Կ Կենտկոմին:

Այն փաստը, որ առաջին համամիութենական քրդագիտական կոնֆերանսը զուսմարված է Խորհրդային Հայաստանի մայրաքաղաքում, լավագույն ապացույցն է լեհինյան ազգային քաղաքականության հաղթանակի»:

Այնուհետև հեռագրում ասվում է, որ Հայաստանի բոլշևիկները ՀամԿ (Բ)Պ Կենտկոմի ղեկավարությունը վիթխարի աշխատանք են կատարել Հայաստանի աշխատավոր քրդերի տնտեսական ու կուլտուրական շինարարության ասպարեզում, որ աշխատավոր քրդերի տնտեսության զարգացումը, կուլտուրատեսային և դպրոցական շինարարությունը, քրդական գրականության ստեղծումը, նոր, երիտասարդ կադրերի պատրաստումը, քուրդ բնակչության անգրագիտության վերացումը և այլն, այդ բոլորը ապացուցում են, որ Հայաստանի բոլշևիկները հաջողությամբ պայքար են մղում իրականացնելու լեհինյան պարտիայի ազգային քաղաքականությունը՝ ստեղծելով աշխատավոր քրդերի՝ ձեռով ազգային, բովանդակությամբ սոցիալիստական կուլտուրա:

Այնուհետև նշվում է այն մասին, որ կոնֆերանսի աշխատանքները կդառնան լեհինյան ազգային քաղաքականության մեծ հաղթանակի բոլշևիկյան ցուցադրումը: Կոնֆերանսի ընդունած ողջույնը վերջանում է հետևյալ լողունգով.

«Կեցցե՛ Խորհրդային Հայաստանը, կեցցե՛ ՀամԿ(Բ)Կ Կենտրոնական Կոմիտեն»¹:

Եվ իրոք, աննախընթաց են սովետական քրդերի ձեռք բերած հաջողությունները:

Ինչպես վերը նշեցինք, Սովետական իշխանության տարի-

¹ Տե՛ս «Սոցիալիզմի Հայաստան» 1934 թ., N 161:

ներին ամենից առաջ քուրդ մանուկների կոմունիստական դաստիարակության համար մեր երկրի քրդաբնակ վայրերի 65 գյուղերում մայրենի լեզվով բացվեցին տարրական, յոթնամյա և միջնակարգ դպրոցներ:

Ստորև տալիս ենք դպրոցների քանակը ըստ ուսումնական տարիների.

Ուսումնական տարի	Դպրոցների քանակը
1927/1928	13
1928/29	12
1929/30	19
1930/31	26
1931/32	38
1932/33	49
1933/34	45 ¹ և այլն

Այս բոլոր դպրոցներում դասավանդումը կատարվում էր քրդերեն լեզվով:

Յուրաքանչյուր ուսումնական տարում դպրոցներում սովորողների թիվը կազմում էր շուրջ 2352 աշակերտ: Մեծ Զամուշի (ներկայիս Ալազյազը) և Թալինի շրջանի Հակկո գյուղում գործում էին կուլերիս դպրոցներ, իսկ այժմ նրանք վեր են ածվել միջնակարգ դպրոցներ:

1932/33 ուս. տարում միայն Անդրկովկասում կային 71 քուրդ ուսուցիչներ:

1933/34 ուս. տարում այդ թիվը հասնում է 80 հոգու, իսկ այժմ մոտ 150 հոգու:

Մեր կրկրում տեղի ունեցած կուլտուրական ռևոլյուցիայի շնորհիվ քուրդ բնակչության մեջ այժմ անզրագետ մարդիկ չկան: Ի տարբերություն դրան, ներկայիս Թուրքիայում բնակվող քրդերը, որոնք կազմում են այդ երկրի բնակչության շուրջ

¹ 1928/29, 1933/34 ուսումնական տարիներում դպրոցների պակասելը բացատրվում է քրդական որոշ գյուղերի միացումով:

25 տոկոսը, խարխափում են տգիտության և խավարի մեջ:

Ըստ 1935 թվականի տվյալների, Թուրքիայում միջին թվով գրագետ տղամարդկանց թիվը կազմում էր 23,3 տոկոս, իսկ կանանցը՝ 8,2 տոկոս:

Այս տեսակետից դրսևթյունն ավելի անմխիթար է երկրի քրդաբնակ վիլայեթներում: Այսպես, օրինակ, «Դիարբեքիրի վիլայեթի տղամարդկանց միջին գրագիտությունը կազմում է 9 տոկոս, իսկ կանանցը՝ 2 տոկոս, էլյազիզի վիլայեթում՝ 12,2 և 2,5 տոկոս, Սիրիզի վիլայեթում՝ 6,8 և 0,7 տոկոս¹: էլ չենք խոսում այն մասին, որ Թուրքիայում արգելված է քրդերեն լեզվով գիր-գրականություն և դպրոց ունենալը:

Իսկ մեզ մոտ, Սովետական Միությունում, ստեղծված են բոլոր պայմանները մեր երկրի մեծ ու փոքր ժողովուրդների նյութական ու կուլտուրական կյանքի ծաղկման ու զարգացման համար:

Այժմ մեր Միության մի շարք քաղաքների՝ Մոսկվայի, Լենինգրադի, Կիևի, Տաշքենդի, Թբիլիսիի, Բաքվի, Աշխաբադի բարձրագույն ուսումնական հաստատություններում ազատ կերպով սովորում են քուրդ տասնյակ պատանիներ և աղջիկներ:

Հենց միայն Սովետական Հայաստանի զանազան բարձրագույն ուսումնական հաստատություններում ներկայումս սովորում են շուրջ 100 քուրդ երիտասարդ: Միայն վերջին երեք տարվա ընթացքում Երևանի բժշկական ինստիտուտը տվել է չորս շրջանավարտ: Սովետական իշխանության գոյության քառասուն տարիների ընթացքում, Կոմպարտիայի և Սովետական իշխանության ամենօրյա հոգատարության շնորհիվ, նախկինում կյանքի բոլոր դառնությունները ճաշակած, վաչկատուն կյանք վարած քուրդ ժողովրդի ծոցից առաջ եկավ քուրդ սովետական ինտելիգենցիան՝ գրողներ, բանաստեղծներ, ինժեներներ, գյուղատնտեսներ, անասնաբույժներ, պարտիական ու սոցետական շատ աշխատողներ:

¹ Данциг, Турция, стр. 130.

Ահա թե այս կապակցութեամբ ինչ է գրում «Ասրա» թերթի Բեյրութի դիրեկտոր Մալեկը, 1945 թվականին իր «Քրդստան կամ քրդերի երկիր» բրոշյուրում.

«Քրդերը Ռուսաստանում ունեն քաղաքացիական բոլոր իրավունքները և ստանում են կրթութիւնն ազգային ուսումնական հաստատութիւններում: Վերոհիշյալ բոլոր ուսումնական հաստատութիւններում դասավանդումը կատարվում է քրդերեն լեզվով. ահա թե ինչպիսի իրավունքներով են օգտւում քրդերը Ռուսաստանում, շնայած նրանց ընդհանուր թիվը չի գերազանցում 160,000 մարդուց: Անայոգիայի համար մենք հեշտութեամբ կարող ենք պատկերացնել, թե ինչպիսի վերաբերմունք կլինէր ժողովրդի նկատմամբ, եթե նրանց թիվը հասներ մեկ միլիոնի: Մեր մեջ բերած օրինակները, ուսական քրդերի մասին, հանդիսանում է ոչ թե պրոպագանդա, այլ փաստ, հիմնված թվական տվյալների վրա: Բացի այդ, քրդերը Ռուսաստանում ունեն իրենց լրագրերը և պարբերականները: Նրանք չեն վախենում այն բանից, որ իրենք ազգային պատկանելիութեամբ քրդեր են»:

Եվ իսկպես, մենք մեծ հպարտութեամբ կարող ենք նշել, որ սովետական քուրդ ժողովուրդը, մեր երկրի կոմունիզմ կառուցող ժողովուրդների հետ միասին, աննախընթաց նվաճումներ է ձեռք բերել տնտեսութեան, գիտութեան և կուլտուրայի թնադավառում և սխալված չենք լինի, եթե ասենք, որ այսօր քուրդ ժողովուրդը Սովետական Միութիւնում ապրում է իր ծաղկման ու զարգացման ոսկե դարը:

Սկսած 1930 թվականից ուժեղ թափ է ստանում քրդական գրականութեան հրատարակութիւնը. լույս են տեսնում թարգմանական, քաղաքական, գիտական, գեղարվեստական, մանկական բազմաթիվ գրքեր, ինչպես նաև դասագրքեր դպրոցների համար: Այսպես, օրինակ, 1930 թվականին քրդերեն լեզվով լույս տեսավ «Վ. Ի. Լենինը բանտում և աքսորում», 1933 թվականին՝ «Կարլ Մարքսի կենսագրութիւնը», 1934 թվականին՝ Կ. Մարքսի և Ֆ. Էնգելսի «Կոմունիստական պարտիայի մանիֆեստը» աշխատութիւնները, իսկ 1936 թվականին.

«Սովետական Միութեան Կոնստիտուցիայի նախագիծը» ինչպես նաև ուրիշ շատ գրքեր:

Ըստ Հայպետհրատի տվյալների քրդական լեզվով հրատարակութիւնը հետևյալ պատկերն է ներկայացնում.

№№ ը/կ	Հրատարակութեան տարեթիվը	Քանի՞ անուն գիրք է հրատարակ.	Տիրաժը	Ծանոթութ.
1.	1929 թվին	1	3000	
2.	1930 »	3	7500	
3.	1931 »	2	3500	
4.	1932 »	15	49900	
5.	1933 »	14	21000	
6.	1934 »	14	34500	
7.	1935 »	4	10000	
8.	1936 »	13	7000	
9.	1937 »	4	6000	
Ընդամենը		70	142.400	

1938 թվականին հարց դրվեց՝ քրդական լատինատառ այբուբենը փոխարինել ուսատառ այբուբենով:

1941 թվականին ՀՍՍՌ Լուսժողկոմատին առընթեր տերմինաբանական կոմիտեն հանձնարարում է ՍՍՌՄ Գիտութիւնների ակադեմիայի հայկական ֆիլիալի գրականութեան ինստիտուտի գիտական աշխատող Հաշիե Զնդուն, կազմելու քրդական այբուբենը ուսական տառերի հիման վրա: Հայկական ՍՍՌ ժողկոմսովետը 1941 թվականի հունիսի 3-ի իր 909 որոշումով հաստատում է քրդական այբուբենը, որը կազմված էր ուսական տառերի հիման վրա՝ ավելացրած նաև հայկական ութ (դ, հ, ք, փ, ո, թ, ջ, ճ) և լատինական երեք (g, w, i) տառերը:

Հայկական ՍՍՌ Լուսժողկոմատը մեկ ամսվա ընթացքում

մշակեց և հաստատեց քրդական լեզվի ուղղագրական կանոնները:

Սակայն Հայրենական Մեծ պատերազմը որոշ ժամանակով ընդհատեց այդ այբուբենի կիրառումը: 1944 թվականին Հայաստանի Կոմունիստական պարտիայի ԿԿ-ն և Հայկական ՍՍՌ Մինիստրների Սովետը նորից անգրադառնում են այդ հարցին և հանձնարարում Լուսավորության մինիստրությանը՝ արագացնելու քրդական լեզվի նոր այբուբենի գործադրումը:

Հետագա ուսումնասիրությունները ցույց տվին, որ երեք լեզուների այբուբենի հիման վրա կազմած այբուբենը անարդյունավետ կլինի, այդ պատճառով էլ որոշվեց վերանայել 1941 թվականին մշակած այբուբենը:

1944 թվականին այբուբենը վերանայելու համար Հայկական ՍՍՌ Լուսավորության մինիստրությունը կազմում է հատուկ հանձնաժողով, մինիստրի տեղակալ Արամ Ղազարխեյյանի նախագահությամբ, որի կազմի մեջ մտնում էին Գ. Ղափանցյանը, Հ. Աճառյանը, Ա. Զավարյանը, Ա. Ղանալանյանը, քուրդ գրողներ Հաջիե Զնդին, Վեզիրե Նադիրին, Ամինե Ավդալը և տղերքիս հեղինակը:

Հանձնաժողովը հանձնարարեց Հաջիե Զնդուն, Ամինե Ավդալին և Վեզիրե Նադիրին վերամշակել գոյություն ունեցող այբուբենը, ավելացնել մի քանի լատինական տառեր, որոնք չկային ուսական այբուբենում: Վերջին այս վարիանտը, որը բերում ենք ստորև, հաստատվեց և այժմ քրդական գրականությանը և պարբերական մամուլը հրատարակվում են հիշյալ այբուբենով:

Аа Бб Вв Гг Г'г' Дд Ее Әә Ә'ә' Жж
Зз Ии Йй Кк К'к' Лл Мм Нн Оо Ӗӧ
Пп П'п' Рр Р'р' Сс Тт Т'т' Уу Фф Хх
Һһ Һ'һ' Чч Ч'ч' Щщ Шш Ьь Ээ Qq Ww

1944 թվականից սկսած այդ այբուբենով պարբերաբար լույս են տեսել քրդական դպրոցների առաջին դասարանի այբբենարանը և 2—4-րդ դասարանների դասագրքերը, ինչպես նաև գիտական, գեղարվեստական, քաղաքական և մանկական բազմաթիվ գրքեր ու «Ռեա թաղա» թերթը:

Հատկապես վերջին տարիներին, նոր այբուբենով լույս են տեսել մոտ ինն անուն գիրք՝ շուրջ 30,300 տիրաժով: Ռուսական տառերի հիման վրա կազմված քրդական այբուբենը առաջադիմական քայլ էր քուրդ ժողովրդի կյանքում:

Քրդական կադրեր պատրաստելու նպատակով 1928—1929 թվականներին Անդրկովկասյան ռեսպուբլիկաներից թվով 50 հոգի, գործուղվում են Մոսկվա և կենտրոնացրադ՝ սովետական արևելքի ժողովուրդների համար բացված բարձրագույն ուսումնական հաստատություններում սովորելու:

Այժմ նրանցից շատերը ունեն գիտական աստիճան, որոնք աշխատում են գիտություն, գրականության և կուլտուրայի բնագավառներում կամ կատարում են սովետական ու պարտիական պատասխանատու աշխատանք: Նրանց թվին են պատկանում՝ ֆիլիոլոգիական գիտությունների թեկնածու, ՍՍՌՄ Գիտությունների ակադեմիայի կենտրոնական արևելյան լեզուների ինստիտուտի ավագ գիտաաշխատող Ղանալե Քրդոն: Նա ունի քրդական լեզվին վերաբերվող մի շարք գիտական աշխատություններ: Հատկապես ուշագրավ է 1957 թվականին լույս տեսած նրա «Քրդերեն լեզվի քերականություն» աշխատությունը: Ֆիլոլոգիական գիտությունների թեկնածու, Մոսկվայի լեզվաբանական ինստիտուտի գիտաաշխատող Զերբյազ Բաքոնին, ինչպես նաև Թալինի շրջանի պարտըրջկոմի առաջին քարտուղար, պատմական գիտությունների թեկնածու Խալիթ Զատոնին:

1931 թվականի հունվարի 15-ին, Հայաստանի Կ(բ)Պ Կենտրոնական Կոմիտեի և ժողկոմսովետի որոշմամբ նրանում բացվեց քրդական մանկավարժական տեխնիկումը: Սա ամբողջ աշխարհում առաջին տեխնիկումն էր, որտեղ ուսուցումը տարվում էր մայրենի լեզվով: Տեխնիկումն ուներ քի-

միայն, Ֆիզիկայի հարուստ կահավորումով լաբորատորիաներ, բնագիտական, պատմա-աշխարհագրական կաբինետներ: Բավարար կահավորումով գործում էր նաև պոլիտեխնիկական արհեստանոցը:

1930/31 ուս. տարում տեխնիկումում սովորում էին 60 ուսանող, 1932/33 ուս. տարում՝ 105 ուսանող, իսկ 1933/34 ուս. տարում՝ 110 ուսանող, որոնցից 5-ը քրդուհի: Այստեղ էին սովորում նաև Վրաստանից, Ադրբեջանից և միջինասիական սեպուբրիկաներից եկած թուրք երիտասարդները: Տեխնիկումում դասավանդում էին մի շարք շնորհալի թուրք մանկավարժներ՝ Հաջիե Ջուդին, Ամինե Ավդալը, Ջասմե Ջալիլը, Չարքչազ Բակոնը, Արաբ Շամիլովը, Վեզիրե Նադիրին, Խալիթ Չատունը և Բրո Մամոնը: Տեխնիկումը բավականին որակյալ մանկավարժական կադրեր պատրաստեց Անդրկովկասի և այլ սեպուբրիկաների քրդական դպրոցների համար: Բացի մանկավարժական կադրերից, տեխնիկումը տվել է այնպիսի սաներ, որոնք այժմ աշխատում են պարտիական և սովետական պատասխանատու պոստերում: Նրանցից են Միրոն Ասադը («Ռեա թաղա» թերթի պատասխանատու խմբագիր), Ալի Մամեդովը (նույն թերթի պարտիական բաժնի վարիչ), Թեմուր Շամիրզադեն (աշխատում է Տաշիկական ՍՍՌ-ում), Շավո Բրոնը, Ապարանի շրջանի Քրդի Փամպի յոթնամյա դպրոցի վաստակավոր ուսուցիչ, Ջավո Մամոնը և շատ ուրիշներ: Այս շրջանի աչքի ընկնող քրդուհի մանկավարժներից էր նաև Մարիամ Բաբունան, որը սկզբում նախկին Հաջի-Խալիլի (Լեւինյանականի գավառ) շրջանում վարում էր կին հրահանգչուհու պաշտոն, իսկ հետագայում Հայաստանի Լուսժողովուստում աշխատում էր որպես քրդական դպրոցների տեսուչ:

1955 թվականին Հայկական ՍՍՌ Մինիստրների Սովետի հանձնարարությամբ Լուսավորության մինիստրությունը Երևանի մանկավարժական ուսումնարանին կից բաց է բանում քրդական բաժին՝ քրդական պոլիգրի դպրոցներին ուսուցչական կադրեր տալու համար: Այժմ այդ բաժնում սովորում են 25 ուսանող:

* * *

Սովետական Միության կառավարությունը առանձնահատուկ ուշադրություն է դարձնում Սովետական Բանակի շարքերում գտնվող ազգային փոքրամասնություններից բանակ կանչված մարտիկների քաղաքական, մարտական դաստիարակության ու պատրաստակա՞նության կարևոր հարցերին: Հենց այդ նպատակով էլ 1929 թվականին Հայկական Դիվիզիայի երկրորդ գնդում կազմակերպվում է քրդական վաշտ, որի հրամանատարն էր Շամիր Թեմուրովը: Այս վաշտը աճեց և դարձավ ոչ միայն դիվիզիայի, այլև Կովկասյան Կարմրագրոշ բանակի լավագույն մարտական միավորումներից մեկը: 1932 թվականին «Կարմիր զինվոր» թերթում այդ վաշտի մասին մենք կարդում ենք հետևյալը.

«Նախընթաց տարվա աշնան մասներաներում ընկ. Թեմուրովը աչքի ընկավ իր վաշտով, որի համար ամբողջ վաշտը ստացավ շնորհակալություն և բանակի հրամանատարի հատուկ հրամանով 500 ու պարգև»¹:

Այդ նույն վաշտի լավագույն հրամանատար է եղել նաև Միրոյե Նազոն. նա հաճախ ընտրվել է Հայկական դիվիզիայի պարտիական հանձնաժողովի անդամ:

1934 թվականին տակտիկական պարապմունքների ժամանակ ցուցաբերած մարտական պատրաստակա՞նության և թշնամու արգելակները հաղթահարելու համար այդ վաշտը նորից արժանացավ հրամանատարության գերազանց գնահատականին և խրախուսանքին:

Բնորոշ է նաև այն, որ քրդական այդ վաշտի մարտիկների 92 տոկոսը եղել են պարտիական և կոմերիտական: Վաշտի զինվորներից ոչ ոք անգրագետ չի եղել: Վաշտում գործող երգի և պարի խմբակը Անդրկովկասյան Կարմրագրոշ բանակի ինքնագործ լավագույն խմբակների շարքին էր դասվում: Այս

¹ Տե՛ս «Կարմիր զինվոր», 1933 թ. № 32:

վաշտի մարտիկները մեծ սիրով էին համակված հանդես պովետական Միությունը:

Սովետական Միության նկատմամբ քուրդ աշխատավորության անհուն սերն ու անսահման նվիրվածությունը փայլուն կերպով ցուցադրվեց նաև Հայրենական Մեծ պատերազմի ահեղ օրերին, երբ մեր բազմամիլիոն հերոսական ժողովուրդը կենաց կամ մահու կռիվ էր մղում հիտլերյան հրոսակախմբերի դեմ:

Ռազմաճակատ մեկնած մեր երկրի միլիոնավոր մարդկանց հետ միասին անձնուրաց սխրագործություններ էին կատարում նաև Սովետական Միությունում ապրող քուրդ ժողովրդի դավակները, որոնք իրենց կատարած քաջագործություններով ետ չէին մնում մեր միության եղբայրական մյուս ժողովուրդների մարտիկներից:

Այստեղ հատկապես արժանի է հիշատակել Ապարանի շրջանի Սանգյար գյուղի բնակիչ, անվեհեր մարտիկ, փոխգնդապետ Սամադ Սիաբանդովին, որը հայրենիքի նկատմամբ ցուցաբերած անօրինակ քաջագործությունների համար ՍՍՌԳ Գերագույն Սովետի հրամանագրով արժանացավ Սովետական Միության Հերոսի պատվավոր կոչմանը:

Հայրենական պատերազմի տարիներին, տարբեր ռազմաճակատներում, անվախորեն մարտնչեցին քուրդ ժողովրդի արժանավոր զավակներ՝ տանկային զորամասի փոխգնդապետ Ջալիլ Հաջոն (Թբիլիսի քաղաքից), կապիտան Ղ. Մուրադովը (Թբիլիսի քաղաքից), Յուսուբ Բաքուր (Երևան քաղաքից), Համե Քալաշը (Ապարանի շրջանի Ղոնդաղսազ գյուղից), փոխգնդապետ Սաբիր Թզմանը (1905—1954, Լենինական քաղաքից), Արաբե Ալին (Ապարանի շրջանի Ջառախ գյուղից) և շատ ուրիշներ, որոնք հրամանատարության առաջադրանքները օրինակելի կերպով կատարելու համար մի քանի անգամ արժանացել են կառավարական բարձր պարգևների՝ շքանշանների և մեդալների:

Պատերազմի ամբողջ ընթացքում, թշնամու խոր թիկունքում, պարտիզանական ջոկատներում թշնամու ուժերը ջա-

տելու գործում մեծ սխրագործություններ կատարեցին Ալի Մամեդովը և Թեմուր Շամիրզադեն (Երևան քաղաքից):

Այդ ահեղ ու դժվարին օրերին թիկունքում անխոնջ կերպով Հայրենիքին ծառայություններ էր մատուցում նաև քուրդ աշխատավորությունը:

* * *

Կոմունիստական պարտիան և Սովետական կառավարությունը քուրդ աշխատավորության շրջանում քաղաքական-մասսայական լայն աշխատանք ծավալելու նպատակով անհրաժեշտ գտան հրապարակել քրդական թերթ: Եվ ահա 1930 թվականին լույս տեսավ Լոսժողկոմատի օրգան «Ռեա թագա» (Նոր ուղի) թերթի առաջին համարը: Թերթի խմբագրությունում աշխատանքի անցան նորաստեղծ քուրդ ինտելիգենցիայի լավագույն ներկայացուցիչները:

Այսպիսով, բավարարվեց քուրդ գյուղացու՝ մայրենի լեզվով թերթ կարդալու կենսական պահանջը: Թերթի առաջին խմբագիրն էր Ջարդոյե Գյանջոն:

Թերթի աշխատանքներին ակտիվ մասնակցություն էին ցույց տալիս Արաբ Շամիրզադը, Հաջիե Ջնդին, Ամինե Ավդալը: Բարեկամական անշահախնդիր օգնություն էին ցույց տալիս քրդերեն լեզուն տիրապետող հայ ընկերներից՝ գրող Հր. Քոչարը, գրականագետ Հ. Մկրտչյանը և ուրիշներ:

Թերթի աշխատանքները ընդհատվեցին 1937 թվականին, սակայն ՀԿՊ Կենտրոնական Կոմիտեի որոշմամբ 1955 թվականին «Ռեա թագան» սկսեց վերահրատարակվել որպես ՀԿՊ Կենտկոմի օրգան: Այժմ թերթը լիովին ապահովված է քուրդ շնորհալի աշխատողներով:

Քուրդ աշխատավորությունը մեր պարտիայի ու Սովետական կառավարության քաղաքականությանը հաղորդակից դարձնելու, նրան կոմունիստական շինարարության մեջ ընդգրկելու պատվարժան գործում մեծ ու պատասխանատու աշխատանք է կատարում «Ռեա թագան»:

«Ռեա թազա»-յի վերահրատարակումը մեծ արձագանք գտավ Միջին և Մերձավոր Արևելքում ապրող քուրդ ժողովրդի շայն շրջաններում:

Այժմ «Ռեա թազան» մեծ սիրով կարդում են ոչ միայն Սովետական Հայաստանի քուրդ աշխատավորները, այլև մեր Միության մի շարք ռեսպուբլիկաներում՝ Ադրբեջանում, Վրաստանում և միջինասիական ռեսպուբլիկաներում բնակվող քուրդ աշխատավորները:

1955 թվականից իր աշխատանքները վերակեսցի, 1936 թվականից ընդհատված ռադիոհաղորդումների քրդերեն բաժինը: Այդ կապակցությամբ արտասահմանյան բազմաթիվ քուրդ ռադիոստանդներ մի շարք նամակներ են ուղարկել Հայկական ՍՍՌ-ի Մինիստրների Սովետին կից Ռադիոյի և հեռուստատեսության հաղորդումների պետական կոմիտեի հասցեով: Իրենց նամակներում նրանք մեծ գոհունակություն են հայտնում այդ հաղորդումներից մեծ բավականություն ստանալու առթիվ:

* * *

Սովետական քուրդ գրականությունը իրավամբ հանդիսանում է Հոկտեմբերյան Սոցիալիստական ռևոլյուցիայի զավակը: Մինչև Սովետական կարգերի հաստատումը, մեր երկրում ապրող քրդերը մայրենի լեզվով չեն ունեցել գեթ մեկ անուն գիրք: Ասենք չէին էլ կարող ունենալ, քանի որ նրանք չունեին իրենց գիրքը: Սովետական իշխանության տարիներին բուն թափով զարգացավ ձևով ազգային, բովանդակությամբ սոցիալիստական գրականությունը, որն իր մեջ գեղարվեստորեն մարմնավորում է սովետական ժողովրդի անցած հերոսական ուղին՝ պահպանելով քուրդ ժողովրդի ազգային պատմական լավագույն տրադիցիաները:

Այստեղ անհրաժեշտ է նշել, որ սովետական քրդական գրականությունը դասվում է մեր երկրի այն ժողովուրդների գրականության թվին, որոնք մինչև Հոկտեմբերյան Սոցիա-

լիստական Մեծ ռևոլյուցիան չեն ունեցել իրենց սեփական գիրք ու գրականությունը: Այս ամենին փոխարինել է միայն ժողովրդրական հարուստ, բազմաժանր և բազմաբովանդակ բանահյուսությունը:

Քրդական սովետական գրականությունը ձևավորվել է որպես սոցիալիստական ռեալիզմի գրականություն, որն արտացոլում է մեր նոր կյանքի զարգացման ռեալ իրականությունը:

Այս բանին մեծապես նպաստել է ռուս և հայ կլասիկների և հատկապես ռուս և հայ սովետական գրողների ստեղծագործական փորձի յուրացումը:

Սովետական իշխանության հետ միասին աճեցին նաև քուրդ գրողներն ու բանաստեղծները: Սկսած 1930-ական թվականներից գրական ասպարեզ եկան մի շարք շնորհալի քուրդ գրողներ: Այստեղ արժանի է հիշատակել քուրդ սովետական գրականության հիմնադիրներ՝ Հաջիե Ջնդուն, Արաբ Շամիրովին, Ջ. Գենջոյին, Ամինե Ավդալին, Ջասմե Ջալիլին, Վեզիրե Նադիրին և ուրիշներին: Նրանց ստեղծագործությունների հիմնական թեմատիկան հանդիսացավ մեր նոր կյանքի գովերգումը, քուրդ ժողովրդի դառն անցյալի մնացորդների խարազանումը և քրդական ժողովրդական բազմաբովանդակ ու բազմաժանր բանահյուսության հավաքումն ու մշակումը:

Սովետական քուրդ գրողների աշխատանքի համար լայն հնարավորություններ ստեղծելու նպատակով անհրաժեշտություն զգացվեց Հայաստանի Գրողների միությանը առընթեր ունենալ քուրդ գրողների սեկցիա:

1932 թվականին կազմակերպվեց այդ սեկցիան: Սա քուրդ իրականության մեջ պատմական բացառիկ կարևոր նշանակություն ունեցող երևույթ էր, որովհետև աշխարհում, միայն մեզ մոտ, Սովետական Միությունում ապրող 160,000 քուրդ ժողովուրդը ունեցավ իր գրողների սեկցիան:

Մինչդեռ ներկայիս Թուրքիայում և Իրանում ապրող քուրդ բնակչությունը զրկված է այսպիսի իրավունքներից:

Քրդական սեկցիան իր գործունեության ընթացքում բավականին շոշափելի աշխատանք է կատարել ու կատարում է սովետական քուրդ գրականության զարգացման ուղղությամբ:

1932 թվականին Հայաստանի կից կազմակերպվում է քրդական գրականության հրատարակչության սեկցիա: Հենց այդ տարիներին, ինչպես նշեցինք վերևում, լույս ընծայվեցին մոտ 70 անուն քաղաքական, գեղարվեստական, մանկական, թարգմանչական գրքեր և դասագրքեր: Այստեղ արժանի ենք գտնում հիշատակել քուրդ ժողովրդի բազմադարյան բանավոր քանահայտության հավաքման և մշակման գործում անխնայ մշակ, իր ժողովրդին անգնահատելի ծառայություններ մատուցող գրող և ֆուլկլորիստ Հաջին Ջնդուն: Նրա և Ա. Ավդալի առաջին մեծածավալ աշխատությունը՝ «Քրդական ֆուլկլորը», լույս տեսավ 1936 թվականին, իսկ նույն խորագիրը կրող երկրորդ գիրքը՝ 1957 թ.:

Հաջին Ջնդու գրչին են պատկանում նաև «Արնա եղբայրները», «Նոր առավոտը», «Քյորոզլին քրդական էպոսում», «Քրդական ժողովրդական հեքիաթներ», «Սովետական Հայաստանի քրդական գրականություն» և այլ գործեր:

Սովետական քուրդ գրականության մեջ, հատկապես նրա զարգացման սկզբնական շրջանում, զգալի աշխատանք կատարեց Արաբ Շամիրովը: Աչքի են ընկնում նրա «Լենինի կյանքը», «Հոկտեմբերյան ռևոլյուցիայի պատմությունը», «Քուրդ հովիվը» գրքերը և «Սուտ ճղնավոր» պիեսը:

Նորաստեղծ քուրդ գրականության հիմնադիրներից է նաև Ամինե Ավդալը: Նա որպես ազգագրագետ, բեղմնավոր աշխատանք է կատարել քրդական գրականության և այդ ժողովրդի կուլտուրայի զարգացման բնագավառում: Նրա ստեղծագործությունների մեջ աչքի են ընկնում «Բաքոն», «Երեք եղբայրներ», «Մամ ու Զին»-ը, «Գյուլիզարը», «Քուրդ կինը նահապետական ընտանիքում, ըստ ազգագրական ֆուլկլորային նյութերի», «Վրիժառույթունը քրդերի մեջ», «Սովետական Հայաստանի քրդերը», «Անդրկովկասյան քրդերի կենցաղը» և այլ գործեր:

Տաղանդավոր քուրդ գրող էր նաև հանգուցյալ Վեդիր Նադիրին (1911—1946 թ.): Նա մանուկ հասակում զրկվում է հորից ու մնում է մոր խնամքի տակ: Դաստիարակությունը ստանում է հորեղբորից: Մինչև Սովետական կարգերի հաստատումը նա իր մատաղ հոգու վրա զգացել է կյանքի դառնությունները: Միայն Սովետական իշխանությունը նրան կյանքի հատակից վեր հանեց ու հասցրեց մինչև գրողի ու դասախոսի աստիճանին: Որպես Կոմունիստական պարտիայի անդամ մինչև վերջ հավատարիմ մնաց իր հայրենիքին ու պարտիային: Նա ազատ կերպով տիրապետում էր մի քանի լեզուներ, գիտեր արաբերեն, պարսկերեն, հայերեն, ռուսերեն, թուրքերեն, ազրբեջաներեն: Այդ լեզուներով նա ոչ միայն խոսում էր, այլև գրում էր ու կարդում:

Վեդիրե Նադիրին մեծ ծառայություններ է մատուցել քրդական գիր ու գրականության զարգացման գործին:

Իրենց գեղարվեստական բարձր արժանիքներով ու բովանդակությամբ աչքի են ընկնում նրա «Նուբարը», «Կնոջ առեվանգումը», «Նադոն և Գյուլիզարը» ու շատ ուրիշ ստեղծագործություններ:

Սովետական քուրդ գրականության հիմնադրման ու նրա զարգացման բնագավառում զգալի աշխատանք է կատարել նաև բանաստեղծ Ջասմե Ջալիլը: Ընթերցասեր հասարակությանը ծանոթ են նրա «Ալագյազ», «Քրդական սիրո վեպերը», «Մայրենի աղբյուրը» ստեղծագործությունները, ինչպես նաև Ա. Պուշկինից, Մ. Գորկուց, Հովհ. Թումանյանից կատարած նուրբ ու քնքուշ թարգմանությունները:

Նույն ժամանակաշրջանում գրական ասպարեզ իջավ և սովետական նորաստեղծ քուրդ գրականության ասպարեզում իր արժանավուն տեղը զբաղեց հանգուցյալ գրող-բանաստեղծ Ջարդոյե Գենչոն (1904—1945 թթ.): Նա առաջին քուրդ կոմերիտական երկար ժամանակ Լենինականի նախկին յոթերորդ գավառամասում ԿԿՄ շրջկոմի քարտուղարն էր: Վաղ հասակից զրկվեց ծնողներից, անցավ կյանքի դառը

փորձություններով, միայն Սովետական կարգերում էր, որ նա իր վերածնունդն ապրեց:

Նրա գրչին է պատկանում «Նոր գյուղը» պատմվածքը, որտեղ հեղինակը նկարագրում է քուրդ գյուղացու անցյալի մղձավանջային պատկերները, ինչպես նաև կոլեկտիվ տրնտեսությունների կազմակերպման դժվարին էտապում հանդես եկած դասակարգային թշնամու դիմագրությունն ու ոտընձագրությունները: Այդ նույն պատմվածքում ղեկավարողներն վեր է հանում ազատագրված քուրդ գյուղացու վերածնունդը և միաժամանակ ցույց տալիս, որ նա արդեն դարձել է իր կյանքի լիիրավ տերը: Բացի այս, Ջ. Գենչոն ունի նաև մի շարք գողտրիկ բանաստեղծություններ՝ նվիրված Հայաստանի չնաշխարհիկ բնությանը:

Սովետական քրդական գրականության ասպարեզում իրենց համեստ ծառայություններն են մատուցել նաև Ուսուրե Բաբոն, Արամե Չաչանը և Ահմեդ Միրազին:

Քուրդ գրողների ավագ սերնդի կողքին օրավուր աճում է գրական ասպարեզ եկած երիտասարդ, բայց շնորհալի գրողների ու բանաստեղծների մի խումբ: Դրանցից արժանի են հիշատակության Մ. Ռաշիդը, Ս. Իբոն, Տ. Բրոնը, Ս. Ասլա-նին, Շ. Հասանին, Կ. Չաչանին և ուրիշները:

Սովետական իշխանության տարիներին վրացական ՍՍՌ-ում վրաց ժողովրդի եղբայրական օգնությամբ, Թբիլիսի քաղաքում ստեղծվել է քուրդ գրողների ու բանաստեղծների մի փոքրիկ կոլեկտիվ:

Վրացական ՍՍՌ-ում ներկայումս ապրող և ստեղծագործող այս կոլեկտիվի լավագույն ներկայացուցիչներն են՝ Ղաչաղե Մրազը, Բախշոյե Իսկոն, Ջալիլե Հաջոն, Տհարե Բրոն, Ադոյե Ջանգոն, Ջարդոե Ասադը, Մորոյե Մամեդը, Ազիզե Սլոն:

Այստեղ մենք հանգամանորեն հնարավորություն չունենք կանգ առնելու նրանց ստեղծագործությունների ընդհանուր արժանիքների վրա, միայն անհրաժեշտ ենք համարում նշել այն, որ հիշյալ գրողները իրենց շափածո և արձակ ստեղծագործություններում ամփոփում ու մարմնավորում են դարերի

խորքից ու մշուշից եկած բազմաշարչար քուրդ աշխատավոր ժողովրդի դառն անցյալը և ուրախ ներկան:

Քուրդ ստեղծագործողների այս հատվածի մոտ մենք հանդիպում ենք բարձր ու նուրբ ճաշակով գրված այնպիսի գործերի, որոնք ցուցաբերում են քուրդ ժողովրդի հոգու ողջ գեղեցկությունը, ազնիվ ձգտումներն ու երազանքները, որոնք շատ հարազատ են նաև մյուս բոլոր ժողովուրդներին, այդ ժողովուրդների լավագույն տրագիցիաներին:

Նրանք ջերմ ու սրտառու կերպով իրենց մի շարք բանաստեղծություններն ու պոեմները, արձակ էջերը նվիրել են մեր պարտիայի ու պետության ստեղծողին՝ հավերժ կենդանի մեծ կենինին, մեր միության սիրտը հանդիսացող Մոսկվային, եղբայրական ղեկավարիկաների մայրաքաղաքներ՝ Թբիլիսիին, Բաքվին, Երևանին, Սովետական Բանակին, նրա քաջասիրտ ռազմիկներին, սահմանապահներին, Հայրենիքին, կոլտնտեսային կարգերին, Հոկտեմբերյան Սոցիալիստական Մեծ ռեյուցիային, մեր սիրասուն, մեր զով ու հով Ալագյազին:

1958 թվականին Վրացական ՍՍՌ Գրողների միության կողմից «Նոր ուղի» խորագիրը կրող առանձին ժողովածուով, ուսանողներին թարգմանությամբ լույս տեսան վերևում հիշատակված քուրդ գրողների ստեղծագործությունները: Տնտեսության, գիտության, կուլտուրայի և գրականության բնագավառներում սրողակի նվաճումների են հասել նաև Ադրբեջանական ՍՍՌ-ում բնակվող քուրդ աշխատավորները:

Քրդական թարգմանական գրականության մեջ իրենց ինքնուրույն տեղն ունեն եղբայրական ղեկավարիկաների և օտարերկրյա նշանավոր գրողների կլասիկ գործերի թարգմանությունները, որպիսիք էլ ավելի են հարստացնում ու ձուխացնում քուրդ ժողովրդի գրականությունը: Այսպես, օրինակ, տարբեր ժամանակներում քուրդ գրողները թարգմանություններ են կատարել նաև Ֆիրդուսիից, Շ. Ռուսթավելուց, Հայնեից, Հ. Թումանյանից, Ավ. Իսահակյանից, Պուշկինից, Լե Տոլստոյից, Ն. Ջարյանից, Սարմենից և այլ գրողներից:

Թարգմանվել են նաև ուկրաինական, բելոռուսական, լիտ-

վական և մեր միության այլ ժողովուրդներին պատկանող հեքիաթներին:

Թարգմանություններ են կատարվել Ց. Շիլլերից, Դ. Դե-
ֆոյից, է. Զոլայից, Ռ. Ռոլանդից և շատ ուրիշներից: Բոլորից
շատ թարգմանվել է հայ գրականությունից:

Բարձրագույն ժողովուրդների ստեղծագործությունների,
թարգմանությունների մեջ իրենց բազմազանությամբ ու քա-
նակով առանձնակի տեղ են գրավում հայ գրողների և բանաս-
տեղծների գործերի թարգմանությունները: Հասկանալի է, որ
այդ պատահական երևույթ չէ, այլ այն ունի իր պատմական
խոր արմատները: Հայ և քուրդ ժողովուրդները դարեր շա-
րունակ համատեղ ապրելով՝ շատ հարցերում ընկալել են
միմյանց և հարազատացել: Հենց այդ բոլորի ամենապեր-
ճախոս ապացույցն այն է, որ քուրդ ժողովուրդը և նրա նո-
րաստեղծ ինտելիգենցիան միշտ ու ամենուրեք խոր երախ-
տադիտություն են ցուցաբերել ու ցուցաբերում են դեպի այդ
ժողովուրդը, նրա լավագույն տրադիցիաներն ու առաջավոր
կուլտուրան:

Եվ իսկապես, շնորհիվ մեր Կոմունիստական պարտիայի
լենինյան ազգային քաղաքականության, Սովետական Հա-
յաստանը դարձավ Սովետական Միությունում ապրող սովե-
տական քուրդ գրականության ու կուլտուրայի իսկական հայ-
րենիքը:

«Ուշագրավ է, — ասում է ընկ. Ս. Թովմասյանը, — քրդական
կուլտուրայի և գրականության զարգացումը: Սովետական
Հայաստանն առաջին երկիրն է, որտեղ լրջորեն ու բազմակող-
մանի կերպով սկսեցին զբաղվել քուրդ ժողովրդի կուլտուրա-
յի ու լուսավորության հարցերով: Կոմունիստական պարտիա-
յի լենինյան ազգային քաղաքականության շնորհիվ, սովե-
տական քուրդ ժողովուրդը բռնեց սոցիալիստական կուլտու-
րայի ուղին:

Հայ և քուրդ ժողովուրդները դարերով բաժանել են օտար-
ազգի կեղծքիչների պատճառած զրկանքները: Հայ պրոգրեսիվ
գրողներից շատերն են գրել քրդերի մասին: Սակայն ամենից

նշանակալիցը քրդական կուլտուրական օջախների ստեղծումն
է Սովետական Հայաստանում: Հենց այստեղ էլ ստեղծվեց
քրդական ինտելիգենցիան, աճեցին գրական կադրերը, որոնք
քրդական ընդհանուր լեզվի ու գրականության ստեղծման
պիտեններն են: Կասկածից վեր է, որ Սովետական Հայաս-
տանում ստեղծված քրդական կուլտուրան իր նշանակությամբ
դուրս է գալիս Սովետական Միության մեջ ապրող քրդերի
կուլտուրական աճման շրջանակներից: Մենք սրտանց հաշո-
ղություն ենք ցանկանում քուրդ ժողովրդի նոր կուլտուրան
ստեղծող մարտիկներին¹»:

Սովետական շրջանի քրդական գրականությունը սաղմնա-
վորվել ու զարգացել է արևավառ Հայաստանում և այստեղից
էլ նա տարածվել է մեր միության քրդաբնակ բոլոր վայրերը:
Հիրավի, հայ ժողովրդի կուլտուրան և լեզուն քրդերի համար
հանդիսացավ այն հիմնական կամուրջը, որի միջոցով հնա-
րավորություն ստեղծվեց սովետական քրդերին հաղորդակից
գարձնելու ռուս մեծ ժողովրդի և համաշխարհային կլասիկ
գրականությանն ու հարուստ կուլտուրային: Հենց այդ առու-
մով էլ քուրդ երիտասարդ շնորհալի բանաստեղծ Մ. Ռաշիդը
լավագանց ճշմարտացիորեն, սրտառու կերպով ու մեծ կեր-
քով գովքն է անում նույն ժողովրդի մայրենի լեզվի:

Անքուն գիշերներին, կարոտ սիրածիս,
Անցնում եմ մենակ ընձ պարտեզով,
Եվ սիրո մի երգ հուզված շուրթերիս
Դողդողում է հին հայերեն լեզվով:

Թեպետ օրոցքիս մայրս կիսարթուն
Օրոր չի երգել հայերեն լեզվով,
Բայց երբ ինքնուրույն քայլեցի բակում,
Ինձ կանչում էին հայերեն լեզվով:

Մանուկ օրերում կապած փայտե ղենք՝
Հերոս դառնալու սենյով ու հույսով,

¹ Ս. Թովմասյանի նախը, Սովետական Հայաստանի գրողների 4-րդ
համագումարում, «Սովետական Հայաստան», 24 հունվարի, 1959 թ.:

Միշտ ընկերներով խաղում էինք մենք,
Վիճում իրար հետ հայերեն լեզվով:

Մեր տան պես ծանոթ դպրոցի ճամփին
Տարվել եմ հաճախ օրվա դասերով,
Տողերը երգի սովորած անգիր,
Մումնշում էի հայերեն լեզվով:

Խանդավառ սրտով, քայլերով վստահ՝
Ես կյանք եմ մտել լուսե դռներով,
Եվ միտքս ու հոգիս թափելով անահ
Աշխարհ են շրջում հայերեն լեզվով:

Թեպետ ուրիշ է մայրենի լեզու՝
Լացի պես հուզող, շանթի պես կիզուն,
Բայց հարազատ է քրդական հոգուս
Արևանման, բորբ հայոց լեզուն:

Կյանքի հմայքը հիմա իմ սրտում,
Ու դերված վաղվա անգուսպ երազով,
Ես ոտասց լեզվի օվկիանն եմ մանում
Իմ քաղցրարարատ հայերեն լեզվով:

Համատեղ ապրող քուրդ ժողովրդի բազմաժանր և հարուստ
ժողովրդական ստեղծագործությունների լավագույն նմուշները
իր սրտին մոտ ու հարազատ է ընդունել նաև հայ ժողովուրդը:

Հիրավի, այդ է պատճառը, որ հայ անվանի շատ գրողներ
ու բանաստեղծներ առանձին խնամքով ու մեծ հաճույքով,
հարազատորեն վերամշակել են քրդական ժողովրդական վիպ-
երգերը, ասացվածքները, առակները: Հիշենք դրանցից մի քա-
նիսին՝ Ավ. Իսահակյանը մշակել է «Լեյլի և Մեջլումը»,
Վ. Փափազյանը՝ «Լուր-դա-Լուրը», Սիրասը՝ «Մամեն ու
աշեն», Կ. Սիտալը՝ «Մամ ու Զինը», Աղավնին՝ «Արուզեյթը»,
Հովհ. Շիրազը՝ «Սիամանթոն և Խշեղարեն» և այլն:

Դարերի խորքից եկած և բազմաթիվ փորձությունների
ենթարկված քուրդ ժողովրդի առաջավոր մարդիկ շարունակ
տենչացել են իրենց ժողովրդի լուսավոր օրվա մասին. այս
առթիվ ահա թե ինչ է գրել 16-րդ դարի հուշակավոր քուրդ

բանաստեղծ Ահմեդե Խանին՝ իր նշանավոր «Մամ ու Զին»
պոեմի նախերգանքում.

Աբդյո՞ք մենք էլ կունենանք մի օր,
Մեզ օգնող, պաշտպանող՝ մի մարդ լուսավոր,
Որ սիրի գազել, գիրք ու գիտություն,
Ե՛վ շնորհք, և՛ կարգ, և՛ բանաստեղծություն:

Մեծ բանաստեղծի լիզձերն ու երազանքներն իսկական
իրականություն դարձան միայն Սովետական Միությանում
ապրող քրդերի համար: Այն օրը, որի մասին բանաստեղծը
տենչում էր, այդ ազատարար Հոկտեմբերն էր, իսկ այն մագ-
դը, որ իրենց պաշտպան պիտի հանդիսանար, այդ Լենինն
էր անմահ:

Ինքնուրույն ու թարգմանական սովետական քուրդ գրա-
կանության բուռն զարգացման հետ միասին, աչքաթող շարվեց
նաև արվեստի բնագավառը: 1936 թվականին աշխարհում
առաջին անգամ Սովետական Միությանում կազմակերպվեց
քրդական շրջիկ պետական թատրոնը, բացառապես քուրդ
դերասանական կազմով: Տղամարդ դերասանի հետ միասին,
վստահ կերպով բեմահարթակ դուրս եկավ նաև ազատագր-
ված քրդուհին. սա բուրրովին նոր երևույթ էր քուրդ ժողո-
վրդի կյանքում: Այս թատրոնը իր ստեղծագործական փոքրիկ
կոչեկտիվով, որին սկզբից ղեկավարում էր Զարաթե Կոտոն,
իսկ հետո Ասադե Միրոն և Զարդոե Գյանջոն, մեծ ժողովրդ-
դականություն էր վայելում քրդերի շրջանում:

Անդրկովկասի քուրդ աշխատավորության կուլտուրական
սպասարկման գործում զգալի աշխատանք կատարեց այդ
թատրոնը, իսկ Հայրենական Մեծ պատերազմի ամբողջ ժա-
մանակաշրջանում իր հայրենասիրական պիեսների բեմա-
դրումով, հայրենասիրական ջերմ զգացմունքներ էր բորբո-
քում քուրդ աշխատավորության մեջ և նրանց պայքարի կո-
չում Սովետական Հայրենիքի պաշտպանության ու անկախու-
թյան համար:

Քիչ աշխատանք չկատարեցին նաև Թբիլիսիի քրդական
երգի-պարի անսամբլը, գեղարվեստական ղեկավար Սիսյանի

գլխավորութեամբ, Թալինի, Ապարանի շրջանների երգի ու պարի խմբակները:

Սովետական իշխանության տարիներին զարգացավ և նոր իմաստ ստացավ քուրդ աշուղական արվեստը: Աշուղները իրենց երգերում գովքն են անում մեծ Լենինի, Հայրենիքի, Կարմիր Մոսկվայի, սոցիալիստական նոր գյուղի, Սովետական Բանակի, Հայրենական պատերազմ մեկնող սազմիկներին, իրենց դառն անցյալի և ուրախ ներկայի մասին: Այդ տեսակետից արժանի է հիշատակել Ապարանի շրջանի Ալադյազ գյուղի բնակիչ աշուղ Ահմե Չոլոյին, Թալինի շրջանի բնակիչ Նազուկին, Ջալիլե Ռաշոյին, Սահիդե Բարոյին:


Ինքնատիպ, հարուստ ու հմայիչ են քուրդ ժողովրդական երգերը, որոնք շնն վրիպել ինչպես համաշխարհային երաժիշտների, այնպես էլ հայ գրողների և երաժիշտների ուշադրությունից: Հայ մեծ լուսավորիչ Խ. Աբովյանն ուղղակի ասում է. «Ամեն մի քուրդ կամ քրդուհի բնածին երաժիշտ է»: Հայ նշանավոր երաժիշտ Կոմիտասը հայ ժողովրդական երգերի մշակման հետ միասին, հավաքել և մշակել է նաև քրդական ժողովրդական երգերը: Մեր օրերում Սամսոն Գասպարյանը և Կարո Զաքարյանը վերամշակել և ձայնագրել են քրդական ժողովրդական մի շարք երգեր:

Շատ բազմապիսի և բազմաբովանդակ են Սովետական Միության քրդերի 40 տարվա ընթացքում ձեռք բերած աննախընթաց հաջողությունները կյանքի բոլոր բնագավառներում, սակայն մենք կբավարարվենք այսքանով:

Մարդկային հասարակության զարգացման պատմության մեջ, Սովետական հասարակարգը առաջինն էր, որ քաղաքական և բարոյական զարգացման պայմաններ ստեղծեց նախկինում ճնշված և կեղծբոված բոլոր ժողովուրդներին, այդ թվում նաև մոտացության տրված բազմաշարժար քուրդ ժողովրդի մի փոքրիկ խավի համար, որն ապրում է Սովետական Մության նոսր: Սովետական Միության քրդերի ձեռք բերած նվաճումները Կոմունիստական մեծ պարտիայի լենինյան ազգային քաղաքականության փալտն ցուցադրումն է:

Բ Ո Վ Ա Ն Գ Ա Կ Ո Ւ Թ Յ Ո Ւ Ն

Հեղինակի կողմից	3
Գլուխ առաջին — Քրդերի էթնիկական ծագումը	5
Միջինական ցեղային միության ծագումը	13
✓ Գլուխ երկրորդ — Քրդատանի աշխարհագրությունը և էկոնոմիկան	28
✓ Գլուխ երրորդ — Բնակչության քանակը, տեղաբաշխումը և սոցիալական կառուցվածքը	37
Բնակչության քանակը և տեղաբաշխումը	37
Յեղային կառուցվածքը	42
Սոցիալ-տնտեսական կառուցվածքը	54
Գլուխ չորրորդ — Լեզուն, կուլտուրան, գրականությունը և դավանանքը	60
✓ Լեզուն	60
✓ Կուլտուրան և գրականությունը	63
✓ Դավանանքը	73
✓ Գլուխ հինգերորդ — Պատմական անցյալից	77
Քրդատանը արաբական խալիֆայի էպոխայում	77
Քրդատանը սելջուկների էպոխայում	89
Քրդատանը էյուբեյանների դինաստիայի ժամանակաշրջանում	85
Քրդատանը մոնղոլական տիրապետության շրջանում	89
Քրդատանը Թինուրի ժամանակաշրջանում	94
✓ Քրդատանը թուրքական և պարսկական կոնիստանթնյան թաթարներում	101
✓ Գլուխ վեցերորդ — Քուրդ ժողովրդի ազատագրական պայքարը ընդդեմ օսման բռնակալների	114
Ապստամբությունը Երզրանի ղեկավարությամբ	116



Քրդերի վիճակը Եզգանշիրի ղեկավարած ապստամբությունից հետո	126
Շեյխ Իբահուլի ղեկավարած ապստամբությունը	123
Քուրդ ժողովրդի ազատագրական շարժումները XX դարի առաջին կեսին	143
Երկրորդ համաշխարհային պատերազմը և քրդերը	164
Գլուխ յոթերորդ — Սովետական Միության քրդերը	214
Քրդերի վիճակը սուսական ցարիզմի տիրապետության օրոք	214
Հսկանման Սոցիալիստական Մեծ սեուլուցիան և ազատագրված քուրդ ժողովուրդը	222

ԴԱՏԱՎԱԾ ՎՐԻՊԱԿՆԵՐ

Էջ	Տող	Տպված է	Պետք է լինի
11	15 վ.	դաժանություններ- րից	դաժանություն- ներից:
26	5 վ.	իմաստով...	իմաստով...
29	12 ն.	400 մ.-ից:	4000 մ.-ից:
62	17 ն.	„Körmanni“:	„Körmanni“:
64	9 վ.	Սալահ-էդ-Գին	Սալահ-էդ-Գին
242	11 ն.	ուսուցիչ:	ուսուցիչ
255	12 ն.	Ասադե Միրոն	Միրոն Ասադ
28	վ.	1900.	900
151	6 վ.	Փրանսիա	թուրքիա

Թուղթ՝ 84 × 108¹/₂ տպագր. 16,25 մամ. = 14,3 պայմ.
մամ., հրատ. 11,5 մամ.: Գինը 4 ո. 15 կ.

ՀՍՍՌ Կուլտուրայի մինիստրության Հրատարակչությունների
և պոլիգրաֆարդյունաբերության Գլխավոր վարչության
Պոլիգրաֆկոմբինատ, Երևան, Տեղյան 31: